



*Rd Benyon De Beauvoir,
Englefield House,
Berks.*



May 1704
HISTOIRE
DES PLUS ILLUSTRES


ET
SCAVANS HOMMES
DE LEURS SIECLES.

Tant de l'Europe que de l'Asie,
Afrique & Amerique.

Avec leurs Portraits en Tailles-douces,
tirez sur les veritables Originaux.

Par A. THEVET Historiographe.

TOME HVICTIESME.



A PARIS,

Chez FRANÇOIS MAUGER, au quatrième
Pilier de la grand' Salle du Palais,
au Grand Cyrus.

M. DC. LXX.

AVEC PRIVILEGE DV ROY.

Digitized by the Internet Archive
in 2017 with funding from
Getty Research Institute

890

TABLE DES CHAPITRES
du VIII. Volume de l'Histoire des plus
Illustres & sçavans Hommes
de leurs siècles.

C Charles de Lorraine, Cardinal,	c. 1 p. 1
Pierre Danes, Evêque de la Vauze,	c. 2 p. 15
Alexandre Piccolomini Senois,	c. 3 p. 29
Guillaume Postel,	c. 4 p. 37
René Cardinal de Birague Chancelier de France,	c. 5 p. 49
Q Horace Flaccus Poète,	c. 6 p. 69
Marc Terence Varron,	c. 7 p. 77
Ælius Plantus, Poète Comique,	c. 8 p. 85
Marc Tulle Ciceron,	c. 9 p. 93
Lucius Anneus Seneque,	c. 10 p. 105
Marc Fabius Quintilien,	c. 11 p. 127
Plin second,	c. 12 p. 135
Domice Ulpian Jurisconsulte,	c. 13 p. 143
Tite-Live Padouan, Historien,	c. 14 p. 151
Aboalis Avicenne, Medecin,	c. 15 p. 169
Iules Cesar premier Empereur de Rome,	c. 16 p. 179
Fergus I. Roy d'Escoffe,	c. 17 p. 189
Saladin Soldan d'Egypte,	c. 17 p. 201
Tamerlan Empereur des Tartares,	c. 19 p. 209
Mahemet second du nom,	c. 20 p. 227

<i>Tomombey dernier Soldã d' Egypte,</i>	c. 21 p. 251
<i>Atabalipa Roy du Peru,</i>	c. 22 p. 59
<i>Motzume Roy de Mexique,</i>	c. 23 p. 273
<i>Cherif Roy de Fez & de Maroc,</i>	c. 24 p. 281
<i>Barberousse, Admiral pour le Turc en la mer du Levant</i>	c. 25 p. 289
<i>Nacolapson, Roy du Promontoire des Canni- bales,</i>	c. 26 p. 297
<i>Sultan Mustapha, fils du Sultan Solyman,</i>	ch. 27 p. 305
<i>Paracoussi Roy de Plate,</i>	c. 28. p. 323
<i>Hsnael Siphy, Roy de Perse,</i>	c. 29 p. 327
<i>Quoniambec,</i>	c. 30 p. 345
<i>Paraousti Satouriona Roy de la Floride,</i>	ch. 31 p. 353

Fin de la Table du huitiesme Volume.





*CHARLES DE LORRAINE
NE, CARDINAL .*



HISTOIRE

DES PLUS ILLUSTRES

ET

SCAVANS HOMMES

DE LEURS SIECLES.

TOME HVITIESME.

CHARLES DE LORRAINE,
Cardinal.

CHAPITRE PREMIER.



'AVTANT que le sujet des
actes memorables de Charles,
Cardinal de Lorraine, est si
ample, que ce peu de papier
que j'en pretends remplir, n'est pas suf-

Tome VIII.

A

2 *Histoire des ſçavans Hommes,*

ſiſant, pour les comprendre, ie m'aſſeure que le Lecteur ne trouvera mauuais, ſi ie les paſſe plus legerement qu'ils ne ſemblent meriter. Et ſur cette aſſurance, commenceray à ſa natiuité, qui fut l'an mil cinq cens vingt quatre, le dix-ſeptieſme Feurier, au temps que quelques Provinces d'Allemagne receurent la doctrine de Luther. Or eſtant ce Seigneur parvenu en l'aage de ſix ans, il fut enuoyé à Paris au College Royal de Champagne, dit de Nauarre, pour eſtre inſtruit) comme d'ancienne & loüable façon l'on a accouſtumé faire les enfans de tel aage) aux ſciences humaines & liberales: leſquelles il comença deſlors à aymer tant, qu'en bref ſe connut en luy la viuacité de ſon eſprit. De forte qu'en peu de temps il ſurpaſſa en doctrine tous les autres eſcoliers de ſon aage, ſoit à compoſer, oués diſputes ordinaires. Eſtant doüé de ſi excellentes perfections, en ſa quatorzième année, il fut par la volonté du Roy, & diſpenſe du Pape Paul troiſieſme, deſigné Archeveſque de Rheims, vaquant par le treſpas de Robert de Lenoncourt. En laquelle dignité, quoy qu'il fut jeune, il ſe comporta ſi ſagement, qu'il ſeruoit d'exemple aux plus vieux de ſon Eſtat. Pour cette

Charles de Lorraine, CHAP. I. ;

cause le Roy François premier, (pere & restaurateur des lettres & de toutes sciences) le donna à son fils Henry, lors Dauphin & depuis Roy de France second du nom, pour luy servir de conseil & conducteur en ses affaires. Et quoy que les delicateffes & voluptés qui abondent à la Cour, corrompent le plus souvent la premiere bonne nourriture de la ieunesse: toutesfois retourné qu'il fut du College, abhorrant les passe-temps & plaisirs qui s'y exercent, il employoit le loisir qui luy restoit à ouyr les plus excellens Docteurs en Philosophie, Loix, & Theologie qui se pouoyent trouver, lesquels il caressoit & suiuoit volontiers: par lequel moyen il fut fait l'un des plus excellens Philosophes & Theologiens qui ait esté de long-temps. De maniere que tant qu'il a vécu il a esté estimé tenir (s'il m'est loisible de faire comparaison, quoy qu'elle soit fort dangereuse pour la consequence & inegalitez qu'on pourroit trouver en deux choses rapportées par ensemble) en la France le mesme lieu, qu'autrefois tenoient Ciceron à Rome, & Demosthene en la Grece: sur l'eloquence & prudent Conseil desquels, la liberté des leurs s'appuyoit con-

4 *Histoire des ſçavans Hommes,*
tre les oppreſſeurs d'icelle. Le meſ-
me auſſi qu'a tenu du commencement
en l'Eglife Saint Paul, comme eſtant ce-
luy, qui avoit continuelle ſollicitude de
toutes les Eglifes de France. Je ſçay
bien que ceux qui ne ſouhaitent que mal-
heur à la maiſon de Lorraine, ne m'accor-
deront telles qualitez, mais pluſtoſt le de-
figureront comme le plus ſale & deſhon-
neſte qui ſoit entre tous les François;
mais ſ'il falloit mettre cartes ſur table,
on en verroit beaucoup d'eſtonnez. En
l'an mil cinq cens quarente ſept, le ving-
troiſieſme de ſon âge, il fit un voyage à
Rome, où il fut fait Cardinal par le Pape
Paul troiſieſme. Or le Roy Henry deu-
xieſme eſtant parvenu à la Couronne, ne
diminua en rien la bonne volonté qu'il
luy portoit deſia du vivant de ſon pere;
mais l'augmenta de beaucoup, le conſti-
tuant le premier de ſon Conſeil privé;
aſſeuré que celuy que Dieu avoit doué
d'une ſi bonne nature & de tant de perfe-
ctions, ne pourroit perſeverer que de bien
en mieux. En laquelle charge il ſe com-
porta ſi ſagement & avec telle discre-
tion, que le Roy ſe repoſoit ſur luy de
toutes les affaires du Royaume. Luy ſeul

ouvroit les paquets envoyez d'Asie, d'Espagne, d'Allemagne, d'Angleterre, d'Italie, de Flandre, d'Ecosse & de toutes les parties du monde. Luy seul examinoit les requestes & commissions, luy seul respondoit à tous. D'avantage lors qu'il fallut traiter la paix entre les François & Espagnols au camp d'Amiens, apres la prise faite de Calais & Thionville par François de Lorraine Duc de Guise son frere, ce docte Cardinal fut commis par le Roy pour ce faire : Et les articles ayant esté longuement débattus, enfin la paix fut accordée entre ces deux Princes, qui auparavant estoient grands ennemis. Qu'est-il besoin que je fasse icy mention de tres-saintes exhortations par luy proferées en l'Eglise de Rheims au sacre du Roy Henry, par lesquelles il se rendit si admirable, que l'on eût dit n'estre plus ce Charles de Lorraine, mais un autre Saint Henry, le lieu duquel il tenoit ? Que diray-je de cette Oraison prononcée en la presence du Roy, en l'assemblée des trois Estats apres le desastre survenu en France par la bataille de Saint Quentin ? Allegueray-je cette Oraison tres-docte & tres-grave, qu'il fit au Colloque de Poissy, les Reformez

6 *Histoire des sçavans Hommes,*
crevans de despit? Que diray-je aussi d'une infinité de doctes & saintes Predications qu'il a faites au peuple, tant és Eglises Cathedrales de Paris, Rheims, qu'autres lieux celebres? Que me servira encore de reciter de quelle façon il a esté aimé & chery des Roys François second, Charles neufiesme, & de Henry troifiesme, pour son prudent & advisé Conseil, duquel tant qu'il a vescu ils se sont servis en leurs plus urgentes affaires. Je diray donc pour le faire court, que son eloquence & exquis sçavoir n'ont esté seulement connus de nostre France, mais de toutes les nations de l'Europe, & principalement de l'Italie, en quatre voyages qu'il a faits à Rome: là où il les déploya tellement, que les Romains s'en estonnerent, & le jugerent l'un des plus diferts & mieux difans qu'ils ayent eu depuis le pere de l'eloquence Ciceron, quoy que nostre France abonde assez en braves & diferts harangueurs: Aussi avoit-il la langue si diferte, les mots bien choisis & d'une si grande eloquence, que son Oraison sembloit un torrent vehement & impetueux: L'elegance de ses sentences, la grace & maintient à les prononcer estoit si grande, qu'on ne se fâchoit de l'oïr,

jamais on ne se laissoit de l'escouter pour la longueur du temps. Que voulez-vous que j'adjouste à ces perfections? La harangue par luy prononcée premierement en Latin, puis en François en la ville de Vvic (lors que comme Eve sque de Mets il tint ses Estats, où assisterent plusieurs Comtes d'Allemagne, Barons & autres Nobles, qui relevent de l'Evesque dudit lieu) le soin & vigilance qu'il a eu à regir & policer son Diocèse de Rheims suivant le decret du Concile de Trente, en rendent assez ample témoignage. Je sçay bien que quelques malveillans & ennemis de ce Seigneur & des siens, l'ont taxé par leurs escrits d'une grande avarice & ambition, & que toutes ses actions ne tendoient qu'à s'enrichir & ceux de sa maison. Toutesfois la despence par luy faite pendant les troubles, les bastimens & fondations par luy faites, ont enfin monstté de quel zele estoient poussez ces calomniateurs. Mais afin de ne consommer le temps en tous ses discours, venons au temps auquel se sont plus fait paroistre les perfections & graces, qui estoient en luy. Ce fût lors qu'après le decés du Roy Henry deuxiesme du nom, les guer-

§ *Histoire des ſçavans Hommes,*
res civiles eſtans émeuës , & la confuſion
des choſes parmy la France telle, que le
peuple debattoit de la Preſtriſe avec l'E-
veſque , le Prince avec le Roy , le Gen-
tilhomme avec le Prince, & le Bourgeois
avec le Gentil-homme de tout affaire &
devoir. Bref ce fut lors que la France
eſtant telle , qu'elle ne retenoit aucune
trace de ſa ſplendeur & dignité premie-
re, tous les orages, tourbillons, vents, &
flots des maux & calamitez de ce temps-
là , tomboient principalement ſur luy ;
la haine des ennemis de l'Eglise eſtant
principalement tournée contre luy, com-
me ſi en luy ſeul eut conſiſté le ſalut &
maintien d'icelle. Et ce dautant que par
ſon ſubtil eſprit il découvroit tous leurs
deſſeins & conſeils, & ne faiſoient ny ne
penſoient preſque rien qu'il ne connut.
Et pour cette cauſe ils commencerent à
drefſer des embuches , eſpians tous les
moyens de l'attraper , aſſeurez qu'il n'y
avoit perſonne qui donna plus d'empê-
chement à leurs entrepriſes que luy ;
deſquelles par la grace de Dieu il a eſté
preſervé. Or apres le recouyrement
fait par feu Monſieur de Guiſe ſon frere,
de la pluſpart des villes qui avoient eſté
ſurpriſes par les rebelles, le ſieur Cardi-

nal s'en alla au Concile de Trente, où il estoit attendu il y avoit long-temps ; & là en la presence de l'assemblée il rendit raison par une Oraison courte , mais elegante, de sa venuë si tardive. Cependant qu'il traite en cette sainte Congregation universelle des affaires de l'Eglise, François Duc de Guise est tué en trahison devant Orleans ; la mort duquel il sceut plustost par le bruit qui court que par les nouvelles de France. A cette occasion prevoyant les futures pertes & ruyne, tant de l'Eglise que du Royaume de France, il se retira pres la personne du Roy. Ce fut lors qu'il fut en continuel danger de sa vie , exposé à ses ennemis , & neantmoins il s'est prevalu des aguets & pieges contre luy dresséz. A son retour donc du Concile il se retira en la ville de Rheims, laquelle il s'est estudié de decorer autant qu'il luy a esté possible. Car outre le soin qu'il a eu de policer son Diocese suivant ledit Concile, & la residence personnelle des Curez par luy ordonnée sur leurs Cures, il s'est efforcé de la decorer, non seulement de fossez, rampars, boulevarts , & autres forteresses & munitions ; mais aussi d'une Vniversité & estude generale de Philosophie , Medecine,

10 *Histoire des sçavans Hommes,*

Droits, Loix, & Theologie. Et outre ce, par son conseil & sous l'autorité du Roy, les marais, desquels la ville estoit entourée du costé de la riviere de Veslé, & qui n'apportoient aucun profit aux Bourgeois, ont esté estanchez & reduits en prés & jardins au grand profit du public. Davantage il a dressé en ladite ville au lieu le plus salubre, un Seminaire, c'est à dire un College, pour instruire la jeunesse Ecclesiastique au ministere de l'Evangile & des Sacremens. Il a encore erigé une Vniversité à Pont à Mousson, en laquelle on voit encore d'Allemagne, de France & des villes & villages circonvoisins une infinité d'escoliers. Il estoit bien versé en la Theologie, & en la Philosophie & histoire : tres-eloquent en la langue Latine, en laquelle il a escrit plusieurs Vers sentencieux : La Françoisé luy estoit fort familiere, & parloit proprement l'Italienne : de sorte qu'on eut dit, qu'il estoit naturel de ces pais estrangers. Aussi les Estrangers le cherissoient comme s'il eut esté leur compatriot, né, nourry & eslevé avec eux : tant il sçavoit se façonner aux mœurs & maniere de vivre des Estrangers. Il a aussi escrit deux livres des gestes du Roy Henry,

lesquels ne pouvant poursuivre pour ses grandes occupations publiques, il donna à Paschal Historiographe, pour les insérer en son Histoire. Je ne m'amuseray à discourir icy des hazards par luy échappés depuis son retour du Concile, tant à Paris, Meaux, qu'à autres lieux, ny en quelle reputation il a esté durant le regne de cinq Rois, qu'il a servis fidèlement de premier Conseiller, quoy que ses adversaires taschent, au grand prejudice de la verité, nous faire entendre le contraire, rejettans sur luy la principale faute des troubles, remuemens & mécontentement, qui pendant le defaстрé mal-heur de nos guerres Civiles ont troublé ce Royaume : Je tairay pareillement (pour éviter prolixité) encore les advertissemens qu'il a faits durant sa maladie, tant au Roy qu'à ses neveux, ny la cause d'icelle (qui n'a esté sans soupçon de poison) pour ne sembler trop long & affectionné à publier ses loüanges. Or le Roy estant de retour de Pologne, & arrivé à Lyon, (où ledit Sieur Cardinal s'estoit rendu pour aller au devant de sa Majesté) il delibera de passer en Languedoc, & autres Provinces limitrophes, pour appaiser les troubles

12 *Histoire des ſçavans Hommes,*
de la guerre Civile. Et à cette fin par-
tit de Lyon & s'en alla en Avignon : Au-
quel lieu le huitiefme jour du mois de
Decembre il fut faiſi d'un mal de teſte &
d'une fièvre ; il deceda le Dimanche
vingt fixiefme dudit mois de Decembre,
ſur les quatre heures du matin, l'an mil
cinq cens ſoixante & quatorze, âgé de
quarante neuf ans dix mois huit jours &
quatre heures ; au grand regret du Roy,
de la Reyne ſa mere, de tous les Princes,
Seigneurs & peuple de France. Son corps
fut porté en la ville de Rheims, & inhu-
mé derriere le grand Autel dedans le
circuit du cœur de l'Egliſe Cathedrale,
en un ſepulcre de long-temps par luy pre-
paré à cette fin. Sur le Tombeau duquel
eſt eſcrit le preſent Epitaphe.

D. O. M.

CAROLVS. S. R. E. PRESB. CARD.
DE LOTHARINGIA, ARCHIEPISCOPVS,
DVX RHEMENS. PRIMVS PAR. FRANC.
S. APOSTOL. SEDIS LEGAT. NAT. DE
MORTE ET RESVRRECTIONE COGITANS,
VIVENS SIBI. POSVIT. ANNO M. D.
LXXVIII. PONTIFICATVS SVI ANNO

Charles de Lorraine, CHAP. I. 13

XXXV. VIXIT ANNOS XLIX. MENSES.
X. DIES VIII. HORAS IV. OBIIT ANN.
DOM. M. D. LXXIV. VII. CALEND.
IANUAR. REQUIESCAT IN PACE.
AMEN.

Et à l'entour des bords dudit tombeau
sont gravez ces mots.

EGO CREDIDI, QVIA TV ES CHRIS-
TVS FILIVS DEI VIVI, QVI IN HVNC
MVNDVM VENISTI.

C'est à dire : l'ay creu que tu es le
Christ fils de Dieu vivant , qui est venu
en ce monde.





PIERRE DANES, EVES-
que de la Vaur.

CHAPITRE II.



E me suis adressé à plusieurs de ceux que j'estimois estre proche à ce digne personnage, pour recouvrer d'eux son portrait, qui m'ont esconduit de ma requeste, s'excusans sur ce qu'eux-mesmes n'estoient pas meublez d'un si precieux & riche joyau. Pour cela je n'ay voulu, puis que je dressois icy la liste des hommes Illustres, de tant m'oublier, que je ne luy assignasse lieu, l'ayant autrefois connu assez facilement, & remarqué en luy plusieurs singularitez, qui le rendoient grandement recommandable. De ma part je puis tesmoigner que c'estoit vn Seigneur, lequel cherissoit les hommes rares, doctes & vertueux, &

18 *Histoire des ſçavans Hommes*,
qui, au contraire de pluſieurs qui ne
cherchent que d'eſtre ſeuls bien veus par
leurs Princes, ſe réjouïſſoit quant il pou-
voit employer la faueur & credit qu'il
auoit entiers ſon Prince, pour l'auance-
ment de ceux, leſquels il connoiſſoit
eſtre de miſe. Il eſt iſſu d'une des ancien-
nes & encores plus ſignalées familles de
Paris, qui eſt celle des Danes, de laquelle,
comme d'une tres-ſeconde pepiniere ont
eſté tirés pluſieurs officiers du Roy, &
qui ſe ſont genereuſement employés pour
le bien du public. De maniere que ce n'eſt
merueilles, ſi cét excellent ſurgeon,
nourry & eſleué du ſuc d'une ſi heureuſe
plante a auſſi embrailé l'amitié du public,
autrement il eut fallu qu'il for-lignast
de la trace de ſes anceſtres. De m'arreſter
ſur le lieu de ſa naiſſance, ſeroit eſpuifer
l'eau de la mer, dautant que les merueilles
du grand gouffre des excellences Pari-
ſiennes nous entre-laſſeroyent dans vn
labyrinthe, duquel à peine pourrions
nous nous retirer. Me ſuffira de fai-
re ſortir de Paris ce flambeau de ſcien-
ce Guillaume Budé, non point pour ba-
lancer la ſuffiſance de l'un avec l'autre,
dautant que la partie ſeroit par trop ine-
gale, pour la diverſité du temps, auquel
tous

tous deux ont vescu , qui pourra suppleer ce qu'on voudroit souhaiter en l'un ou en l'autre. Il vaut mieux les accoupler l'un à l'autre pour le mesme but , que tous deux ont pris pour auancer la connoissance des lettres Grecques , laquelle par le piteux defastre des Constantinopolitains, fut resuscitée l'an mil quatre cens cinquante trois en Italie par Theodore Gaze , Georges de Trebizonde , le Cardinal Bessarion , Emanüel Chrysolore & autres , sept cens ans apres qu'elle auoit esté bannie de l'Eglise Latine. Peu de temps apres , qui estoit l'an mil cinq cens vingt & trois, Hermotime Spartan & Iean Lascaris commencerent à ramener en France les lettres Grecques: Qui, ayans pour successeurs ces deux Parisiens, furent contraints de leur quitter la patrie , & enfin Budé au docte Danes , ainsi qu'a esté fort bien remarqué par Monsieur Genebrard , Docteur en Theologie & Professeur du Roy és lettres Hébraïques; en l'Oraison funebre, qu'il prononça sur le trespas de ce tres-digne Prelat , le Samedi vingt-septiesme iour d'Auril mil cinq cens soixante & dix-sept. Là il fait une comparaïson fort elegante de ces deux perles de doctrine , & entr'autres.

points il couche celui , que Budé estoit fort excellent en la Theorique, mais qu'il ne l'a point mise en pratique. Où nostre Danes en a remply toute l'Europe Latine, ayant par un si long-temps versé en la charge de premier Lecteur és Lettres Grecques, & esclos les plus delicats cerveaux qui soient en la France, pour l'elegance de la langue Grecque. La plupart desquels sont encore tous pleins de vie, & en si grand nombre, que s'il falloit particulièrement ouïr le tesmoignage d'un chacun faudroit y employer l'espace de plusieurs années. En ce, peut-estre, trouvera-t-on avoir manqué le docte Danes, qu'il n'a amassé plus de liures : Ce qui eut esté pour la grande illustration, & esclarcissement des bonnes disciplines. Mais ce bon Seigneur n'estoit de ses griffonneurs, qui ne se donnent peine, si leurs escrits sont bien ou mal faits, moyennans qu'ils brochent & entassent des mots, qui ne s'entre-suivent, & au lieu d'edifier les Lecteurs & agrandir leur renommée, se rendent ridicules, qui, faut bien, ou ils seroient trop abrutis, qu'ils n'ayent appris ce que disoit Domice Pison, qu'il ne falloit composer des livres, car il y en a trop, mais des tresors. Ce.

n'est pas que je condamne la diligence & louable affection de ceux, qui départissent au public le talent, qui leur a esté donné par le Seigneur, comme aussi ne faisoit le Sieur Danes, qui encore qu'il n'eut mis sur l'estampe plusieurs livres, ne laissoit pourtant à fureter les secrets des sciences, pour les communiquer à la postérité, mais il avoit devant ses yeux cette digne sentence d'Horace. *Nonumque prematur in annum*, & ne vouloit precipiter les œuvres qu'il avoit en main, mais falloir que par plusieurs & diverses fois il les eut veuës, lues & façonnées, avant que les produire en lumière. Que si ses parëns permettent, je m'assure qu'on recouvrera d'entre ses livres plusieurs siennes œuvres, qui découvriront à la postérité une erudition abstruse & profonde. Outre les missives & harangues qu'il a composé, il a illustré de scholies Aristote & Tertullien, & a passé sa plume sur plusieurs livres, tant sacrez que profanes. Des Italiens, Allemands, Suisses & Espagnols, il estoit tellement prisé, qu'ils se reputoient à tres-grand bon-heur de pouvoir tenir la resolution, qu'il leur pouvoit donner des doctres & difficultez dont il estoit interrogé.

20 *Histoire des ſçavans Hommes*,
Meſme au Concile de Trente ſ'y cele-
broit un ſien Apophtegme. Cependant
qu'un Docteur en la Faculté de Theolo-
gie à Paris, haranguoit contre les abus
des matieres Beneficiales & de la Roüe
de Rome, un certain plus eſtourdy que
ſage & bien adviſé, ne prenoit point trop
de plaisir qu'on voulut reformer ſa gibe-
ciere, dit à ſes voiſins par moquerie *Gal-
lus cantat*, où pour lors ſans y penſer &
d'un ſeul bon naturel noſtre Danes luy
rendit bien ſon change : *Vtinam*, dit-il,
*Gallicinio Petrus adreſpiſcentiam & fletum
excitetur*. Dieu veuille qu'à ce chant de
François ou de coq l'Eveſque ou ſucceſ-
ſeur de Saint Pierre, ſe réveille à pleurs
& reſpiſcence. Que ſ'il eſtoit excellent
pour la rareté de ſon digne ſçavoir, en-
core plus le rendoit admirable l'integrité
de ſa vie, laquelle ſi je voulois de point en
point éplucher, il faudroit ſur chacun
chef d'icelle dreſſer un traité particulier.
Je me contenteray de ramentevoir le de-
voir qu'il faiſoit à ſecourir & ſurvenir
aux neceſſitez des pauvres. Deſquels il
eſtoit tellement ſoigneux, qu'il employoit
la meilleure part du revenu de ſon Dioce-
ſe apres eux, & entretenoit certains Ef-
coliers en cette ville. Où quoy que pour

les necessitez de l'Eglise il se fut retiré, si est-ce que les aumosnes se continuoient, ayant tousiours laissé six cens septiers de bled pour les faire, & entretenir ceux qui en avoient la charge. Ce que j'ay bien voulu particulariser, pour en faire une contremire de ceux, qui en l'estat de leur despense ne couchent les pauvres que pour neant, au lieu que les pauvres devroyent tenir le premier article, ainsi qu'a doctement deduit Pierre le Chantre, l'un des premiers Scholastiques, en son livre Chapitre quatre-vingts deuxiesme, puis que le bien de l'Eglise est le Patrimoine de Iesus-Christ, duquel les Prelats sont dispensateurs & non maistres ou Seigneurs, la distribution des deniers & autres choses n'est point aumosne, mais plustost partie deuë, & de laquelle ils se doivent acquiter, s'ils ne veulent estre tenus pour larrons, brigands & sacrileges. Et neantmoins le Chapitre des pauvres demeure en blanc pour la pluspart : ce qui a donné occasion à quelques-uns de dresser de grands rôles & departemens des parties deües aux pauvres, qu'on tient en souffrance, ou plustost qu'on leur retient & dérobe. Quant à moy je ne veux pas entrer icy en investive contre

aucun & ſemer tels traitez ſatyriques, toutesfois je ne puis me tenir de dire que je ne me plaigne de l'ingratitude & méconnoiſſance de pluſieurs Cardinaux, Abbez & autres Prelats, qui ont veu, ouy & entendu quelle eſtoit la miſere de pluſieurs pauvres, au reſte gens vertueux & rares en ſçavoir, telle qu'eſtoient Vo-
delle, Oronce Fine, Poſtel, Regius, Belle Foroſt, & un aſſez grand nombre d'autres, qui apres leur mort n'avoient pas dequoy ſe faire enterrer, & ſi n'ont daigné ouvrir leurs entrailles de miſericorde pour leur rendre un ſeul pauvre denier. D'eau benite de Cour jamais ils n'ont manqué, euſſent volontiers pris plaifir de Ragotter & ſ'aquiter de leur debte pour un tel quel courtiſé accueil. Ils devroient ſe façonner ſur ce tres-digne Cardinal George d'Armaignac, qui entretenoit ce grand perſonnage Pierre Gilles, qui fut envoyé en Grece par le Roy François premier, pour recouvrer des livres rares: & eſtant adverty qu'il avoit eſté pris par les Galeres du grand Turc, qui eſtoient en l'iſle de Gerby, envoya pour le rachepter en la ville d'Alger cinq cens ducats. Et apres ſa mort luy fit dresser au Temple de ſaint Marcel à Ro-

me ce superbe & magnifique tombeau , qui ne sert point tant pour eterniser la memoire de ce miracle des sciences Pierre Gilles, que pour recommander la non assez prisee affection de ce vertueux Cardinal. Je n'oserois leur mettre en butte nostre Danes , d'autant qu'ils pourroient alleguer que je luy suis particulierement affectionné, ayant esté présenté par luy à Amboise à François pour lors Dauphin & apres Roy de France second du nom, lors que je revenois de mon premier voyage du Levant , & que je luy eu communiqué & donné plusieurs medalles antiques & rares, (dont il estoit fort amoureux) que j'en avois apporté. Si faut-il pour n'estre méconnoissant que je publie la sincerité & pieté de ce Prelat, qui fera peut-estre rougir de honte nos nouveaux Evesques & Abbez, qui depuis vingt-cinq ans ont esté montez sur les Chaires, lesquels alors qu'ils estoient un peu plus bas qu'ils ne sont , preschoient & excitoient le peuple à pieté & aumosnes , mais dès qu'ils ont esté croissez & mittrez, ils ont chargé un bandeau devant les yeux si espais, qu'ils n'ont sceu appercevoir ce qu'il voyoient auparavant. Il faut bien


24. *Histoire des ſcavans Hommes,*
qu'ils ayent eu la veuë bien troublée, &
que les honneurs changent outre les
mœurs les courages & affections. Mais
laiffans ce propos, retournons à noſtre
Danes, qui pour la Philoſophie ne ſe laiſ-
ſoit devancer à aucun de ſon temps, dont
pourront témoigner pluſieurs, qui ont
eu ce bon-heur de l'oüir philoſopher en
ſa chaire Royale de Cambray, avec autant
de frequance & celerité, qu'autre jamais
ſe puiſſe promettre. Aux Mathemati-
ques ſ'il y eſtoit entendu, on ne peut en
douter, ſi on ne vouloit rejeter le témoi-
gnage qu'une infinité de perſonnes pour-
roit en donner : & afin que je ne m'égare
en un trop long & ennuyeux diſcours, où
m'appelleroit l'honneur que je luy por-
toient, comme à leur Docteur & Prece-
pteur le Cardinal de Tournon, & le Sei-
gneur de Salua, pour toute preuve je ne
daignerois employer que l'autorité de
Monſieur le Duc de Nevers, qui confeſſe
avoir appris une partie d'icelles de ſon
Danes. Aux langues il a donné ſi à pro-
pos, qu'outre l'Italienne & autres vulgai-
res il avoit en telle perfection l'Hebraï-
que Grecque & Latine, qu'on eut dit que
de la mammelle de ſa nourriſſe il eut fa-
çonné

donné le fil de sa langue à ces trois idiommes. Estant accompagné de telles & si bonnes parties, ce n'est pas merueilles s'il a esté retenu au service de quatre Roys de France. Ce fut luy, qui eut cét honneur de monter le premier en la chaire Royale, apres l'institution, que fit ce grand restaurateur des lettres François premier, du College des Lecteurs Royaux, en l'année mil cinqcent trente, dautant qu'il fut esleu & esleué en telle dignité avant François Vatable, & Agatius Cuidacerius Professeurs Hebreux, Martin Problacion Mathématicien & Jacques Tusan son Colleague & aussi Professeur en Grec. Quelques années il fit intermission de cette profession, pour autant qu'il desiroit voyager, & impetra de substituer Strasel en sa place, & d'accompagner Georges de Salua en Italie, qui s'en alloit à Venise pour Ambassade. Là il n'y eut antiquité, cabinet ou rareté qu'il ne visita, dont apres son retour, au grand profit & honneur de nostre France, il sceut tres-bien en enrichir sa Bibliotheque & esmailler ses graues discours. Ce fut luy, qui au Concile General de Trente, qui estoit ouvert, fit ceste tant prisée harangue, où il

26 *Histoire des sçavans Hommes;*

fit bien entendre à toute l'assemblée que les François estoient dorefnauant deniaisés. Ne fut ce pas luy , avec Jean de Salignac Docteur en Theologie , Jean Quintin Docteur és decrets & quelques autres fut delegué luge du procès entre Pierre de la Ramée & Anthoine de Gouea Espagnol ; Soubs le Roy François deuxieme du nom) duquel il auoit esté precepteur comme aussi de Monsieur le Duc de Lorraine) il perseuera en Cour, où neantmoins il foudroioit sur les deffaux , qu'il y apperceuoit , & si pour cela ne laissa point d'estre fauorisé & reconnu de l'Euesché de la Vaur , apres le deceds du Seigneur de Selve. Laquelle toutesfois il ne vouloit accepter , qu'à son corps defendant , & par l'importunité de ceux , qui pouvoient luy commander. Cela fut cause qu'il quitta la Cour, & fit retraite en son Diocese, où il fit tel devoir, qu'à tort pourroit aucun , quelque chagrin qu'il fut , s'en mécontenter. Toutesfois ne pouvant y resider tousiours , à cause des troubles qui y estoient , fut contraint de tracasser fort long-temps. Pendant ce temps il fut enuoyé au Concile de Trente pour la seconde fois : &

enfin estant venu pour les affaires de l'Eglise à Paris, il y mourut l'an de grace mil cinq cens soixante & dix-sept, le vingt-troisiesme jour d'Avril; trois heures apres midy, plein de jours, comme aussi cette race est heureuse, d'avoir personnage de longue vie, qui est une benediction grande du Tout-puissant, laquelle il a déployé mesme sur le frere du sieur defunt, qui, ayant passé l'an de son âge quatre-vingt-cinquierme, deceda environ cinq ans auparavant ce digne Prelat.










*ALEXANDRE PICCOLO-
MINI, SENOIS .*



ALEXANDRE PICCOLOMINI,
Senois.

CHAPITRE III.



EVX qui ont accoustumé d'apparier tous hommes les uns aux autres, & mesurer les vertus, puissances, graces & perfections d'un chacun à mesme aulne, trouveront fort estrange, qu'icy je leur presente un personnage, lequel a compris tout seul ce que plusieurs n'oseroient de cent pas adviser pour s'y employer: le sçay bien que la verité du proverbe est assez éprouvée, qui porte que qui trop embrasse mal estraint. Encore plus confesseray-je avec le docte Medecin qu'à cause de la longueur de la science & brièveté de l'âge humain, il n'y en a aucune, tant aisée soit-elle, qui ne requiere bien son homme entierement. Mais pour cela qu'il faille inferer, que c'est folie de s'employer à diverses sciences, ce seroit dire, que puis que les Pigmées de Philostrate ne pouvoient dompter, apprehender &

rompre les furibondes furies du Lyon Nemeien, de l'hydre Lernée, du chef Erymanthien, du taureau inforcable du Cerbere, que le fort Hercules n'a pû en venir à chef. Par ainſi, ſans eclipser l'autorité de telles ſciences, je ſouſtiens, ſi l'axiome des Philoſophes & doctes perſonnages eſt véritable, qu'il n'y a regle tant generale qui ne ſouffre quelque exception, que noſtre Senois a pû ſe mêler de pluſieurs & diverſes profeſſions, ſans'faire brèche à l'une pluſtoſt qu'à l'autre, d'autant que ſ'il eſtoit impoſſible qu'un homme deſſit le cerf Erymanthien, & que Hercules ſeul l'ait terraffé, & auſſi pluſieurs autres animaux, il n'eſt pas incroyable que celui, auquel les Graces divines auront voulu favoriser, ait pû acquerir un grand nôbre de ſciences & les communiquer pour la pluſpart à ſa nation ſous ſon Idiome Tuſcan. Il eſtoit ſi bien appuyé d'alliances, que ſ'il eut voulu entendre aux faits martiaux, c'eſt hors de doute qu'il pouvoit par tels moyens à eternité elever la memoire des Picolominis. Mais ce bon Seigneur conſideroit que la principale force ne conſiſtoit pas à rompre & renverſer ſes ennemis par un cruel & ſanglant chamaillis d'armes, mais que ſelon le Poëte.

*Celuy est plus vaillant, qui soy-mesme sur-
monte*

*Que le guerrier hardy, qui sur murs puissans
monte.*

Joint aussi qu'il estoit éloigné de toute affection sanguinaire, & ne prenoit plaisir à voir ainsi miserablemēt ruisseler le sang de ceux, qui n'estoient differends d'avec luy en autre point, qu'en ce qu'ils suivoient autre partialisée opinion d'avec la sienne. Cela fit qu'il se sequestra de l'obéissance martiale, & empoigna les Muses avec un tel zele, qu'il s'y rendit un des plus experimentez de son âge. Je serois fâché de brocarder icy la discipline militaire, entant qu'elle est gouvernée & réglée par les loix & prescriptions raisonnables : mais s'il faut faire rapport de la noblesse martiale avec la lettrée, il n'y a homme qui ne me confesse, que le Soleil des Muses par prerogative speciale doit marcher avant les foudroyans tonnerres des belliqueux efforts, & partant que le Senois Alexādre a choisi la meilleure part, quand il a pû s'amuser à l'estude. Il estoit tellement attentif à cette sacrée vocatiō, que quoy qu'il eut beaucoup d'allechemens qui eussent pû le faire égarer par-

my pluſieurs vanitez du monde , jamais n'a voulu quitter ſes livres : diſtribuoit de ſes biens aux pauvres indigens & neceſſiteux, enſuivant en ce la trace, exemple & enſeignement du bon *Æneas Sylvius*. Sur tout deſſonçoit les treſors de ſes magnificences & liberalitez, quand il entendoit qu'il y avoit des gens rares d'eſprit , qui par faute de moyens languiſſoient de diſette : Alors , dis-je, lâchoit-il les bondes de ſes largeſſes ſi au large, qu'il les relevoit autant qu'il luy eſtoit poſſible. Quant ſes parens apperceurent qu'il n'avoit point le nez tourné ſur l'exercice militaire , ils tâcherent à l'avancer aux bonnes lettres, & pour l'y rendre fondé, ferme & conſommé, luy firent ſuivre les Vniverſitez de Pavie , Bologne la graſſe , Padoüe & Paris , (la vraye Athenes de toute l'Europe) afin que là il pût ſe façonner & habiliter en toutes bonnes ſciences , humaines & liberales, eſquelles on a de couſtume d'inſtruire la jeunefſe. Il en fit une telle & ſi bonne proviſion, qu'à l'âge de vingt ans ſe monſtrèrent ſoudain les dons & graces , tant de nature que d'eſprit, qui reluiſoient en luy. De vray c'eſtoit le perſonnage , qui par eſcrit déployoit une divine eloquen-

ce, & avoit une grace à bien parler si admirable, qu'il sembloit plustost charmer les oreilles de ses auditeurs, que leur persuader par artifice de bien-difance ce qu'il avoit deliberé de leur faire entendre. Aux langues il ne devoit à homme de son temps aucune chose, soit pour l'antiquité & propriété de la langue Hebraïque, soit pour l'elegance & douceur de l'Oraison Latine, laquelle il avoit si bien accommodée, qu'impossible eut esté à Cicéron & autres excellens Orateurs de représenter plus naïvement leurs intentions, que faisoit ce docte Alexandre. A la Theologie, Jurisprudence, Medecine, Mathematiques & Philosophie il a donné si vive atteinte, qu'il n'y a eu point, secret, coin ou recherche qu'il n'ait diligemment fureté, ainsi que pourront témoigner ceux qui ont eu ce bon-heur de frequenter & converser avec luy, & jetter la veuë sur ses non moins doctes que rares escrits: sur tout est fort louée la facilité, de laquelle il usoit, pour rendre aisée & intelligible l'exposition des auteurs qu'il avoit pris en main, pour éclaircir, quelques difficiles qu'ils peussent estre. Qu'on prenne ses Commentaires qu'il a fait sur les meteoires & autres livres d'Aristote, en

34 *Histoire des ſcavans Hommes*,
trouvera qu'avec telle dextérité il a fon-
dé le gué de ſon auteur, qu'à peine Aristo-
te meſme eut ſceu plus familièrement
découvrir ſon opinion, que l'a représenté
noſtre Piccolomini. La ſuffiſance duquel
fut trouvée telle, qu'à luy fut oſtroyé la
dignité d'Archeveſque Siennesois ; En la-
quelle charge il ſe comporta avec telle
vigilance & fidelité, que ſes envieux n'ôt
ſceu trouver qu'y remordre : & ſi pour ce-
la n'interrompoit-il pas le cours de ſes
eſtudes, auſquelles il employoit tout le
temps de relâſche, que luy pouvoient
permettre les ſerieuſes occupations de ſa
dignité Archiepiſcopale. Quand aux ex-
cès & débordemens, qui ne ſont que trop
couſtumiers pour les trains de ceux, leſ-
quels ont moyen de faire bruire couſteaux
en cuisine, ce n'eſtoit à la ſuite de ce Pre-
lat qu'il falloit en ouïr parler : D'autant
que s'il eſtoit ſobre & bien morigeré, auſſi
dreſſoit-il tellement l'eſtat de ſa maiſon,
que pluſtoſt la démarche n'eſtoit faite,
quel'inſolent ne fut redreſſé. Apres avoir
paſſé cette vie mortelle par les moyens
que je viens d'exprimer, il la quitta pour
aſpirer au ſiècle préparé aux biē-heureux,
le 12 Mars 1578. Sur ſon Tombeau eſt
gravé cét Epitaphe.

D. O. M.

ALEXANDRO PICOLOMINEO, PATR.
ARCHIEPIS. SENARVM DESIGNATO, CUI
COMITAS CVM GRAVITATE ET MORVM
SANCTITATE CONIVNCTA, ET AMOREM,
ET VENERATIONEM OMNIVM CONCILIA-
VERAT : INCREDIBILIS AVTEM IN OMNI
IAVDATARVM ARTIVM GENERE DOCTRI-
NÆ COPIA, VT IN EIS TRADENDIS PER-
SPICVITAS NVNQVAM MORITVRIS AB EO
CONSIGNATA MONVMENTIS, SVMMAM
TOTO TERRARVM ORBE NOMINIS CELE-
BRITATEM COMPARARAT. I. BAPTISTA
HVIVS TEMPLIS ÆDITVVS, ET DEIPHOE-
BVS ARCHIPRESBITER TRATRESQVE. ALII
POSVERVNT. VIXIT AN. LXXX. OBIIT
ANNO M. D. LXXVIII. QVARTO ID. MART.


A son honneur ont esté composez ces
Vers.

*Sermoni affixas artes herere putabant
Insita quo externis sunt potiora bonis.
Quippe datas sophia paucis inviderat artes,
Quas facile innumeris noster habere dedit.*


36 *Histoire des ſcavans Hommes,*
Cedit Alexandri cui mag. iſcientia Regis,
Inſita quo externis ſunt potiora bonis.
Quippe datas ſophia paucis inviderat artes,
Quas facile innumeris noſter habere dedit.








GVILLAVME POSTEL.



GVILLAVME POSTEL.

CHAPITRE IV.

VILLAVME Postel, issu de
pauvres parens , & natif d'un
petit village de Barenton en
la basse Normandie , non
gueres loin d'Avranches , fut dès sa ten-
dre enfance enflammé d'un tel desir de
sçavoir , qu'apres le deceds de ses pere
& mere , morts de la peste , ayant à peine
atteint l'âge de huit ans , & estant en la
garde de ses tuteurs , il eut beaucoup de
fois la patience , pour n'estre distraict de
ses estudes , d'endurer par plusieurs jours
l'extreme faim , depuis le matin jusques
au Soleil couchant. Toutesfois , tant pour
le peu de moyens , que le fort peu qui luy
restoit de patrimoine , ayant esté degasté
apres la peste , à peine pût-il deux ans
entiers jouir de la liberté de ses estudes.
Car ou l'iniquité des temps , ou la grande
charté de vivre luy fut tousiours si con-
traire , qu'avecque toute difficulté peut-
il persister l'espace de trois mois , que

quelque grosse calamité ne luy survint. Ce neantmoins à treize ans, se pouvant desia assez heureusement acquiter de la charge de maître d'escole, & ayant amassé quelque argent au village de Sahi au delà de Pontoise, il s'en vint à Paris pour estudier, là où incontinent se rencontrant avec des Mattois, pour sa simplicité, peu d'experience, & n'avoir esté assez éveillé, il fut de nuit dormant dépoüillé de son argent & de ses vestemens jusqu'à la chemise, d'où réduit à une extreme disette & nudité pour les grandes froidures & mes-aises qu'il endura, il tomba en une forte dicenterie, que les Italiens appellent *Caquesangue*, & que par execration & maudisson ils souhaitent à leurs ennemis, de laquelle tenu dix-huit mois tous entiers, bien qu'en huit jours la grosse effusion de sang qu'il jetta fut bastante d'abbattre & faire mourir le plus fort & vigoureux Cheval du monde, il fut tellement attenué, qu'on esperoit plustost de luy la mort que la vie. Et de fait ses forces corporelles furent tellement affoiblies & rauallées, que jamais du depuis en six mois, qui furent la reuolution des deux ans, il ne peut se regouster ny avoir appetit à viande ou breu.

usage quelconque, mais quoy qui luy fut présenté, ou que de luy mesmes il demanda, luy venoit sans aucun appetit à contrecœur. Toutesfois reprenant peu à peu ses forces, & se levant comme il pût, il se trouua contraint pour la cherté des vivres & grande necessité de toutes choses d'aller glaner en Beausse. En quoy il usa d'une telle diligence, que du gain qu'il en retira il eut assez de quoy se revestir & se defrayer jusqu'à Paris. Alors reprenant ses estudes, desquelles il n'avoit jamais jetté bons fondemens, il commença, alléchê du bruit des lettres estrangeres, s'enflammer en l'estude de la langue Hebraïque & Greque, là où une chose estrange luy arriva. Car ayant entendu d'un sien compagnon que les Juifs estoient encore en estre, & qu'ils gardoient comme par deposit, & avoient en usage les lettres Hebraïques, il ne cessa de chercher, jusques à ce qu'à grande peine il eut recouvré un Alphabet, que de luy-mesme étudiant il fueilleta, refueilleta, & transcrivit tant de fois, que dès l'heure mesme qu'il eut ouy faire mention de la lettre *Iod* (car il prit occasion sur ce que celuy qui lisoit avoit dit, qu'il y avoit une lettre Hebraïque nommée *Iod*, qui se pro-

nonçoit ainſi) devant qu'il bût ou mangeaſt ſans l'aide d'aucun maître, il eut appris à lire d'un ſi heureux commencement , qu'ayant par apres trouué une Grammaire & une verſion Latine des Pſeaumes , il apprit de luy-mefme tout l'artifice & parfaite connoiſſance de cette langue. De meſme façon il obtint petit à petit preſque par ſon propre travail la connoiſſance de la langue Grecque, parce que pendant qu'il déroboit du ſervice de ſes maîtres , ce peu de temps interrompu qu'il employoit à ſes eſtudes, il ne pouvoit avoir loiſir d'aller ouïr les lectures & Regens qui eſtoient lors en aſſez petit nombre , & encore pour la pluſpart ignorans. Davantage il luy falloit beaucoup travailler , pour tous les jours devant quatre heures interpreter de Grec en Latin à Jean Gelidius doctiſſime Eſpagnol (ſous lequel Poſtel fut paſſé maître aux Arts) la leçon des Commentaires Grecs de Themiftius ſur Ariſtote, que de là par apres ledit Gelidius alloit lire publiquement en l'eſcole. Ainſi par continus travaux en peu de temps il acquit telle reputation , qu'un Gentil-homme Portugais , qui manioit les affaires du Roy de Portugal, promettoit & s'obligeoit

geoit au nom du Roy luy faire donner des gages par an pour faire deux leçons pour jour quatre cens escus, pourveu que delaissant son cours il s'en voulut aller en Portugal. Mais bien que Postel au College de Sainte Barbe, par la conversation & privauté qu'il avoit chez le Gentilhomme Portugais, eut appris l'Espagnol en peu de mois, si est-ce que preferant ses estudes au gain, il aima mieux poursuivre son cours, que le precipiter, ny que d'enseigner ce qu'il n'avoit encore bien appris. Ayant doncques fait ainsi son cours en bien pauvre equipage & grande necessité, advint qu'ayant fait amitié avec tres-docte & homme de bien Jean Rocourt, Bailly d'Amiens, il s'en alla avec luy en ladite Ville, chez lequel demeuré qu'il eut quelque temps, voicy qu'on prepare à Roien une entrée pour recevoir avec magnificence la Reyne Leonor, ce que Postel desirant voir, bien vestu & la bourse assez bien garnie, s'y en va, là où-rencontrant Jean Raquier, Abbé d'Arras, est retenu pour estre precepteur de son neveu en l'Univerfité de Paris. Ce fut alors premierement que quelque lumiere de liberté heureuse à luy se presenta. Car outre que le Reverend

42 *Histoire des sçavans Hommes,*

pere Abbé commença à l'entretenir fort honnestement, il eut pû plusieurs fois estre pourveu de fort bons benefices, s'il y eust voulu entendre. Et de fait ledit Abbé luy en donnant un de cinq cens livres, il le refusa, parce qu'il ne vouloit point, disoit-il, prendre la charge d'autrui en danger de se damner, ayant assez affaire à gouverner soy-mesme. Environ ce temps le peril eminent, auquel se trouva la Provence & toute cette parrie de la Gaule, qui emprunte son nom de la ville de Narbonne, pour la descente de l'Empereur Charles-Quint, qui revenoit de l'expédition de Thunes, qu'il avoit entreprise pour rompre & deffaire plus à son aise le Corsaire Barherouff, qui l'avoit empesché d'envahir ce Royaume : afin doncques de l'en empeschier le Sieur de la Forest fut depesché vers le grand Seigneur. Et pour compagnie ne sceut choisir homme plus capable, & qui d'avantage luy aggreast que Postel, lequel il cherissoit & honoroit grandement. De fait y fut-il encore une autrefois, & y avoit charge fort honorable, lors que le Roy François premier depescha un Ambassadeur vers Solyman Roy des Turcs. Il estoit besoin d'envoyer homme, qui fut

autant versé en la langue Grecque qu'estoit le sieur de la Forest Ambassadeur en chef, qui eut procuration du Roy de retirer la succession de Crusilion de Tours. Citoyen alors le plus riche de toutel'Inde, lequel estoit decedé en Asie revenant de Narfingue, laquelle succession valant trois cens mil escus, avoir esté par le deffunt laissée en depost entre les mains d'Ibrahim Bassa. Apres le sieur de la Forest cette charge & commission fut donnée à Postel avec lettres du Roy; mais elle ne se peut executer, parce que le meurtre perpetré en la personne du Bassa entrevint, & ce par le commandement du Sultan, qui le fit estrangler ayant sejourné quelque dix-huit mois à Constantinople, si tost qu'il se vit avoir appris la langue vulgaire des Grecs & bonne partie de l'Arabique, il achepta, & le premier apporta en la Chrestienté, tous les meilleurs auteurs en chacune profession qu'il pût rencontrer, escrits en Arabesque & Syrien; puis deux ans s'estans passez au voyage qu'il fit en Affrique, en rasant divers rivages de nostre mer, il revint en France, où il fut recueilly & caressé de toutes les faveurs, tant de la Cour, que du Roy François & de ses deux enfans,

Abdenago & Henry (car François avoit esté auparavant empoisonné dans Lyon) de sorte que bien que Pierre Chastelain, qui empeschoit que les hommes de sçavoir ne s'aprochassent près du Roy , luy fut contraire , si est-ce que s'il eût voulu suivre la Cour, ou prendre des Benefices, il n'y eut eu homme, pour le regard des lettrez , mieux venu que luy & en plus grande estime, près le Roy François. Mais il se contenta de recevoir tous les ans deux cens escus de gages pour la leçon Royale. - Ainsi il passa plusieurs ans favorry d'un chacun, recevant tous les ans gages honorables de Madame Marguerite, sœur du Roy , jusqu'à ce que sollicité par le Chancelier Poyet, à qui elle estoit mal affectonnée , de venir en Cour plus souvent & prendre des Benefices, il se laissa persuader par ledit Chancelier, qui procura avant toutes choses que Postel fut pourveu d'une quatriesme partie de l'Evesché d'Angers , qui consistoit en un Doyenné contenant trente deux paroisses, afin que si les gages du Roy luy défailloient, il eut tousiours cela de recompense. Car à cet effet , au desceu de Postel, Poyoit brasloit cette menée, comme celuy , qui ne pouvant au parangon de

doctrine faire teste à Castellan devant le Roy, peut ainsi que son Achille luy opposer Postel, lequel seul suivant l'opinion, comme de vray on tenoit, luy pouvoir estre affronté. D'où il arriva qu'à l'occasion de Poyer, Postel encourut la haine & grande inimitié de la Reyne de Navarre, du Docteur Despence, de Castellan & plusieurs autres, qui tenoient leur party, de façon qu'il n'estoit plus à se repentir d'avoir changé de deliberation. Mais qui eût-il fait? Tout le defastre tomba sur Poyer. Ce neantmoins Postel fondant encore quelque appuy és vieilles faveurs & connoissances qu'il avoit en Cour, osa bien d'Angers partir pour aller jusques aux monts Pyrenées en Ambassade trouver le Roy & la Reyne de Navarre à Montmarfan, pour remettre Poyer en grace s'il eut peu. Mais n'estant assez rusé aux traverses de la Cour, il apperceut bien-tost, que luy qui estoit venu pour parler & maintenir Poyer, avoit luy-mesme fort grand besoin d'intercesseur. Car il esprouva toutes choses contraire en cette legation, de sorte qu'outre ses chevaux qu'il perdit, son train rompu & dissipé & plusieurs autres incommoditez qui luy survinrent, il fut là au dernier point

d'eſtre en hazard de ſa propre liberté. Ainſi ſur l' tard ſont ſages les Troyens. Mais comme luy-meſme témoigne en quelque part de ſes œuvres, le recule-
ment qui luy ſurvint à cauſe du deſaſtre du Chancelier Poyet, luy a plus ſervy, que l'avancement qu'il avoit eu en biens & benefices, parce que cela la reveillé à elever ſa reputation par ſes eſcrits, laquelle ſes ennemis avoient eſtouffée, enſevelie & difformée, au grand regret de tous ceux, qui amateurs de vertu, ne pou-
voient moins que regretter la miſere de ce perſonnage, qui avoit fait de ſi beaux deſſeins, l'accompliſſement deſquels eut apporté un ſouverain bien à la Chreſtiente. Quand aux livres que Poſſel apporta du Levant, les uns demeurèrent en gage au Duc de Baviere pour le prix & ſomme de deux cens eſcus, les autres furent laiſſez en garde chez le magnifique Antoine Tiepoli à Veniſe : & le nouveau Teſtament Syrien qu'il en apporta entre les autres, occaſionna l'Empereur Ferdinand de faire tailler caracteres, de l'imprimer & envoyer quantité des exemplaires juſques en la Syrie. Or avoit-il amasſé ſoi-
gneuſement tous ces livres eſtrangers, pour par le moyen & l'aide d'iceux met-

tre à fin son entreprise touchant la concord de tout le monde, & pour découvrir les erreurs de l'Alcoran, & enfin retirer plus que la douziesme partie du monde, eu égard à ce qui estoit tant seulement connu en l'Asie, Affrique & Europe. Icy j'eusse inferé le Catalogue de ses livres, n'eut esté qu'il eut trop grossi ce discours; & aussi que plusieurs ne prendroient plaisir à entendre, qu'icy je fais parade d'aucuns siens livres, qui ont esté censurés pour plusieurs choses, assez mal à propos digérées, tant de sa mere leanne, que quelqu'autres curiositez, qui sans le soupçon de bourderie ne sont d'aucune edification. Pour cela ne vodrois-je permettre ou conseiller que du tout on mit sous les pieds ses autres œuvres, qui peuvent servir de beaucoup, pour éclaircir les secrets ouverts & manifestez par Postel. Lequel, apres avoir passé cette vie de la façon qu'avez entendu, alla de vie à trépas en l'Abaye de S. Martin des Châps (où par Arrest de la Cour de Parlement de Paris il avoit esté relégué (le fixième de Septembre, à 9 heures apres midy, en l'année mil cinq cens quatre vingts un, âgé de soixante feize ans trois mois neuf jours; & fut enterré le lendemain

48 *Histoire des ſcavans Hommes,*
qui eſtoit leudy à S. Martin des champs.
L'oſeray bien aſſeurer, qu'aux peregrina-
tions & voyages que j'ay fait, tant à Con-
ſtantinople qu'ailleurs, je l'ay toujours
trouvé affectionné au public, & porteray
témoignage que je l'ay connu pour un
tres-homme de bien & réputé pour un des
plus doctes de noſtre âge. Ce qui a eſté
fort bien reconnu par un perſonnage de-
votionné à la bonne memoire de cét ex-
cellent Poète, qui luy a cōſacré ce Sonnet.


*Toy quiconque verras cette morte peinture,
Aſſeure toy de voir un chef, qui a compris
L'un des plus genereux & ſublimes eſprits,
Que Dieu de noſtre tēps ait mis en la nature.
Tout ce que le Ciel prend dedans ſa couverture
Fut contenu dedans un ſi petit pourpris :
Tous lieux de terre & mer deſſus un globe
eſcrits.
Furent eſcrits en luy d'une vive eſcriture.
Il vid d'œil ou d'eſprit tout le rond Univers :
Il ſcent des nations les langages divers,
Il meditoit en luy la concorde du Monde :
Il fut pauvre & lay, mais non des gens de
bien,
Il avoit tout en luy, & ne poſſédoit rien,
Or il ioit du bien, qui en tous lieux abode.*

RENE





*RENÉ CARDINAL DE BI-
RAQ; Châcelier de France*



RENE' CARDINAL DE BIRAGVE
Chancelier de France.

CHAPITRE V.



E ne puis assez m'estonner de quelques Italiens, qui se sont meslé de descrire les vies des hōmes illustres, qu'ils n'ayent donné un trait à la louange de ceux de la maison de Birague. A quoy imputer la faute j'en suis bien empêché, il faut, ou qu'une méconnoissance les ait fait heurter à une telle & si lourde incongruité, ou que leur pinseau ait esté si grossier, qu'il n'ait pû donner dans les riches & excellens lineamens, que porttoient en face ceux de l'estoc de Birague. Le principal grief, dont je me plains, est dressé à l'encontre de Paul Iouie : lequel ; pour avoir reu la memoire de ceux de cette famille, s'est monstré un peu trop partisan. adversaire à la Couronne Françoisse, à laquelle il sembloit envier ceux, qui luy ont esté grandement affectionnez, ainsi que le present discours pourra le manifester.

Touze VIII.

E

Pour feller la troupe de nos Chrestiens, n'eut pas esté (à mon advis) possible de trouver Seigneur, la dignité duquel répondit mieux que celle de nostre Chancelier de France. Il n'y a personne, quelque peu versé qu'elle soit aux Histoires de Lombardie, ou qui ait hanté le Pais, qui ne tienne pour chose certaine, que la famille des Biragues est une noble & ancienne maison, qui a cy-devant tenu de grands biens, & ce sont les hommes de ce tige fait paroître gens de lettre & de fait gens de conseil & de guerre. Ce qui se connoist aisément par les anciennes Histoires; & mesme du temps d'Othon, Archevesque & premier Vicomte de Milan, la ville estant travaillée de seditions survenues entre les nobles & le peuple, un nommé Martin Turrian, qui estoit chef & Prince de l'Estat populaire, voyant que l'Archevesque Othon, sous la faveur du Pape Urbain quatriesme, le pressoit tellement qu'il ne sçavoit où se sauver, pour se remettre avec la Noblesse qui luy estoit contraire, ne trouva rien plus expedient, que de prendre alliance par mariage en l'une des plus nobles familles du pais, à sçavoir en la maison des Biragues; & depuis demanda pour Turrian son cousin,

une femme de la maison de Castillon, pour estre ces deux familles des plus anciennes & plus puissâtes entre les nobles, & lesquelles nous trouvons estre venuës autresfois d'Allemagne aux anciennes guerres d'Italie, lors que l'Empire Romain à commencé à estre combattu par les Allemands & Hongres, & par ce moyē à decliner, auquel temps toutes sortes de nations Germaniques & Septentrionales firent plusieurs & diverses descentes en Italie & en divers temps; & de fait on trouve encore en Allemagne parmy les grandes maisons, & le nom & les armes de Birague. Cette noblesse, quoy qu'elle soit fort ancienne, a neantmoins tousiours depuis continué en cette maison, laquelle entre les autres d'Italie a esté fort affectionnée à la Couronne de France, ainsi que par effet nous l'avons pû connoistre par la fidelité, en laquelle elle s'est employé, pour aider aux Rois de France à se maintenir au Duché de Milan, qui leur estoit acquis par le mariage de Louys d'Orleans avec Valentine, fille unique & heritiere de Jean Galeas Vicomte, premier Duc de Milan. Cette famille recônoissant le Roy Louys XII. pour vray successeur du Duché de Milan l'accompagnerent.

52 *Histoire des sçavans Hommes,*
suivirent & assistèrent en armes de leurs
personnes & moyens, au voyage qu'il fit
à Gennes, pour appaiser le differend &
sedition qui estoit lors en l'estat de Genes
entre les Nobles & le peuple; qui fut la
mesme année que nâquit le Seigneur, au-
quel est destiné cet Eloge, à sçavoir l'an
mil cinq cens & sept, regnant lors à Mi-
lan le Roy Louys douzième. Et eut le
nom de René, en memoire de son ayeul,
filleul de René, Roy de Sicile, qui mon-
stre assez, qu'il estoit né vray François,
qui a tousiours voulu perseverer en une
si sainte affection & tenir le party des
François, quoy que le Roy ait laissé Mi-
lan, & que les Citoyens ayent changé
leur serment. En ce certainement est à
admirer la loyauté des sieurs de Birague,
qu'ils n'ont pû estre ébranlez de l'af-
fection, avec laquelle ils ont embrassé le
party de France, quelque changement &
revolte qu'ait apporté le desastre de la
guerre à nos Rois & à la maison de Fran-
ce, ou pour quelqu'autre malheur dont ils
ayent esté menacez. On sçait que cette
famille pour s'estre voulu tenir au flanc
François a enduré & souffert volontiers
route proscription, bannissement & aban-
donnement de leurs biens & patrie. Il

Est vray qu'ils ont esté honorez de plusieurs charges militaires. Cy-dessus vous avez veu de quelles dignitez a esté reconu le sieur Louys, son frere le sieur Hie-
ô ne, comme il ne degeneroit aucunement des vertus de ses predecesseurs, aussi continua-t-il en cette digne & louable levotion, qu'ils ont eu au service de cette couronne. D'en haut aussi receut-il la grace d'estre fecond en lignée, tellement qu'il eut dix-huit enfans, dont il y en avoit quatorze mâles, (l'aîné desquels est César de Birague Commandeur de la Commanderie de Raconis en Piedmont, qui leur a servis à tous de pere : Seigneur, qui comme il a beaucoup merité par ses dignes vertus, n'a pû souffrir que mon Histoire tira plus outre, qu'il n'y eut un monument dressé des gestes & faits glorieux de ceux qui luy touchoient. Pour ce m'a recouru tant des portraits que des memoires des vies & de ce Cardinal & du sieur Louys son oncle. Ce sieur Commandeur de Birague, avoit un frere, qui estoit le second, Gentil-homme de la Chambre du Roy, Colonel General de l'Infanterie Italienne, & Lieutenant pour sa Majesté au Marquisat de Saluce en l'absence du Gouverneur General dudit pais. Il vé-

quit quarante trois ans, & mourut l'an mil cinq cens soixante & dix-huit. Depuis son deceds ledit sieur Commandeur succeda en toutes ses dignitez. Ledit sieur Commandeur eut charge de gens de pied dès l'âge de quatorze à quinze ans, lors des premiers troubles en Piedmont, où en toutes les occasions qui se sont presentées, il s'est acquité de son devoir pour le service du Roy avec toute fidelité. Que diray-je du Chevalier François de Birague, frere de nostre Chancelier ? il eut charge en Piedmont de deux cens Chevaux legers, & fut Colonel de gens de pied, lesquels deux cens Chevaux feu Monsieur de Brissac eut par sa mort. Voila le tige paternel de ce Chancelier, auquel si on remarque beaucoup de vertus, valeur & exploit d'armes, on n'en trouve pas moins du costé maternel; car Galeas de Birague, pere de nostre Cardinal, espousa la fille de Theodore Trivulse, qui est une famille non seulement noble & ancienne, mais qui a tousiours suivy les armes de France, & s'y est tousiours employé valeureusement; de sorte que ce Theodore fut pris en combattant lors que Milan fut repris par les Espagnols (Monsieur de l'Autrec estant Lieutenant Gene-

ral en Italie) ce Theodore estoit cousin germain de Jean Jacques Trivulse, Marechal de France, Lieutenant General pour le Roy en Italie contre les Venitiens & la ligue d'Italie, du temps du Pape Iules second. De deux si excellentes souches est issu le sieur René de Birague, lequel nâquit l'an 1507, le 2 de Fevrier, regnant comme j'ay dit, lors à Milan le Roy Louïs douzième. Le sieur Galeas voyant qu'il y avoit en la maison des Biragues plusieurs gens de guerre, & que son fils aîné François se plaisoit sur tout aux exercices militaires, prit desir de faire estudier son fils René : de fait apres l'avoir tenu quelque temps aux escoles en Italie, il l'envoya à Avignon, où il fit un merveilleux profit, comme il avoit l'esprit gentil & gaillard. Depuis à la mort de son pere, estans les choses deplorées en Italie pour les François, à cause de la prise du Roy François premier, & la paix arrestée par le traité de Cambray, il retourna en Italie pour adviser à ses affaires, lors regnant à Milan Louys Sforce, dit le More, qui disoit, qu'il trouvoit fort estrange, que le sieur René prit la hardiesse de tant sejourner à Milan, veu qu'il sçavoit bien qu'on ne pouvoit l'y

56 *Histoire des ſçavans Hommes,*
endurer & ſouffrir, tant s'en falloir qu'on
pût l'y voir de bon œil, luy qui eſtoit tel-
lement affectionné aux affaires de Fran-
ce. Eſtant là en âge parfait, voyant les
preparatifs qui ſe faiſoient entre l'Em-
pereur Charles Quint & le Roy François
premier, comme il eſtoit Seigneur d'un
grand jugement, il previt qu'une partie
de l'orage tomberoit ſur le Duché de Mi-
lan, qui appartenoit au Roy, & lequel
eſtoit fort vray-ſemblable, qu'il vouloit
repeter, apres avoir reconnu ſes affaires
& l'eſtat du païs, ſe retira en France & fit
plusieurs voyages en Piedmont, durant
l'entreprife que fit le Roy ſur les païs de
Savoye & de Piedmont contre le Duc
Philibert, tellement que le Roy François
l'employoit volontiers. Dont il rendoit
ſi bonne raiſon, que pour le commence-
ment ſa Majeſté luy donna, ſans deman-
der, & lors qu'il eſtoit encore botté, un
eſtat de Conſeiller en la Cour de Par-
lement,) qui pour lors eſtoient en
tref-grand honneur, dignes de la muni-
ficence d'un Prince, pour reconnoiſtre les
ſervices & ſuffiſance des ſiens, qui ſe
ſeroient employés pour le bien de l'Eſtat)
commanda à Monsieur le Chancelier
Poyet de le depeſcher, ſans qu'il eut occa-

sion de sejourner , & de fait fut reçu & expédié en deux iours Conseiller en la Cour & installé par Monsieur le President de Saint André , President en icelle Cour. Le lendemain le Roy le renuoya en Piedmont. Quelque temps apres le Roy ne se contenta de l'honorer de cét Estat , mais , croissans les merites , luy voulut croistre l'honneur , & luy donna vn Estat de Maistre des Requestes de son Hostel : lequel sa Maiesté , parce qu'elle auoit affaire de luy en Piedmont , voulut qu'il exerça là pres ses Lieutenans Generaux , qui estoient les Sieurs Admiral d'Annebaut , de Hamieres & de Langey , lesquels ordinairement l'enuoioient vers le Roy aux affaires d'importance , se fians beaucoup de son Conseil , prudence & conduite. Le Roy François , ayant conquis le pays de Sauoye & bonne partie du Piedmont , pensant qu'il n'y auoit meilleur moyen de l'asseurer que d'y establir bonne justice , y envoya hommes sages & expérimentez , le sieur de Chemans , qui fut premier President à Thurin , lequel depuis estant rapellé pour venir tenir & gouverner les sceaux de France , par un bon augure remit entre les mains du sieur René le sceau qu'il tenoit en Piedmont :

§8. *Histoire des ſavans Hommes,*

Sous lequel, encore que le païs fut petit, s'expedioient toutes graces & pardons des maux commis delà les Monts & autres expéditions neceſſaires, ſans recourir en France, ſinon pour les Offices. Depuis ſon depart le ſieur de Birague fut éſtably en ſon lieu, & ordonné par le Roy en l'eſtat & charge de premier Preſident du Parlement de Thurin, qui eſtoit fait & erigé à l'inſtar de celui de Paris: Eſquels Eſtats & dignitez il s'eſt dignement & vertueuſement comporté, aſſiſtant toujours les Lieutenans, qui eſtoient pour le Roy de là les Monts, à ſçavoir le Prince de Meiſſe, & les Mareſchaux de Briſſac & de Bourdillon, leſquels le connoiſſans homme de grande prudence, & avoir intelligence au païs, l'ont non ſeulement appellé ordinairement au Conſeil d'Eſtat, & pour les priſes & batteries des villes, mais conduit au Camp, luy ayant donné charge de ſur-intendant & Commiſſaire General des vivres, à quoy il a ſceu donner ſon bon ordre, qu'encore que le païs fût petit, remply de gens eſtrangers, (ainſi qu'il eſt aiſé à conjecturer pour les entrepriſes, qui pour lors ſe faiſoient en ces païs-là, & comme elles ſont amplement remarquées par nos Hiſto-

riens) & avec telle multitude , que pour vne année, l'Estat en estant dressé fidelement , on en a trouué iusques à vingt cinq mille , la disette n'a toutesfois iamaïs pressé ceux qui ont esté en la compagnie, & souuent y a esté le bled & durant la guerre à aussi bon marché qu'en France. Il a esté d'et de Iules Cæsar , qu'encores qu'il ait esté bon Capitaine & addonné à la guerre, il n'a laissé d'estre bon Orateur, quant il l'a voulu entreprendre : aussi le Sieur Cardinal n'apoint pour sa dignité de President quiëté le courage guerrier d'un Capitaine, mais estoit armé & des lettres & des armes, si bien que par son moyen la iustice commandoit aux armes & luy mesmes mettoit la main aux armes, pour faire obeir à la iustice & maintenir l'autorité de son Roy. Perfections, qui quoy que rares, sont tres-necessaires à vn qui veut commander. Quand Thurin pensa estre surpris par Cesar de Naples avec le stratageme des charrettes de foin, ce Sieur de Birague, qui estoit au Palais lors de l'esmotion courut à la porte les armes au poing, & fut de ceux qui repouferent les ennemis. Il se trouua à la bataille de Cerisoles, où il combattit vail-

lammant, & n'abandonna jamais Monsieur d'Anguien quelque desordre qu'il y eut au commencement de la bataille. Le Roy ayant concédé à ses sujets le premier Edict de pacification en l'an mil cinq cens soixante deux, le Concile de Trente tenant encore, il y envoya ce sieur de Birague pour rendre raison aux Peres là assemblez de l'occasion qui l'avoit meu à accorder cét Edit, qui n'estoit autre que pour obvier à la ruine & combustion, qui alloit reduire ce Royaume en un piteux & desolé état, si par une paix il n'eut remis & consolidé les affections de ses sujets, qui des-unies eussent à la longue pû se démembrer du corps. En cét Ambassade ce Seigneur alloit fort bien accompagné, & rendit tant en public qu'en particulier les Peres du Concile contents de l'intention du Roy, sur laquelle auparavant plusieurs forgeoient divers discours. De là il tira droit en Allemagne, & fut visiter l'Empereur Ferdinand frere de feu Charles-Quint, qui estoit lors en la ville d'Hisprug, & Maximilien son fils Roy des Romains, qui residoit lors à Vienne en Autriche, pour avec eux continuer le propos, qui avoit esté commencé du mariage de la Reyne Elisabeth, qui depuis suc-

ceda au grand contentement du Roy Charles. Quelque peu de temps après il s'en alla en sa maison de Thurin, pour y donner quelque ordre, parce qu'il determinoit de se retirer tout à fait en France. A son retour le Roy pour l'importance de la ville de Lyon l'y envoya pour Gouverneur, & y maintenir la force & la justice, où il fit connoître combien il estoit gracieux, discret & prudent à découvrir les entreprises qui se faisoient sur la ville, où il pourvut si bien, que la ville fut conservée en l'obéissance du Roy, & de ceux de la Religion aucun ne fut tué, pillé ny excédé. Quelque temps après le Roy voyant les grandes affaires qui survenoient par le moyen des troubles, & comme le Royaume estoit tout en armes, les villes bandées les unes contre les autres, sans sçavoir ce qu'on poursuivoit, le rapella de Lyon, pour s'en servir à son conseil & prendre son avis. Quant on eut resolu que Monsieur iroit en Guyenne, le Roy Charles voulut que le sieur René de Birague fit le voyage, tout vieil qu'il estoit, âgé de soixante trois ans. Ce qu'il fit & accompagna sa Majesté au camp, où il fit parfaitement bien son devoir ; & que ses envieux ne sçau-

roient luy dérober cét honneur, qu'alors que le camp du Roy paſſa la riviere de Charante, pour aller combattre l'Admiral à Baſſac près Châſteau-neuf, ce n'ait eſté par l'exhortation, diligence & conduite de ce Seigneur, lequel fut auteur du pont de bois fait & conſtruit ſur la riviere, & qui comme pluſieurs pourront encore le témoigner, aſſiſta à la bataille, où il ſe porta valeureuſement. Depuis le ſieur Chancelier de l'Hôſpital voulant ſe retirer en ſa maiſon, le Roy Charles eſtant à Villiers Coterets, envoya querir le ſieur de Birague, & luy donna la garde des ſeaux de France, & apres la mort d'iceluy ſieur Chancelier de l'Hôſpital, l'honora de l'Eſtat de Chancelier : Auquel il ſ'eſt ſi vertueuſement & dignement comporté, que pour cette grande charge & occupation ordinaire il n'a jamais rien delaiſſé de ce qui eſtoit des affaires d'Eſtat, mais a toujours eſté bandé au bien du ſervice du Roy & repos de ce Royaume. Se voyant chargé d'âge & de travail, & veuf, il delibera de choiſir l'Eſtat Eccleſiaſtique : Suivant laquelle intention le Roy le nomme à noſtre Saint Pere en titre d'Eveſché, le fait pourvoir de benefices : depuis ſa Sainteté ayant eu

assez de témoignage de ses vertueuses actions, zele & affection envers l'Eglise Catholique Romaine, le crea un de ses Conseillers & Cardinal du Saint Siege, & luy a monsté grands signes d'amitié & bien veillance par plusieurs lettres. qu'il a pleu à sa sainteté luy mander, à laquelle on a souvent oüi dire qu'elle se souvenoit l'avoir veu aux escoles, montrant en la fleur de sa jeunesse les fruits, qu'il a rendu en sa maturité. Pour se rendre plus libre la vocation dernière, qu'il avoit embrassée. joint aussi que la vieillesse ne luy permettoit pas de pouvoir embrasser tant d'affaire, il en refusa sa charge à un Seigneur, qui bien né aux affaires pourroit y entendre avec toute fidelité. Enfin atteint d'une longue fièvre il est mort le 24 de Novembre 1583, au grand regret du Roy, de ses parens, amis, serviteurs & de toute la France en l'âge de soixante seize ans. Il fut enterré en sa Chapelle, qu'il avoit fondé à Sainte Cathetine du Val des Escoliers, avec une Pompe funebre, aussi magnifique, qui ait esté de long temps faite à Seigneur en France. Je ne veux point m'arrester sur les ceremonies, qui furent gardées en de telles funerailles, ny moins vous faire parade

64 *Histoire des ſçavans Hommes,*

de l'honneur qui luy a eſté fait pendant les ſix jours , qu'il fut garcé en ſon Hoſtel apres ſa mort , repreſenté en habit de Cardinal, les deux jours en habit d'Eveſque, & quatre dans le cercueil. Je veux ſeulement celebrer la devotion de ſes freres Penitens, quatre deſquels le portèrent habillé en Penitent, le Roy meſme honorant de ſa preſence les obſeques de ce confrere & ſerviteur fidele. Apres ſa mort il a laſſé pluſieurs de ſes parens de ſa famille, nom & armes, leſquels ſont reſidans en ce Royaume, ſuivans le chemin de leurs anceſtres, & deſirans, comme eux & de pareille volonté faire ſervice au Roy & au Royaume. Les Benefices qu'avoit ce Seigneur ſont l'Eveſché de la Vaur & l'Abbaye de Flavigny, qu'il a reſigné aux ſieurs Ludovic & Horace ſes neveux, freres du ſieur Commandeur de Birague ſus mentionné : plus l'Abbaye de long Pont & le Prieuré de Souvigny (le Prieur avoit autorité de battre monnoye, à l'entour d'icelle eſtoit eſcrit *S. Karolus* & au revers *de Soviniaco*) qu'il a reſigné à ſes neveux enfans du ſieur Charles. Enfin l'Abbaye de Saint Pierre de Sens qu'il a reſigné au Marquis de Maleſpine, fils d'une de ſes ſœurs. Or à la louange
de

de ce Cardinal plusieurs doctes personnages ont après sa mort composé des Vers, tant sur le raport de ses deux Anagrammes *Ars usu regnabit & Ars gubernatius*, qui se trouvent comme par divin Augure en l'enclos de son nom, *RENATUS BIRAGVS*, que sur son Tombeau, entre lesquels pour brieveté, je me suis contenté de vous communiquer cecy.


*Rex pietatis amans, Regum iustissimus, omnes
Iustitia voluit solvere vota Patri
Astræa, Birage, Patrem Pietatis alumnus,
Te decuit gemina Purpura sacra Toga.
Consilio, rebus gestis, clarissime Nestor,
Palma tibi, v.atrix Laurea protumulo est
Te Mediolano genitum, pia Gallia fonit:
Nil medium, toto pectore Gallus eras.
Ateneris Paci sacer armiferique Minerva,
Bina refers Oleæ serra Renate, Polo.
Pax simul hic, simul alma fides, Astræa, Mi-
nerva,
Laurus, oliva, Toga, Purpura, Palma ia-
cent.*

Quant à ses mœurs chacun l'a connu
homme prudent, qui n'a jamais pensé à
amasser de l'argent, & ne se trouvera de
Tome VIII.


long-temps hommes, qui ait vécu un ſi bel âge & manié de ſi grandes affaires, qui ait laiffé ſi peu de biens. Il eſtoit homme vigilant, & qui quand il avoit à faire quelque choſe, la promenoit avec conſideration ſi diverſes, qu'il en venoit à bout. Auſſi il diſoit qu'aux affaires d'Eſtat & d'importance on impute beaucoup de choſes à la fortune, qui ne reuſſiſſoient pas, à point nommé, par faute de n'avoir pas bien poſé les circonſtances. Il eſtoit doux & gracieux, point vindicatif, & ſe trouvera qu'il a toujours fait plaiſir quand il en a eu le moyen, & qu'il eſtoit accompagné d'une ſi grande benignité, douceur & facilité en paroles, qu'il ne reprenoit ny injurioit ſes ſerviteurs, & ne donna congé qu'à un ou deux, & ce apres avoir beaucoup ſupporté d'eux. Sur tout il eſt priſé de n'avoir jamais eſtimé l'argent, mais d'avoir grandement chery la vertu. Il avoit pris à femme Dame Valence Balbiana, de noble maiſon en la ville de Quiers en Piedmont : Laquelle nâquit l'an mil cinq cens vingt à Quiers en Piedmont, & mourut à Paris le vingtieſme du mois de Decembre l'an mil cinq cens ſeptante deux : D'elle il y eut une fille unique, douée de pluſieurs graces & per-

fections, nommée Françoisse : Laquelle en premiere nopces fut mariée à Messire Humbert de la Platiere, sieur de Bourdillon Marechal de France, lequel avoit esté auparavant Lieutenant General pour le Roy en Piedmont : En seconde nopces à Messire Iean de la Val, sieur de Louie, qui fut depuis Marquis de Nesle. Et en troisieme nopces a esté mariée à Messire Jacques d'Amboise, fils de Messire Louis d'Amboise Comte d'Aubejoux.











HORACE POËTE .



Q. HORACE FLACE, POETE.

CHAPITRE VI.

 Esregles qui ont esté prescrites & establies par ceux qui ont les premiers donné l'entrée aux bonnes sciences, sont si certaines, que quoy que quelques mal advisez se soient essayez de leur imputer quelque incertitude & vanité, il faut neantmoins qu'ils recourent toujours à l'Arsenal des disciplines, pour là s'armer des bastons & boucliers, qu'ils employent pour l'envahissement qu'ils pretendent faire du fort des Muses; & afin que nous ne nous esgarions de nostre sujet s'il y a eu art, sur laquelle ces maistres controleurs ayent trouvé dequoy regratter, c'est la poësie, qui leur est si à contre-cœur, qu'à leur compte on diroit, que le mal-heur de tout le monde ne gist en autre qu'en la poësie. Je serois bien marry d'excuser où vouloir pallier plusieurs infirmittez, lesquelles sont sujets à quelques Poëtes, puis que leurs escrits

ne ſentent gueres autre choſe que paillardifés, lubricités, meſdiſances & laſciuetés. J'entends de ceux qui pour leur objet ont pris vn Priape, vn Cupidon, vne Venus & autres amorces amouchées : Leſquelles ſont d'autant plus condamnables, que tres-mal à propos & contre toute formalité de raiſon ils ont abuſé d'un ſi excellent pinſeau, pour deſfigurer l'honneſte maintien d'une pudique charité, au lieu que s'ils euſſent daigné attacher leurs furies au poſteau de ferme integrité, c'eſt hors de doute qu'ils euſſent peu faire choſes qui euſſent eterniſé leur memoire au monument venerable de vertu. Mais ſ'il falloit reietter toute la poëſie parce qu'un Martial, Catulle & autres ont voulu priapiſer, il faudroit par meſmes moyen fouler aux pieds les ſciences, qui ſont eſtimées les plus entieres, & plus recommandables entre les autres. La raiſon eſt pour ce que la peruerſité du genre humain eſt telle, qu'il n'eſt pas iuſques à la Theologie, que par diuerſes hereſies elle n'ait été deſfigurée. Et c'eſt ce que diſoit vn bon ancien Docteur de l'Egliſe, que leſus-Chriſt fut pendu au milieu de deux larrons, pour monſtrer, qu'il n'y a choſe ſi parfaite & accomplie, laquelle ne ſoit

sujette à avoir des opposites à costé, plus
 qu'il ne seroit de besoin. Doncques si ainsi
 est, encores qu'il y aiteu des Poëtes mal
 appris & mal conditionnés, ce ne seroit
 la raison d'enfiler avec eux nostre Horace,
 qui pour sa prudence, sagesse & modestie
 a esté admiré par les plus habilles. Les-
 quels ne l'ont point méprisé pour le bas
 lieu, duquel il estoit sorty, mais suiuan-
 l'aduertissement de ce docte Poëte; ont
 repris la dignité, qui luy manquoit pour
 raison de sa race, & l'ont remplacée dans
 l'estat qu'ils ont superficiellement dressé
 des vertus, qui extraordinairement espa-
 nouïssoient dans le vergier Horatian.
 En ce il est grandement à priser, qu'il
 ne veut renier la bassesse de son origi-
 ne, laquelle ne peut adjouster ou ravir
 à nostre renommée un seul point d'hon-
 neur, moyennant que les vertus nous
 éclairent. Quant à la staturent de son
 corps il estoit fort trapu, comme luy-
 mesme asseure en la mesme Epistre, où
 on diroit que couuertement il se veut
 gauffer de ses longues perches enflutées,
 qui n'ont ni goüst ni faveur aucune, au-
 lieu que les petits hommes sont si jolis.
 Il estoit tellement réglé en ses mœurs,
 qu'il étoit impossible d'en pouvoir trouue

72. *Histoire des ſcavans Hommes,*

un, qui fut mieux accompli pour l'eſtat, dont il faiſoit profeſſion. A ſes amis il eſtoit tellement courtois & charitable, qu'il poſtpoſoit le ſoin de ſes affaires propres pour entendre aux requêtes de ceux auxquelles il portoit bonne affection. De la colere il ſe ſentoit tellement oppreſſé, qu'il eſt contraint luy-mefme d'eſcrire ce Vers,

Irasci celerem, tamen ut placabilis eſſem.

Vertu veritablement recommandable, d'autant qu'encore que la choſe ne ſoit ſeante à un homme, toutesfois puis que nous ne pouvons (ſuivant l'axiome des Philoſophes) maſtrifer du premier coup la fureur bouillonante de nos premieres paſſions, ceux-là ſont aucunement excuſables, qui portans dans leur ſein pluſieurs eſtincelles du braſier colerique, ſçavent neantmoins le rafraichir de telle façõ, qu'à peine l'amorce eſt-elle échauffée, qu'ils la plongent dans le fleuve de patience, ſageſſe & magnanimité. Mais puis que nous ne ſommes point tombez ſur ce propos pour deduire ſeulement ſes rares vertus, mais auſſi pour pourſuivre le reſte de ſes faits, dits & eſcrits, tournons

nous vers le cabinet de nostre Horace, lequel nous trouuerons garny, non point seulement de riches escrits, mais aussi de sentences exquises, dorées & diaprées d'une telle prudence, qu'il ny a œil si friand, esmerillonné & gaillard soit-il, qui n'ait occasion plus que suffisante de se contanter. Et afin que nous ne semblions point vouloir repaistre l'oreille du Lecteur, de l'opinion qu'on pourroit presumer que nous auons à l'endroit de ce Poëte Lirique : le suis, contant de mettre en butte le iugement du graue & tres-digne Quintilien. Entre les Poëtes Liriques) dit-il) Horace est presque seul digne d'estre leu, d'autant que quelques fois il s'esleue, & est plein de ioyeuseté & grace; hardy & encores plus heureux à la diuersité de ses propos & figures. Son langage est net, gaillard, & esmaillé au possible. Et il a eu de propre & particulier à luy seul, qu'en riant & ne faisant pas semblant d'y toucher, il pinsoit & reprenoit fort viuement les vies & meschancetés des hommes. Ce qui fait que ie m'estonne, comme il a esté le si bien venu, veu qu'il ne portoit point) comme l'on dit) d'eau punaise. le sçay bien qu'on luy fera ombre de son Mecenas, qui luy soustenoit telle

ment le menton , que ſes ennemis mêmes eſtoient contraints de luy faire bonne & mauvais jeu , ſi bien qu'encores qu'ils euſſent fort bonne enuie de luy preſter vne dent , n'eũſſent oſé le joindre de près pour la crainte qu'ils auoyent que le puiffant Mecenas ne voulut ſ'en reſſentir. De fait ie trouue que ce Mecenas ne luy a point ſeulement ſeruy de fort à l'encontre de ſes aduerſaires , mais qu'il a eſté celuy , qui luy a donné entrée vers l'Empereur , qui le prit en telle amitié qu'à luy familièrement il a adreſſé particulièrement des miſſiues. Qui neantmoins ſont par certains deſ-advouées , comme ſi c'eſtoit feintife de l'accueil qu'on tient auoir eſté fait à ce Lirique. Que ſ'ils prenoyent bien garde au compte , qu'en faiſoyent les anciens grands Seigneurs, ils changeroient (peut-eſtre) d'opinion. Mais encores que nous ſoyons deſtitués de la faueur Impériale, pourtant ne demeurera Horace ſans dignité & eſtat de la Republique , d'autant qu'il eut charge de quelque conduite de gens-d'armes alencontre d'Auguſte & de Marc Antoine , alors qu'il ſuiuoit le party de Brutus. Lequel n'ayant pas eu du meilleur ſe trouua delaiſſé de la pluſpart des

siens. Entre lesquels estoit nostre Horace, qui se trouuant des-apointé de l'appuy qu'il auoit mis en Brutus, ne sçauoit à quel saint se voïer ayant en teste Auguste, vers lequel neantmoins il trouua grace par le moyen du Mecenas, comme desia i'ay cy-dessus touché. Des ceste heure il delibera de s'adonner entierement à la poësie, & pour patrons choisit les plus excellens Poëtes Lyriques, qui fussent comme Archilochus, Alcée, Sapho & l'inimitable Pindare. Escriuit plusieurs odes, epistres & deuils, avec ses institutions poëtiques, dont il ne s'acquist pas seulement vn renom immortel, mais aussi de grandes richesses. Le commencement de ses estudes fut à Rome, qui n'estoit gueres esloignée de Venose, cité de l'Apouille, d'où il nâquit, deux ans auant la coniuration de Catiline. Toutes-fois pour se rendre plus grand & consomméen sçauoir il s'achemina à Athenes, où bien peus'en fallust qu'il ne s'epicurisast entierement, comme luy-mesmes l'a confessé. Il auoit grande amitié avec Catulle, Licine le Chauue, Cinnir, Ciceron, Q. Hortense, Varron Terence, Orbilius de Beneuent son maistre, Albius Tibulle, Quintilius Vare, Poëte Virgile, Iulius Flo-


76 *Histoire des ſçavans Hommes,*
rus, le tres-grand Lollius & pluſieurs autres, qu'il ſeroit trop long de reciter. Enfin apres avoir paſſé le cours de cette vie, il deceda l'an de l'Empire d'Auguſte 35, qui ſeroit le 63 de ſon âge, encore qu'Eufèbe die que ce fut au 57, & quelques-uns au 70. Son Mecenas à ſes deſpens luy fit faire des obſequès fort ſuperbes & magnifiques, & qui reſſentoient tres-bien la magnificence qu'il a tant celebré par ſes œuvres.







MARC-TERENCE
VARRON .



MARC TERENCE VARRON.

CHAPITRE VII.



E mélange des sciences a sem-
blé à quelques-uns tellement
estrange, qu'ils ont osé dire
qu'il n'estoit pas seulement
mes-seant à un homme de s'adonner à
plusieurs disciplines, mais qu'il estoit im-
possible qu'il pût en venir à son honneur.
Et soit pivot de la plainte de ce non-
moins grave Philosophe qu'excellent Me-
decin, lequel se formalisoit contre la na-
ture de ce que la vie de l'homme estoit si
courte, & qu'une seule science estoit si
longue, qu'un homme tant habile, assidu
& subtil fut-il, pouvoit à grand peine en
atteindre le bout de la perfection. De ma-
part je passeray volontiers condamna-
tion, & confesseray librement la foiblesse
de l'entendement humain estre telle, que
pour parvenir au haut d'une seule scien-
ce, la vie de deux ou trois hommes, quant
elle seroit quadruplée, ne pourroit suffi-
re. Mais aussi qu'il faille pour cela bannir

la vivacité d'esprit de certains , & nier qu'ils ne puissent pour l'agilité de leur esprit s'aquiter de ce qu'avec difficulté plusieurs n'auroient sceu executer , ce seroit du tout hors de propos vouloir compasser la capacité de l'industrie humaine au niveau de l'imbecillité d'aucuns. Et encore que par raison & argumens on peut verifier cet axiome , toutesfois pour ce que cela seroit avec longueur & avec plus grand doute , j'aime mieux proposer un personnage, qui donnera preuve tres assurée du paradoxe que je propose, à sçavoir qu'il est impossible qu'un homme soit entendu en plusieurs & diverses sciences: C'est nostre Varron fort de la Gaule Narbonnoise , laquelle est tellement diverse, soit en plusieurs sortes de sciences, qu'à peine oseroit-on croire ce que je proposeray , qu'il y a bien peu d'art, sur laquelle il n'ait tracé quelque chose. Toutesfois, le Catalogue des livres qu'il a faits, & qui est tres-doctement recueilly par Gesner, fera assez de foy de mon dire, & montrera que pour la Theologie, arts liberaux , quels qu'ils soient , il y a peu de point qu'il n'ait éclaircy selon le temps auquel il vivoit. Et pour cette occasion il a esté grandement prisé par saint Augustin,

au sixiesme livre de la Cité de Dieu. Qui est celuy, dit-il, qui a recherché plus curieusement que Marc Varron, les feintises des Dieux? qui a trouvé plus doctement? qui a considéré plus attentivement? qui a distingué plus subtilement, qui a écrit plus diligemment & plus amplement? qui est rempli de tant de sçavoir & sentences, encore qu'il soit moins doux au parler, si est-ce que pourtant enseigne-il autant celuy qui se plaît à apprendre les choses en toute discipline, que nous appellons seculieres, & les autres liberales, comme Cicéron resioüit ceux, qui prennent plaisir aux paroles. En ce peu de lignes il comprend tout ce qu'on pourroit dire de nostre Varron, vers lequel je desirerois renvoyer ceux, qui se mettent en si grande peine pour garnir les cabinets. Pour les sciences humaines & liberales on ne sçauroit trouver homme, qui selon son temps en ait plus pertinemment écrit: Il est vray que je sçay biẽ que pour le presẽt nous ne jouissons pas de tous ses livres, de maniere que ce seroit dresser le dessein d'une Bibliothẽque en l'air, que d'y mettre seulement les livres de cẽt excellent Philosophe. Aussi neveux-je pas conseiller de n'avoir autres livres que ceux de Varron,

80 *Histoire des ſçavans Hommes,*
mais , ſi mes ſouhairs auoyent lieu , ie
voudroys bien que des deſſeins , qu'on
fait meubler des bibliothèques , fuſſent
en partie fondés ſur le patron & modele,
que nous auons dans le magazin Varro-
nien. Là les Mathematiques ſont miſes en
lieu fort eminent & honorable. Les mine-
raux & fouilleurs des ſecrets dans les
entrailles de la terre, pourroient des thre-
ſors de noſtre Varron puiser les myſtiques
vertus de leur virgule diuine. Quant aux
Hiſtoriens & originaires ils ne peuuent
nier que Varron ne leur ait dreſſé le plan,
tracé les ſuites des temps , des âges &
des races. A l'agriculture il a auſſi donné
atteinte ſi à propos , qu'il eſt aisé à voir
par le peu de liures qui nous ont eſté re-
ſerués de l'iniure du temps , qu'il y a eſté
fort experimenté. Enfin la Grammaire,
Philophie , Poëſie & autres arts libe-
raux, ont auſſi receu des labeurs de noſtre
Varron vn luſtre merueilleux , leſquels
eſtoient par la calamité & enuie des temps
ternis, bazannés & pour la pluſpart dif-
formés , n'eut eſté la diligence , qui y a
mis Ioseph de l'Eſcale (perſonnage doié
de pluſieurs parties , & conſommé en la
connoiſſance de grandes choſes) Pierre
Victor Florentin (la memoire duquel doit

estre chérie & reuerée par ceux , qui ayment & le ſçauoir & la vertu) Antoine Auguſtin , Eſpagnol , lequel à par ſes emendations tres-elegantes reformé tant noſtre Varron , que pluſieurs autres Auteurs , & a pertinemment eſcrit ſur le Droit Civil & Canon , & autres excellens perſonnages , par leſquels les riches lineamens de noſtre Varron ont eſté remis en la perfection qui nous eſt par leur moyen communiquée. le pourrois icy faire un extrait de ſes ſentences, mais parce que cela ſeroit trop long, je me contenteray d'en coucher icy d'eux. La premiere eſt touchant le devoir des amitez , leſquelles il a au vif exprimées, non point de la façon qu'elles doivent eſtre preſcrites & ordonnées par les juſtes preceptes d'amitié, mais ainſi qu'elles ſont pratiquées : *Les amis des riches (dit-il) ſe tiennent à l'entour du gerbier , pour amaffer le grain,* voulant par là monſtrer que l'amitié eſt tellement corrompue, que ſeulement on la meſure à l'aune du profit & utilité; ce qui a eſté fort bien remarqué par Ciceron, Ariſtote & autres tant Philoſophes que Poètes. L'autre eſt touchant le commandement & puissance qu'avoient les Seigneurs ſur les ſerfs & eſclaves. Sous le

82 *Histoire des ſavans Hommes,*

voile de laquelle pluſieurs ſe ſont pluſieurs fois licentiez à exercer des inhumanitez & cruantez execrables. On ſçait aſſez que la ſentence de ces pauvres creatures eſtoit minutée dans ce beau parchemin, qui portoit notamment, que toutes perſonnes qui ſont reduites à la condition ſervile ſont mortes, ainſi qu'il eſt porté par pluſieurs paſſages couchez, tant au titre des regles de droit, qu'autres endroits du corps Civil, aſſez à remarquer par le Lecteur. Mais ils ne conſideroient pas qu'en terme du Droit des gens, qui luy a donné la premiere ſource, cela devoit eſtre entendu de la mort civile, & non naturelle, d'autant qu'ainſi qu'a tres-bien remarqué Ariſtote en quelque part de ſes livres touchant le gouvernement civil, il y a des eſclaves qui ont l'entendement autant & plus genereux que ceux, qui ſe qualiſioient du titre de liberté, de maniere qu'on ne peut leur retrancher cette forme eſſentielle, qui les animoit de la raiſon. Quant à la vie, qui eſt commune aux beſtes brutes, on ne pouvoit nier que pareillemēt ils ne jouiſſent du meſme benefice, puis que pour quelque peine, travail & ſervile ſujettion, où ils eſtoient aſſujettis, ils ne laiſſoient pas d'eſtre quelquesfois plus

drus , plus gaillards & plus dispos que ceux , qui se pompoient sous leur manteau de liberté. Encores doncques que la distinction des hommes libres avec les personnes esclaves ne soit point pour raison de nature , ce neantmoins les fols maistres prenoient la mort civile pour naturelle, & touchoient sur leurs esclaves , comme sur plaistre , pierre & chose morte , & ne faisoient aucune conscience de mettre à mort ces pauvres creatures. Je sçay bien que les Empereurs par leurs ordonnances ont , en tant qu'en eux a esté, moderé vne telle rigueur , mais aussi de son costé Varron s'est essayé à y donner ordre. Pour ceste occasion tres-sagement tenoit-il qu'il ne falloit point par coups, outrages & playes contraindre les esclaves à leur devoir, mais par douceur, paroles & humains traitemens les attirer au droit chemin. En la Chrestienté pour la pluspart l'inique tyrannie de servitude a esté retranchée , mais n'ont pas pû les extorsions , les cruautéz & barbaries de quelques-uns , qui plus haut montez que leurs compagnons, veulent en un coup devorer les menus & plus petits qu'eux. Je les renvoyeray tousiours à ce grave Consul. Lequel à cause de ses

84 *Histoire des ſçavans Hommes,*
rares vertus fut appellé à la dictature par
le peuple Romain , mais ne voulut y en-
tendre, quoy qu'il en fut fort ſollicité. Je
ſçay bien que certains attribuent ce refus
à quelque pernicioeux preſage, qu'il avoit
attiré ſur les Romains en la pitoyable
deffaitte de Cannes , mais quoy que c'en
ſoit, nous voyons bien qu'il faut que ce
ſoit un homme, qui ne ſe ſoit mouché du
pied, auſſi ne pouvoit-il, ayant paſſé par
tous les degrez des eſtats & honneurs
Romains, par leſquels il falloir, que celui
auquel on preſentoit une telle dignité fut
criblé & eſtaminé. En apres le bel âge
qu'il a vécu ayant atteint l'âge de quatre
vingts dix ans , me fait croire qu'à tort
l'accuſe-t-on de la mal-heureuſe deffai-
te, qui ſurvint à la journée de Cannes.
J'ay bien voulu repreſenter ſon portrait,
tel que je l'ay fait tirer d'une medalle
ancienne, que j'ay apporté d'Italie avec
celle d'Ovide & Saluſte.

ACTIVS PLAVTVS,
Poëte Comique.

CHAPITRE VIII.



AR ce seul Chapitre je puis comprendre la forme semblable, au moins la naturelle condition de plusieurs excellens & divins esprits, qui ennoblis de la science plus qu'humaine de Poësie, courent mesme fortune, que fit autrefois nostre Plaute Comique. Or je ne m'émerveille point de voir les hommes doctes par tous lieux méprisez, mais bien je me puis à bon droit plaindre de cét âge, où nous vivons, qui estime vil & inutile un si accompli ornement de la science humaine & divine ; & un si honorable & utile present donné de Dieu aux mortels. Les hommes pratiquent trop severement ce proverbe commun.

*L'entrée eſt deſſendüe au pauvre dépour-
 veu,*

Honneur ſans preſent ne ſeroit point receu.

Et appellent ſayneans les Poëtes, qui employent à leur deſavantage propre, leur eſprit & ſcience, pour profiter & delecter enſemblement, les eſloignent de la commune ſociété des hommes mal informez de leur prad'homme : mais à ce malheur ne donne entrée, ſinon l'ignorance ennemie de vertu, laquelle deteſte ce qui luy eſt diſſenſible. Car ſi nous voulions rechercher & eſplucher les Histoires, nous trouverions qu'anciennement, & lors que la ſageſſe & vertu floriſſoit, on faiſoit tant d'honneur à cette ſcience Poétique, que tout ainſi que l'Empereur apres avoir obtenu la victoire, eſtoit honoré & mené en triomphe dans un chariot : auſſi le Poëte apres qu'il paroiſſoit avoir atteint le comble de perfection en ſon art, eſtoit couronné de Laurier, & conduit dans un chariot triomphant par la Ville, la pluſpart des habitans d'icelle y aſſiſtans avec joye, pour faire honneur au Poëte. A raiſon de quoy Iules Ceſar, fondateur de l'Empire Romain, & Auguſte ſon ſuc-

cesseur se sentirent grandement honorez d'estre admis au nombre & College des Poëtes. Le mesme Iules Cesar entrant au College, ne se fascha point de ce qu'Accie excellent Poëte, ne luy vint au devant, & ne sortit de sa place. Scipion Afriquain, dit le Grand, ayma le Poëte Ennie de telle sorte, qu'il le voulut tousiours avoir pour compagnon en tous les voyages qu'il faisoit, & apres sa mort luy octroya droit de sepulture en son sepulcre, edifié en la voye Appie. Alexandre le Grand, lors qu'il passa avec ses forces pour dompter & subjuguier l'Asie, & qu'il eut veu le tombeau d'Hector, se mit à dire: O adolescent, heureux d'avoir esté si hautement sonné d'une telle & si éclatante trompette. Cecy disoit Alexandre, pour demonstrier qu'il eut bien voulu avoir aupres de luy un second Homere, pour décrire ses loüanges. Puis donc que tant de rares personnages ont aymé les Poëtes, & de telle façon honoré, je ne puis qu'avec raison je ne m'émerveille grandement, de voir les Poëtes méprifez. Mais au moins si on les sçavoit entretenir, pendant que mesprisans leur profit particulier, ils s'employent pour le public, plusieurs plus volontiers entreprendroient

choses difficiles & dignes de memoire
perpetuelle, ſi (di-je) ſe trouvoient au-
cuns, qui vouluſſent leur ſubvenir à leurs
neceſſités, & certes on ne manqueroit de
ce temps de perſonnages, qui talonne-
royent de bien pres la gloire & haut ſtille
des Poëtes anciens. O que les Roys & Prin-
ces ſont rares, qui vueillent imiter Ly-
ſander, lequel pour peu de Vers, que luy
présenta le Poëte Archiloche, luy fit em-
plir ſon chabeau de pieces d'argent ! O
que rarement ſe trouuent-il Empereurs &
Seigneurs, qui à l'exemple de Marc-An-
toine (lequel fit nombrer au Poëte Ap-
pian un ducat pour chacun Vers, conte-
nus en ſes livres de la Peſcherie & Ve-
nerie, & avec cela commanda luy eſtre
érigée une ſtatue fort ſomptueuſe au pu-
blic) recherchent & récompensent la
peine de ceux, qui à leur louange com-
poſent Hymnes & Vers ! Non, non, il ſe
trouve bien peu de Mecenas, qui reçoivent
benignement en leur maiſon les Poë-
tes : Car il faut l'honneur & le ſalaire aux
arts & eſtudes liberales. Au rang donc de
ces pauvres Poëtes, pouvons avec Home-
re & quelques anciens colloquer Plaute,
Poëte Comite, tant renommé pour la gra-
ce, ſuavité & douceur de ſon ſtyle à eſcri-
re

re des Comedies : De maniere que Var-
ron luy a donné ce titre de loüange, que si
les Muses vouloient parler Latin, elle ne
parleroient sinon par la bouche de Plau-
re. Ce Plaute fût natif de la ville de Sar-
sive au Duché de Spolere, anciennement
dite Vmbrie, son nom fût Accius & prit le
surnom de Plaute, dautant qu'il avoit les
pieds fort plats. Il fût à Rome en l'O-
lympiade 148, où composant & fai-
sant représenter en public quelques sien-
nes Comedies, amassa une bonne som-
me de deniers, lesquels comme il eut em-
ployé en marchandise, la fortune ne luy
disant, perdit tout son bien, dont puis
apres embrassant vne pauvrete soit con-
trainte ou volontaire, se mit & loüa pour
tourner la meule d'un moulin, employant
le surplus du temps, qui luy restoit, à
escrire d'autres Comedies, qu'il vendoit
à bien petit pris. Il est dit avoir composé
jusques au nombre de cent trente six
Comedies, qui toutes ne sont tombées
entre nos mains. Ceux, qui (selon leur
propre iugement) ont voulu donner lieu
de preeminence aux Poëtes Comiques
Latins, placent Plaute au second lieu,
la dignité premiere étant reserüe à Ce-
cile. Le stile de Plaute semble estrange,

90 *Histoire des ſcavans Hommes*,
pour l'antiquité des noms anciens dont il
uſe. Il mourut à Rome Scipion l'Afri-
quain, eſtant en grande eſtime pour la
tres-digne ſuffiſance de ſon excellent
ſçavoir, au raport de Marc Varron. Flo-
riſſoit auſſi un autre grand Poète Comi-
que, nommé Nevius, qui fut banny de
Rome pour avoir preſté l'oreille à la fa-
ction de quelques ſeditieux. Archimedes
eſtoit auſſi du meſme temps, à ſçavoir
cent quatre vingts neuf ans devant l'In-
carnation de noſtre Seigneur & Redem-
pteur, qui eſtoient contemporanez de no-
ſtre Plaute : Sur ſa tombe fut gravé cét
Epigramme, au raport de Marc Varron.

Post quam eſt morte captus Plantus.

Comedia luget: ſcena eſt deſerta.

Deinde riſus, iocus, ludusque & numeri

Innumeri ſimul omnes collachrymarunt.

Vers qui demontrent la grande reputa-
tion, en laquelle eſtoit ce rare Poète, qui
par ſa mort ſembloit avoir ravy aux
Cieux toutes les Comedies, plaiſirs &
ébatemens, qu'on peut prendre à tels &
tant recreatifs exercices. Et de fait puis
qu'il n'eſtoit plus queſtion de Cecile, c'e-
ſtoit bien la raiſon d'eſtimer que c'eſtoit

Plaute seul, qui vivifioit les gaillardises comiques, & partant que, dès qu'il s'estoit retiré elles demeuroient flaitries & assoupies; tout ny plus ny moins que le Soleil par sa presence reffuscite la vie des plantes, & dès qu'il veut en Hyver faire retraite, il n'y a arbre si hautain, branchu & fueillu soit-il, qui ne quitte aussi sa force & vigueur vegetative & animale. De ce temps vivoit ce grave Poëte Ennius, Tarentin de nation, lequel a servy de matiere & sujet aux plus émerillonnez de doctrine d'admirer la souplesse d'esprit de ce personnage, qui se transporta à Rome par le Questeur Caton, ne voulut choisir autre demeure que le Mont Aventin, quoy que ce fut un lieu assez farouche. Ce neantmoins Ennius y planta si bien le bourdon avec une seule chambrière, que vivant avec elle assez maigrement, il se trouva mieux à souhait & en plus grand repos d'esprit, que s'il eut esté plongé jusqu'au coude aux delices & mignardises Romaines. C'estoit le personnage qui avoit de plus saintes, chastes & louïables opiniōs qu'il est possible de penser. De maniere que ce n'est merveilles si de sa rusticité Virgile a recueilly ses graves sentences, puis qu'il a sceu donner là où Aristote-


92 *Histoire des sçavans Hommes,*
re, quelque habile qu'il fut, n'a voulu abor-
der. Apres avoir par l'espace de plus de
70 ans rodé parmy la forest des miseres
de ce siecle, il fut accablé d'une maladie,
qui l'envoya au tombeau, l'Olympiade
153. Il fut enterré au monument de Sci-
pion au chemin Apien.







*MARC-TVLLE CI-
CERON .*



MARC TVLLE CICERON.

CHAPITRE IX.



EVX qui traitent & disputent de la dignité des arts & sciences profitables , nécessaires & seantes à la vie humaine , sont en doute laquelle des deux est à preferer, de l'art militaire ou bien de l'eloquence, l'une estant celle qui deffend la Republique , l'autre qui aide à la gouverner & entretenir en paix. Mais quant à moy je veux passer plus outre & maintenir la seule eloquence, obtenir le premier lieu & surpasser l'art militaire , puis que sans elle le Capitaine ne peut avoir les graces & perfections en sa charge : ou au contraire l'Orateur par son eloquence peut encourager les soldats , obtenir les victoires & entreprendre toutes les affaires requises en une Republique , mesme s'il estoit besoin de le verifier par experience, je pourrois monstrier que les plus redoutez & signalez Capitaines ont spécialement sceu faire parade de quelque

bien-diſance, pour captiver leurs ſoldats, & comme on dit, leur faire mettre cœur au ventre. De ma part ſi j'avois à juſtifier cét article, je ſerois bien fâché d'emprunter la preuve d'autres moyens que de ceux qui ſe preſentent, puis que le mauvais ménage qui a eſté entre Ceſar & Pompée nous eſtalle des vérifications de nôtre dire plus manifeſtes que le jour. Suffira de nous fonder ſur la valeur de Ceſar, qui a tellement éclaté de toutes parts, qu'il n'y a coin, anglet ny canton, ou elle n'ait percé, mais à ſçavoir ſi ç'a eſté, pour avoir, ainſi qu'on dit, remué les mains? Il a plus gagné du ſeul plat de ſa langue, que n'a pû luy acquérir le furieux effort de ſon eſpée. Vous avez ces divins Commentaires, qu'il a par maniere de memoires dreſſé des guerres qu'il a faites. Là on trouvera des harangues auſſi diſertement & à propos polies, qu'à ſi devant une Cour de Parlement il eut fallu que Ceſar les prononçât. Je ſçay bien que ce point ſera trouvé de difficile digeſtion à pluſieurs, qui s'emparent du nom de guerriers, auſquels il ſemble que pour un acte belliqueux il n'eſt queſtion que de frapper, chammailler, briſer & rompre : mais ils ne conſiderent pas que quelquesfois

un seul mot, touché à propos, a plus de force & de vertu que la force de cinq cens mil hommes. Si le Présent discours me pouvoit permettre, que je peusse specifier les argumens que j'ay en main, pour prouver la prééminence que doit emporter l'éloquence au dessus de l'art militaire, je prendrois grand plaisir de faire un contre-poids des sanguinaires poursuites de plusieurs Capitaines, qui n'ont reussi à heureuse fin, avec la douceur, clemence & humanité d'autres, qui ont obtenu de ceux à qui ils avoient affaire plus qu'ils ne demandoient ; mais puis qu'ailleurs il se pourra offrir occasion plus à propos, je suis content de remettre ce discours à une autre fois. Ce n'est pas sans juste occasion si les hommes admirent l'éloquence, de laquelle Cicéron a esté le pere. Pourtant il me sera loisible de faire en ce lieu un bref discours de ses vertus tiré des Auteurs anciens qui en ont traité. Il nâquit d'une petite bourgade appelée Arpino au val de Benevent, laquelle a aussi produit aux Romains le vaillant Capitaine Marius. Il eut pour precepteurs les plus doctes & accomplis en sçavoir en toute & singuliere perfection, tant Orateurs que Philosophes, qui regnoient de ce temps-

96 *Histoire des ſçavans Hommes,*
là, tels que furent Philon, l'Academi-
que Poſſidone, Panæce, Apollonius & au-
tres. Et afin que la Prophetie fuſt verita-
ble, que ſa nourrice eut d'un eſprit, qu'il
feroit un jour cauſe d'un grand bien à
tous les Romains, il ſ'accouta des plus ex-
cellens & fameux Jurifconſultes, & nom-
mément de Q. Mutius Scevola, qui pour
lors eſtoit homme d'affaires & la premie-
re perſonne du Senat, & qui le façonna ſi
bien à l'adminiſtration civile, qu'il a em-
porté le prix à diſcourir des loix & gou-
vernement politique. Eſtant de retour à
Rome & ſe preparant aux affaires de la
République, il plaida la cauſe de Sextus
Roſcius Amerinus, accusé de parricide,
laquelle il gagna, n'ayant encore que
vingt quatre ans. Son adverſe partie fut
Sylla, la fureur duquel craignant, & fei-
gnant eſtre malade, il ſe retira en Gre-
ce, où de rechef il ſ'exerça ſous les Phi-
loſophes Grecs en Philoſophie & art ora-
toire. Eſtant de retour, ne cedant à au-
cun des Orateurs à bien dire, ſe rendit
admirable, de maniere que ſ'il ſe preſen-
toit quelque cauſe difficile & deſeſperée,
par ſa façon amiable & traits ſubtils il
obtenoit à ſon profit. Pour exemple ſera
l'Oraiſon qu'il prononça en la deſſence
de

de *Quintus Ligarius* accusé & conuaincu de lèze Majesté devant Cefar , qui auoit resolu de le faire mourir : Mais il le sçeut si bien adoucir , que Cefar , rany d'admiration , laissa cheoir de ses mains les accusations. Ce qui le mettoit en plus grande reputation est la foiblesse de son estomach , qui ne pouvoit l'empescher de plaider avec une telle grâce , qu'encore qu'il n'eut la voix bonne & forte , il se monstroir rude & fort vehement aux actions de ses plaidoyers. Toutesfois il le faisoit par une discretion merueilleuse : car, pour n'offenser son estomach, de degré en degré il surhaussoit son parler, & quand il estoit besoin il éclattoit tellement, qu'on n'eut pû juger, tant pour son indisposition, sinon que cela ne luy dût apporter un notable prejudice. Foiblesse qu'il se reputoit neantmoins à perfection, se moquant des Orateurs, qui ne faisoient que criailler , & les comparoit aux boiteux , gouteux & autres, qui parce qu'ils ne peuvent aller à pied, sont contraints de monter à cheval. Icy il n'est pas à oublier, qu'au commencement qu'il se prit à advocasser, il avoit les mesmes deffauts qu'avoit eu *Demosthenes* & le grâd Theologien Grec *Gregoire Nazianzene*, il prit

pour patron Q. Roscius le Comedien & Æſope jouëur de Tragedies, il ſe façonna ſi bien que par ſa voix rempliſſant l'oreille d'un ſon doux & gracieux, & par ſes geſtes, mouvemens les mieux ordonnez qu'il eſtoit poſſible, fit tant que bien peu de choſe plaida-t-il, dont il n'obtint le gain. Et encore que l'Oracle d'Apollon Delphique luy oſta toute envie de ſe meſſer du gouvernement de la Republique, il ne pût ſ'en garentir, mais obtint par degrez tous les plus grands honneurs & dignitez des Magiſtrats Romains, & fut eſſeu Conſul avec Caius Antonius. Durant ſon Conſulat ſurvint l'execrable conjuration de Catilina, jeune Gentilhomme Romain, lequel aſſocié de pluſieurs hommes Illuſtres, avoit entrepris de mettre le feu dans Rome & ſ'en faire Seigneur. Mais Ciceron en eſtant adverti, declarant la conjuration en plaine aſſemblée du Senat, il preſſa tellement Catilina lors preſent, que confus force luy fut de ſe ſauver & fuir de Rome avec ſes complices. Ses autres conjurez, qui furent apprehendez, furent eſtranglez par l'ordre de Ciceron ſans l'advis du Senat & du peuple. Dont depuis accuſé par Clodius, il fut contraint d'aller en exil.

Mais peu de temps après à la sollicitation de ses amis, il en fut avec grand honneur rappelé, & tenu comme pere de la patrie. Cependant intervint la division & inimitié de Pompée avec César, cause de la subversion totale de la liberté & autorité Romaine. Donc contraint de suivre l'un ou l'autre party, il choisit avec la plus grande partie du Senat & des Chevaliers Romains celui de Pompée, dont étant repris d'estre venu si lentement, il répondit sagement; Je suis venu tard, car je ne voy rien préparé. Or César ayant obtenu la victoire sur Pompée, & le plus grand nombre fuyans sa presence craignans sa fureur, Cicéron se presenta hardiment devant luy, & étant interrogé pourquoy luy, qui estoit homme si docte & prudent, avoit si lourdement failly au choix des parties, il respondit, ton vestement m'a deceu, se couvrant d'une excuse assez prompte: il taxoit par un tel propos César de ce qu'il alloit mal vestu. Depuis la victoire & captivité de l'Empire, Cicéron se retirant des affaires publiques en sa mai-
stairie Tusculane, introduisit le premier dans Rome la façon de disputer des Aca-
demiques, traitant les parties de la Philo-
sophie, & la reestablisant en sa premiere

splendeur , auquel tranquille exercice il eut pour familier compagnon & amy T. Pomponius Atticus , & autres nobles Citoyens Romains. La mort de Cesar troublant encore plus l'estat Romain , Ciceron nageant entre deux eaux (comme l'on dit) tint teste à Marc Antoine seditieux, favorisant le party des conjurateurs & meurtriers : Mais voyant leur entreprise de liberté évanouïe , pour se prevaloir s'adjoignit à Octavian, lequel il animoit à résister au furieux Antoine, luy cependant déployant son eloquence contre luy en ses Oraisons nommées Philippiques, qui depuis luy cousterent la vie. Car ayans Octavian, Antoine & Lepide comploté & divisé entre eux l'Empire Romain faisans proscrire & tuer ceux que chacun avoit ou craignoit pour ennemis, Ciceron enfin fut mis au nombre des pros crits, dont depuis Antoine fut recherché , & Popilius Lenas, lequel par luy avoit eu la vie sauve, & l'avoit deffendu en jugement, entreprit la conjuration de l'occir , ce qu'il fit , luy tranchant la teste & la main droite, (ainsi qu'a pertinemment escrit Plutarque) qui furent publiquement attachées aux rostres & Tribunes aux harangues , auquel lieu Ciceron avoit declamé ses Philippi-

ques. Voila comme l'éloquence, qui fut cause de son advancement, fut aussi cause de sa mort. Il fut accusé d'inconstance en ses actions, & il estoit fort facetieux en son parler. A cette cause son ennemy Varinius l'apelloit Consul facetieux, badin & plaissant. Il laissa de sa femme Terentia, avec laquelle il fit mauvais ménage, deux enfans, un fils nommé comme son pere Marc, qui n'a entierement hérité des vertus du pere, & une fille nommée Tulliola, mariée à deux nobles Sénateurs. Il fut tué l'an soixante deuxiesme de son âge; son corps fut brûlé, les cendres duquel, en l'honneur de ce personnage, furent mises dans deux Urnes de verre, que j'ay veu estant en ladite Isle, lesquelles depuis cent vingt cinq ans ont esté trouvées en un certain endroit de l'Isle de Lezante, appartenant aux Venitiens & non au Turc, comme le nouveau Munster nous a faussement laissé par escrit, & ainsi que j'ay simplement escrit en ma Cosmographie. La suffisance de ce grave Orateur fut telle, que les Grecs sont contraints avec Apollonius Molon, qui avoit esté son precepteur à Rhodes, non pas de le louer & admirer seulement, mais avoit compassion de la pauvre Grece, veu que

Ciceron avoit conquis ſur elle le ſçavoir & l'eloquence, qui eſtoient deux ſeuls joyaux qui luy eſtoient reſtez, & dont ſeulement elle ſe pouvoit prevaloir ſur les Romains. Quant eſt du ſurnom de Ciceron, il luy fut impoſé, à cauſe d'une tache qu'il avoit au viſage, ſemblable à un pois chiche, dit en Latin *Cicer*. Et comme un jour quelqu'un le gauffa de ce ſurnom, luy conſeillant de le laiſſer & changer au premier Eſtat qu'il demanderoit, il luy rendit ſon change avec une reſponſe fort gaillarde, & luy dit, qu'il mettroit peine de rendre le nom des Cicerons plus illuſtre & renommé que ceux des Scaures ny des Catules. Et depuis eſtant Queſteur & Sur-Intendant des finances en la Sicile, il donna une offrande de quelque vaſe d'argent aux Dieux, ſur lequel il fit graver tout du long ſes deux premiers noms, *Marcus Tullius*, & au lieu du troiſieſme commanda par jeu à l'ouvrier, qu'il y tail-
la la forme d'un pois chiche. Je n'entre-
ray point icy en la comparaifon que Plutarque fait de ſon eloquence avec celle de Demosthene, puis que le Lecteur pourra les prendre de là. Je veux remarquer ſeulement, qu'il a eſté repris & mal voulu pour trois principaux points. Le pre-

mier , d'avoir usé de paroles aigres & si piquantes, qu'il s'en est plusieurs fois acquis la mal-veillance de plusieurs. Ioint qu'en se mocquant il approchoit fort du bouffon , & tournant en ses plaidoyers des choses de consequence en jeu & risée , pource qu'il luy venoit à propos , oublioit quelquesfois le deuoir bien-seant à un personnage de gravité & de dignité telle qu'il estoit. Le second qu'il estoit si cupide d'honneur , qu'il ne se contentoit pas d'estre loüé par autrui ; mais luy-mesme preschoit ses propres loüanges , qu'il meritoit tant pour ses actes & faits , que pour les harangues qu'il avoit escrit & prononcé. Le troisieme est, pource qu'il repudia sa femme Terentia , aupres de laquelle il estoit envieilly, pour espouser une jeune fille. Reproche que luy fit Antoine és responses qu'il dressa à l'encontre de ses Philippiques. Pour ce dernier chef il me semble qu'il ne sera pas malaisé de deffendre Cicéron, qui avoit beaucoup de griefs de mécontentement à l'encontre de Terentia, pource qu'elle n'avoit tenu conte de luy durant la guerre, de maniere qu'il partit de Rome sans avoir ce qui luy estoit neces-


faire, pour s'entretenir hors de sa maison : & encore quand il s'en retourna elle ne fit aucun acte ny devoir de bonne affection envers luy, ny daigna le visiter à Brunduse, là où il sejourna long-temps : & qui pis est, à sa fille, qui eut bien le cœur de se mettre en chemin pour faire un si long voyage, elle ne donna ny suite, ny argent, ny compagnie, enfin qu'elle s'estoit mal comportée en son absence.







LVCIVS - ANNEVS
SENEQVE .



LVCIVS ANNEVS SENEQVE.

CHAPITRE X.



VANT que nous entrions au discours de la vie de ce grave Philosophe, il est besoin de donner à entendre la distinction, qui est entre ceux qui ont porté le nom de Seneque, d'autant que je ne puis m'accorder avec ceux, qui tiennent que ce personnage ait eu le nom de *Seneca*, comme qui diroit *Senecans*, puis que tous ceux qui ont passé sous mesme rigueur, qu'a fait ce grand Academique, n'ont pas emporté cette qualité. Sydon Apollinaire, duquel j'ay cy-dessus décrit la vie, fait mention de deux Seneques, à sçavoir du nostre, & d'un Poëte Tragique, portans le mesme nom, qui a composé dix Fables, qui ont esté mises en lumiere, les Vers duquel j'ay bien voulu icy inferer, pour d'autant mieux decouvrir la diversité, qu'il y a entre ces deux excellens personnages.

*Non quod Corduba præpotens alumnis
 Facundum ciet, h c putes legendum.
 Quorum unus colit hispidum Platona,
 In cassumque suum monet Neronem.
 Orchestram canit alter Euripidis,
 Pictum facibus Æschilum secutus,
 Aut plaustris solitus sonare Thespins,
 Qui post pulpita trita sub cothurno
 Ducebat stolidæ patrem capelle.*

Mais ce n'est pas la principale difficulté, d'autant que plusieurs Auteurs, outre ce Tragique, font mention de trois Seneques & entre autres Martial au premier liure de ses Epigrammes.

*Atria Pisonum stabant cum stemmate toto,
 Et docti Seneca ternumeranda domus.*

Je lairray plusieurs expositions, que quelques brouillous d'escole ont amené sur ce passage, parce que, si nous nous y arrêtons, quant nous aurions philosophé cinq cens ans apres, nous ne pourrions tirer d'eux l'occasion de ceste triade. Sur toutes autres me plaist celle, que Martial luy-mesme a donné en l'epigramme vingt-neufiesme qu'il adresse à Lucian.

*Duosque Senecas, unicumque Lucanum.
Facunda loquitur Corduba.*

Par ces vers il donne à entendre , qu'il y auoit trois fils de Marc Année Seneque, à sçauoir Lucius Année Seneca le Philosophe, duquel nous discourons maintenant; Iunius Anneus Gallio & Luce Année Mele, qui fut pere de Lucain le poëte, lequel, ainsi, seroit neveu de nostre Seneque, & seroit mort sous le mesme Neron, de mesme mort que son oncle, pour auoir esté aussi soupçonné de la coniuration de Pison. Deux de ces trois enfans, à sçauoir Lucius Anneus Seneque, & Gallio furent menés à Rome fort ieunes, combien que quequelques-uns dient qu'ils y furent conduits avec Mele leur troisieme frere desia grande lets & d'aage meur, par le conseil & aduis de Cneus Domice Enobarbe, Capitaine Romain, qui les prit à la ruyne qu'il fit de la ville de Cordoë en Espagne, dont ils estoient natijs, & laquelle s'estoit retiré de l'obeissance de l'Empire Romain, les ayant pris, les fit francs, & à son adieu, allerent à Rome avec Lucain le Poëte, qui estoit fort petit. Estans venus à Rome

108 *Histoire des ſçavans Hommes,*
ils s'adonnerent tout à fait aux lettres,
eurent pour precepteurs tant és langues
Grecque & Latine, qu'és premières disci-
plines Pomponius Marulle, Iules Higin,
ſurnommé Pôlyhiſtor, Seſtius, Smyrneus
& Afinius Gallus, qui faiſoient lors pro-
feſſion à Rome d'enſeigner publique-
ment. En Philoſophie noſtre Seneque
ouït diligemment Socion d'Alexandrie &
le Stoïcien Photin, qui faiſoient auſſi à
Rome grande profeſſion de Philoſophie,
comme meſme témoigne ſaint Hieroſ-
me. Noſtre Seneque s'avança ſi bien,
que pour le grand bruit & reputation qu'il
en acquit, l'Empereur Claude le prit en
amitié & le fit de ſes domeſtiques & fa-
miliers. Apres connoiſſant la rareté de
ſon eſprit il luy donna la conduite de Do-
mice Neron ſon gendre, qui fut par apres
Empereur. Sur cela pluſieurs Auteurs eſ-
crivent que Claude meſme luy porta en-
vie de l'accueil qu'il luy avoit fait, &
pource l'envoya en banniſſement en l'Isle
de Corſe, à ce pouſſé, ou bien par les
fauſſes calomnies de certains courti-
ſans, qui portoient mal en gré le cre-
dit, qu'en ſi peu de temps Seneque avoit
acquis, ou pluſtoſt par la perverſe & de-
pravée nature de ce tyran, qui, ainſi que

recite Suetone , estoit suiet à plusieurs vices, comme rapine , paillardise , gourmandise & notamment à la cruauté. De cét exil est parlé en la tragedie qui est intitulée Oſtaue, laquelle certains tiennent estre du nombre de celles , qui sont faussement attribuées à Seneque , & disant qu'elle est partie de son fils , comme raconte Pierre Crinit en son troisieme livre des Poëtes Latins. D'autres la donnent à vn de ses freres , combien qu'à la verité il fut assez enclin & adonné de luy mesmes à la poësie: de quoy fait foy l'oeuvre qu'il à composé de la mort de l'Empereur Claude , qui est pleine de plusieurs gentilleses & gaufferies gaillardes , qu'il a fait à l'encontre de cét Empereur) comme c'est la coustume des Poëtes de faire bourdonner leurs musettes à l'encontre de ceux qui les ont interressé) pour se venger de luy de l'indignité , dont il auoit usé en son endroit , de l'auoir exilé. Il fut toutesfois apres rappelé d'exil par cét Empereur , & remis en son premier estat , par l'intercession d'Agripine , mere de Neron & femme de Claude ,) en quoy elle s'acquit vne tres-singuliere reputation) laquelle luy impetra encores apres son rapel de la dignité de Preture à Rome,

110 *Histoire des ſçavans Hommes,*
& le fit Preteur, qui eſtoit un grand eſtat pour lors. Depuis ce temps, quand Seneque ſe viſt remis en ſes honneurs, credit & autorité, il ne mépriſa point la commodité, de forte qu'après s'eſtre veautré ſur les plumes du liſt, où ſa dignité luy permettoit de repoſer, il ſe trouva tellement remplumé, que ſelon l'eſtat qui a eſté fait de ſes biens, ſe trouve que ſon revenu annuel revenoit à *quatercenties milies ſeſtercium* (qu'aucuns reduiſent à un milier de millions d'or) encore qu'ordinairement le revenu annuel d'un Senateur n'excedaſt cent mil eſcus. Telle & ſi exceſſive opulence fut en partie cauſe de ſon mal-heur, dautant qu'elle réveilla ſes envieux & mal-veillans à luy faire quelque querelle d'Allemand, dont il ſ'aperceut bien toſt, & pour ce requit, avec toutes les prieres du monde, Neron ſon diſciple, qu'il luy fut permis de ſe retirer & remettre auſſi entre ſes mains tous les eſtats dont il avoit daigné l'honorer, enſemble tous les biens & richesses qu'il poſſedoit. Requeſte qui deſpleut tellement à l'Empereur, que jamais il ne la lui voulut accorder, quoy que Seneque luy remonſtrât qu'il eſventoit bien que quelques-uns commençoient d'avoir la dent

Lucius Anneus Seneque, CH. X. III
sur luy, & desia brassoient quelque sinistre menée, qui un jour luy pourroit apporter prejudice. Telles exhortations ne sceurent amener Neron à raison, qui pour le service qu'il pourroit retirer de ce Cordoüan, ne voulut luy accorder son congé, & pour l'encourager d'avantage, luy remonstra qu'il n'y a homme vivant qui sceut luy faire entrer au cerveau opinion, dont il pût estre mal affectonné en son endroit. Toutesfois Seneque qui estoit mieux informé de l'inconstance des affections humaines que n'estoit son disciple, essaya par tous moyens de couper à ses ennemis le sujet d'avoir occasion de le calomnier : il se sequestra du tout des affaires publiques, & s'adonna à la vie rustique, se releguant sous la taciturnité d'une vie solitaire, exprimée sous ombre qu'il estoit vieil & maladif. De mesme fit Scipion l'Africain, qui fut un fort redouté Capitaine entre les Romains. Apres avoir continué en Espagne, Afrique & Asie la guerre fort heureusement, reduit sous l'Empire l'Afrique, ruiné Carthage, surmonté Hannibal, destruit Numance & reestablish Rome, en l'an cinquante deux de son âge se retira en un sien petit heritage,

112 *Histoire des ſçavans Hommes,*
entre Cappoue & Pozzuolo, & jamais ne
volut retourner à Rome. Nous liſons
auſſi que Diocletian apres avoir gouverné
Rome dix-huit ans, & eſtre parvenu en
une extreme vieilleſſe, ſe demit de l'Em-
pire. De fait il alla à Salome, lieu de ſa
nativité, où il ſe meſſa de l'agriculture
dix ans durant, ne voulant accepter la di-
gnité Imperiale, qui deux ans apres ſon
abdication luy fut preſentée par les Am-
baſſadeurs Romains, leſquels le trouve-
rent en un petit jardin de ſa maiſon bi-
nant & cerclant des laitues & taillant
d'autres herbes. Comme il eut entendu
leur legation il leur fit reſponſe : Mes
amis, ne vous ſemble-t-il pas meilleur &
plus honneſte, que celui qui a planté &
hoüé ces laitues, les mange en paix & re-
poſe en ſa maiſon, que non pas les laiſſant
il retourne au trouble de Rome ? Et com-
me une autre fois apres Diocletian ſe fut
excusé, de ſe trouver aux nopces de Con-
ſtance, auſquelles Conſtantin l'avoit in-
vité, à cauſe de l'infirmité de ſon âge ca-
duc, brisé & mal portatif, les Empereurs
euſſent redoublé la priere avec menaces,
il prit opinion qu'ils le feroient mourir
honteuſement, pource qu'il avoit donné
ſecours à Maxence & Maximin, partant il
prit

prit du poison, dont il mourut âgé de septante ans. Je pourrois produire plusieurs autres personages excellens, qui laisserent les Royaumes, Consûlats, dignitez, gouvernemens, citez, palais, faveurs, cours & richesses, afin de vivre paisiblement, si l'exemple de Diocletian principalement ne suffisoit, qui semble avoir esté compagnon en fortune avec nostre Senèque, en ce que tout ainsi que le sequestre que Diocletian fit de sa personne lui servit de bien peu de chose, aussi le malheur de la destinée renversa tous les desseins de nostre Cordubois, lequel pensant s'éloigner des pieges de ses ennemis, s'y enlaga plus qu'avant, & inopinément se trouva encloué dans la conspiration de Pison, dont il ne se peut dégager, qu'y laissant pour toutes arres sa vie. Voila ce que c'est de l'inconstante, muable & variable fragilité de d'appuy, qu'on peut asseurer sur la faveur & amitié des Princes de la terre. Neron luy asseuroit que toutes les calomnies, accusations ou delatiôs de ses adversaires ne pourroient rompre l'amitié qui estoit entr'eux, en un moment le voila tourné aux rapports de ceux, qui l'attachoient de cette conjuration, si bien qu'apres avoir fait par un long-temps ser-

114 *Histoire des ſçavans Hommes*,
vice, pour eſtre ſoupçonné d'avoir caſſé
un verre, pour toute recompence il faut
mourir, eſtant lors preſques ſur le bord
de la foſſe, en pleine & decrepite vieil-
leſſe. Car il avoit bien cent ans ou da-
vantage, comme l'on peut bien conjectu-
rer par ce que luy-meſme atteste en quel-
que lieu de ſes œuvres, avoir ouy la vive
voix de Ciceron, luy eſtant deſia en âge
meur de diſcretion pour en faire juge-
ment. Apres pluſieurs allées & venues
qui ſur ce furent faites pour tâcher à ra-
paifer la furieuſe rage de cét ingrat diſci-
ple, Seneque luy fit entendre qu'il ſçavoit
bien que par neceſſité il luy falloit mou-
rir, mais de ſouhaiter la mort il n'y avoit
aucune occaſion. La choiſir il ne pouvoit,
puis que ce n'eſtoit à ſa diſpoſition, mais
de la deſtinée celeſte. De la fuir il ſ'en
garderoit bien, d'autant qu'il ne connoiſ-
ſoit point que la mort apportât aucun
mal, ny que ce fut choſe mauvaiſe de
mourir, meſmement en l'âge où il eſtoit
parvenu. A la fin appercevant l'obſtina-
tion & barbareſque inhumanité de ſon
diſciple, telle qu'il ne pouvoit reculer, il
pria le Medecin Statius ſon familier &
amy de luy compoſer un breuvage bien
preparé, haſtif & facile à prendre, qui ne

le fist gueres languir, lequel il avalla, mais pour cela il ne pût mourir, ne pouvant la poison, quelque aiguë & mortelle qu'elle fut, luy penetrer jusqu'au cœur; à cause de la debilitation de son âge, il se fit lors, par le conseil du même Medecin, inciser & ouvrir les veines dans un bain fort chaud; & en cette sorte finit ses jours deux ans auparavant que saint Pierre & saint Paul receussent par le même Empereur la Couronne de Martyre. Je suis icy bien content, avant que de quitter nostre Seneque, de dire un petit mot touchant la cause qui le rendit en disgrâce de son disciple, d'autant que les Escrivains ne s'en accordent pas ensemble. Cy-dessus nous avons desja parlé de la conspiration de Pison, à laquelle plusieurs attribuent l'occasion de sa mort, & semblent la bien asseurer par le message qu'ils font porter par Syllan à Seneque en sa maison des champs, où il avoit fait retraite. Toutesfois il y en a d'autres, qui s'accordas bien pour la mort, tiennent neantmoins, que Seneque fut mal veu de Neron, parce qu'il avoit parlé plus haut qu'on ne luy demandoit de la repudiation qu'il faisoit d'Octavie fille de l'Empereur Claude; sous pretexte de sterilité, pour

116 *Histoire des ſçavans Hommes*,
s'amouracher de Pompeja Sabina, courti-
ſane Romaine d'afſez bas lieu. Icy je ne
veux me plonger dans la diſpute qu'on
pourroit faire ſur la verification du droit
de l'une & de l'autre des parties, & des dif-
ficultez, leſquelles les ſubtilitez du droit
Canon & de l'Edict des *Ædiles* ont ſuſci-
té pour le fait de ſterilité. Seulement je
ſuis d'avis de remarquer que Seneque
eſtant meſme d'un bon zele en a receu une
piteuſe & pauvre reconnoiſſance. Et de
ma part je ſerois bien d'avis de me ran-
ger à cette opinion, d'autant qu'il n'eſt
vray-ſemblable qu'il ait voulu ſe meſler
dans cette conjuration, quoy que Lucain
ſon neveu en ait eſté atteint. Pluſtoſt peut-
on par conjecture recueillir que Seneque
tenant ſon degré de Precepteur à l'en-
droit de la perſonne de Neron, ayant veu
qu'il s'eſtoit retiré de la droite voye
d'honneſteté, n'a voulu par connivence,
laiſſer paſſer une telle faute ſans le re-
dreſſer, & luy remonſtrer de combien il
s'éloignoit de la verité, uſant du privile-
ge dont Plutarqué releva ſon diſciple
Trajan. Mais il y avoit bien à dire de l'un
à l'autre. Trajan ſe laiſſoit plier par les
advertiſſemens de vertu. Luy eſtoit telle-
ment enchanté par ſes vices, ſes volup-
tez & imperfections, que dès que l'on

luy presentoit quelque parfum pour les évacuer, alors il commençoit à se chagriner & tomber en des saillies, qui de plus en plus rengregeoient son mal. Senèque donc fut recompensé comme ceux qui amoureux de la vertu ne veulent farder la verité, ou estre maquignons des fautes d'autrui. Voila pourquoy on a de coustume de peindre la verité portant un glaive, dont son gosier est piqué. Et de ce plusieurs Histoires nous font foy, & entr'autres celle d'Æmil Papinian, duquel je prendray grand plaisir de dire quelque chose, tant parce qu'il a souffert la mort pour n'avoir voulu pallier la méchanceté de l'Empereur Caracalle; qu'aussi pour le proposer icy pour un miroir à tous les gens de bien, & principalement aux Advocats, Jurisconsultes & autres qui suivent la vocation, en laquelle il estoit si parfait. Les prians de regler leur eloquence par la raison, & qu'ils prennent peine de faire mentir tous ceux, qui prenans plaisir à médire de la Jurisprudence, dient que le beau parler des harangueurs se vend au plus offrant & dernier enchérisseur. Doncque afin que toutes les corruptions, abus & mépris, qui par cy-devant ont esté commis, puissent s'amender,

118. *Histoire des sçavans Hommes,*
je leur propose Papinian, qui pour la ver-
rité n'a point voulu épargner sa propre
vie. La qualité de ce Jurisconsulte est à
un chacun si manifeste, qu'il semble estre
desraisonnable d'en ouvrir le propos.
Bien peu de personnes peuvent ignorer
que les Empereurs l'ont eu en une telle
reputation, qu'ils l'ont appelé le refuge
& lieu sacré du Droit, le tresor de la do-
ctrine Legale, la lumiere du Droit (titre
que certains ont aussi voulu communiquer
à ce Grand Docteur Bartole.) D'amener
icy pareillement la prééminence que les
Empereurs luy donnent, telle qu'en ad-
vis. & consultations l'opinion de Papi-
nian en emporte deux, il n'est pas icy
de besoin, de peur que je n'appreste
matiere à certains d'objecter que ces
Auteurs sont suspects, parce qu'ils se
mesloient de la protection & illustration
des Loix. Je suis content de produire
ce que saint Hierosme en a reconnu, qui
daigne bien la comparer pour sa quali-
té à saint Paul pour le fait de la Theo-
logie. Tous ces Blasons sont fort à
priser, comme aussi les œuvres qu'il
a fait : mais cela n'est que bien peu
au prix du fruit de sa mort, d'au-
tant que par cela il monstroît qu'il fai-

soit véritablement profession du Droit, qui n'est pas seulement de sçauoir quelques subtilités & singularités remarquables pour la resolution des points qui peuvent tomber en differend & controuuerse: mais principalement d'auoir vne conscience pure, entiere & nette, suiuant la description, qu'en a fait Vlpian en la premiere loy du titre *De iustitia & iure*. Et neantmoins l'Empereur Bassian autrement dit Caracalla le prenoit bien pour vn autre & n'estimoit rien moins de luy, que plustost il ne fit ce, dont il le requeroit, qu'il ne l'auroit sçeu requerir, parce qu'il l'auoit esleué en fort grande dignité. Doncque Caracalle estoit l'homme le plus addonné à ses passions, qui fut jamais, comme ses plus que brutaux deportemens ne le confirment que par trop. La paillardise & cruauté luy commandoient tellement, que ce bouc de lubricité ne fit aucune conscience de prendre à femme sa belle mere nommée Iulia. De sa cousine nommée Sœuis, ou Seua, ou Semiamira, ou Seuiasyra, il engendra aussi vn monstre de toute impieté, turpitudes & villenies, nommée Helio-gabalus qui fut le 24. Empereur, l'an apres la natiuité de nostre Seigneur deux

120 *Histoire des sçavans Hommes,*
cens vingt & deux. Son inhumanité ne ce-
doit à son incestueuse & plus que brutale
lubricité. Ce mal-heureux apres que
Seuerus son pere fust mort en Angleterre,
voulut estre seul, & ne pouvant souffrir
son frere, nommé Geta, estre coheritier
avec luy tendit vne infinité d'embusches
pour le faire mourir : mais Geta se tenant
sur ses gardes, Bassianus Caracalle ne
pouuoit venir à ses atteintes par menées
secretes. Partant il essaya de main-mise &
à la descouuerte executer sa maudite in-
tention, & vn soir alla trouuer son frere
dormant au palais de sa mere, & le mit à
mort, estant entre les bras de Martia sa
mere, femme sortie de l'vne des maisons
anciennes & nobles de la Gaule. Et pour
ce que ceste cruauté, exercée en la per-
sonne de son frere fut trouuée estrange &
inhumaine, il y eut grand bruit à Rome,
mesmement le Senat en témoigna un grand
mescontentement. C'est pourquoy crai-
gnant quelque remueement contre son
estat, pour faire trouuer bon vn tel & si
pernicieux acte, vouloit que le Iuriscon-
sulte Papinian luy seruit de bouffon &
qu'il le chatouillast en ses malefices: si luy
manda qu'il falloit qu'en plein Senat il
haranguast pour ce fait, & fir par vives
raisons

raisons entendre à une telle assemblée, que le meurtre de Geta estoit tellement juste & raisonnable, que tant s'en faut que pour ce on dût rien imputer à Caracalle, qu'au contraire gré luy devoit estre sceu d'avoir executé un tel assassin. O impudence du tout detestable de ce vilain ! Au lieu d'avoir honte du lasche tour qu'il avoit joué au pauvre Geta, il vouloit que le Senat luy reputât à vertu un si execrable forfait, à la suasion de Papinian, l'intégrité & suffisance duquel avoit tellement esté prisée par l'Empereur Severe, qu'à luy seul il daigna donner la charge de ses enfans. Si à d'autres Caracalle se fut adressé, cōposez de l'humeur d'un tas d'applaudisseurs, dont les Cours des Princes sont deffigurées, il eut rencontré assez de discoureurs, & qui n'eussent pas choisi la mort pour n'intereffer la verité : Lesquels je prie de faire graver dans leurs cabinets en lettres d'or la responce que fit Papinian à l'inique requeste de Caracalle. Il n'est pas, dit-il, si aisé d'excuser le parricide, que de le cōmettre. Dont l'Empereur fut tellement indigné, qu'il luy fit trancher la teste & à son fils. Du lieu où il a esté ensevely je n'en trouve rien : le sçay bien que du temps du Pa-

pe Sixte un villageois trouva à Rome une belle Urne d'argent, sur laquelle estoient escrits ces mots. *Æmilij Papiniani, Iuriconsulti & præfecti prætorio requiescunt hic ossa, cui infelix pater & mater sacrum fecerunt, mortuo anno sue ætatis XXXVIII.* Quelques-uns s'arrestans aux anciennes inscriptions, touchent d'une autre façon cét Epitaphe, à sçavoir, *Emilio Paulo Papiniano. Præfecto Prætorio, Iuriconsulto, qui vixit annis triginta sex, diebus decem, mensibus tribus: Papinianus Hostilius, Euginiæ gracilis, turbato ordine, in senio, heu parentes fecerunt filio optimo.* Il y a quelque difference entre ces deux inscriptions pour raison de l'âge de ce Jurisconsulte. Toutes deux toutesfois remarquent couverte-ment l'indignité du supplice dont il mourut, pour le témoignage de la verité. Nos courtisans ont peur d'estre chassés des Cours des Grands, si à toutes occasions qui se présentent pour déguiser le blanc en noir, ils n'employoient leur emmiellée éloquence, & par tel maquignon- nage entretiennēt & nourrissent les Princes en leurs mauvaises vie, qui s'asseurent ne pouvoir commettre crime si abominable, lequel ils ne puissent faire trouver bon par les flatteries de leurs flatteurs. Ils

se garderont bien d'estre revesches & de refuser un Prince, ou bien de condamner les vices des Grands. La raison est parce qu'ils voyent que pour toute recompense il a fallu que Papinian ait esté decapité, & Seneque par l'ouverture de ses veines ait esté presque homicide de soy-mesme. Que cela ne soit un merveilleux aiguillon pour faire franchir le fault à nos parleurs je n'en fais point de doute. Mais s'ils avoient le cœur assis en bon lieu, ils se reputeroient à plus grand deshonneur d'estre tachez de note de flatterie, que quand ils auroient souffert dix mil morts pour deffendre la verité, d'autant que tousiours en bonne part les gens de bien parleroient d'eux, comme ils font de nostre Seneque, la memoire duquel a esté tellement chere & pretieuse à saint Hierosme, qu'il a bien voulu le coucher en la liste des Escrivains & Docteurs de l'Eglise. En l'honneur duquel il a fait cet Eloge. *Lucius Anneus Seneque* natif de Cordoüe, & disciple de Socion Philosophe Stoïque, fut d'une vie tres-moderée, continente & vertueuse, lequel, dit-il apres, je ne mettrois en ce Catalogue des Saints, n'estoit qu'à ce faire je suis incité par les Epistres qui se trouvent (les-

124 *Histoire des ſçavans Hommes,*
quelles pluſieurs liſent & apprennent)
de ſaint Paul à Seneque & de Seneque à S.
Paul, là où entre autres choſes cét excel-
lent & illuſtre Sénateur, tres-opulent &
de tres-grande autorité envers l’Empe-
reur Neron, ayant eſté & eſtant encore
lors precepteur & gouverneur de Neron,
dit toutesfois qu’il voudroit tenir tel lieu
envers les ſiens, que Paul tenoit à l’en-
droit des Chreſtiens. Et à dire la verité
on ne peut nier que ce ne ſoit le perſon-
nage accompli d’autant de vertus, qu’au-
cun autre de ſon temps. Il eſtoit ſeule-
ment taxé d’une trop grande avarice, &
d’avoir eſté trop adonné à s’agrandir en
biens, qui luy cauſerent ſa mort : Avant
laquelle on tient qu’il compoſa cét Epi-
taphe.

*Cura, labor, meritum, ſumpti pro munere ho-
nores,*

Ite, alias poſt hac ſollicitate animas.

*Me procul à vobis Deus evocat, ilicet actis
Rebus terrenis hospita. Terra vale.*

*Corpus, avara, tamen ſolemnibus accipe ſaxis.
Namque animam cœlo, reddimus offe-
tibi.*


En Seneque les Hiſtoriens remarquent

Lucius Annæus Seneque, CH. X. 125
entr'autres grâces qui l'accompagnoient,
qu'il estoit l'homme doiïé d'une memoire,
que si on luy eut dit deux mil mots des
choses, il les redisoit de mesme façon,
comme on les luy avoit recité, sans y fai-
re aucune faute, & quand il estoit encore
sous la ferule de ses maîtres, telle fois
estoit, que deux cens de ses compagnons
alloient devant le regent reciter chacun
un vers different, & tout aussi-tost qu'ils
avoient parachevé, il commençoit par le
dernier à les repeter iusques au premier,
sans y faillir un mot.










MARC FABIVS QVINTI-
LIAN.



MARC FABIVS QVINTILIAN.

CHAPITRE XI.



EX d'entre les doctes, qui ont leu les œuvres des Orateurs Grecs & Latins, donneront l'un des premiers lieux à Marc Fabie Quintilian, entre les mieux difans qui aient jamais esté, comme il se peut connoistre par ses institutions Ora-toires. Mais afin de n'estre veu trop long, je descriray en bref sa vie. Quintilian donc nâquit à Rome de famille ancienne: encores que quelques-vns l'ayent voulu faire Espagnol d'un lieu nommé Calahorre: entr'autres Eusebe en ses Chroniques, Volaterran vers le commencement de son 19 liure: & Iean Vaseus aux Chroniques d'Espagne, où il dit que Quintilian né à Calagure en Espagne, estant encore bien ieune fut mené à Rome par Galba. Son pere (comme luy-mesme certifie) fut aduocat, non sans cause ou de Pylate, comme il s'en trouue assez par tout le monde, qui ne portent seulement que le

528 *Histoire des sçavans Hommes,*
nom sans effet, mais fameux & excellent,
& qui avoit bien mérité de sa patrie & de
la Republique. Luy soigneux de son en-
fant le fait instruire aux lettres humaines,
en quoy il profita tellement qu'il se ren-
dit admirable en sçavoir. A cette cause
il fut precepteur des enfans de la sœur de
l'Empereur Domitian, & le premier qui
tint l'escole publique à Rome, aux des-
pens & gages du public. Ce que luy-
mesme témoigne au prologue du quatrié-
me livre de ses œuvres, & aussi le Poète
Martial livre septiesme de ses Epigram-
mes, où il dit en ces mots.

*Quintiliane vage moderator summe invèta,
Gloria Romane, Quintiliane, toga.*

Vers qui certainement representent l'e-
stat & vocation, où ce digne personnage
a tellement versé, qu'il a eu pour couron-
ne & chapiteau de ses labeurs, cette qua-
lité, qu'il estoit la gloire de l'escole Ro-
maine, non point tant pour la doctrine,
dont il a enrichy les cerveaux de la jeu-
nesse Romaine, que pour les saintes & ex-
cellentes remōstrances qu'il a donné tou-
chant la vertu. Ange Politian en la Prefa-
ce de *Quintilian*, récite que Juvenal & le

jeune Pline furent disciples de cet excellent Orateur. Il prit femme de noble famille, de laquelle il eut deux enfans, & n'ayant encore atteint l'an dix-neufième de son âge deceda, à son grand regret, comme il se peut voir au Proefme de son sixiesme livre; où la regrettant il l'appelle mere douce, gracieuse & benigne, laquelle ornée de toutes les perfections rares, vertus qui se peuvent trouver és autres femmes, mourut sans aucune esperance de santé, a apporté à son mary un extreme regret. Or étant fort âgé & demeuré sans se remarier, il avoit deux enfans, l'un âgé de dix ans, lequel pour la vivacité de son esprit, & grande attention de sa future vertu, il aimoit parfaitement, avec esperance qu'un jour il seroit le baston, soutien & appuy de sa vieillesse, & l'autre âgé de six ans, qu'il n'aimoit aussi de moindre affection. Mais l'un & l'autre mourans renouvelerent & augmenterent les douleurs de ce triste vieillart. Au reste de vous déduire quelles perfections il avoit, tant à bien dire qu'à discourir soigneusement d'affaire de grande importance, les 12 livres de ses Institutions Oratoires, & le grand nombre de ses declamations, puis n'agueres mis en lumieres: & plusieurs


130 *Histoire des ſcavans Hommes*,
autres œuvres eſcrits à la main, trouvez
en la Bibliothéque de *Æneas Silvius*, dit
Pape Pie ſecond, en rendent un ſi ſuffi-
ſant témoignage, que je ne pourrois le
vous reprefenter. Ce n'eſtoit point de
ces temeraires Eſcrivains de noſtre tēps,
qui moyennant qu'ils groſſiſſent leurs li-
vres de quelques diſcours tels quels ſans
aucun profit ou edification, preſument
qu'ils ſe ſont aquitez de leur charge. Je les
prie de prendre exemple à ce rare Ora-
teur, dans lequel ils ne pourront regarder
qu'ils n'y trouvent ſentences dorées &
qui ſervent au public. Je ſçay bien qu'on
me mettra incontinent en avant, que
dans les œuvres de ce digne Orateur &
Philoſophe on trouve pluſieurs queſtions
qu'il a débattuës, deſquelles il ſe ſaſ bien
paſſé, attendu qu'elles ne ſentent la ſeve
d'une gravité & Majéſté, telle qu'eſt celle
dont on le veut revêſtir. Je veux qu'elles
ſoient cinq cens fois moins graves qu'el-
les ne ſont, que le ſujet ſoit le moins beau
& plantureux qu'on ſe puiſſe imaginer,
d'autant plus ſera à admirer la grâce &
dexterité d'eſprit, par laquelle il a pû ſi
bien manier des points, autrement infer-
riles, que les plus diſerts Orateurs n'euf-
ſent ſceu groſſir davantage leurs diſcours

des matieres cachées, difficiles & excellentes. A sçavoir si l'adresse de l'ouvrier n'est pas davantage à priser, lequel de peu fait beaucoup, que de celuy, qui de beaucoup fait le mesme? Encore doncques que *Quintilian* ait jetté sa semence sur un lieu & fonds pierreux, sterile & infructueux, si est-ce qu'il l'a si bien remué, qu'à la fin le champ s'est trouvé paré & tapissé des fleurs & fruits qui eussent pû embellir la terre la plus féconde de tout le monde. De fait si nous daignons nous ébattre à examiner ses discours, si nous ne sommes surpris d'aveuglement, nous trouverons qu'ils sont moëlleux, autant qu'il est loisible de souhaiter en aucuns écrits. Il est grandement respecté, principalement par plusieurs Romains. Autres-fois je me suis trouvé à Naples avec un Espagnol & un Romain, qui tous deux estoient tellement affectionnez à la memoire de *Quintilien*, qu'à coups de bec ils vouloient se l'envahir par force l'un à l'autre. L'Espagnol se fondeoit sur ce que j'ay allegué, que cét Orateur estoit natif de Calahore, & que par force il fut transporté à Rome. Le Romain au contraire maintenoit, que *Quintilian* estoit natif de Rome, & que là il a fait profession di-


132 *Histoire des ſcavans Hommes,*
gne de Romain : accordoit bien neant-
moins qu'il eſtoit poſſible que les Eſpa-
gnols ſe peuſſent attribuer un Quintilian,
parce que la doctrine de cét Orateur avoit
enfanté pluſieurs perſonnages doctes, qui
ſe reputoient à tres-grand bon-heur d'e-
ſtre receus au nombre & en la famille let-
trée de Quintilian, & eſtre nommés ſes
disciples. Pource l'Eſpagnol ne laiſſoit
à perſiſter à ſa demande & vendication
réelle, car de la perſonnelle il n'y avoit
moyen de pouvoir s'y fonder. Mettoit en
fait que l'Eſpagne eſt la vraye pepiniere
des hommes doctes, & là deſſus dreſſe un
Catalogue de gens ſcavans qui ont flory
en Eſpagne, entre leſquels il parloit de
Fulgence, Iſidore Eveſque de Seville, Paul
Oroſe, Paul de Burgos Alphonſe, Roy
Grand Astrologue (pour l'honneur du-
quel ont eſté nommées & célébrées ſes
tables Alphonſines) Columelle, Iſigine,
Sedulie Poète, Seneque, le Geographe
Pompone Mele, Juſtin Hiſtorien, Raymôd
Lullie, Louys Vives, Rodrigue, Alphonſe
Toſtad & infinité d'autres, qu'il feroit
long à raconter. Quand je vis qu'il ſe fon-
doit ſi fort ſur l'honneur de ſon propre païs,
je luy remonſtray que ſi l'Eſpagne eſtoit
ſeconde en rares cerveaux, ce n'eſtoit pas

à dire que Quintilian fut Espagnol, autrement il faudroit conclure, qu'il fut François, d'autant que s'il y a eu pays foisonnant en esprits sublimes, nostre France a eu cét honneur d'emporter le pris. Mais puis que ne pouvez vous accorder en faits (luy dis-je) afin que ne tombiez au garbuge qu'eurent sept villes pour se faire reputer originaires d'Homere, il me semble qu'encore qu'il soit Romain, que l'on-pourroit dire qu'il a pris sa source en vos cartiers, mais qu'il a acquis son accroissement, lustre & sa splendeur à Rome. Toutesfois ce maistre Espagnol se trouva là logé, que du commencement il ne voulut demordre du droit, qu'il attribuoit à son país, si fallut-il qu'il acquiesça à ce, que j'avois mis en avant, à cause des vives raisons, dont il se trouva chargé. Voila ce que c'est, on fait telle requeste de la dignité & excellence de cét Orateur, que l'Italie & l'Espagne s'entrequerellent à qui l'emportera, depuis que seulement de fort loing on a peu esventer quelle estoit la rareté des oeuvres, qui estoient parties de son cabinet. Que si l'injure des tēps ne nous en eut ravy la meilleure part, il faudroit, je vous as-


134 *Histoire des ſcavans Hommes,*
ſeure , de beaucoup groſſir la partie des
louanges que l'on luy donne. De meſme
que nous voyons que de toutes parts a
tonné le bruit de ſa renommée, dès que
Poge Florentin trouva ſes livres de l'in-
ſtitution oratoire (qui avoient eſté éga-
rez & enſevelis au cercueil d'oubly) au
Concile de Conſtance en un Monaftere.
Ah que ſi on pouvoit recouvrer le reſte de
ſes autres œuvres, je m'aſſeure qu'à bon
eſcient pluſieurs employeroient leur elo-
quence à celebrer le merite de ſes louan-
ges.







PLINE SECONDO .



PLINE SECOND.

CHAPITRE XII.



OVLANT declarer quel & combien excellent fut Pline, furnommé le second ou le jeune, plusieurs doutes & difficultez se presentent. Premièrement je doute si je le dois enrôler au rang, ou des hommes doctes Philosophes, Orateurs & Historiens, ou bien des Capitaines vaillans & belliqueux. Car l'une & l'autre profession, sçavoir est des lettres & des armes, luy estoit familiere: Ce qui se trouve en peu de personnes, & lors que l'on connoist un homme lequel se puisse aussi prudemment ayder de la droite que de la gauche, c'est à dire des armes & des lettres, on le doit grandement estimer & reuerer. Et à la mienne volonté que l'ordonnance du Legislateur Platon fut bien observée, pour laquelle il vouloit que les Empereurs & Rois fussent Philosophes, ou bien que l'on choisit & élût les hommes doctes & Philosophes, pour regir &

commander aux Republiques. Nous pouvons bien attribuer celle cy pour vne des causes & raisons , qui a dauantage fait florir & triompher l'Empire Romain, ſçauoir que nuls , ou peu eſtoient promoteus aux offices & magiſtrats ſouuerains, qu'ils ne fuſſent au prealable conſommez en la ſcience de la Philoſophie , des arts, & de l'hiſtoire , ce qui leur donnoit vne maturité de conſeil , aduis & prudence, ayans recours en toutes difficultés à la ſcience , maiſtreſſe de la vie humaine. Or encore que cette coùtume ait eſté plus pratiquée pendant que Rome florifſoit en puifſſance ſous le commandement & ſouueraine authorité du peuple : neantmoins ceux , qui ont enuahy la domination perpetuelle & l'Empire, l'ont bien ſçeu pratiquer, choiſiſſans les plus doctes & ſçauans perſonnages , du conſeil deſquels ils uſoyent au regime & gouuernement des affaires de leur eſtat. Mais pour n'ennuier le Lecteur d'un long & trop ennuieux diſcours, ie me contenteray du ſujet propoſé, ſçauoir eſt du tres-excellent Orateur, ſubtil Philoſophe , veritable Hiſtorien , Iuge tres-equitable & heureux guerrier Pline ſecond , lequel ayant eu ſa naiſſance en la ville de Come.

Cité fort renommée en Italie, & par son sçavoir & doctrine esclaireissant l'obscurité de ses parens, s'est dressé vn Colosse plus ferme & plus durable que aucune Pyramide d'Egypte & monument d'Aïrain, qui se trouue encor maintenant de l'antiquité. J'entends son Histoire, en laquelle il entreprend decrire le naturel de toutes les creatures, de maniere que dedans, comme dans vn copieux tresor, toutes personnes peuvent puiser la connoissance des choses diuines & humaines. Quel mouuement des cieux a eschappé son entendement; Quelle partie de la terre, n'a esté illustrée par sa plume; Quel Abyfine, soit des eaues, ou de la terre, plus profonde ne luy a deployé le plus secret de ses merueilles; L'homme, en ses mœurs tant variable a esté fort naïfue-ment par luy anatomisé de toutes ses parties & raretez: Les bestes brutes luy doivent ce qu'elles ont acquis de vertu & puissance. Les arbres & plantes semblent luy auoir esté toutes aussy faciles presentes, manifestes & notoires, que facilement il en a peu iuger & declarer les propriétés occultes & necessaires. La mutation des temps, des Empires & Royaumes s'est continuée par son moyen iusques à


138 *Histoire des ſçavans Hommes*,
nous. Bref rien ne luy a eſté inconnu,
nulle choſe a eſté eſcrité par aucun à la-
quelle il n'ayt donné fort avant atteinte.
Je ne veux adiouſter foy au peuple, qui
ne pouuant auſſy diſcerner les choſes eſ-
loignées de leur ſens commun, ont donné
titre de menteur à ce veritable & plus
hardy Historien, qui ſoit entre tous les
Latins, comme ſi ce que l'on ne voit à
preſent & en tous lieux n'eſtoit à croire.
Et du nombre de ceux là ſont les acabanés,
qui ne virent iamais autre choſe que les
cendres au coing du feu, ny ne croient
que ce qui leur vient en fantaſie, & neant-
moins ſe moquent & detrahent de ceux,
qui ont veu & viſité les nations eſtrange-
res, & fidellement deſcrit leurs mœurs, fa-
çons de faire, & choſes par eux obſervées,
comme a fait Plin. Je les voudrois plu-
ſtot eſtimer, au lieu de les blaſmer, &
ſuiure la meſme façon que fit Largius
Licius, qui ſçachant connoiſtre le bon
or & la pierre precieufe parmy les autres
faulſifiées, voulut neanmoins acheter les
Commentaires de Plin, alors Proconſul
aux Eſpagnes, ſur l'hiſtoire naturelle,
quatre cens mille ſeſterces, qui reue-
noit, au pris de dix mil eſcus couronne.
Or donc Plin entrant par ſon ſçauoir en

credit & faueur vers Trajan Empereur, luy fut commise l'administration des plus grandes affaires de l'Empire, eut charge & surintendance sur les armées, eut le gouvernement des Prouinces, & luy seul sembloit posséder & tenir à sa devotion l'Empereur. C'est pourquoy le Christianisme luy doit une partie de son advancement : car comme il fut Proconsul en Alexandrie d'Egypte, & il vit de jour en jour luy estre présentée une innombrable multitude de personnes accusées à cause de la Religion Chrestienne, lesquelles constamment & sans crainte se presentoient à la mort, sans qu'ils fussent coupables d'aucun crime, ou bien eussent conjuré contre l'estat & Loix de l'Empire Romain, seulement les accusoit-on de chanter de nuit Hymnes & Pseaumes à Iesus-Christ leur Dieu, d'estre obstinez en leur Religion & ne vouloir sacrifier aux Idoles. Par aduertissement donc de Pline, Trajan fit un Edict que desormais on n'accusa & rechercha plus les Chrestiens. J'obmettray en ce bref Eloge les choses notables qui se disent & escriuent de luy, des grâds biens & recherches qu'il amassa pendant qu'il eut le vent en poupe, & lors qu'il estoit employé au gouverne-

140 *Histoire des ſçavans Hommes*,
ment & adminiſtration de la choſe publi-
que, comme auſſi de ſon autorité & ſon-
puoſité, qui eſtoit veritablement magni-
fique pour venir à ſa mort, laquelle eſt
une des plus eſtrange qui ſe liſe. Car
comme eſtant Capitaine general ſur une
armée de mer, il paſſa par la coſte de Meſ-
ſine en Sicile, ſe ſouvenant du feu & em-
braſement perpetuel de la montagne
d'Æthna, il luy vint en volonté de la
voir, & connoiſtre la nature & occaſion
de ce feu perpetuel. De fait en appro-
chant de pres il fut environné inconti-
nant des flammes ſortans de la monta-
gne, & fut embrasé tout viſ. Mort ve-
ritablement deplorable d'un ſi excellent
perſonnage, duquel je vous repreſente
icy la figure, telle que je l'ay veüe & ap-
portée de l'Iſle de Sicile, peu differente
d'une autre que j'ay veüe en l'Iſle de Can-
die entre les mains d'un Candiot, qui di-
ſoit l'avoir trouvée apres le deceds de ſon
pere. Il florifſoit ſous l'Empereur Tra-
jan, duquel il eſtoit intime amy, & mou-
rut en l'âge de cinquante ſept ans, envi-
ran l'an de ſalut cent dix, apres nous
avoir laiſſé pluſieurs livres téſmoins de ſa
doctrine, & en eut encore produit d'avan-
tage, ſi la fortune ne l'eut ravy impru-

demment, qui par sa mort semble avoir conspiré contre les amateurs des sciences, les ayant privez de plusieurs œuvres excellentes qu'il avoit diligemment elaborées, & qui eussent de beaucoup servy pour ceux qui sont amoureux de l'Histoire. Il avoit composé vingt livres des affaires d'Allemagne, lesquelles on tient estre à Ausbourg. De plus vous avez ses cinq livres de *re medica*, qui sont tenus par les plus excellens Medecins pour chose rare, à cause des advertissemens, distinctions & definitions qu'il y propose si familièrement, que la Médecine est toute maschée & ne leur reste sinon de l'avaler. Et à dire la verité il estoit bien malaisé qu'autre eût pû plus pertinemment discourir de la Médecine que nostre Plin, lequel naturalisé en perfection ne pouvoit faillir qu'il ne fut excellent Medecin. Attendu que l'on sçait bien que la Médecine ne gist qu'en choses naturelles. D'où est venu cét axiome, que le Medecin commence là où finit le naturaliste. Or comme ce personnage avoit si grande vogue, plusieurs qui avoient composé des livres pour leur donner de la reputation, ont voulu en attribuer le nom à


142 *Histoire des ſçavans Hommes,*
ce digne Philoſophe , qui ſans aduocat
ou autre , qui parle pour luy , pourra tou-
jours ſe laver de telle impoſture. Seule-
ment voudrois-je employer pour ſa def-
enſe ce qu'on a de couſtume d'oppoſer
à ceux qui font meſtier & marchandiſe
d'impoſer quelque crime de faux à au-
truy. C'eſt le rapport de l'eſcriture , let-
tres & parafſe de ceuiy , qu'on pretend
faire fauſſaire. Par ainſi qu'on rapporte le
ſtile du miroir naturel & d'autres liures,
que quelques-vns veulent faire aduoüer à
noſtre Pline , avec ſon hiſtoire naturelle
on y trouuera autant à redire des vns aux
autres que du jour à la nuit.







*DOMICE VLIPAN, IV:
RLS CONSULTE .*



DOMICE VLPIAN IVRIS-
consulte.

CHAPITRE XIII.



Le sujet qui se presente nous excite assez à discourir de la source & avancement du Droit, consecutivement de la suite de l'âge de ceux, qui ont reduit la Jurisprudence au point de perfection qu'elle a acquis : Mais parce que cela grossiroit l'Histoire que je pretends proposer, je passeray ce recit sous silence, & seulement toucheray quelque mot de la necessité, profit & commodité de l'honneur, estat & dignité des Jurisconsultes, non que je veuille affecter cette louange à un tas de griffonneurs, qui sous le titre que faussement ils s'attribuent, ternissent le lustre & la splendeur de la Justice. Encore doncques qu'il y ait une Loy naturelle, empreinte dans l'instinct & affection de tous les hommes, toutesfois parce que la nature est depravée de plusieurs humeurs, lesquels nous-mesmes engendrōs,

portons & nourrissions, il est besoin, pour reformer une telle imperfection, qui pourroit nous seduire, & nous faire prendre le noir pour le blanc, de polir nostre naturel peruers par l'artifice de la Jurisprudence, laquelle, tout ainsi que les autres arts liberaux, a esté tramée & paracheuée par longues & serieuses obseruations, qui ont esté faites par gens, doiés de bon esprit & d'un diuin naturel. Si on veut prendre la peine de balancer les Loix ciuiles avec le Droit naturel, on trouuera que la diuersité, qui les semble faire differer, n'est appuyée que sur la circonstance des temps & personnes. Et pour ce qu'il n'y a Loy si ample, sur laquelle on ne puisse auoir à gloser, à cause de la variété des faits, il a esté de besoin, qu'il y eut des Jurisconsultes, lesquels, authorisés par les Empereurs, esclaireissent ce qui auoit esté ordonné obscurément ou non assez intelligiblement par les douze tables, Loix du peuple, Edicts de Pretres, Ordonnances des Princes & Arrests du Senat. Entre iceux j'ay choisi Domice Vlpian, lequel, avec le Jurisconsulte Paul, a esté assesseur de Papinian) duquel j'ay parlé en la vie du Philosophe Senèque) & a esté en telle reputation, qu'il a esté

a esté appellé le modele des Legistes & estimé tenir le sommet de la discipline legale avec le Soleil des Loix de Papinien. Ce n'est pas que ie veuille bannir de ce rang Paulus, qui a esté son collegue, compagnon & grand amy, & qui avec les autres deux tenoit l'un des premiers rangs, pour le Droit. Je ne daignerois icy faire le catalogue de ses liures, parce que nous ne les auons pas entiers, ayans esté avec la pluspart des liures des autres Iurifconsultes anciens, enseuelis dans le tombeau d'oubly: d'iceux seulement en auons nous ces precieux fleurons, dont le corps du Droit a esté magnifiquement réparé, lesquels si nous voulons distinctement recueillir & les rapporter à la liste des liures qu'il a composés, à peu pres trouuerons nous qu'il y a bien peu de ses escrits, qui n'ayent esté extraits par Tribonien & ses compagnons, & couchés dans ce riche & diuin cabinet des Pandectes. A nul autre qu'à nostre Vlpian n'a sceu escheoir la louange de tenir le premier rang sur tous les autres. De fait ie n'estime point que Tribonien ait mis au premier titre du premier liure des Digestes, en butte la premiere Loy sous le nom du Iurifconsulte Vlpian: mesme la plus part des

Tome VIII. N


146 *Histoire des ſcavans Hommes,*
principales parties des Digeftes portent
en face les reſponſes de ce Jurifconſulte.
Et, comme j'ay dit, il n'eſt pas croyable
que cecy ait eſté ſans raiſon : ny plus ny
moins que l'Empereur Juſtinien, pour
preferer la dignité Imperiale aux inſtru-
ctions qui eſtoient données par les Ju-
riſconſultes, veut & ordonne qu'on
commence l'apprentiſſage du Droit par
les inſtitutions du Prince, d'autant que
l'autorité & prééminence, qu'a l'Em-
pereur ſur le reſte du peuple, excitera
d'avantage ceux qui s'adonnent au Droit,
à prendre plus grand gouſt à ce qui leur ſe-
ra préſenté par la Maieſté Imperiale. De
là coniecturant, ie veux inferer ſi Juſtinien
a penſé reſueiller les eſprits des eſcoliers
en Droit, pour leur avoir donné d'entrée
vn, qui ſurpaſſoit en dignité, pouvoir &
credit les autres Legiſtes, que Tribonien
tacitement a donné vne preference à Vl-
pian ſur les autres Jurifconſultes, quand
ſous le premier titre du premier liure des
Pandeſtes il met l'aduiſ, opinion & reſo-
lution d'Ulpian pour premiere Loy. Je ne
fais point de doute que pluſieurs ne treu-
uent bien eſtrange cette obſervation :
mais ſ'ils ne me monſtrent aucune rai-
ſon, pourquoy la premiere Loy du Di-

geste est sous le nom d'Vlpian, ie soustiens qu'il m'est permis par coniecture, de luy approprier ceste premiere preéminence. Telle aussi que ie treuve luy avoir esté accordée par l'Empereur Alexandre Severe, qui le tenoit en telle reputation, qu'à luy il deferoit le premier degré de tous les Conseillers, qu'il tenoit ordinairement en sa compagnie, sans lesquels jamais il n'entreprenoit à faire aucun Edit, statut ou ordonnance, de maniere que la resolution & determination qu'il faisoit, étoit plutôt l'arrest & advis des vingt Conseillers, qui tousiours luy assistoient, qu'une ordonnance de Prince. Cét Alexandre a l'honneur d'estre estimé pour l'un des plus sages & vertueux Princes qui fut jamais, lequel en quatorze ans qu'il regna soustint les efforts des Parthes & des peuples du Septentrion, laissant l'Empire florissant en armes & en Loix. Outre plusieurs singularitez grandement remarquables en son administration, je trouve qu'il diminua les charges & imposts, de telle sorte que celuy qui payoit trente vne escu sous Heliogabale, ne paya qu'un escu sous Alexandre. Encores auoit il deliberé, si Dieu luy eut presté la vie n'en prendre que le tiers. Que


ce Prince ne merite eſtre grandement
loué on ne peut le nier, mais auſſi ne ſçau-
roit-on faire qu'Vlpian ne ſoit partici-
pant de l'honneur & loüange qui luy pour-
roit eſtre donnée, puis qu'il eſtoit le Sur-
intendant des vingt Iuriſconſultes qu'A-
lexandre avoit choiſi pour aſſeſſeurs, &
ſans lequel il ne venoit à bout d'aucune
affaire. Lampride témoigne qu'Vlpian fut
tuteur de cét Empereur, dont la mère mal
adviſée au commencement ſe penſa for-
malifer, à la fin toutesfois elle ſe reputa
à tres-grand bon-heur, que ſon fils fut
conduit, manié, gouverné, maintenu &
conſeillé par un ſi habile perſonnage, le-
quel conſommé es affaires d'Eſtat & ex-
perimenté au poſſible, diſpoſoit les deſ-
ſeins des ennemis de l'Empire, & luy ou-
vroit les moyens pour entretenir ſon peu-
ple en paix & en liberté. A autre certai-
nement n'eut-il ſceu s'adreſſer, qui plus à
propos peut tenir la main au regime &
adminiſtration de ſa charge. Je ne re-
doubleray point ce qui pourroit eſtre pro-
poſé pour la profondeur de ſon ſçavoir &
rare ſubtilité de ſon eſprit, d'autant qu'el-
le eſt aſſez veriſiée par les Pandeſtes. En-
core moins entreray-je au diſcours de la
prudence, qui fort heureuſement l'accom-

paignoit, puis que l'Histoire des faits & gestes d'Alexandre peut suppleer à la preuve qu'on voudroit en requerir. Je veux, justifiant l'un & l'autre m'arrester sur son integrité, qui fut confirmée par la disgrace que luy monstra l'Empereur Helio- gabale, qui ne peut souffrir près de soy ce grave Jurisconsulte, parce que de trop près il esclairoit ses vices; & aussi qu'Vlpian parloit quelquesfois plus qu'on ne luy demandoit, qui eut pû causer quelque sinistre remuement à ce miserable Empereur, qui chassa de sa Cour ce chat, lequel y prenoit les rats. Il estoit natif de Tyr, qui est en la Syrie Phenicienne (ainsi que luy-mesme témoigne au tit. de Cens. qui est aux Digestes) & mourut és Gaules, où l'Empereur l'avoit envoyé pour commander, mais le mal-heur fusaite une sedition, au milieu de laquelle il fut miserablement tué. De son temps aussi florissoient plusieurs Jurisconsultes, qui estoient fort bien veus de l'Empereur Alexandre, & pour la pluspart sortis de l'escole de Papinian, à sçavoir Florentin, Aphricain, Martian, Celse, Metian, Triphonin, Callistrate, Procule, Modestin & Iule Paul, celui qui fut comparé avec nostre Vlpian, pour la grande erudition qui l'illustroit,

l'eusse pris icy grand plaisir de discourir particulièrement sur la vie de chacun d'eux, si desia d'autres n'eussent passé leur plume sur tel ſuiet, qui en ont dit tout ce, qui seroit requis d'icy proposer, de maniere que ce ne seroit que redite, dont grossiroit le present discours sans aucun propos. Seulement adiouteray-ie à la louange de l'Empereur Seueré, qu'il portoit vne telle affection à ces personages, que non seulement il les tenoit pour ses compagnons, mais aussi pour ses amis, dont ne s'estonneront ceux, qui se resouviendront de ce que j'ay cy dessus remarqué, que ses ordonnances n'estoyent autre chose, que d'arrests du Senat.








*TITE LIVE PADOVAN,
HISTORIEN.*



TITE-LIVE PADOVAN,
Historien.

CHAPITRE XIV.

 N la vie d'Homere cy-de-
vant nous avons proposé le
debat de sept villes, qui que-
reloient ensemble pour s'at-
tribuer ce divin & rare Poëte. Ce qu'aus-
si nous avons remarqué en celle de Pytha-
goras. Presentement nous ne delibe-
rons point faire de mesme pour nostre
Historien, puis que le lieu de sa naissance
est asseuré & arresté, au contraire nous
sommes en difficulté si Padoüe doit estre
plustost recommandée pour les singulari-
tez & antiquitez qui sont dans le pais,
ou bien pour l'excellence des rares esprits
qui en sont sortis, tel qu'est nostre Tite-
Live. De tout temps avant qu'Attila rui-
nât le pais, Padoüe estoit reputée entre les
premieres villes de toute l'Italie, tât pour
l'excellence des bastimens & edifices, que
pour l'assiette du lieu & fertilité du pays,
telle que la Seigneurie des Venitiens a
bien peu de pieces qui luy soit de tel rap-

152 *Histoire des ſçavans Hommes*,
port comme Padoüe. De ma part je tiens
qu'il y a beaucoup plus de raretez & com-
moditez encore plus grandes dans Pa-
doüe, qu'on ne ſçauroit eſtimer. Je ſçais
bien qu'il n'y a preſque Cité ſujete à la
Seigneurie de Veniſe qui ſoit mieux en-
tourées & garnies de murailles, foſſez,
tours & boulevèrts qu'eſt Padoüe. De
plus je confeſſeray que bien peu de mai-
ſons de Conſeil ſe peuvent voir en tout le
monde, qui ſoient à comparer avec celle
de Padoüe. D'autre coſté je demeure d'ac-
cord que le païs eſt tellement fertile,
qu'outre les habitans du lieu, du revenu &
fruits qu'on recueille en ce quartier, on
nourrit non ſeulement les eſcoliers, qui
ſont ordinairement en fort grand nom-
bre, mais auſſi plus de mil perſonnes de-
dans Veniſe, parce que les Venitiens ſe
ſont ſaiſis des meilleures & plus belles
pieces qu'on trouve hors les murailles de
Padoüe. Quoy plus j'adjouſteray encore
que c'eſt une fort ancienne ville, & en la-
quelle ſe peuvent voir de fort gentiles
antiquitez. Mais pour cela je ne vois point
que la dignité dont Padoüe eſt recom-
mandable doive eſtre appuyée principa-
lement ſur les conſiderations que je viens
preſentement de ſpecifier, d'autant que

s'il n'y avoit que la fertilité & abondance du pais, l'argument feroit trop foible pour faire si fort retentir l'honneur d'une telle ville. Quant à l'antiquité, on sçait bien qu'elle est fort en doute, d'autant qu'Attila ptemierement la ruina, auquel piteux estat elle demeura l'espace de quelque soixante ans, jusques à ce qu'un Roy des Gots nommé Theodoric se mit apres à la rebastir, reparer, fossoyer & remparer tant de fortes & puissantes murailles, que de robustes boulevarts. Mais pour la seconde fois les Lombards y mirent le feu, & la destruirent si bien, que les Padoüans décheurent entierement de courage pour la remettre en son premier estat, jusques à ce qu'ayans quelque peu repris de respit du temps de ce grand Empereur Charles le Grand, on commença à reparer les bresches & demolissemens faits par les Lombards. Derechef & pour la troisieme fois en l'an mil cinq cent septante quatre, l'embrasement qui survint par la furie de certains garnemens, engloutit ce qui restoit de memorable à Padoüe dès le temps de Charles le Grand. Ce qui me fait dire qu'encore qu'on confesse que la premiere fondation de Padoüe appartienne à Antenor le Troyen, si est

ce que par trois diverses fois apres elle a esté renouvellée, de maniere qu'elle ne peut estre reputée que de l'an mil cent, les vieilles mazures furent reconnues. Là dessus je ne fais doute qu'on ne me mette en teste beaucoup d'antiquitez, qu'il y a dans cette ville, qui témoignent assez l'ancienneté, & mesmement les Vers qui ont esté trouvez sur le cercueil de Tite-Live, qui estoit long-temps auparavant ces ruines & embrasemens; où je m'arresterois tres-volontiers, si le Seigneur Bernardin Scardeon Padouan n'avoit luy-mesme confessé, que seulement l'an mil quatre cens treize le tombeau de ce Grand Historiographe fut trouvé. Qui rend cette inscription fort soupçonneuse de supposition, d'autant qu'il est fort difficile à croire que tel cercueil ait pû estre conservé sain & entier parmy ces cruautéz & insolences de gendarmes & embrasemens de la ville. Toutesfois puis que cét Epitaphe fut le vray Epitaphe de Tite-Live, cela tousiours serviroit, pour monstrier plus clairement, que Padouë est recommandable à cause des sçavans & signalez personnages qui y ont vécu, entre lesquels cét excellent Historien tient le premier lieu, tant pour son ancienneté,

d'autant qu'il nâquit à Padoue l'an de Rome six cens nonante quatre, durant le Consulat de Lucius Afranius & Quintus Cecilius Metelle Celer, qu'aussi pour les certains témoignages qu'il a laissé de la rareté de sçavoir, dont il estoit doué. Ce que ie dis n'est pas que je veuille ternir & aneantir la louange de plusieurs doctes & illustres personnages qui sont sortis de Padoue, car au contraire je confesseray que cette ville-là a esté la pepiniere des plus exquis cerveaux de toute l'Italie, en toutes manieres de sciences. La Theologie a de ce lieu puisé une fort grande compagnie des Docteurs qui l'ont illustré le plus, & pour verification de mon dire, je ne veux que produire ce Grand Albert Padouan de l'Ordre des Freres Hermites de saint Augustin, qui a tant fait parler de son bruit & renommée, que ce seroit peine perduë de tascher icy de le descrire. Quand à la Jurisprudence, outre que l'Vniversité y est assez fameuse, je ne particulariseray point les Docteurs nouveaux, & qui sont sortis de cette ville, comme du grand cheval Troyen, il suffira ce grand & admirable Jurisconsulte Iule Paul, qu'il n'est point tant re-

156 *Histoire des sçavans Hommes,*
nommé à cause de l'excellence du Prince
des Iuriconsultes Papinien son prece-
pteur, que pour ses subtiles & tres-doctes
responſes, qui ſont couchées en pluſieurs
endroits des Pandectes, & lesquelles ſont
tenuës pour fort excellentes par ceux, qui
ont ietté leurs yeux ſur la compilation du
Digeſte. Et quoy qu'il ait eſté partisan de
quelque ſecte, il a neantmoins eſté ſi
modeste à maintenir ſon opinion, qu'on
ne ſçauroit à peyne reconnoiſtre, qu'il
fut affectiôné à un party plus qu'à l'autre,
mais on iugeroit qu'il auoit ſeulement en
recommandation la verité & iuſtice. La
poëſie ſ'eſt auſſi venu eſgayer ſur le fleu-
ve Brente avec Valere Flacce, lequel à
cette occaſion Martial appelle Antheno-
reen. Ce fut luy qui nous representa en
langue Latine le voyage de Iaſon en l'Iſle
de Colchos, pour le recouvrement de la
toyson d'or, qu'Apollonius le Rhodien
auoit deſcrit en Grec en ſes quatre livres
des Argoſnautes, lesquelſ du depuis ont
eſté encore traduits en Vers Latins par
Jean Hartung. La Medecine auſſi, ſi elle
n'eſt ingrate, doit reconnoiſtre auoir pui-
ſſe de Padoüe la perle de ceux qui ont ex-
cellé en la connoiſſance des corps & des
ſecrets de nature, & entr'autres ce grand

Pierre Appon. Quand aux Mathematiques, Grammaire, Rhetorique & Philosophie, il seroit trop long de dire le nombre des Padoïans, qui ont esté admirables en toutes ces sciences, ce qui me fera quitter un si long discours, pour retourner à nostre Tite-Live, qui n'a point seulement rendu recommandable par ses gestes, dicts, escrits & lectures la ville de sa naissance, mais aussi Rome, où il fut de telle requeste, tant estimé & honoré, que) comme tesmoigne Eusebe) beaucoup d'excellens personnages ont bien pris la peine de partir des plus esloignées parties de l'Espagne, pour le venir visiter à Rome. Ce que tres-bien aussi Saint Hierôme a remarqué en son epistre adressée à Paulin. Et comment est-ce qu'on n'eut esté rauy en admiration de ce personnage, veu qu'il avoit avec telle diligence fait le recueil de l'histoire Romaine, que depuis le commencement de Rome iusques vers la fin d'Auguste, il n'y avoit aucune singularité, laquelle fort soigneusement il n'eut remarquée. Mais le malheur du temps dissipa vn si beau chef d'œuvre, de maniere que de quatorze Decades qu'il avoit dressé, nous n'en avons de reste que cinq, où il manque enco-

158 *Histoire des ſçavans Hommes,*
re pluſieurs choſes. Qui eſt une perte
ineſtimable pour la poſterité, quoy que
L. Florus ait par abrégé & ſommaire re-
présenté ce qui pouvoit defaillir, mais il
a eſté impoſſible qu'en un recueil ſi brief,
toute l'Histoire ait pû nous eſtre deſcrite
à noſtre contentement, comme ſi les cent
& cinq livres de Tite-Live n'euffent ainſi
miſerablement eſté devorez. Toutes-
fois pour cela nous ne perdons l'occa-
ſion de louer grandement un ſi excellent
Hitoriën, qui par ce peu d'œuvres que
nous avons de luy, nous donne plus de
matiere de l'admirer & eſtimer, que ſi
l'ouvrage entier fut tombé entre nos
mains, parce que nous priſons & cheriſ-
ſons davantage ce qui eſtant tres-rare &
exquis, nous eſt donné à leche-doigt. Icy
n'oubliſſay-je ce qui eſt tres-remarqua-
ble, & qui appreſte grande foy à ſon Hi-
ſtoire, c'eſt qu'il a, par le jugement de
tous les ſçavans perſonnages, cette gloi-
re, qu'il n'a eſté flatteur des Princes, ayant
touſſours preferé la verité aux profits,
honneurs & avancemens qu'il eut pû eſ-
perer, ſi faiſant du double il eut voulu ſe
plier aux affectionſ des Princes, & tour-
ner la ſuffiſance de ſon eſprit à les louer.
Louange fort rare pour les Hitoriëns de

nostre temps, qui pour la pluspart ont esté tellement assujettis à leur courtisée servitude, que tout homme de sain jugement jugera plustost voyant leurs escrits, que ce sont discours de pauvres & misérables esclaves, que de gens qui en toute liberté ayent fait ce qu'ils eussent peut-estre bien souhaité. Je suis contraint d'user de telle plainte, pource qu'aucuns ne font estat d'un Historien, s'ils ne sçait bien deguiser les matieres, flatter les vices, & en un mot servir de Caméléon, pour recevoir à toutes heurtes plusieurs & diverses impressions: Et qu'aucuns, meilleurs contrôleurs que bons & equitables Juges des œuvres d'autrui, ont pensé se formaliser de ce que je ne palliois en quelques endroits de cette Histoire la verité, pour couvrir ou masquer les imperfections de ceux qui estoient autrement parvenus à la cime du degré illustre. Mais s'ils connoissoient & mon naturel & le devoir d'un vray Historien, certainement ils se garderoient bien d'entrer en de telles craintes. Pensent-ils qu'un qui a deliberé de dresser un discours des vies des Hommes Illustres puisse s'acquiter de sa charge, si comme l'on dit, il tour-

ne le beau devers la ville, & cache ce que chacun sçait avoir à redire en eux ? Ce seroit metamorphoser un Historien en flatteur, bouffon ou panegyriste. Enfin nostre Tite-Live apres avoir vescu septante six ans, deceda le quatriesme an de Tibere, qui seroit l'an de Rome sept cens soixante & dix, à Pavie où il fut enterré, & où comme j'ay cy-devant desia touché, se voit son Tombeau dans l'Eglise de sainte Iustine, qui a cette inscription.

O S S A

TITI LIVII VNIVS OMNIVM MORTALIVM, IVDICIO DIGNI, CVIVS PROPE INVICTO CALAMO INVICTI P. R. RES GESTAE CONSCRIBERENTVR.

Ce qui m'a fait dire, que cét Epitaphe avoit esté supposé depuis l'an mil quatre cens & treize par quelqu'un, qui curieux, ayant sauvé du dernier embrasement, qui survint l'an onze cent soixante & quatorze, le digne corps de cet illustre homme, auroit pour le faire reconnoistre, adiousté cette louable inscription, est que l'Autheur du Supplement des Histoires conte notamment, qu'en l'Eglise de
sain-

Tite-Live Historien, CH. XIV. 161
sainte Iustine à Padoüe il y a vne tres-belle & signalée inscription, laquelle Tite-Live mesme auoit composée auant sa mort, contenant ces mots.

TITVS LIVIVS T. S. QVARTAE LEGIONIS, ALIIS CONCORDIALIS PATAVII SIBI ET SVIS OMNIBVS. OBIIT IV. TIBERII CAESARIS ANNO NATVS. LXXXVI. ANNOS.

Par ces deux inscriptions la vie de Tite-Live est divisée en deux chefs, qui montrent que ç'a esté un excellent Historien, & vaillant guerrier, qui appaisa une sedition, qui eut pû dissiper tout son pais. Il faut que l'Auteur du supplément se soit mépris en ce qu'il dit; que ce dernier Epitaphe est dans l'Eglise susdite, d'autant que j'ay veu, estant à Padoüe, le portrait de cet Historien en marbre, au bout d'une fort grande, belle & superbe salle, qui n'est soutenüe d'aucuns piliers & colonnes, (chose surprenante) attendu sa longueur, hauteur & largeur, qui est telle qu'elle surpasse celle de Paris, & par terre est escrit cet Epitaphe. Je trouve qu'il y a encore un autr de ce nom.

162 *Histoire des ſçavans Hommes*,
auteur tragique , qui portoit ce meſme
nom de Tite-Live , qui eſtoit eſclave de
Livius Salinator , au reſte ſçavant hom-
me, auquel ſon maître donna ſes enfans
à enſeigner, & ayant trouvé qu'il s'eſtoit
fort bien acquité de ſa charge , & recon-
noiſſant que c'eſtoit choſe indigne qu'il
fut ſerf , eſtant doué d'un tel ſçavoir ,
l'affranchit. Ce que j'ay bien voulu re-
marquer pour empêcher qu'ils ne ſoient
pris l'un pour l'autre. Quant eſt du no-
ſtre, il n'eſt mal-aiſé à diſcerner, d'autant
que le ſiecle auquel il a veſcu, & les œu-
vres qu'il a mis en lumière, appreſtent
aſſez de matiere à tous les bons eſprits
d'admirer la ſuffiſance, dignité & excel-
lence de ſon rare eſprit? Vous voyez
dans l'Histoire qui nous eſt laiſſée, com-
me dans un miroir & tableau, l'eſtat an-
cien de la Republique Romaine repre-
ſenté. Ah! que ſi Dieu eut permis que
nous euſſions ce qu'il en a eſcrit à plu-
ſieurs points, qui ſont ſenvelopez du
brouillis des tenebres Cimmeriennes ,
leſquelles ſeroient éclaircis. Mais de-
quoy me plains-je? nous attendons de
jour à autre ce treſor, que quelques Alle-
mands promettent en bref faire éclore de

quelques-unes de leurs Bibliothèques. Si la pitié a quelque credit envers eux , je m'assure qu'ils deterreront ces précieux joyaux pour en faire part à la posterité, & pour manifester la diligence de cet Historien Padoüan. D'autre m'ont voulu faire croire qu'on trouvoit les Decades de nostre Tite-Live , traduites en langues Espagnol ou Castillan , quant ils nous en auront donné la veüe j'en croiray ce que j'en verray , & non autrement. Estant en Grece un Evêque Grec de l'isle de Negrepont , nommé Heraclée , me dit avoir veu à l'une des Bibliothèques d'Athos un gros tome de livres, que Leon premier Empereur Grec , qui vivoit l'an de nostre Seigneur quatre cens cinquante huit, avoit fait traduire de Latin en sa langue. De cela il ne s'en faut estonner, puis que mesme j'ay veu plusieurs livres Latins traduits de Latin en Grec, en la Bibliothèque de la Reyne , où l'on trouverra une partie des œuvres de Saint Thomas d'Aquin aussi traduites, du temps du Grand & docte Laurens de Medicis pere des hommes de savoir. Le docte Baleus en sa quatorzième

O ij

164 *Histoire des sçavans Hommes*,
Centurie de son Histoire des Hommes
Illustres de son Isle Britannique nous ad-
vertit, que Ferguz Roy d'Escoffe, com-
me il estoit amoureux de l'Histoire, ayant
tenu escorte à Alaric, Roy des Goths,
apres que la ville de Rome fut saccagée,
trouva moyen de s'emparer de quelques
volumes de l'Histoire Romaine, lesquels
il transporta à l'Isle d'Ione aux troubles
des Danois, pour les mettre en seureté,
& les garder de l'injure des guerres qui
avoient brouillé l'Italie, & dont estoit
menacé son Royaume. De là il infera
qu'il n'est pas messeant de conjecturer,
qu'entre une telle batelée de livres les
Decades de Tite-Live ne puissent estre
comprises. Si mes souhaits avoient lieu,
veritablement on les y trouveroit : mais
de s'arrester du tout sur cette conjecture,
ce seroit jouer au hazard la verité d'une
chose incertaine, & dont on est mal asseu-
ré. Et aussi Baleus est fort soupçonneux
pour son rapport, d'autant qu'il est fort
coustumier d'avancer beaucoup pour la
louange & illustration de son Isle Britan-
nique, ainsi que j'ay monstté ailleurs, &
sur tout en la vie de Jean Clopinel & de
l'Empereur Constantin. Je ne voudrois

point nier que l'Isle-Ione ne soit parée de plusieurs beaux, riches & excellens monumens d'antiquité, & que le Roy Fergus n'ait là fait un amas de livres, mais de supposer par presumption, que les Decades Liviennes y sont enfermées, c'est joüer de conjectures à credit. Ce qui me fait ainsi tenir bon contre le raport de Baleus, n'est point tant que je prenne plaisir à contrarier à ce Centurieur, pour l'empescher de remplumer son país des plumes d'autrui; mais par ce que j'apprens, que plusieurs autres se vantent avoir le mesme qu'il veut approprier à son Islelonienne, ainsi que desia j'ay monstrey & esclaircy davantage par apres. Je ne voudrois pas nier, qu'il ne se puisse faire, que quelques-uns puissent avoir quelques livres, qu'ils nomment Decades de Tite-Live. Mais à sçavoir s'il n'y a pas de la presumption, que ce soient œuvres supposées sous le nom de cét Historien, composées par d'autres, & qu'on veuille honorer du nom de nostre Tite-Live, ainsi que j'ay remarqué de quelques autres. Quand à moy, encore que je ne nie pas tout ce qu'en raconte Baleus, je suis neantmoins contraint pour joüer au plus af-

166 *Histoire des ſçavans Hommes,*
ſeuré, de me remettre à ce qui m'en fera
monſtré, & iors, ſi on fait ſortir quelques
monumens de cette Iſle Ione, je ne feray
point de difficulté de me ranger au raport
de Baleus. Mais puis que Dieu n'a per-
mis que nous jouiſſions de tous les la-
beurs de cét Hiftorien, ſi eſt-ce que no-
ſtre France auroit tort de ſe méconten-
ter: ayant eu depuis quelque temps deux
fideles interpretes, les ſieurs Blaiſe de Vi-
genaire, & Antoine de la Faye, auſquels
pour recompenſe je ne puis offrir que le
bon gré & remercemens que la France
leur doit, en laquelle ils ont de nouveau
fait revivre l'Eſtat Romain. Si je voulois
entrer au diſcours des louanges de l'un
& de l'autre, il faudroit que je determi-
naſſe deſtiner deux nouveaux eloges, par-
ticulierement à chacun d'eux. Du ſieur
de Vigenaire, je ne diray point beaucoup,
parce que ſes œuvres ſont aſſez recon-
noiſtre l'excellence de ſa dextérité qu'il a,
ſa pureté du langage François, & ſes ſe-
rieuſes recherches, eſquelles il s'eſt ſi fi-
dellement employé, qu'il eſt priſé par
tous ceux qui ne ſont jaloux de l'hon-
neur, qui eſt deu aux gens d'eſprit. Quant
au ſieur de la Faye, je ne le connois pas,

mais on voit bien par ses labeurs , qu'il est personnage qui merite beaucoup. Aussi ay-je ouy faire rapport de luy , qu'il se plaist à la phrase de Ciceron, que pour la Philosophie , Medecine, Jurisprudence , Theologie, Poësie & diversité de langues, il doit peu à homme qui soit de sa robe, & auquel la multiplicité des sciences donne un singulier honneur. Certains m'ont fait entendre , qu'en Italie il y a un certain personnage, lequel se vante d'avoir une copie Latine de toute l'Histoire Livienne, parfaite & accomplie, laquelle il tient cachée & renfermée dans son con-
toir , parce qu'il delibere luy seul avoir l'honneur de tenir à soy & en sa puissance un tel tresor , de mesme qu'aucuns font leur Basiliques, lequel il fait courir le bruit que bien-tost il le communiquera à la posterité sous son Idiome. Il en fera ce qu'il luy plaira : Si est-ce que pour donner plus de lustre, pois & autorité & son supplément , il feroit mieux de nous faire voir l'histoire couchée & minutée au mesme langage qu'a tenu Tite-Live, & apres s'il luy plaist de gratifier sa nation , il ne fera que bien d'en donner à l'interpretation, toute celle qu'il jugera bon à faire, a-

169 *Histoire des sçavans Hommes,*
fin que le Lecteur connoisse, avec quelle
fidelité il s'est porté en sa traduction.




ABOALIS





*ABOALLIS AVICENNE ,
MEDECIN .*



ABOALIS AVICENNE,
Medecin.

CHAPITRE XV.



CAUSE de la necessité certains ont dit tres à propos, qu'il falloit honorer le Medecin, puis que c'est luy (qui parlant humainement & suivant la proportion qu'il faut avoir aux secondes causes) peut nous remettre la vie au corps, ainsi que je me souviens avoir ailleurs déclaré assez amplement. Et neantmoins je trouve par le Proverbe, qui trotte en la bouche d'un chacun, que la chance est bien virée, d'autant que suivant iceluy,

*Les escus à monceaux trichent chez Galien,
Au lieu que les honneurs suivent Iustinien.*

Pour cela ne voudrois-je permettre une évidente contrariété entre ces deux axiomes, la diversité desquels on pourra ainsi accorder, qu'outre les honneurs le Medecins se sont si proprement approch^s
Tome VIII. P. c

170 *Histoire des ſçavans Hommes,*
des eſcus , qu'ils ſembloit avoir pluſtoſt
attaché leur eſtat à je ne ſçay quel gain,
qu'aux honorables dignitez , dont ils de-
voient ſe contanter. Je ne les y comprens
pas tous, mais ces grands Medecins, qui
ſont tellement bourſouflez d'avarice ,
qu'ils ſe ſentiroient avilis, abaifſez & deſ-
honorez, s'ils avoient teſtonné, c'eſt à di-
re, pris des teſtons, il faut des eſcus à poi-
gnée. Leſquels pour ce je ſuis content
d'enfiler avec Thadée Medecin Flören-
tin, lequel eſtoit doué d'une telle rareté
de doctrine , qu'il eſtoit eſtimé ne ceder
aucunement à Hippocrate. Ce qu'il ſe
 faiſoit entendre n'ignorer pas , vendant
ſes drogues beaucoup plus cher que les
autres. De fait quand il eſtoit appellé par
aucuns Princes Italiens , il n'eut pas do-
ſé à moins de cinquante eſcus par jour ,
qui eut eſté par an dix-huit mil deux cens
cinquante eſcus. Et ſi encore ne ſe con-
tentoit pas de ſi peu : Il fut ſi effronté
qu'il n'eut honte de demander au Pape
Honorius par jour cent eſcus , qui ſeroit
par an 36 mil cinq cens eſcus. De ma part
je n'ay point deliberé d'accelerer icy par
brocards les Medecins , crainte que j'ay
du malheur qui m'advierdroit, s'ils m'a-
voient pour un coup abandonné. Et pour

ce je laisseray les petits traits de gausserie, dont quelques-uns prennent plaisir de se laver la gorge assez indiscretement de ceux, lesquels ils devroient reverer pour plusieurs & tres-justes occasions, pour entrer au discours de nostre Avicenne, qui nous fait fort belle voye, pour en dire nostre ratelée, si d'un style Satyrique nous estions animez pour médire de toute chose. Ce grave Medecin avoit une dentade sur Averroës, tellement envenimée, que dès qu'ils pouvoient trouver de quoy se mordre l'un l'autre, ils s'entre-pilloient d'une fort estrange façon. Si bien & beau s'acharnerent l'un l'autre, que pour les appaiser fallut qu'Avicenne quitta la place, par le moyen d'un petit bouconnet, dont Averroës le festoya si à propos, que le plus hastif qu'il eut fut d'aller contrarier au Royaume des morts. Toutesfois ne fut si mortellement précipité, qu'il ne fit devancer son ennemy Averroës, lequel par violence & prevention repercussive, il chassa au lendemain de la Feste de la Toussainct; & ainsi ces deux champions diametralement opposez pour une mesme querele, destraperent ce monde des riotteries & contradictions dont ils s'entregraffinoient

l'un l'autre. Icy je ne m'arreſteray point à examiner ſi avec raiſon ils ont deus'entrechoquer avec telle vehemence, puis que cela tireroit trop en longueur le fil de noſtre diſcours, lequel il faudroit farcir des raiſons qui eſtoient alleguées de part & d'autre, pour maintenir leur party. Qu'ils ne ſe ſoient licentiez en partialiſant en leurs opinions, à ſe houiſpiller par detractions & moyens reprouvez, on ne ſçauroit le nier, & qu'en cela ils n'ayent franchy outre les limites de raiſon, mais de tels brœuillis nous pouvons recueillir un fruit nompareil, comme me confeſſeront ceux qui auront pris la peine de lire & relire attentivement leurs eſcrits. Or pour retourner à noſtre Avicenne, on n'eſt pas d'accord touchant l'eſtat & profeſſion qu'il faiſoit. Meſuë & Zoar tiennent, qu'il fut l'un des plus excellens de ſon âge : Autres qu'il tint le Royaume de Bithinie, dont les Medecins ſçavent tres-bien faire leur profit, pour faire baiſſer le caquet à ceux qui vilipendent & deſpriſent tellement leur profeſſion, qu'à peine font-ils difficulté de luy donner le premier rang entre les ſciences illiberales. Et à dire le vray n'ont pas tort les Medecins, d'autant qu'il n'eſt pas

croyable, si la Medecine eut esté ainsi ab-
jecte (comme ils se font entendre) qu'un
Roy eut daigné s'en mesler, si est-ce qu'il
faut tousiours confesser qu'apres les arts
liberaux & la Jurisprudence, il n'y en a
aucun qui merite mieux le nom d'estre li-
beralisé que la Medecine. Encore qu'au-
cuns ayent tasché de l'enarracher, pour
ce qu'elle gist en la pratique & guerison
du corps. Qui est une raison d'aussi bon-
ne grace, que si on vouloit démembrer de
la Philosophie, la morale, la civile & la
domestique, qui sont neantmoins du con-
sentement des plus habiles d'entende-
ment, enrôlées sous l'escadron des arts
liberaux, comme tenans & dependans de
la Philosophie, qui n'a point la vertu pour
objet seulement, pour la contempler, mais
entant que par vertueux & louïables ex-
ploits elle est mise en pratique, ainsi que
tres-bien l'a remarqué le Phenix des Phi-
losophes Aristote, lequel discourant au
mieux qu'il a peu descouvrir par ses lu-
nettes paganisées, du souverain bien,
tient que la contemplation est une chose
morte & de nul effet pour bien-heurer, si
l'action & pratique de la vertu n'est im-
mediatement consecutive. De là j'estime
qu'avec tres-juste occasion on peut infe-

174 *Histoire des ſcavans Hommes,*
rer , ſi la Philoſophie pratique n'eſt point
ſeparée de la Philoſophie , mais au con-
traire qu'elle eſt au nombre des arts libe-
raux , que la Médecine n'en doit eſtre
bannie , attendu qu'elle ſert auſſi bien à
l'entretienement & maintien de la ſeureté
humaine , comme la Philoſophie civile.
Là deſſus ie ne fais doute , qu'on ne me
mette en butte la diſtinction , qu'Ariſtote
en fait en ſes Politiques , où formelle-
ment il empêche qu'elle ſoit nombrée
entre les parties deſtinées au gouverne-
ment politique. Mais ce ſera aux luges
equitables de déterminer de ce fait , &
reſoudre ſi pour ſi petite conſequence la
Médecine doit eſtre abbattardie entre les
arts ſordides & illiberales. D'un point
eſt taxé noſtre Avicenne , que , Médecin
qu'il eſtoit à Seville , neantmoins il s'eſt
proſtitué au Mahometiſme dont il n'a
point eu de honte de ſe glorifier en ſes
commentaires ſur la Méthaphyſique d'A-
riſtote. Que ce ne ſoit eſté vn grand dom-
mage c'eſt hors difficulté , mais auſſi que
pour cela il fallut rejeter ſa doctrine , fe-
roit mettre tout d'un coup ſous le pied
les rares & excellens eſcrits des Payens
& Infideles, qui eſtans doüez de pluſieurs
& exquis graces , nous en ont commu-

riqué la meilleure partie , ce qu'ailleurs je me souviens avoir dit. De fait il y a bien peu de point sur la Philosophie Theorique & contemplative , sur lequel il n'ait passé la subtilité de son pinceau : les gaillardises & gentilleses Logicales ont esté si à propos par luy remarquées , que ce seroit folie de souhaiter un éclaircissement plus ouvert , plus propre & plus familier. Quand aux identites , transcendens , & autres chefs Souverains de la Philosophie , qui sont voliez à la Metaphysique , j'oseray bien asseurer qu'Aristote ne les a point plus diserteement déchiffré qu'ils sont épluchée par son docte & fidel interprete. Mais la perfection de ses œuvres gist en l'illustration qu'il a fait de la Philosophie naturelle , de laquelle , comme sa profession l'y appelloit , aussi il a esté tellement amoureux , qu'il n'y a aucune singularité interieure ou exterieure de la nature , laquelle il n'ait fureté ; ainsi que pourra justifier le Catalogue de ses livres , lequel icy j'eusse proposé volontiers , si je n'eusse eu crainte de trop grossir le present discours. Joint aussi que j'y reserve quelque petit coin pour son comperiteur Averroës , lequel n'a en rien-cédé à Avicenne , ainsi

que témoignent quelques memoires des Histoires d'Eſpagne, qui recommandent fort ce perſonnage, qui eſt nommé Albool Beuroiſt, qui a eu grande vogue à Cordouë en Eſpagne environ l'an onze cens quarante neuf. Il a eſté tellement adonné à faciliter les œuvres d'Ariſtote, qu'il en a eſté nommé pour cette occaſion le Commentateur. Et afin que je ne luy dérobe aucune choſe du los qui luy appartient, il a en ce paſſé Avicenne, qu'il a fleuré les traitez Politiques, ſur leſquels il a donné ſi à propos, que s'il n'eut fait autre profeſſion que de Juriconſulte, il n'eut eſté poſſible d'en venir mieux à bout. Ces deux perſonnages ſont ſouvent mention en leurs œuvres d'un Medecin d'Aſſrique, qui & par ſes œuvres que par ſes eſcrits a acquis un grand bruit, que certains ont nommé Rhazis ou Razis, autres diſent Bachilo, autres Adubert Araze fils de Zacharie : mais Avicenne le nomme Mahe-ment, lequel eſtant nourry en la Cité d'Almanſor, apprit à parler Arabe. Et en icelle premierement il compoſa quelques ſiens livres, à ſçavoir de la correction des Medecines, de la guerifon des maladies : Des jointures, où les principaux points de la Medecine ſont ex-

primez : un livre au Roy Almanfor ,
qui fut nomm   par son nom , parce qu'il
fut mis en lumiere par le commandement
& instigation du Roy Mansor fils d'Isaac
& plusieurs autres, desquels le Catalogue
est fidellement recueilly par Gesuirus.
l'avois deliber   de celebrer icy la Mede-
cine , mais pour toutes louanges je ne
veux employer que ce qu'en dit le Seigneur
de l'Escale touchant   sculape.


Pone tibi metas natura , pone recessus

Et Iovis & quicquid Iuppiter esse potest.

*Ille dedit vitam, mortem dabit, ant  us hoc
est :*

Post mortem, vita do sine labe bonum.










CÆSAR.



*IVLES CESAR, PREMIER
Empereur de Rome.*

CHAPITRE XVI.



VOULANT en si peu de papier
comprendre les faits incroya-
bles de ce vaillant Romain,
& premier Empereur, ce se-
roit autant que de vouloir avec le doigt
toucher le Ciel, seulement pour accom-
pagner ce portrait, que j'ay eu du Cardi-
nal Farnese, amateur des bonnes lettres,
je declareray succintement quels moyens
& vertus luy ont donné entrée en cette
suprême dignité. Pour donc faire com-
mancement de ses gestes il nâquit à Ro-
me, laquelle estant pour lors en sa plus
grande felicité, & tenant sous soy la do-
mination quasi de tout le monde, a pro-
duit plusieurs excellens Capitaines. En-
tre lesquels comme Cesar ne fut des plus
Illustres de sang, de famille ancienne,
puissance ou richesses, toutesfois il a sur-
passé tous les autres qui l'avoient precedé
soit en courage, hardiesse, bon-heur

180 *Histoire des ſçavans Hommes,*
ou force. Il fut dès ſa jeunefſe fort ambitieux d'honneur, & ne permit qu'aucun fut preferé à luy obtenir les dignitez. Eſtant encore enfant il avoit couſtume d'uſer de cette ſentence. Si le droit humain eſt à violer, l'appétit de regner en doit eſtre la cauſe principale. Environ l'âge de treize ans il s'enhardit, & s'avança de demander au peuple l'Office de Dial, ſigne évident de ſa future magnanimité. Comme un jour encore jeune il contemploit la ſtatue d'Alexandre le Grand, il ſe prit à pleurer, conſiderant qu'Alexandre en l'âge de vingt-quatre ans il avoit deſia vaincu & aſſujetty la plus grande partie du monde, & luy d'âge pareil n'avoit encore fait aſſez aucun digne de memoire. Lucius Sylla Dictateur le voyant ainſi turbulent & mal compoſé de geſtes & façons de faire, advertit le Senat, & en particulier Pompée, de ſe donner garde de ce jeune homme, & qu'un jour il renverſeroit la Republique. Auſſi dès l'heure qu'il commença à s'entremefler & faire les affaire d'eſtat, il vouloit toutes choſes eſtre faites en ſon nom, n'en attribuant aucun honneur à ſes Collegues, acquerant la faveur du peuple par largeſſes, humanité, modéſtie, ſpectacles

Iules Cesar Empereur, C. XVI. 181
& magnificence. Il n'estoit point difficile ny somptueux en son manger, & neantmoins quoy qu'il fût de foible & delicate complexion, si est-ce qu'au lieu de prendre la foiblesse de son corps pour couverture, afin de se traiter mollement, il prenoit les labeurs de la guerre pour une medecine, comme propre à guerir l'indisposition de sa personne, vivant sobrement & couchant à l'air le plus souvent, dont il se rendoit d'autant plus admirable & aimable des siens. Il n'y eut jamais Capitaine, Roy, ny Monarque, qui eut plus d'occasion de se glorifier en ses prosperitez & victoires acquises, que Iules Cesar. Car il se trouve avoir par cinquante diverses fois combattu l'ennemy en bataille rangée & obtenu la victoire: ce qui n'est arrivé à aucun autre. Estant Consul par l'ordonnance du peuple, luy furent assignées trois Provinces, sçavoir la Gaule Cisalpine, Transalpine & Illirie, avec sept legions sous sa conduite: le Senat luy adjousta la Gaule Cheveluë. Toutes lesquelles Provinces il subjuga & rendit tributaires au peuple Romain, ne faisant la guerre que par l'espace de dix ans. Puis faisant dresser un pont sur le

Rhin, il vainquit les Allemands, Grifons & Suiffes, non encore auparavant domptez par aucun eſtranger. Il paſſa auſſi en Angleterre, où il fit preuve de ſa vertu, force & vaillance, les contraignant de luy payer grande ſomme de deniers, & de luy livrer oſtages. Toutesfois il ſe trouve en cette iſle fort peu de marques & antiquitez de luy, ſoit Colomnes, Obeliſques, Pyramides, Medalles, Chateaux & fortreſſes, comme l'on fait en France, Eſpagne, Italie & autres endroits : ce qui fait eſtimer que luy ny les ſiens ne firent long ſejour en ce quartier. Auſſi à dire la verité, ce fut le lieu où la fortune luy fut contraire, à cauſe de la tempeſte qui luy abîſma preſque tous ſes gens, comme auſſi elle luy fut contraire à Clèrmont en Auvergne, où il perdit une legion, & ſur les limites d'Allemagne ſes Capitaines furent tuez par embuſches, mais au reſte de ſes rencontres trouve-t-on qu'il a eſté le plus heureux guerrier qu'il eſt poſſible de penſer. Ainſi donc retournant victorieux de ſes conquêtes, il requiſt qu'on le creaiſt Conſul, encore qu'il fût abſent. Marcel, Bibulus, Caton & Pompée lors Conſuls l'empêcherent, juſqu'à ce qu'il

eut laissé son armée, & luy-mesme fut venu supplier le Senat, d'où vint la source de la guerre civile, à quoy ne se voulant soumettre, il retint les armes qu'il avoit en main, de peur qu'estant dessaisi de ses forces, ses adversaires ne luy fissent la loy à leur discretion, & ne le menassent par le nez, & fit de rechef supplier les tribuns du peuple, à ce que sa demande luy fut octroyée. Le Senat pour obvier à sedition chassa les Tribuns Antoine & Bassie, fauteurs de Cesar, & envoya Pompée pour s'emparer des forces & legions de Cesar. Mais luy amassant de toutes parts les compagnies dispersées, commence de se remuer & occuper des villes, alleguant pour pretexte son intention estre seulement de remettre les Tribuns qui estoient chassés en leur dignité. Pompée aydé de la faveur & autorité du Senat, qui s'estoit enfuy en Grece, luy résiste : mais n'ayant ses compagnies équipées il se retira en Grece, pour assembler sa milice. Cesar en ces entrefaites s'achemine à Rome, & entrant par force au tresor public, s'empare de l'or & argent qui y estoit, pour subvenir aux frais de la guerre qu'il

commença contre ceux qui tenoient le party de la Republique, & eſtoient eſtimez favorifer Pompée & occupoient les Provinces & villes. Puis paſſant en Macedoine preſſa de telle façon Pompée, qu'il le cōtraignit à combattre és champs de Pharfale, & fuyant le pourſuivit en Egypte juſqu'à ce qu'il fut tué : & enfin ſubjuguant Ptolomée Roy d'Egypte & autres qui reſtoient des amis & Capitaines de Pompée, fit en ſorte qu'il demeura en l'an du monde trois mil neuf cens dix-huit, & quarante quatre ans avant la nati-
vité de Jeſus, paſſible Empereur ou Dictateur perpetuel. Mais comme il ne ſe contentoit de l'Empire Romain, qu'il s'eſtoit acquis avec tant de travaux, l'eſperance de l'advenir luy fit meſpriſer la gloire qu'il avoit de ſes faits paſſez, dont il ne receut autre fruit qu'un nom vain ſeulement, & une gloire de bien peu de durée, qui luy ſuſciterent l'envie & haine de ſes Citoyens, eſtant maſſacré par Brutus Caſſius & autres complices, de vingt trois coups de dagues ſur ſon corps, apres avoir ſeulement ſurvécu Pompée par luy vaincu, de quatre ans, qui feroit environ l'an de ſon Empire trois ou quatrieſme,

Julus César Empereur, C. XVI. 185
& de son âge cinquante six. On attribué plusieurs vertus, dons de nature & graces singulieres à ce vaillant guerrier. Car au milieu du camp il entretenoit fort à propos l'estude, composant l'Histoire de ses guerres & actions. Surtout en ce il est à estimer, qu'il a si bien fait que son nom est demeuré i gravé au livre de memoire, laissant l'Empire hereditaire à ses successeurs, qui de luy ont retenu ce glorieux & celebre nom de Cesar. Il fut facile & misericordieux à ceux qui l'avoient offensé, & se reconcilioient, & au contraire cruel & inexorable à ceux qui obstinez luy demeuroient ennemis. Toutesfois encore que Pompée luy fut ennemy capital, si est-ce qu'estant Cesar venu en Alexandrie d'Egypte, & luy estant présentée la teste de Pompée par Ptolomée dernier Roy d'Egypte, qui la luy avoit fait trancher, Cesar se prit à pleurer la voyant, & en memoire d'un si excellent Capitaine fit edifier un Temple, qu'il nomma d'Indignation, dans lequel il fit enterrer le corps de Pompée, & luy dressa une Colonne l'une des plus superbes qui ait jamais esté veüe au monde, laquelle se voit encore à present à un quart

186 *Histoire des ſçavans Hommes*,
de lieuë de la ville d'Alexandrie, & de
laquelle je vous ay amplement diſcoursu
en ma Cosmographie. De ce eſt-il taxé
qu'il s'eſt laiſſé trop abandonner à l'am-
bition, qui l'a ſi bien maïſtrifé, que ſans
avoir égard à la fidelité qu'il devoit à Ci-
ceron, qui n'eſtoit diſgracié que pour
n'avoir voulu conſentir qu'on defavoriſa
Cesar à Rome, le livre à la mercy de
Marc-Antoine, lequel fut reconcilié par
le moyen de ce gentil Triumvirat, qui ne
pouvoit eſtre bien raffermi ſi le pauvre
Cicéron n'eut eſté livré à la fûreur de
cét Antoine. D'excuser tel acte je m'en
garderay bien, ne prenant plaifir de flat-
ter le dez à ces Seigneurs : mais puis
que Cicéron ne pouvoit ignorer l'in-
conſtance des affections humaines, il n'e-
ſtoit à priſer de ſe partialiſer ſi fort pour
Cesar, s'il n'eſperoit d'en avoir telle re-
compence que luy trameroit la viciffitude
des choſes, laquelle ne recompensa ho-
neſtement Cesar meſme, ainſi que nous
avons touché cy-deſſus, & que les Vers
ſuivans le demonſtrent, leſquels j'ay icy
d'autant plus volontiers inferé, que j'y
vois dépeint & figuré le naturel por-
trait du ſuccès variable de ce grand Em-
pereur, qui pour ſa grandeur n'a point

Iules Cesar Empereur, C. XVI. 187
laissé d'estre giroüetté au gré de la fortune.

*Omnia qui solus fuerã, cui Roma triumphus,
Roma parens, patria Roma noverca Patri
Adsunt Cesar, ab extremo cui terminus axe
Summittit trepidum pronus utrumq; caput.
Plus mea mi nocuit pietas, quam Martius
hostis :*

*Hoc, quod non potuit vis scelus esse facie.
Ponite feræ animos turba impia, non me
Ceditis, hoc Roma est, quod manus ista ruit.*

Quiconques daignara apprendre de Plutarque la piteuse & encore plus miserable mort de ce Seigneur, & les presages de ses sacrifices & advertissemens donnez par les siens de se tenir resserre en sa maison, pour éviter la fureur de ses ennemis, jamais ne pourra assez s'estonner, soit de la hardiesse de Brutus & de ses partisans, comme aussi de la courageuse magnanimité qu'avoit ce grand Empereur, de se prostituer à la mercy de ses ennemis, pour seulement pouvoir s'acquitter de sa charge & assister à l'assemblée, ou sa presence n'estoit point par necessité requise, & laquelle,

Qij

148 *Histoire des sçavans Hommes,*
quant bien eut esté besoin qu'il y assista. il
pouvoit remettre à autre temps.








*FERGVZ, PREMIER
ROY DE COSSE.*



FERGVS PREMIER ROY
d'Eſcoſſe.

CHAPITRE XVII.

 IEN peu de Royaumes trou-
verons-nous, qui ayent flotté
davantage sur l'inconstance
des vagues, tourmentes &
tempestes de changement & mes-asséu-
rance, que celuy d'Eſcoſſe, qui en moins
de dix-huit cens ans a eu de compte fait
cent & sept Rois successivement conse-
cutifs. D'attacher telle mutabilité au cli-
mat de la region, qui pour sa distempera-
ture ait pû abréger la vie de ces Princes,
ne semble y avoir apparence, puis qu'au-
tant que nul autre ce país est fertile de
personnes, qui ont atteint long âge. En-
core moins sur ce qui a fait si dru tricher
la multitude des Papes, qui ne peuvent
parvenir au siege Souverain, si ce n'est
lors & quant ils portent au front cette
gravité chenuë. On ſçait tres-bien qu'il
y a pour cét égard difference entre les
Rois & les Pontifes. Doncques (s'il est
Quij

190 *Histoire des ſcavans Hommes* ,
loifible de furerer plus avant les ſecrets
d'une telle muableté) ie dirois volontiers,
que l'indifpofition , tant de ceux qui
commandent que des ſujets, ont cauſé vn
ſi frequent deſ-voyement des ſceptres
d'Eſcoſſe: Tout ne moins qu'un eſtomach
maleficié eſt de bien peu de durée , lors &
quant il eſt principalement mal-accom-
pagné de viandes mauuiſes & corrom-
pues. Et qu'ainſi ne ſoit l'on trouue qu'il
y a eu cinquante trois Roys d'Eſcoſſe , qui
pour leur laſche & mauuiſe vie ont paſſé
ſous la rigueur de la felonnie populaire.
Nothale , cinquième Roy Eſcoſſois , qui
ſucceda à ſon frere Darnadille , fut occis
par conſpiration ayant regné vingt ans,
par ce qu'il auoit fait non ſeulement faux
bon à equité , Droiture & luſtice , mais
ne vouloit ſouffrir les Loix , qui eſtoient
iuſtément & ſainctement eſtablies. Reu-
there auſſi fut deſchaffé. pour ſes concuſ-
ſions , & n'eut rien plus ſeur que de ſ'en-
fuir en Irlande. De meſmes aduint à The-
rée huitième Roy , qui pour la mutine-
rie de ſon peuple fut contraint de ſ'en-
fuir , & mourut à Forcb. Finnan vnziefme
pour ſa faineantife fut occis par la conſ-
piration de toute la Nobleſſe , apres auoir
regné neuf ans. Meilleur marché n'eut

Fergus I. Roy d'Escoffe, C. XVII. 191
rent pas Eugene premier du nom, ny
Gilles son bastard, qui finirent mal-heu-
reusement. Comme Euene troisieme du
nom, lequel degenerant des vertus d'E-
dere quinzieme Roy d'Escoffe, ayant re-
gné sept ans, fut massacré de la Noblesse.
Je pourrois dans ceste liste enlacer le reste
des autres Roys, qui ont esprouvé la
fureur du glaiue populaire, si la diligen-
ce de plusieurs Historiens, qui ont passé
sur ce suiet, ne me releuoit de telle
peine. Ioint aussi que tant plus que ie
m'enfoncerois en ce discours, tant plus
d'ennuy aurois-ie à resoudre la question,
à sçauoir si les Escossois ont peu à bon-
droit se bander de telle facon à l'encon-
tre de leurs Souuerains Seigneurs. Laquel-
le ie laisseray decider aux Iuriscultes
& Docteurs politics, qui ont pris plai-
sir de traiter de la ciuile administration
de la Republique. Les plus sublimes d'i-
ceux choisiront assez de matiere, afin de
faire trouuer bonne la violente pour-
suite des Escossois, pour reprimer la des-
reglée ambition de leurs Superieurs, mais
s'ils me croient, auant qu'auancer d'a-
uantage la dispute qu'ils aduisent d'en-
fourner à propos. De ma part ie prendray
la route de nostre Fergus. D'où qu'il soit

192 *Histoire des sçavans Hommes*,
forty, si a-il bien monstéré qu'il auoit bien
(comme l'on dit) du sang aux ongles par
sa magnanimité & heroïques exploits de
guerre. Et (à la verité) a bien esté besoin
qu'il ait esté homme de capeline, d'auoir
si à propos sceu ranger & appaiser les hu-
meurs & factions, qui de toutes parts
rintamarroyent dans l'Escoffe, qu'il s'est
rendu seigneur & maistre du pays, a vny &
reconcilié les affections de ses suiets, & a
donné la chasse aux ennemis de l'Estat,
ainsi qu'il estoit tenu par le deu de sa char-
ge, & principalement pour auoir esté ap-
pellé au siege, afin qu'il reprimaist l'auda-
ce & efforts des Pictes. Lesquels comme
il cōnoissoit estre ennemistant des Escos-
fois que des Pictes, & que le secours qu'ils
leur auoient offert, ne tendoit que pour,
ayant brisé l'un ou l'autre des partis, pou-
voir d'autant plus aisément venir à bout
de celuy qui resteroit las & harrassé d'a-
voir soustenu l'effort des ennemis. Par-
rant moyenna par les remonstrances qu'il
fit à ses sujets, qu'il les rallia avec les Pi-
ctes, qui reciproquement jurerent allian-
ce deffensive à l'encontre des Bretons,
qui pensans attraper ces deux peuples au
piege de leurs embusches, se trouverent
entiléz dans les lacs, qu'eux-mesmes
auoient

Fergus I. Roy d'Escoffe, C. XVII. 193
avoient rendu. Partant apres avoir reu-
le cœur de ces deux nations, il joignit
leurs forces & alla donner sur Coil Roy
des Bretons, qui avoit desia commencé
d'entrer sur les limites d'Escoffe, & fai-
soit bien estat d'engloutir tout d'un coup
Fergus, mais il se trouva bien esloigné de
son compte, car les Escossois chargèrent
de si bonne grace les Bretons, qui ne pen-
soient rien moins qu'à tel exploit, qu'ou-
vrit la déconfiture generale qui lors sur-
vint, le Roy Coil demeura pour gages de
la victoire estendu sur le carreau, au lieu
qui prit le nom de Coil à cause de la mort
de ce Coil. Telle & si memorable vi-
ctoire obtenue par le moyen de Fergus,
obligea tellement les cœurs des Escossois,
que par serment solennel ils luy jurèrent
foy & obeïssance, & promirent ne rece-
voir aucun qui leur commandast, qui ne
fut du tronc & tige Fergusien. Et fut cet
accord engravé de lettres Hieroglifiques
en marbre, & donné en garde aux Prestres,
afin que la chose demeura d'autant mieux
ferme & rassurée, & qu'elle fut de plus
grand poix & autorité. De ce aucuns font
bouclier, pour couvrir la fréquence des
assassins & massacres, qu'on a fait des
Rois d'Escoffe, d'autant, disent-ils) que

s'eſtans perchez ſur le ſiege par moyens reprouvez, illegitimes & deſſendus expreſſement par cette regle de Royauté, en ont eſté chaffeز, mis bas, & reculeز comme baſtards, indignes, incapables & tyrans. Et pour obvier que par apres on ne réveilla tels broüillis en ſon Royaume, qu'il avoit trouvé à ſon entrée, il comença à faire baſtir pluſieurs maiſons, granges, forts, Chateaux & villes (vray moyen, qu'ont accouſtumé de tenir ceux, qui ſages politics, deſirent de mettre en paix, ſeureté & repos un Eſtat) afin qu'il les-oppoſa aux pernicioeux complots des ſeditieux, qui euſſent voulu dementeler, miner ou ſapper l'eſtat, qu'il avoit commencé à dreſſer. Si bien ſe comporta en telle Royauté, que par mer ou par terre il obtint pluſieurs victoires de ſes ennemis, triompha d'eux, remit tellement ſon peuple à ſouhait, qu'au lieu qu'il eſtoit haraſſé, pillé & gourmandé de je ne ſçay quels haubereaux qui le tyranniſoient, il ſe trouva durant ſon regne en repos, paix & tranquillité. Telle qu'à la venue de ce Roy nouvellement créé ſes ſujets s'eſtonnoient eſtre de nouveau reformez & façonneز. Auſſi quant tout eſt dit, il y avoit un renouvellement tres-manifeſte,

quant changeans l'estat fervil, esclave & assujetty aux oppressions tyranniques, contre la libre franchise qu'ils humoient de leur Fergus, se trouverent inopinément investis d'un bien souverain, qui les faisoit sur tous leurs voisins triompher & à la barbe de leurs ennemis. Mesme qu'on regarde l'ordre qu'il tint pour remettre son païs, non point seulement en paix, mais aussi en liberté & en asseurance, l'on trouverra qu'il est impossible de choisir Seigneur mieux affectionné au profit & grandeur des siens que ce Fergus. Lequel ayant abbatu les forces des Bretons, pour prevenir aux querelles & dissensions, qui eussent pû survenir pour raison du partage & division, qu'ils devoient faire du païs conquis, fit deleguer sept personnages pour le descouvrir, & en pouvoir dresser departement, comme il fut fait, ainsi que fort à propos le ramentoient les Historiens Escossois, & entr'autres Hector Boëce. Apres avoir ainsi au mieux qu'il a esté possible degrossi ce qui eut peu porter nuisance à l'estat, il employa la pluspart du reste de sa vie à establir la justice en ses païs, qui est le veritable & souverain appuy des Seigneuries

196 *Histoire des ſçavans Hommes,*
& Principautez, qui defarmées du baſton
de juſtice ne peuvent ſe maintenir à l'en-
contre des grondemens , abbayemens de
pluſieurs garnemens , qui ne prennent
plaſir qu'à mettre en trouble & grabuge
le public. Il publia de belles & loüables
ordonnances contre les larcins , brigand-
ages, voleries , meurtres & autres ma-
leſices. Et pour tenir main forte à Juſti-
ce il fit baſtir le Chateau Berogome , où
il ordonna qu'on rendit le droit en Lon-
quhabrie, lieu assigné expreſſement pour
relever de peine ſes ſujets , qui euſſent
eſté bien empeschés à trouver lieu pour
ſubir juſdiction. Au reſte les Histoires
Eſcoſſoiſes témoignent qu'il prit pour
eſcuſſon un Lyon rouge , afin qu'il ſervit
d'effroy à ſes ennemis. En ce imitant le
vaillant Agamemnon , lequel pour ſe fai-
re redouter à un chacun , portoit en ſon
bouclier l'eſſigie d'un Lyon , avec cette
inſcription ,

*C'eſt icy des mortels l'effroy eſpouventa-
ble ,*

*Lequel Agamemnon a pris pour eſcuſſon ,
De ſon ſanglant bouclier.*

Ce n'est pas que je veüille ravir les autres proprietez d'un tel escuffon, qui a aussi esté choisi par le magnanime Fergus, pour témoigner qu'il avoit tousiours l'œil rendu à s'aquiter du devoir de sa charge. Ce qu'il n'eut sceu mieux représenter que sous la figure du Lyon, laquelle estoit employée par les Egyptiens, quand ils vouloient faire estat d'un homme vigilant, soigneux & diligent. Leur raison estoit fondée, sur ce que le Lyon veillant ferme les yeux, & dormant les ouvre, qui est un vray moyen pour n'estre surpris à l'improviste. Là dessus je pourrois adjoûter, tant l'occasion qui a fait retenir ces excellentes armoiries aux Roys d'Escoffe, qu'aussi la charge qui est donnée à la bande Escossoise de la garde du corps de nostre Roy. cela n'estoit communiquer aux particuliers ce qui privativement doit appartenir au chef & au Prince. Joint aussi qu'il sembleroit que je voulusse couvrir l'Escoffe de peaux de Lyons, qui ne frequentent en cette contrée là, non plus que les loups. Or pour retourner à nostre Fergus il fut proclamé Roy d'Escoffe, à cause de ses vertus, prouïesses & magnanimité, l'an du monde 3652. & avant l'Incarnation de Iesus-Christ

318. Par luy les Hiftoriens d'Eſcoſſe (au rapport de Baleus) commencent leurs Chroniques , encore qu'Achilles Pirmin en l'Epitome des Histoires & Chroniques du monde, faiſſe mention d'Albanaëtus, lequel il veut faire le premier Roy d'Eſcoſſe , & beaucoup auparavant noſtre Fergus, qui pour ſon dernier exploit rapaiſa les troubles qui tracaiſſoient l'Hibernie , où il fut prié d'aller pour décider des différens , dont ſes parens & alliez s'entrequereloient l'un l'autre. Si bien gagna leur cœur qu'il les reconcilia par enſemble. Au retour approchant de ſon païs il fut preſſé d'une tempeſte , qui jettâ ſon navire vers un eſcueil, qui encore pour le jourd'huy eſt nommé Crag Fergus, pour le piteux naufrage qu'il y fit l'an du monde 3678. & devant la venuë du Sauveur de tous les hommes 292. & de ſon regne 25. Que ſi tous ſes ſucceſſeurs euſſent daigné l'enſuivre , c'eſt hors de doute que l'Eſcoſſe n'eut eſté ſi ſouvent tourmentée de noiſes, partialitez & diſſenſions, comme elle a eſté. Bien eſt vray qu'il y en a eu aſſez bon nombre, qui ont non moins heureuſement que ſagement & juſtement commandé: entre leſquels je me contenteray d'en ramentevoir deux, à ſçavoir

Donalde premier du nom, & vingt-septiesme Roy d'Escoffe, lequel apres avoir long-tèmps combattu à l'encontre de l'Empereur Severe, fut le premier d'entre les Escoffois qui fit profession de la Religion Chrestienne, & fit battre monnoye d'or & d'argent pour foulager ses sujets, qui ne traffiquoient que par eschange. L'autre est Jacques V. qui pour la rareté de ses tres-dignes vertus, a eu le vent tellement en poupe, qu'en paix & tranquillité il a par un long espace d'années, tenu le sceptre Escoffois. Aussi estoit-il costoyé de Conseillers prudens, bien advisez & de fort bonne conscience. Entre autres avoit-il ce grand Robert Reide, lequel estant sorty de fort bon lieu, a aussi passé par l'alambic des vertus & generositez toute sa vie. Tant de bonnes parties avoit-il, qu'à luy seul fut oütrouée la surintendance des Isles Orcades, & fut employé en plusieurs Ambassades, tant en Angleterre vers le Roy Henry VIII. qu'en France vers le Roy François I. pour le traité du mariage de son Roy Jacques avec Magdelaine de France, fille du Roy François. Ce grave personnage mourut à Dieppe par la tempeste, rerournant en France de s^{on} Ambassade, âge de 70 ans le 15


200 *Histoire des ſçavans Hommes,*
de Septembre 1558. & fut enterré en l'E-
glise S. Jacques, en la Chapelle des Eſcof-
ſois dediée à S. André.







*SALADIN, SOLDAN
D'EGYPTE .*



SALADIN SOLDAN D'EGYPTE.

CHAPITRE XVIII.



VELQUES-uns subtilifans sur l'axiome tres-veritable, qui porte en substance, qu'un bien mal acquis ne peut estre de durée, pensent avoir trouvé (comme l'on dit) la fève au gasteau, quant ils se representent l'Histoire de ce Saladin. Alors presument-ils, que cette regle est fausse, parce que les Historiens rapportent, que Syracon Medien pere de Saladin s'empara du Royaume d'Egypte par moyen tres-illegitime, à sçavoir pour avoir perfidement tué Calyphe Soldan du Caire (duquel il avoit esté Capitaine, recevant solde) sous pretexte de luy aller faire la reverence, & par ce moyen se saisir des tresors & de la souveraineté d'Egypte. Quelques-uns escrivent que ce Syracon ou Sarracon, ou bien Syracuin, n'estoit pas pere de Saladin, mais son oncle, & que son pere estoit Negemedin. Quoy qu'il en soit, la Seigneurie d'Egy-

pte tomba entre les mains de Saladin, par le moyen de ce perfide Syracon, laquelle du depuis fut tellement aggrandie par le moyen de Saladin, qu'il a esté estimé avoir atteint à la gloire des plus grâds Capitaines. Je ne m'amuseray point icy à déclarer les moyens qu'il tenoit pour venir à bout de ses entreprises, afin de n'estre pas long; & aussi que la presente Histoire pourra assez amplement manifester ce qui en est. Seulement je diray que ç'a esté le Soldan doué de la plus exquisite prudence qu'il est possible de penser. Il n'espargnoit or ny argent pour gagner ceux qu'il jugeroit estre hommes de service: il se plioit aux meurs & phantaisies de ceux auxquels il vouloit avoir affaire, non point pour s'y assujettir, mais afin que les ayant humé il en fit son profit, ainsi qu'il connoistroit estre de besoin. A cette occasion le Journalier Bocacè escrit, qu'il se promena en habit de marchand par l'Italie & la France, pour s'informer des forces & desseins des Chrestiens. Il les descouvrit si bien, qu'après quand il se sentit à son avantage, il les desfarçonna pour la pluspart des terres & Seigneuries qu'ils possédoient au Levant. Estant appelé par le

Damascenes il y fut & se saisit en peu de temps de toute la Province, l'usurpant sur son maistre Melech Salai, (j'ay apporté son portrait de la ville de Damas, qui me fust donné par un Evesque Armenien avec d'autres) se fit Seigneur de Bostre de Malbec, qui autresfois estoit appellée *Heliopolis* & de Camele. Et afin que les Chrestiens ne luy courussent sus, alors qu'il seroit empesché à empieter les terres de l'heritier de Noradin, il fit alliance avec les nostres : Laquelle dura seulement jusques à tant qu'il se fut fortifié : mesme en l'année onze cens soixante dix sept au mois de Decembre il vint se camper devant Ascalon, où estoit Baudouin quatriesme du nom Roy de Ierusalem pour la deffendre. A ce coup il fut estrillé dos & ventre, & y perdit la plus grand part de ses Mammelucs, que si luy-mesme n'eut vuidé la place, il estoit bien à craindre qu'il n'eut esté encore plus mal appointé. Guerres long-temps ne laissa-il les nostres se glorifier de leurs conquestes tres-glorieuses, il les chargea si chaudement, que bien peu fallut que Baudouin n'y demeurast ainsi que le Grand Maistre des Templiers. Prit le chasteau que Baudouin avoit fait bastir sur le Jourdain, mit.

en servitude ceux qu'il y trouva dedans, & rasa de fonds en comble le fort. Apres furent faites des deux costez trêves pour cinq ans, mais qui ne durèrent gueres, pour ce que Saladin ayant découvert que le Comte de Tripoli se partialisoit contre les Chrestiens, se resolut, nonobstant la promesse qu'il avoit juré, de se rendre aussi de la partie: Ce qui fit sortir Baudouin en campagne, comme firent semblablement les Turcs, & fut la bataille donnée près un Chasteau dit Frobolet, où encore que la victoire fut incertaine, Saladin eut du pire. Partant de despit, fit marcher son armée d'Egypte par mer, & assiegea la cité de Barut de trois costez, mais sentant le Roy à sa queue, craignant le choc, il leva le siege & s'alla ruer sur la Mesopotamie, d'autre costé les Chrestiens coururent les terres de Damas, & s'essayèrent de repousser cet ennemy, qui les vouloit depousseder de la Palestine. Et pour ce fut fait denombrement des forces & richesses que les nostres pouvoient avoir en ce pais-là, & fut jettée une taille sur tous ceux qui avoient jusques à la concurrence de cent Besants vaillant, à quoy les Eglises furent cottifées. D'où est venu que certains mal entendus, soit

à l'Histoire, soit au fait des Finances, ont dit que cet impôt fut la decime Saladine, estimans que tous deniers que paye le Clergé, ou tout seul, ou en commun avec le reste du peuple, sont de la nature des decimes. Je les renvoyerois volontiers à la distinction des impôts, subventions & autres contributions, qui leur sera montrée en moins d'un quart d'heure par le moindre financier de France; ou bien aux estats des deniers qui sont levez sur l'Eglise par les Princes, ils y trouverront des subventions, emprunts, dons gratuits & autres deniers extraordinaires, qui presny loin n'approchent des deniers decimaux, quoy qu'à mesme fin la levée d'iceux soit octroyée aux Princes par le Pape. Encore doncques que les Chrestiens de la Palestine se cottifassent, pour s'armer à l'encontre de Saladin, ce n'est pas à dire que les deniers, lesquels ils déboursèrent, meritent le nom de decime Saladine. Joint aussi qu'elle fut levée bien en un autre temps & payée. De fait Rigord qui a descrit la vie du Roy Philippe Auguste, découvrira assez la difference qu'il y a entre l'une & l'autre contribution. La premiere se faisoit sur les Levantins, l'autre sur les Occidentaux, qui ne

s'eſtoient croifez , ainſi qu'eſt tres bien remarqué par l'ordonnance de cette decime, à laquelle n'eſtoient tenus les Croiſez qui eſtoient ſoulagez & recompenſez de leurs debtes : Les Abbez & Moynes de l'Ordre de Ciſteaux, & les maladerie en ce qui leur eſt propre, & les Dame de Font-Eurauld : Meſme ceux qui avoient haute juſtice en quelque grande terre, & ne s'equipoient pour aller au voyage d'Outre-mer eſtoit ſujets au diſme. Le Gentil-homme non croiſé devoit payer au Seigneur, duquel il eſtoit vaſſal & lige, la diſme de ſon propre meuble, ou du fief qu'il tenoit de luy, & ſ'il n'avoit aucun fief qui relevaſt de luy, il eſtoit tenu neantmoins de luy payer diſme de ſon meuble, ſ'il levoit & couchoit hors d'avec ce Seigneur. Plusieurs autres points eſtoient compris ſous l'ordonnance de ce diſme Saladin, leſquels pour n'eſtre pas longie j'ay paſſeray ſous ſilence, me contentant de ce que j'en ay propoſé, qui pourra ſuffire, tant pour faire d'autant mieux differer ces deux levées de deniers, qu'aussi monſtrer la neceſſité des affaires de la Chreſtienté, où Saladin les avoit réduit, qui forçoit les Chreſtiens de laiſſer leur païs, pour courir ſur ce perfide & deſloyal

Saladin. Auquel je retourneray pour mettre en evidence le peu de conte qu'il tenoit de la parole qu'il avoit donné. A laquelle il ne se sentoît obligé qu'autant que son avarice, ambition & commodité pouvoit le luy permettre. Encore doncques que les trêves qu'il avoit juré avec les Chrestiens luy liassent les mains, pour ne rien entreprendre sur eux, estant suscité par le Comte de Tripoly, mal content & indigné à l'encontre de Guy de Lusignan Roy de Jerusalem, il suscita les Arabes, & les fit ravager les terres de Renaud de Chastillon Seigneur de Monreal outre le Jourdain. Qui leur courut sus, les battit & leur osta tous leurs troupeaux; entre en l'Arabie voisine à main armée, où il fit un beau remuë ménage. Or nostre Saladin ayant regné seize ans, mourut l'an apres l'incarnation du Sauveur du monde onze cens quatre vingt dix-sept, au tres-grand bien des Chrestiens, s'ils eussent esté si bien advisez d'empoigner la commodité qui leur estoit présentée par le moyen de la dissension des fils de Saladin, qui s'entretuoient les uns les autres. Estant proche de sa mort, comme estant bien & deuëment adverty de la condition & misere humaine, faisant

testament, commanda qu'il ne luy fut fait aucune pompe funebre., & ordonna que seulement on porta devant son corps sur une lance, une robe funebre de couleur noire, & qu'un de ses Prestres chantast au peuple des Vers de cette teneur, comme il se trouve escrit en Boccace.

*J'ay vescu insqu'icy tout couronné de gloire,
Maintenant ie n'en ay que la seule memoire:
Et ce grand appareil qui faisoit tout mon sort,
Ne gist que dans ce drap après que ie suis mort.*




THE HISTORY OF THE

REIGN OF



*TAMERLAN, EMPEREUR
DES TARTARES .*



TAMERLAN EMPEREUR
des Tartares.

CHAPITRE XIX.



OIT que nous considérons les commencemens, qui ont réveillé le Souverain Empire de ce furieux Tamerlan, soit que nous nous voulions observer par quels moyens il est monté au haut de la gloire, il n'y a si haut huppé d'entendement, qui ne soit contraint faire joug, & confesser, qu'à peine il est possible, que dans un simple vaisseau ayent pu abonder tant de particularitez merveilleuses, & qui ait culebuté la puissance Turquesque, & plusieurs autres dominations, comme la suite du présent discours pourra le manifester. Quant à son origine les Historiens s'entrepillent la vérité par ensemble. Quelques-uns le veulent tirer du milieu des Parthes, peuple tant redouté du temps des Romains, & neantmoins peu renommé. Les autres le disent Turc, Scythe, Zagateen & Tartare, pour ce

Tome VIII. R.

qu'il se voit qu'il fut natif de Samarcand, qui est auprès du fleuve Iaxartes, proche du païs de Zagatai. S'il y a de la difficulté pour raison de son païs originaire, encore plus en a-t-il pour l'amour de ses qualitez & de sa race. l'en vois quelques-uns qui le tirent de l'estoc de *Cingis Cham*, & le font fils de *Zain Cham*, troisieme Empereur, qui ordinairement est nommé *Bacthi*. Les autres nous le proposent comme petit compagnon, fort y de bas lieu, qui s'est depuis fait reputer pour le plus grand & plus puissant Prince d'Orient, & le plus redoutable de la terre, & de telle sorte, qu'il se disoit estre l'Ire de Dieu, & n'estre pas homme. Voila pourquoy certains veulent faire rapport de luy avec *Hannibal*, pource que jamais la terre ne porta homme plus fier, severe & entier en son opinion que *Tamerlan*, & que aucun ne punit avec telle severité les larcins & pillages que luy, quoy qu'il fut le plus grand brigand & detestable vilain, dont les Histoires nous ayent parlé. D'autre part il a esté tel, que par sa hardiesse il facilitoit les choses que les autres trouvoient impossibles, aussi la fortune le suivait, telle que jamais il ne fit gueres entreprise, de laquelle il ne vint à son hon-

neur, ny guerre, dont il ne rapporta la victoire. Toutesfois quelques-uns font difficulté de croire, qu'il fut sorty de bas lieu; estimans qu'il soit impossible, que de si petit compagnon qu'il estoit, il soit accreu en une telle grandeur, faisans rapport avec la puissance Turquesque, qui a demeuré long-temps à grossir. Mais puis que je vois que la plus commune opinion panche de ce costé, de dire qu'il fut fils d'un nommé Sangali, homme qui n'estoit des plus avancez du monde. De maniere que nostre Tamerlan fut contraint, suivant le train & estat de son pere, de garder le bestial aux champs, où il fit alliance & ligue avec les autres Pasteurs du païs, qui l'ayans choisi pour leur Roy s'entrôlerent sous sa charge. D'autres enfin le font simple soldat, homme accort, & d'un fort gentil esprit. D'autres toutesfois sont d'avis, qu'un jour il monta sur le mur d'un estable, pour en tirer les chevaux qui estoient dedans, & découvrant que le maistre de la maison l'avoit apperceu, il se jetta du haut en bas du mur, & que sautant il se blessa en la cuisse, d'où il advint que de là en avant il fut boiteux. Il n'a pas laissé neantmoins de faire chose admirables, pour estre ainsi

212 *Histoire des ſçavans Hommes,*
eſtropicé: D'un point eſt il-priſé, pour l'e-
quité, police & bon regime, qu'il auoit
preſcript pour la diſcipline militaire. Que
ſ'il ne ſe fut eſgaré dans les maretſ de ſon
ambition & cruauté, c'eſt hors de doute
que ſurtout les autres guerriers il em-
portoit le prix, d'autant qu'il eſt impoſſible
de mieux ranger vne armée, qu'il la ſça-
voit diſpoſer. Que ſi ie voulois faire recit
de ce qu'il y obſeruoit, ce ne ſeroit iamais
fait. Ie me contenteray ſeulement d'ex-
primer, comme il empeſchoit qu'aucuns
eſpions ne ſe nichaſſent dans ſon camp,
ſans y eſtre ſoudain deſcouverts. Pour ce
il ordonna vn logis dehors le camp, pour
les eſtrangers ſuruenans, leſquels y fuſ-
ſent traités & receus, ayans affaire à luy,
de maniere qu'ils ne pouuoient aller ſleur-
rer ce que c'eſt qu'on faiſoit au camp. Le
ſoir chacun prenoit le mot du guet, & ſe
retirant à ſon cartier, ſ'il en eſtoit trouué
quelqu'un hors de ſon rāg, ou qui picoraſt
hors de ſon cartier, il eſtoit mis à mort,
ſans reſpit ny grace quelconque. Si bien
que les eſpies eſtoient là en fort grand
danger. Ie laiſſeray pareillement les de-
partemens des legions, qu'il fit, & ſous
quelles rigueurs il faiſoit obſerver ſes or-
donnances militaires, puis que le Le-

Et pourra recourir à ceux , qui allés
amplement ont discouru des faits & gestes
de ce grand Capitaine. Il vaut mieux,
que ie vienne à descourir plus particu-
lièrement sa vie. Par ses brigandages si
bien il escuma de toutes parts , qu'il se
trouua bien empesché , pour conseruer
ce qu'il auoit butiné , pource s'associa-il
deux puissans hommes d'entre les Massa-
getes , à scauoir Chaidaren & Mirxé,
lesquels , se laissans captiuer par dons &
argent , vindrent avec leurs forces à son
secours. Avec cet appuy il se rua sur les
Tartares , les vainquit & mit en pieces
leur cauallerie : ce qui luy donna si grand
bruit , que ceux de Samarcand luy don-
nerent or , argent & forces , pour venir à
bout de ses entreprises : mesmes le Roy
des Massagetes le fit General de son ar-
mée , à la mal-heure , dautant que ce
galand , pour vsurper sa domination , luy
pressa vn peu ses mains , lors qu'il prit
Pogdatis , qui est vne cité au pays des Tar-
tares : & apres sa mort il espousa la vefue,
& si deslors il s'empara des sceptres de
Samarcand & des Massagettes , de là en
auant Tamerlan commença à embrasser
en son esprit l'Empire d'Asie , à quoy il
estoit fort sollicité par Chaidare , lequel

214 *Histoire des ſcavans Hommes,*
apres mit en diſgrace Myrxe enuers Tamerlan , auquel il raporte certaines paroles que trop librement ce pauvre homme auoit dit de Tamerlan , lors qu'il eſtoit ſeulement General de l'armée des Maſſagetes , & qui apres ne luy couſterent rien moins que la vie. Apres il ſ'achemina à la guerre contre les Hircaniens & Caduſiens, leſquels il ſubiugua. Et par ce que les Arabes rauageoyent les pays voiſins , & donnoyent ſecours aux Caduſiens, il prit occaſion de courir ſur tout les peuples obeiſſans , à quel que ce fut des Souldans ou de Perſe, ou de Baldac, ou de Damas , ou d'Egypte. Toutesſois ne pouuant les dompter, apres les auoir bien matté , il accorda avec eux de la paix pourueu qu'ils luy fourniffent hommes pour le ſeruir à la guerre , & luy payaſſent tribut annuel en ſigne d'obeiſſance. Pour cela il n'eſpargna point les Aſſyriens , Perſans & Medes, qui auoient tenu eſcorte aux Arabes , il rauagea tout leur pays, prit quelques villes, donna tout le degaſt à tout le plat pays: Il ſ'en retourna à Samarcand , pour reprimer l'audace de ſes Scythes, qui auoyent couru ſur ſes terres. Avec grand flot d'armée il paſſa l'Araxe & heurta les Scythes, qui du premier con-

le repoussèrent vaillamment , & le plus souvent luy donnerent des cassades fort gentiles , à la fin toutesfois il les rangea tellement , que , sans reculer, il fallut venir aux chamaillis des sineterres. Alors les Scythes firent vne estrange perte , qui fut cause de moyenner la paix entre Tamerlan & toutes les Hordes des Scythes. Des qu'il se sentit seur de ce costé , il tourna bride vers la basse Syrie pour l'assuiettir , & assaillir la cité de Damas, où il fit vn piteux deluge de personnes & de richesses , qui pouuoient estre en la cité , qui estoit le Paris de tout l'Orient pour le traffic des Leuantins avec ceux de nostre Europe. Non content de ce butin il alla à Alep , qui se rendit sans endurer l'effort de ce cruel guerrier, duquel on raconte qu'en ses assauts il auoit de coustume de faire tendre vn pavillon blanc le premier jour, qui signifioit, que si dans ce jour ceux de dedans se rendoient, il leur donnoit la vie & leurs biens sauues; la deuxiesme journée il en faisoit tendre un de couleur rouge, denotant que s'ils se rendoient ce jour là, il vouloit pour-sauver les autres., que les maistres & chefs de la maison mourussent, & le troisieme jour il le faisoit tendre de noir , pour monstres qu'il avoit alors fer-

nié la porte à clemence , tellement que ceux qui en ce jour & autres enſuivans ſeroient pris, mourroient tous, ſans avoir égard à homme ny à femme , grands ny petits , & que la ville ſeroit ſaccagée & puis brûlée. Ceux d'Alep ayans veu la miſerable punition qu'il fit à ceux de Damas, aymerent mieux ſe mettre à la mercy de ce Lyon , que de l'eſchauffer d'avantage. Mais comme il eſtoit icy empêché à tourmenter l'un & miner l'autre, faiſant eſtat de faire de grandes conquêtes, il fut rappellé par le remuement qui ſe faiſoit en ſon païs. Car le Grand Roy de Catay , qui eſt un des neuf Chefs des Hordes Indiennes, & le Souverain des Tartares, fit une belle raſſe ſur les païs de Tamerlan, lequel du commencement penſoit bien tout foudroyer , mais il trouva bien à qui parler, & ſe douta bien, que ſ'il attaquoit le grand Chan de Catai, qu'il ne ſ'en iroit pas ſans beſte vendre, fut contraint de luy demander la paix. Qui luy fut accordée , à la charge que Tamerlan luy fit hommage , & payaſt tribut annuel, pour la region des Maſſagetes qu'il tenoit. De dire que Tamerlan n'eut moyen de faire teſte au grand Tartare, ce ſeroit folie, mais il craignoit de miner ſes forces, leſquel-

les il vouloit mener à l'encontre de la maison des Otthomans , auxquelles il en vouloit , à ce poussé par l'ambition qui le faisoit bouillonner à entreprendre toujours quelque chose sur autrui. Partant estant entré en Cappadoce il assiegea Sebaste, laquelle il mina avec telle dextérité, que les Turcs descouragez & ayans perdu tout espoir , n'eurent le cœur de faire résistance à l'encontre de la furie des Scythes, Perses & Baëtryens, qui firent passer au tranchant de leurs simeterres tout ce qu'ils trouverent en la ville vivât. De compte fait on trouve qu'il y mourut plus de six vingts mil personnes , outre quelques prisonniers de remarque , entre lesquels fut le fils de Bajazeth premier du nom, lequel avoit esté commis par son pere à la deffense de Sebaste. Il ne l'eut pas long-temps gardé qu'il le fit passer sous l'immisericordieuse cruauté de son impiété. Apres il envoya des Ambassadeurs vers Bajazeth, par lesquels il luy commandoit de rendre à un chacun ce qu'injustement il leur retenoit, ensemble luy payer de grands tributs. Je n'entreray point au discours, à sçavoir si Tamerlan avoit iuste occasion de courir sur Bajazeth , comme sur un Tyran, puis qu'on sçait bien que ce

Tartare ne ſe couvroit de ce ſac mouillé, que pour auoir pretexte | coloré , afin de deſ-arçonner ce pauvre Turc. Lequel de ſon coſté ne quittoit rien à Tamerlan , qui eſtoit bien appellé *Temir Cuthlu* , qui, ſelon le langage Tartareſque ſignifie *Fer-heureux*, à cauſe qu'il eſtoit non ſeulement heureux en ſes entrepriſes , mais auſſi vaillant au poſſible, de ſorte qu'il faiſoit branſler ſous ſon obeïſſance une grande partie de ce monde. Mais d'autre coſté Bajazeth eſtoit ſurnommé *Lelapa*, qui ſignifie furieuſe ; & *Hildrin*, qui veut dire foudroyant. Mais Tamerlan luy monſtra bien que ſon fer ne craignoit point d'eſtre miné, brifé ou caſſé par les ondes & foudres Turqueſques , & qu'au contraire il falloit interpreter ce nom de *Lelapa* pour tourbillon, non point pour la vertu & vaillance de Bajazeth, mais à cauſe de ſa grande haſtiveté, qui troubloit & diſſipoit les heureuſes executions qu'il eut pû faire , s'il ſe fut laiſſé guider par la raiſon. De fait Bajazeth rendit une reſponſe fort piquante à Tamerlan, & mal-advifé il tomba à l'honneur de la femme du Tartare. Parole qui luy fut venduë bien cher : car encore que Tamerlan ne fut trop bien affectionné à l'endroit de Bajazeth , cette

femme enragée d'avoir esté méprisée par le Turc envenima si bien son mary, que pour avoir paix avec elle, il fallut qu'à feu & à sang il poursuiuit ce pauvre maladeuifé. Partant Tamerlan assembla vne effroyable armée de Tartares, Scythes, Perses, Armeniens & Bactriens, qui montoient iusques au nombre de huit cens mil combatans, & passa par la Prouince de Lydie & Phrigie. Cela fut cause, que Baiazeth leua le siege de deuant Constantinople, & s'achemina en Asie, pour ne laisser entrer le Massagete iusques en son pays, mais qu'auant que Tamerlan eut le loisir, il le deuanceroit, & viendrait le combattre iusques en Armenie & sur les riués d'Euphrates. Mais encores qu'ils se cherchassent tous deux il ne se peurent rencontrer. Cependant on conseilloit à Baiazeth de plier sous le joug de Tamerlan, puis qu'il n'estoit asses puissant pour luy resister, & qu'il ne vouloit desployer ses thresors pour auoir des forces. Apres quelques temps le Turc ayant appris que Tamerlan s'acheminait en Bithinie, & alloit assieger Pruse ville capitale du pays & cité Royale, il se resolut de là luy donner bataille. Les deux armées se ioignirent ensemble au mont

Stella, où Pompée combattit Mithridates l'an mil trois cens nonante ſept, & lors les Turcs eurent du pire, & y en fut tué plus de deux cens mil, & pris un nombre infini. Bajazeth voyant qu'il baſtoit fort mal pour luy, commença à reconnoiſtre ſa faute, & n'ayant moyen d'y remedier, delibera de la reparer par la fuite, & ſe ſauver ſur une bonne jument, qui couroit comme le vent. Mais le mal-heur le ſuivant, il fut auſſi pourſuivy par les Tamerlaniſtes, qui l'attraperent, par la faute que fit Bajazeth de laiſſer boire ſa monture, qui ſe rendit ſi peſante qu'elle ne pouvoit plus debuſquer comme auparavant. Joint auſſi que ce pauvre Roy eſtoit affligé de la goutte, le faiſſant aux pieds & aux mains. Eſtans faiſis d'une ſi belle proye, enſemble de tous les Baſſats, Beglerbeys, Agaz & Sangeaz de la ſuite du Roy de Turquie, on le mena à Tamerlan, qui luy mit la main ſur le collet, luy diſant ces propres mots *Oroſperni mananaracy ne cham-guydercen*, c'eſt à dire, Ha poltron & deſloyal, tu es de preſent mon eſclave. *Chindy-bezaphthe guyercen*, c'eſt à dire, te porteras la peine que tu as mérité. Bajazeth tout éperdu luy répond *ultron hyzey* Tué moy, Seigneur je te prie. Lors luy di


le vainqueur *Guillan crezes adam yocht cyze-cort harmarcht*, Allons, allons, il n'y a personne qui te puisse rachepter. Alors ce miserable captif méconnoissant la pitié de sa condition, redoubla les paroles rudés contre son vainqueur, & avec belles injures commença à s'éfaroucher contre Tamerlan, luy reprochant la bassesse de sa naissance & art de volerie qu'il avoit exercé. Merveilles comme ce Zagatheen ne luy fit sur l'heure passer le pas, d'autant que pour moindre occasion il avoit fait mourir son grand amy Mirxé, parce qu'ils s'estoit hazardé de dire que la Principauté de Samarcand estoit trop bien fondée pour tomber entre les mains d'un voleur tel que Tamerlan. Mais peut-estre surfoya-t-il à desployer sa colere contre Bajazeth, parce qu'il vouloit le faire mourir apres avoir observé toutes les formalitez de Droit. Et de fait le Roy captif n'eut pas occasion de s'en moquer, l'autant que soudain le Tartare le fit monter sur un mulet, & conduire par tout le camp ennemy. & apres cela il le fit lier de chaînes d'or & mettre en une cage. Le menant en quelque endroit qu'il alloit, & lors qu'il montoit à cheval il le faisoit servir de montoir, luy por-

ſant le pied & ſur le col & ſur les eſpaulles , ainſy qu'autrefois Sophoré Roy Perſan en auoit fait à Valerien , Empereur de Rome , & ne le nourriſſoit que de miettes de pain , & morceaux qu'il luy iettoit comme à vn chien. Et neantmoins ne pouuoit le cœur de Baiazeth eſtre abbatu , comme il monſtra lors qu'il vit que Tamerlan fit venir la Sultane, que le Turc aymoît le mieux , & qui fut priſe avec les enfans Royaux , & tout le troupeau des concubines de Baiazeth au ferrail de Pruſe , ou Burſe : Se fit ſeruir par elle à table. Ce pauvre deſeſperé commença à ſ'eſcarmoucher à hurlemens & crieries, reprochant au vainqueur ſa villainie & orgueil , pour tenir ſi peu de compte de la race des Roys , car ceſte dame eſtoit fille d'Eleazar , Roy de Serbie. Ces viſtoires bouffirent tellement le cœur de ce Tartare , que ne pouuant ſe tenir en ſa beau , il delibera de paſſer en l'Europe , pour ſe l'aſſuiettir. Mais la mort coupa le fillet tant des entrepriſes que de la vie de cet ambitieux, l'an de grace quatorze cens & trois. C'eſtoit l'homme le plus ambitieux , qu'il eſt poſſible de penſer , & qui ne vouloit ſe rendre ac-coſtable. Dont ce Geneuois fera preuue,

qui estant de ses grands fauoris, essaya de luy arracher ceste inhumanité, dont il s'effarrouchoit sur ceux qu'il auoit vaincus. Quoy, chien que tu es, penses-tu que ie sois vn homme ? si tu le crois tu es trompé, ie suis l'ire de Dieu, & la ruine des hommes. En cruauté il y en a eu, à peine, auquel il ait cédé, dont ie proposeray deux témoignages. Le premier est, alors qu'il exerça ceste barbare inhumanité contre les filles & ieunes enfans vestus de blanc, & portans en main des rameaux d'Oliue, en signe de paix & d'obeissance. Cet indigne & cruel Tamerlan, enuoya la caualerie pour massacrer & petiller aux pieds des cheuaux ceste fleur de ieunesse, & prenant la ville il fit passer les Citoyens au fil des cimeterres. Le second est de l'impiété qu'il commit à l'endroit des ladres, qui se tenoyent dehors la ville de Sebaste, auxquels sembloit que droit de securité fut acquis, à cause de la maladie, qui les empeschoit de communiquer avec le reste du peuple, & ainsi de pouuoir nuire aux entreprises de ce Tartare, qui les fit inhumainement massacrer, pource qu'ils infectoyent l'air du pays. Pour cela toutesfois ne voudrois-je luy dérober


l'honneur qui luy appartient , pour avoir esté grand justicier, mesme à l'endroit de ses soldats , lesquels n'estoient pas plus tost tombez en faute, qu'ils estoient chastiez. Dequoy fera foy le supplice qu'il fit faire d'un sien Capitaine, qui se promenant au long du rivage de la mer Caspié, qui est nommée par ceux du pais *Cazelbas* dinqvis à trois lieuës du camp de Tamerlan, vit une fort belle fille allant puiser de l'eau, laquelle il força. Avec son pere elle s'adressa à Tamerlan, luy disant en son patois, *Beny Zinaly ponharguiderghé bier-chain thatary Sebaston*, c'est à dire, moy pauvre fille allant puiser de l'eau , i'ay trouvé un traistre & desloyal Tartare qui ma violée. Parquoy Seigneur il te plaise avoir pitié de moy: Lequel lui fit response fort gracieuse digne d'un grand Roy, lui disant : *Corquemath bensachah astre ven benonyteschê hegner hetmixa halffesath*, c'est à dire, m'amie je t'assure d'en faire tres-exemplaire punition. Et de fait ainsi que rapportent les Historiens Tartaresques, fit empaler ce Capitaine publiquement. Au reste afin que le Lecteur ne se méprenne, & pense que discourant de l'Histoire de ce Seigneur Tartare, je ne sçache qu'autrement il soit appelé que Tamer-

lan, je veux bien l'avertir que je l'ay ainsi nommé pour suivre la commune denomination, afin que chacun pût du premier coup découvrir qui estoit celui, auquel estoit destiné ce. Eloge. Selon l'appellation du pais on le nommoit le Grand *Tamir-rham*, encore que quelques-uns le baptisent du nom de *Timir-langue*, lesquels si j'estois creu en ce qu'il m'est loisible de juger en devinant par presomptions, semble avoir touché de plus près au but, au moins s'estre aprochés fort près de ce qui cōcernoit l'estat & la qualité de ce Tartare, lequel en son nom propre estoit appelé *Tamir*, & d'autant qu'il estoit boiteux on lui adjousta la qualité de *Langue*, qui en langue Tartaresque ne signifie autre chose que boiteux. Si eⁿ-ce que tout tortillant qu'il estoit, il a fait marcher droit plusieurs, qui faisoient estat d'estre plus habiles & mieux adroits que lui.





*MAHEMET, SECOND DV
NOM .*



MAHOMET SECOND

du nom.

CHAPITRE X-X.



HILIPPE, lequel on tient estre le premier inventeur des Comedies, estant sommé du Roy Lyfimaque de luy demander quelque chose de ce qu'il auroit : La plus grande grace, dit-il, que vous me puissiez faire, est de ne me communiquer aucun vostre secret. La raison de tel refus est, qu'il est fort dangereux de se mêler privément des secrets des grands & signalez Seigneurs, comme l'experience le monstre manifestement. Que si ce rare personnage n'a osé sonder les secrets du Roy Lyfimaque, que dirons-nous de ceux qui phaëtonisans avec des ailles de cire, veulent grimper jusqu'aux Cieux, découvrir, rechercher & fureter tout ce qui est de caché & inconnu aux restes des hommes ? Et parce que la bande d'iceux est fort longue, je ne veux icy attaquer que ces gallands, qui se formalisent de la dis-

penſation que l'Eternel fait de ſes graces, contrôlans tant ſur la qualité & quantité des dons, que ſur le merite de ceux auxquels il departit ſes liberalitez. Ils ſe font entendre qu'ils dreſſeroient beaucoup mieux à propos l'eſtat & departement des munificences divines, & que plus juſtement & equitablement ils rouleroient la machine de l'Univers. Ils fondent leur déraiſonnée raiſon, entr'autres ſur l'excellence des ſingularitez & bonnes parties, qui accompagnoient celui, duquel je repreſente icy le portrait, ſuivant le creon qui m'a eſté donné par un Grec, eſtant par delà, lequel me dit l'avoir eu de ſon pere vivant de ſon temps. Certains le repreſentent bien d'autre façon, qui ne prennent pas advis que ce fut luy qui porta le premier le groſt tulban & la barbe longue. A ce pernicioeux perſonnage l'heur rioit tellement, qu'il eſt pour la pluſpart venu à chef de ſes entrepriſes, acquiſt le nom de Grand à la maiſon des Orthomans, ruina l'Empire de Conſtantinople, prit douze Royaumes & deux cens villes ſur les Chreſtiens, comme plus amplement je diray cy-apres. Et neantmoins c'eſtoit le plus meſchant & deteſtable homme qu'on puiſſe imaginer. Je veux qu'il ſoit

cent fois pire & plus execrable qu'ils ne le depeignent, pour cela ne pourront-ils trouver legitime occasion d'improperer à Dieu quelque sinistre & mal réglée administration du monde. Et afin que je ne les batte de la sagesse, bonté & puissance infaillible du Tout-puissant, je les veux renvoyer à la Musique, tant pour leur faire divertir l'humeur pernicieuse qui les a fait tomber en une telle manie, qu'aussi pour leur apprendre que tout ainsi que l'harmonie Musicale ne peut estre accordée, si ce n'est quant les quattres, qui à part considérées sont entierement différentes, sympatisans ensemble, entonnent la melodie; aussi Dieu sçait tourner par sa prudence ses instrumens, quelques mauvais qu'il soient, au ply de sa volonté, & encore qu'ils ne vaillent rien, si en fait-il œuvres bonnes, belles & servans à sa gloire. Je pourrois produire infinis témoignages de la Sainte Escriture, qui justifieroient de mon dire, si je n'en avois presentement un entre les mains, propre pour descouvrir l'admirable bonté & patience de ce pere celeste, qui souffre si long-temps ramper ce tigre Mahemetan; pour chastier son Eglise. Par ainsi, laissant ces formalitez trop curieuses,

ses , pourquoy Dieu a fait luire le soleil de sa grace sur la prosperité de Mahemet, j'entreray au discours de sa vie assez prodigieuse , tant pour les vices qui regorgeoient en luy, que pour les exploits qu'il a fait, qui l'ont rendu redoutable par tout l'Vnivers. Il fut fils d'Amurath & de la fille de Lazare Despote de Servie Chrestienne ; homme de fort belle stature, fort robuste & nerveux , ayant la face jaunastre, les yeux de griffon , le regard cruel & véritablement Tartaresque. C'estoit l'homme qui n'avoit ny foy ny Religion aucune. De l'Alcoran il n'entendoit conte, il se mocquoit des idolatries & ridicules superstitions des Gentils, detestoit les luifs & se mocquoit du Christianisme, quoy que Iriny Vucovich sa mere l'eut endoctriné le plus Chrestienement qu'il luy fut possible. Qui a fait qu'aucuns ont creu qu'il panchoit plus à la Chrestienté qu'au Mahemetisme, Judaïsme ou Paganisme. Et de fait il avoit ordinairement avec luy un Moyne Grec Basilien nommé Scholario, tres-docte aux langues , lequel assista au Concile de Florence, & luy apprenoit la langue Grecque, Chaldée & Arabesque. Ce qui me fait croire qu'il avoit quelque estincelle de Chrestienté, est

qu'un Eveſque Grec, âgé de cent cinq ans, lequel i'ay trouvé près d'Epire, m'aſſeura avoir ouï dire à ce Scholario, que Maheмет dans ſon cabinet tenoit pluſieurs reliques de la grande Eglise de Sainte Sophie. Toutesfois je croirois plutoſt que par curioſité il ſ'appriivoiſoit de Scholario, que pour aucune affection qu'il eut à pieté. Quand à la foy & loyauté, il n'en avoit aucune, & ne faiſoit eſtat de ſ'aquitter de ſa promeſſe, ſinon lors & quand elle pouvoit reuſſir à ſon profit. Aux vices les plus horribles il ſ'eſtoit tellement lâché la bride, qu'après avoir perpetré le crime ſoulphré, non nommable, avec des enfans, ce vilain bouc les faiſoit mourir, & leur ouvrir l'eſtomach tous en vie, il viſitoit leurs entrailles, ainſi que faiſoit Neron à l'endroit de ſa mere. Lequel encore ſurpaſſoit-il en cruauté, & bien le monſtra-il, quant il exerça cette inhumanité de ſon petit frere Calapin ou Turſin, lequel il ne ſe contenta pas de faire mourir, (comme pluſieurs autres ſiens compagnons ainſi que j'ay remarqué en ma Coſmographie, que telle eſt la couſtume entre les Turcs, que les Princes & Seigneurs venans à commander, pour empêcher les pernicioeux complots & conſpirations de

232 *Histoire des ſçavans Hommes*,
leurs freres , les font tuer & exterminer
par trop inhumainement) eſtant âgé ſeu-
lement de deux ans, de peur qu'il ne prit
envie d'empieter le Royaume , mais auſſi
il fut ſi effronté en ſa ſanguinaire cruau-
té, qu'après qu'il l'eut fait miſerablement
tuer, il fit preſenter le corps de cét enfan-
telet tout ſanglant & encore haletant à ſa
deſolée mere , qui n'eut jamais preſumé
que le frere uſaſt de telle brutalité à l'en-
droit d'un enfant , qui n'avoit moyen &
encore moins de volonté d'attenter quel-
que choſe à l'encontre de l'Eſtat & de
l'Empire, & enfin que le fils fut ainſi con-
tré-naturé, que de faire un preſent ſi peu
agréable à la mere. Il a commis pluſieurs
autres cruautez, leſquelles cy-apres nous
parlerons au diſcours des conquêtes &
victoires qu'il a eu. Auquel avant qu'en-
trer je ſuis contraint, regretter les grâces
& perfections dont il eſtoit doüé, leſquel-
les il a en tant qu'en luy a eſté corrompu,
terny & baſanné: Vn bien avoit-il, c'eſt
qu'il aymoit les vertueux & ſçavans hom-
mes , les careſſoit & avançoit. Sur tout il
cheriſſoit les Hiftoriens, prenant grand
plaiſir d'avoir aupres de ſoy des hommes
qui couchaſſent par eſcrit ſes proüeſſes &
& victorieuſes conquêtes. Il fit grand ac-
cueil

cueil àlean Maria deVincence, esclave de son premier fils Mustapha, parce qu'il avoit dressé en Turc & Italien l'Histoire de la bataille qu'il eut contre Vfuncaffan ou Assamberg, Roy de Perse. Et quoy que les Turcs ne soient amoureux des portraits & effigies, si est-ce que ce circoncis fit venir deVenise le gentil Bellin, lequel il avoit entendu estre peintre fort excellent, à Constantinople, pour peindre tant son effigie que celle de plusieurs autres Seigneurs Occidentaux, avec quelque Histoires de leurs gestes les plus memorables. Il faisoit plusieurs aumosnes aux Chrestiens, Turcs, Juifs, Mores, Arabes & autres sans aucune difference. Ayant attrapé Constantinople, un jour luy prit envie de visiter un certain Temple des Apostres qui estoit presque tout en ruine, où il fit construire une grande Mosquée, avec un superbe Hospital, lequel il fonda par chacun an de cent cinquante mil Ducats. Quant aux flatteurs, bateleurs, farceurs, & telles sang-suës de Cour, il ne vouloit en ouïr parler, estimant indigne à un Empereur de se laisser emmuser par telles niaiseries, belle visées & enjoleries, mais ayant le cœur rendu à hautes & grandes entreprises ne pensoit

234 *Histoire des ſcavans Hommes,*
qu'à eſtendre les bords & limites des terres & pais de ſon obeïſſance, & maintenir ce qui deſia luy eſtoit acquis. Au commencement de ſon regne il voulut faire tuer deux de ſes freres, & de fait le dernier & plus jeune paſſa au fil de ſa cruauté (comme j'ay cy-deſſus remarqué) mais au lieu du plus grand luy fut ſuppoſé un autre enfant, & celuy qui eſtoit ſon frere fut envoyé à Conſtantinople, puis à Veniſe & à Rhodes, de là à Rome au Pape Calixte, qui le fit baptiſer & nommer Calixte Otthoman, auquel l'Empereur Frederic donna depuis pluſieurs biens en Autriche. Apres que cét ambitieux Mahe-
met ſe ſentit ſeul pour commander à l'Empire, par alliances qu'il traita fort prudemment avec les Bulgares, Grecs & Seigneurs de la Morée, il aſſeura ſon pays des incuſſions, troubles & remuemens qu'ils euſſent pû y faire, cependant qu'il ſeroit empeſché en la guerre d'Asie contre Halifur Prince de Caramanie, lequel avoit fait que la pluſpart des Turcs d'Asie ſ'eſtoient revoltez de l'obeyſſance d'Amurath: Par le moyen de cette revolte il penſoit agrandir ſa domination, parce qu'il eſtoit ſeul en Asie de la race des ſept premiers Princes Turcs, qui la conquirent.

Mais il fut bien loin de son compte, car dès que Mahemet fut descendu en la Caramanie, Halisur se sauva vers les montagnes, & enfin fut contraint s'assujettir à luy ; & quelque temps apres, parce que Pyramet Caraman s'arma contre luy en Natolie, il y tourna ses forces, & prit d'emblée le Chasteau de Mancoup ou Mankup, & entra au pays du Prince Caraman, lequel il rendit à ce coup fort petit compagnon. Mais enfin apres son trépas il s'empara de toute la Caramanie, tua Abraham fils de Pyramet, & extermina toute la race des Caramans. Or quand il eut si à son aise assujetty Halisur, passant en Asie fit bastir un fort sur le Bosphore & mer Propontide, assez près de Gallipoli, qu'il nomma *Bogazasar*, comme qui diroit coupe-gorge, afin qu'il tint par ce moyen le passage clos aux Princes Occidentaux, de pouvoir envoyer forces à Constantinople, s'assurant desia du destroit de Corinthe. Apres il se rua sur la Thrace, qui estoit de l'obeissance de l'Empereur Constantin, s'approchant tousiours de Constantinople. Cependant il envoya le Sangas de Romely Turachanbey, suivy des Princes de Thessalie & Macedone, lesquels ravagerent l'Arcadie, & passans à

Tegée & Mantegne, fourragerent tout le pais Meſſenien. Luy cependant vint planter ſon camp devant Conſtantinople, qui ne montoit à gueres moins de quatre cens mil combattans. De fait le nombre de ſes gens fut ſi grand, que d'un coſté de la mer juſques à l'autre, la pauvre cité ſe voyoit enfermée de ſes adverſaires. Et pour la tenir du tout engoiffée il fit venir deux cens cinquante vaiſſeaux armés & équipés de toutes façons. De telle furie combattit-il, qu'au cinquante quatrième jour il l'emporta, ainſi que j'ay remarqué en la vie de l'Empereur Conſtantin Paleologue, où luy ny les ſiens n'obtinrent aucune eſpece de cruauté & villainie. Il n'y eut dignité, ny ſexe, ny âge, qui pût eſtre garenty de la brutalité barbareſque, qui eſtoit exercée par ces canailles. L'honneur des Dames, filles & vierges fut prôſtitué: La Cité par trois jours pillée & ſaccagée. Mais ce qui aggrave davantage la rigreſque & enragée cruauté de Mahemet eſt, qu'il fit mourir les plus ſignalez Conſtantinopolitains, qui eſtoient échapez du glaive à la priſe, pour autant qu'ils n'avoient voulu luy livrer leurs enfans, afin que ce Bouc infame pût en raſſaſier ſes Diaboliques & contre-naturez appetits.

Quelques sinistres moyens qu'ayent esté ceux, par lesquels ce Conquerueur Mahemet à grimpé au dessus de l'Empire Grec, si ne scauroit-on assez admirer la prudence, magnanimité & proüesse de ce grand Tyran: D'icelle aucuns ont fait tel estat, que subtilisans sur les influences des astres & les accommodans aux corps inferieurs, ils tiennent pour tout certain, que Solyman Otthoman Roy des Turcs, ne fut puissant & redouté Monarque pour autre occasion, que pour avoir ieu à sa naissance (qui fut le seiziesme de Mars, à midy en l'année mil quatre cens quatre vingts seize) constellation semblable & accordant avec l'heure, en laquelle Mahemet debella Constantinople & jetta les premiers fondemens d'un si grand & puissant Empire, qui fut le vingt-quatriesme jour du mois de Mars en l'année apres la nativité de nostre Sauveur mil quatre cens trente. De ma part je serois bien marry de m'arrester à de telles speculations, sachant tres-bien que Solyman estoit composé de bien autre honneur que ce furieux Mahemet. Pour l'avoir veu, je puis témoigner que c'estoit le plus doux, benin & affable Prince, qu'il est possible de penser, & qui sembloit

porter aucunement bonne affection aux Chrestiens, principalement quand il ne s'agissoit point de son profit & honneur, lequel toutesfois n'a en rien ou bien peu cédé à nostre Mahemet. Ce fut luy qui l'an de grace mil cinq cens vingt & un expugna la ville de Belgrade en Hongrie, laquelle estoit le boulevard des Chrestiens. Et l'an mil cinq cens vingt trois il assujettit la belle Isle de Rhodes apres un long & dur siege ; Qui en l'an mil cinq cens trente sept triompha des Allemands & Bohemes vaincus en Croatie : Qui fit couper le nez à nos captifs & les exposa au ris & moquerie des siens, & alors les nostres firent perte en cette malheureuse bataille de soixante canons qui furent portés à Constantinople : Qui en l'année mil cinq cens quarante trois avec un fort beau camp entra dedans la Hongrie, & y occupa Strigonie & Alba la Royale, où toutesfois il fit une perte assez notable. Dont il fut occasionné de se retirer à Constantinople : Qui apres tant d'exploits mourut au siege & expugnation de la ville de Siguet d'une dicenterie l'an mil cinq cens soixante six. Or pour retourner à nostre Mahemet, qui apres avoir abbatu l'Empire de Grece, commença à ravager

la Morée, sur laquelle dès fort long-temps il avoit jettée sa veuë, & y avoit mis le pied si avant, qu'il estoit impossible de l'en deslancer, d'autant que l'alliance qu'il avoit avec Demetrie, la fille duquel il avoit pris à femme, le pouffoit à empier sur Thomas frere de Demetrie la Morée. Il se servit si bien de la fortune, qu'il rendit Demetrie & les Moreens ses esclaves, & en chassa le pauvre Thomas, qui se voyant trop foible pour soutenir l'effort de cet Arabe, prit la fuite, & s'en vint à Rome, portant avec luy le Chef de l'Apôstre saint André, qui fut receu avec grande reverence du Pape Pie deuxiême du nom. Mais il ne tint gueres ce pais en repos, parce que les Venitiens la luy ôterent, & firent refaire l'Hexamile de Corinthe, qui est une muraille contenant six mille, où deux lieues de long depuis le Golphe de Patras, appelé *sinus Corinthiacus*, jusques à celui de l'Egine, qui fut dit *sinus Megaricus*. Qui fut cause que Mahemet ramena derechef ses forces contre les Venitiens, qui furent vaincus, & perdirent le pays & la Cité de Paras, outre plusieurs bons Capitaines Italiens, entre lesquels estoient de remarque Emanüel Baccal, Michel Ralle Cir-

240 *Histoire des sçavans Hommes,*
co Brandalin , Jean Telle & le Proui-
dadour des Venitiens , nommé Barba-
dique , laquelle Bassa fit pendre au plus
haut d'une des tours de Patras. Apres les
Turcs firent demolir l'Hexamil. Et pour
deposseder les Chrestiens de l'Empire,
tant par mer , que par terre , il prit sur
eux les Isles de Stalimene ou Stalimni,
anciennement dite Lemnos , & Methe-
lin , appelée Lesbos , qui estoit de Ni-
colas Cataluz Geneuois , puis se saisit
de l'Isle de Negrepont dite Euboëa join-
te à terre ferme avec vn pont. Tour-
nant bride alla mouiller l'ancre deuant
l'Isle de Neryte dite Sainte Maure , & par
aucuns Leucas & Leucadia: Zante &
Cephalonie. Pareillement vira-il ses for-
ces contre l'Albanois Scanderbeg , qui
luy donna beaucoup d'affaires , & , à dire
le vray , gaigna-il peu avec luy durant sa
vie , apres sa mort il emporta la ville
de Croye , deuant laquelle il fut fort long-
temps , & generalement se rendit maistre
& possesseur de toute l'Albanie , au tres-
grand preiudice de la Chrestienté.
Quant à la ville de Scurari ou Scorda , il
l'osta au Seigneur Aranith Conyno ou
Connenus , surnommé Golent , qui est
à dire Cheuëlu , pere du Seigneur Con-
stantin,

stantin, qui gouvernoit le Marquisat de Mont-ferat, apres le trespas de la Duchesse sa niepce, au temps que le Roy Charles huitiesme revint de Naples. De là il entra en Bosne ou Bosphine, prenant la cité de laize Metropolitaine de tout le pais, fit trancher la teste au Seigneur ou Despot nommé Estienne Hierchée, & d'aucuns Historiens le Duc Latic, puis fit circoncir un petit fils qu'il avoit & sur-nommer Achmath. En l'Acarnanie il planta aussi son bourdon, subjuguant & pillant le pais l'assujettit à luy payer tribut, & recevoir des Sangeaz pour Gouverneurs, des Cadis pour leur administrer la justice. Ce grand conquerant enflé du vent de sa prospere fortune, entreprit la guerre d'Hongrie, quoy qu'elle sembla luy estre fort difficile, pour l'assurance qu'il avoit que la plupart des Princes Chrestiens se banderoient à l'encontre de luy, pour luy empescher le passage de ce costé-là. Mais comme il voyoit que ses entreprises ne pouvoient l'empescher d'equiper une puissante armée, laquelle il mena avec une telle furie, qu'entrant en la haute Mysie, autrement appelée Servie, il se

242 *Histoire des sçavans Hommes,*
faisit des mines d'argent , qui sont en
icelle. Puis il prit les villes de Neuf-
mont, Trepce & Prifren: & de là à gran-
des journées tiroit à la cité d'Albe Grec-
que , à present dite Belgrade , qui n'estoit
pas seulement la clef de l'Empire. Mais
aussi de toute la Chrestienté. Partant le
Pape Calixte troisieme du nom de pescha
Jean Cardinal de Saint Ange en Allema-
gne & Hongrie , pour resueiller les Prin-
ces Chrestiens & les faire évertuër con-
tre ce si puissant aduersaire. Deuant Bèl-
grade il mena vn camp de cent cinquante
mil combatans , lequel il separa en deux,
donnant au Beglerbey de la Natolie le
cartier , qui estoit le Saue , & il com-
manda sur celuy , qui estoit pres le Danu-
be , se retranchant , afin qu'il ne fut
surpris. Sur le fleuve il y auoit grande flote
de vaisseaux , qui vinrent accoster Jean
Huniade, Coruin, Vvaiuode de Tran-
silvanie & le Cordelier Jean Capistran ,
qui venoyent au secours des Hongres ,
avec belle compagnie de Polonois &
Allemands , mais apres s'estre furieuse-
ment entre-chargés le Turc fut battu , &
perdit plusieurs milliers d'hommes. Pour
cela Mahemet ne laissa à donner l'assaut

general à la ville , laquelle il emporta, mais il ne iouït gueres d'une telle victoire , pour autant que le Vvaiuode & le Cordelier Capistran les repousserent de si bonne grace , que se repouterent à tres-grand bon-heur ceux , qui sans estre chaplés en pieces , peurent gentiment sauuer le moule de leur pourpoint. L'heur fut tellement fauorable aux Chrestiens , que le Vvaiuode enclouïa l'artillerie Turquesque , se saisit du camp du Bassa , lequel il brussa & pillà les tentes & bagage. Telle desconfiture receut alors Mahemet, outre la bleffeur qu'il auoit eu, & la honte qui plus le faschoit d'auoir tenu le siege devant Belgrade, par l'espace de quarante six jours, sans auoir rien exploité, que de desespoir il fut sur les termes d'humer de la poison. Apres toutes-fois il reprit si bien cœur , qu'il s'assujettit la plus grande partie de la Vualachie, & prit Capha que l'on appelloit Theodosia, sise en Prezocopie, qui est *Taurica Chersonesus*, peninsulée comme la Morée, & a d'un costé le golfe de Nigrophila, dit *Sinus Carcinites*, & de l'autre la mer Noire dite *Bicis palus*, & plus avant les palus Meotides. Les Genevois se di-

244 *Histoire des sçavans Hommes,*
soient Seigneurs & fondateurs de cette
ville, partant la redemanderent à Mahe-
met, qui la leur refusa tout à plat ; & ce
refus donna source à la guerre qu'ils luy
denoncerent, où il les surmonta. Après
courut l'Armenie, & par ce moyen se crea
un nouveau ennemy nommé Vssuncassen
ou Assambey, lequel s'opposa à Mahemet
avec une grosse armée de Persans, que les
Turc appellent *Kezeil-Bass*. testes rouges,
pource qu'ils portent chapeaux rouges,
encore que le Seigneur Persien & le peu-
ple se nomment *Sophi, Agemi, Chorasin &*
Tachmaz son principal nom est *Kezeil-*
Bass. comme ils donnent le nom aux pa-
rens de leurs Prophetes *Iessil-Bass*. pour ce
qu'ils portent les *Muzanagea*, c'est à dire
un bonnet vert à la difference des Perses.
En la premiere bataille Mahemet fut def-
fait, en la seconde le Persan eut du pire &
perdit une grande partie de son pais en
l'année mil quatre cens soixante & dou-
ze. Quand par ce moyen il se vit as-
sésuré, & que le Prince Armenien ne pour-
roit donner secours au Trapezontin, con-
tre lequel Mahemet alloit, & auquel
estoit alliez les enfans de Tamerlan &
le Roy de Perse, il se rua sur David Co-

nino Chrestien , descendu de l'estoc du
vaillant Isaac Conyno, lequel de Capitai-
ne devint Empereur de Trebizonde, con-
quist la grande ville de Sinop, chef de
Paphlagonie , estant sur la mer Major,
plaisant & plantureux pais, & le dis pour
l'avoir visité. Estant arrivé devant la
ville de Trebizonde, il brussa les faux-
bourgs d'icelle, lesquels estoient si grands,
que les Grecs qui ont escrit la ruine d'i-
celle, disent y avoir eu lors quatre mil six
cens maisons, & tint le siege devant icel-
le par l'espace de trente sept jours. Le
Baccha de Mahemet, ayant que son Roy
y arriva, tascha de faire condescendre
le Trapezontin à quitter sa ville, luy
promettant la vie sauve, & ses richesses
qui estoient dedans. Apres que le Prin-
ce Chrestien s'y fut accordé, le desloyal
Baccha manqua à la parole qu'il avoit
donnée au Roy Trapezontin, & le fit
conduire prisonnier au pais de Thrace,
& apres on le fit mourir avec ses enfans
à Cōstantinople, parce qu'on les soupçon-
noit de trahison & revolte. Cependant
que Mahemet avoit en tēste le Persan &
le Trapezontin, si les Chrestiens eussent
voulu prester l'oreille aux assiduelles

246 *Histoire des sçavans Hommes,*
prieres & interpellations des Grecs, des
Hongres & des Albanois, ils eussent pû
terraiffer du tout cét insatiable Mahemet,
qui estoit bien par ces lourdes secouffes
reduit à l'estroit de ses besognes. Au re-
bours ils estoient plus sourds que rochers,
& au lieu de s'allier unanimement à l'en-
contre de leur ennemy commun, ils s'en-
trebrisoient par ensemble, voire non con-
tans de nourrir le brasier domestique, fi-
rent partialiser au sujet de leurs passions
les estrangers, implorans le secours des
Albanois à l'encontre de la maison d'An-
jou, pour raison du Royaume de Naples,
& par ce moyen affoiblissans le party de
Scanderberg ils ne le mirent pas seule-
ment en prise, mais aussi se minans eux-
mesmes & affoiblissans les forces de la
Chrestienté, frayerent le chemin au Turc
de les visiter de bien près. Et de fait il ne
tarda gueres, car Mahemet enflé comme
un crapaut de l'heureux succès de ses af-
faires, fort & puissant à merveilles deli-
bera d'attraper sous sa griffe la Monar-
chie du monde, partant dressa trois belles
armées, contre Rhodes, Italie & Syrie. A
Rhodes il depescha Mofeth Bassa, Grec
de nation, de la race des Paleologues, en


L'année mil quatre cēns quatre vingts. Lequel y fit tel effort qu'il fut possible, mais il y trouva telle résistance du costé des Chevaliers de Saint Iean de Ierusalem, qui pour lors en estoient maistres, que ce Chrestien renié apres avoir perdu plusieurs hommes, avec sa honte fut contraint de lever le siege. Et non content d'avoir envoyé Omarbey Sangiac de Bosne, qui estoit fils d'un Genevois, piller le pais d'Istrie dite Liburnie, de Crain ou Carnie, appelée Carinthie & de Stirie, qui est nommée *Steirmaick*. par les anciens *Valeria*, qui sont toutes comprises sous *Illyrium*, & passer jusques au Friol, il dressa une puissante armée qui passa en Italie, sous la conduite d'Achma Bacha, surnommé en langue Turquesque *Ghendich*, c'est à dire à la grand dent. Ce des-Chrestien né courut la coste de la mer le long de la Pouille, prit la Cité d'Otrante, qui fut jadis nommée *Hildrante*, & en y allant suivi de cent Galeres & quinze mil hommes, il prit les Isles de Leucadie, Zante, Cephalonie, & se fit Seigneur de Valonne; deffit le Comte Iule, pere du Duc d'Adrie & Matthieu Prince de Capuë. Mahemet non content de telles & si grandes con-

148 *Histoire des ſçavans Hommes*,
queſtes, voulut donner en Syrie, & luy-
meſme y conduiſit une forte & redouta-
ble armée de trois cens mil combattans,
avec intention de courir ſus au Sultan du
grand Caire. Mais comme il fut paſſé
en Natolie, pres de Nicomedie, nommée
par les Turcs *Nicor*, fut aſſailly le pre-
mier jour du mois de May en l'année de
grace mil quatre cens quatre-vingts &
un, d'une douleur de colique, qui l'em-
porta eſtant âgé de cinquante cinq ans
deux mois ſept jours, le quatrieſme jour
dudit mois. Sur ſa ſepulture qui eſt dans
une Chapelle de l'Hospital qu'il fit ba-
ſtir, où ſon corps fut mis, & auquel lieu
aſſiſterent pluſieurs Preſtres de leur loy,
prians pour ſon ame & de ſes peres, fre-
res & amis, eſt eſcrit une Epitaphe tra-
duit de langue Turqueſque en ces Vers
Latins.

*Mens erat bellare Rhodum,
Et ſuperare ſuperbiam Italianam.*

Il eut trois fils maſles, Muſtapha, Ba-
jazeth & Zizim. Muſtapha durant la
vie de ſon pere exploita de grandes

proïesses à l'encontre d'Vfuncaffan. Bajazeth & Zizim apres s'entrequerelerent pour l'Empire, toutesfois Bajazeth fut le maistre, & fut contraint Zizim, apres avoir esté bien frotté, de prendre la fuite, & se rendre à Rhodes au Seigneur Dambuffon, Grand Maistre François, qui l'envoya en France, & depuis le donna au Pape innocent huittiesme, qui pensoit se servir de ce Prince à l'encontre des Turcs, mais depuis il fut empoisonné.










*TOMOMBÉY, DERNIER
SOLDAN D'ÉGYPTÉ .*



TOMOMBÉY DERNIER SOLDAN
d'Egypte.

CHAPITRE XXI.



L n'y a ceuy de bon jugement, qui ne soit assez averty de cette grande ville du Caire, que les Turcs appellent *Mitzir* ou *Nitzulatik*, non peuplée ny si longue & large, ayant de son tour quinze lieües d'Allemagne, comme nous a laissé faussement par escrit Munster en sa Cosmographie : Attendu qu'il asseure le Lecteur, qu'elle ne peut avoir qu'un quart de lieü plus que Paris en France. Autrefois elle a esté tenueë & gouvernée par les Soldans d'Egypte, nez depuis le temps d'*Hanthasi*, Capitaine de l'armée d'*Homar*, le second qui succeda à Mahemet en la prestise de l'Alcoran, environ l'an de nostre Seigneur six cens cinquante six, & regna quinze ans, ayant titre d'Admiral, que les Arabes nommoïent *Charadinkis* d'*Emir Quibir*, qui signifie en langue Moravienne grand Seigneur.

252 *Histoire des ſçavans Hommes,*
ou Capitaine de mer. Et puis prirent les
gouverneurs d'Egypte le nom de Soldan,
qui ſignifie autant que le Roy ou Seigneur,
laquelle race dura ſous le nom de Cali-
phe juſques à celui de Saladin, qui con-
quit Jeruſalem ſur les Chreſtiens, & qui
ſ'aida le premier de la force & vaillance
des Mammelucs, nom qui ne ſignifie au-
tre choſe en langue Syriaque & Tarta-
reſque qu'eſclaves. Environ l'an 1197 luy
eſtant mort, & ſa famille tenant ſes terres
l'eſpace de 50 ans, à la fin la race Royale
deſaillant, les Mammelucs commencerent
à uſer d'élection, & firent un d'entr'eux
vaillant & accort Capitaine, nommé *Pipe-
ric* Soldan, celui qui fit faire beaucoup de
ſuperbes baſtimens & d'edifices, dont la
pluſpart ſont ruinée. Toutesfois les Ara-
bes mont quelquesfois dit, ſuivant ce qui
eſt eſcrit dans leurs Hiſtoires, que tels ba-
ſtimens furent parachevez par le gouver-
neur du païs, nommé Oclan. Cette cou-
ſtume d'élire dura juſques à l'an 1517. que
Sultan Selim Empereur des Turcs & pere
de Soliman, chaffa & vainquit le Soldan
Campſon d'Egypte & de la Syrie, pource
que celui-cy eſtant mené jeune enfant des
païs froids de Tartarie, & nourry eſclave
au Serrail du Caire, croiſſant en âge ap-

prit la discipline des Mammelucs & tous les degrez de l'art militaire d'eux. Selim son ennemy Capital, estant averty qu'il favorisoit le Roy de Perse, entreprit de luy faire la guerre. Or Campson fut tué au combat, âgé de soixante & dix ans. Incontinent les Mammelucs & Arabes, lors leurs confederez, esleurent Tomombey Circasie pour leur Soldan Hemir, lors d'Alexandrie, homme vaillant, & qui entendoit les affaires de la guerre, lequel ayant par plusieurs fois combatu vers les parties d'Asie, & apres avoir combattu les Turcs à leur grande confusion, averty qu'il fut de la venuë de Selim, resolut de le combattre : c'est pourquoy il dressa & assit son camp hors la ville de Caire, en un lieu nommé la Matairée, le plus beau lieu & plaisant d'autour la ville, sur les avenues de Selim, qui venoit la teste levée contre luy, s'estant fortifié d'artilleries, fossez & pallissades. Estans les deux armées proches l'une de l'autre, soudainement avec grande ardeur & egale esperance de grande victoire pour le seul hazard d'un combat, n'ignorant point tât d'une part que d'autre, qu'il n'estoit question que de la vie & Seigneurie, donnerent le son aux trompettes & tambours à

254 *Histoire des ſcavans Hommes,*
la façon Turqueſque. Les ennemis ſ'e-
ſtans emparés de leurs forces, les Mam-
melucs furent contrains de ſe retirer à
la ville. Avant que les Turks entraſſent,
il en fut mis à mort vingt quatre mil, &
bien autant ou davantage à la priſe d'i-
celle, attendu que aux fenestres des mai-
ſons il y auoit vn nombre tref-grand de
femmes, enfans, & de toutes ſortes
d'artifans, iettans de gros carreaux de
pierre, ſoliveaux, poutres, barre de fer,
feu artificiel & eau chaude, avec autres
deſſenſes, & machines de guerre ſur
leurs ennemis. Et y fut combatu huit
heures de telle furie, que l'on voyoit les
hommes par monceaux les vns ſur les
autres & le ſang courir par le rues, com-
me vn ruiſſeau. Et le ſçay pour l'auoir ouï
dire à plus de quatre cens vieux Mam-
melucs, & Iuiſs, qui eſtoyent à ceſte
guerre, du viuant du Soldan. Qui cauſa,
certes, que Selim, pour effrayer la popu-
lace, commanda de mettre le feu en quel-
ques maiſons de la ville, ainſi cela; avec
le bruit de l'artillerie & mouſqueterie,
faite par les laniffaires, eſpouuanta telle-
ment les habitans, & les plus hardis
Mammelucs, que voyans routes choſes
deplorées, & abandonnées, pour adoucir

le cœur du Turc , ils commencerent à crier de toutes parts. Viue ce grand Roy Selim , le fauory du grand Dieu , lequel nous prions humblement cesser sa fureur, & auoir pitié de ses pauvres Esclaues, nous soumettans à sa grandeur & misericorde, laquelle toutesfois n'apaisa si tost, à cause de l'homicide fait à la personne de son grand Gouverneur & amy, nommé Ianus Baccha, qui fut tué assez près de luy d'un mortier de fer jetté sur sa teste. Ayant Tomombey perdu la faveur de ses tranchées, rempars & entrée de ville, il ne pût longuement soustenir la fureur de l'ennemy , & se voyant auoir perdu ses vaillans Capitaines, & fleur de sa Cavalerie , prit la fuite , & bien-heureux estoient les Seigneurs d'entr'eux qui pouvoient gagner la riuere du Nil, & prendre pour seureté les fortes Pyramides, quelques trois lieuës distantes de la ville, où ils furent dès le lendemain assiegez par leurs ennemis, & pour estre privez de viures, comme estans lesdits Pyramides en un lieu desert & de solitude, comme j'ay veu , se rendirent à la misericorde du vainqueur, lequel leur pardonna. L'Ennemy ne laissa pourtant avec cinq mille chevaux de poursuivre Tomombey , qui

avoit gagné la guerite estans mis en route, & fuyant à bride avalée droit à un paluds, ou marets plein de cannes & roseaux, comme son cheval tomba par terre, & qu'il vit les ennemis à sa queue, il se cacha dans ses roseaux. Et estant decouvert par deux jeunes enfans, il se glissa un peu plus outre (selon l'opinion des Arabes & vieux Mammelucs) dans une large grottesque voutée, laquelle j'ay veu & visité, & n'y avoit pas plus de six ans qu'on y avoit trouvé plusieurs belles sepultures faites à l'antique, remplies de corps en mommies : là, aupres encore de mon temps furent trouvez plus de trois cens corps, dans lesquelles estoient certaines idoles, les unes de cuivre, les autres de pierre dure; lesquelles comme j'estime, de leur vivant ils adoroient, à la façon que faisoient les Grecs & Romains. Je sçay bien que le Docteur Claude Guichard, qui de plusieurs livres a repetassé ses funerailles des anciens, s'en moque, & fait semblant ne trouver goust à ce que j'en ay dit & escrit dans ma Cosmographie. Je luy responds, que je n'en parle en clerc d'armes, pour avoir veu & voyagé es lieux & endroits desquels je parle : Encore doncque que ce Docteur ne puisse

se trouver ces secrets dans son Bartole, la-
son & autres Docteurs luristes; il n'est pas
à dire, que cela ne doive estre receu en-
tre ceux qui aiment la verité. A cecy est
diametralement opposé le Geographe Ni-
colas Nicolai; autrement eut-il eu honte
d'escrire qu'on trouve tels corps dans les
sablons de l'Arabie deserte, & qu'à succes-
sion de temps ils sont découverts par les
marchands qui vont d'Egypte à la mer
rouge, & dont ils font grand cas. Or lais-
sant les erreurs de Nicolai je reprendray
nostre pauvre & miserable Tomombey,
lequel se pensant sauver dans une grottes-
que, ne sceut neantmoins si bien faire,
qu'il n'y fut attrapé, au grand regret de
tout le peuple d'Egypte & d'Arabie, avec
300 des plus braves & vieux Capitaines
de son armée. La plupart desquels se mit
en deffence, aimant mieux perdre la vie
que mourir ignominieusement. Les au-
tres furent conduits avec Tomombey à la
ville du Caïre. Le lendemain & par trois
divers jours ensuivans, Selim oubliant
toute Royale clemence & juste humani-
té, laquelle il se pouvoit raisonnablement
presenter devant les yeux de son cœur
cruel, se porta tres-inhumain envers
luy, pour luy faire confesser où estoient


256 *Histoire des sçavans Hommes,*
les trefors qu'il avoit eu de Campson ;
par trois fois luy fut donnée la question ;
& pourtant ne voulut jamais rien confes-
ser. Selim le voulut voir, interroger &
parler à luy, lequel estant dans sa cham-
bre estoit ferme & constant, comme tou-
jours il avoit esté. Apres avoir esté igno-
minieusement promené sur son cha-
meau, il fut égorgé au lieu où on tuoit &
écorchoit les bœufs & moutons le 13 Avril
1517. estant âgé de 65 ans. Il ne fut pas
pendu comme quelques-uns ont laissé par
escriit, entr'autres Paul louie & Munster.







ATABALIPA, ROY DU PERU.



ATABALIPA ROY DV PERU.

CHAPITRE XXII.

LEs hommes plus nobles, riches & puissans de la terre Peruvienne furent les Iugas, peuples felons, belliqueux & subtils au possible, issus d'un peuple Tiguicata, prenant le nom d'une ville, située auprès d'un lac, en la Province de Colao, à quelques dix lieues de Cusco, ainsi nommée pour l'abondance du plomb & autres métaux qui s'y trouvent, que les habitans appellent *Tichior*. Le premier Roy s'appelloit *Zapalo* de l'estoc duquel vint *To-paopangui* & *Guyana-capa* pere grand d'Atabalipa venu de ses terres là comme il s'en glorifioit: Si est-ce qu'il estoit venu de devers la riviere de Maragnon, de la race des Cannibales, ce qu'il monstroït assez evidemment par ses bravades, & au peu de conte qu'il tenoit des Chrestiens, lors qu'ils mirent le pied en leur pais. Toutefois les habitans sont gens courtois, paisibles & d'assez bonne façon,

fans qu'ils se foyent beaucoup des honneurs & grandeurs de ce monde, non plus que font ceux de Cusco, Popaïan & prouince voyfine. Or Atabalipa, Roy de Cusco, auoit vn frere, nommé Atoco, qui estoit Iuga, c'est à dire Roy de *Guia-scart*. Cet Atoco estant arriué à Canna fut le tres-bien receu, honoré & reueré du peuple, encores qu'il fut cruel. Atabalipa, ialoux de la fortune de son frere, le fit mourir, s'estant saisy de ses places, choisit la ville de Cusco, chef & Metropolitaine de tout le Peru, pource que c'estoit l'ancien domicile & repos des Iugas & Roys, comme Rome iadis des Empereurs & Constantinople pour les Turcs, Tauris pour le Sophy, le Catay pour le grand Cham de Tartarie & jadis le grand Caire pour le Soldan d'Egypte. D'autant que Cusco est en la plus belle assiete de tout le Peru & au milieu des prouinces jadis gouvernées par les Iugas. Apres la mort des bisayeuls d'Atabalipa, il agrandit son Royaume, tant de la part de la mer du Su, ou Pacifique, qu'à celle du grand Ocean: rendant les peuples ses tributaires. Mais comme le malheur & la fortune choisit souuent tant sur les grâds que sur les petits, de mon âge est aduenu,

que les Espagnols conuoiteux des richesses mondaines, voguerent vers la terre, appelée Nombre de Dieu, sous la conduite d'un grand guerrier, nommé François Pizarre. Lesquels ayans demeurés quelque temps, & s'estans fortifiés, peu à peu attirerent la moitié de ce peuple barbare, advertis des tresors & richesses du Roy Atabalipa. Pour l'attirer en amitié, Pizarre luy enuoya plusieurs dons & presents, luy faisant entendre qu'ils luy estoient offerts de la part de l'Empereur Chrestien, son maistre, & qu'il le requeroit d'avoir amitié & communiquer librement ensemble sans crainte, avec sa grandeur, & que s'il l'alloit visiter, qu'il ne prit en mauvaise part de les voir montez sur des grandes bestes fort dociles, qu'ils avoient amenez de leurs pais pour les porter. Et estans advertis des mauvais chemins, rivières sablons & autres incommoditez qui estoient en son pays, dans lequel ils ne pouvoient aller à pied sans grand danger de leur personne. Le Barbare oyant tels harangueurs, se prit à rire, se moquât d'eux, disant que ces hommes barbus, sçavoir les Espagnols, qui portoient tous barbes, s'ils entreprennoient davantage qu'ils n'avoient fait,

que pour le Soleil & Idole qu'il adoroit, il les feroit mettre tous en pieces : Ne s'estonnant Piſarre des propos tenus contre luy & les ſiens, fit un acte de tres-vaillant guerrier : car incontinent eſtant adverty que l'armée de l'ennemy n'eſtoit encore aſſemblée, & qu'il n'y avoit que huit jours qu'il avoit ſemond les Capitaines des Provinces de Cuſco, Quito, Calicuciva, Caxamalca, Tumbes Pune, Nicaragua, & qu'il ne pouvoit amaffer gens en ſi peu de jours, Piſarre envoya derechef au Roy barbare autre preſens pour toujours l'amuſer, enſemble deux chevaux fort bien harnachez, s'approchant de peu à peu le priant que devant ſortir de ſon païs qu'il luy permit le ſaluer & voir la magnificence & gloire de ſa Cour, afin d'en faire le recit à l'Empereur, lequel ſeroit tres-content d'entendre nouvelles de la grandeur & magnificence d'un tel & ſi puiffant Seigneur, qu'eſtoit Atabalipa, auquel auſſi, pour mieux le captiver, il faiſoit ſonner aux oreilles l'excellence & majeſté de l'Empereur, telle que les Chreſtiens ſe reputoient à grand honneur luy faire joug & rendre obeïſſance ; le ſemonant par ce moyen à vouloir entrer en ligue, confederation & alliance avec luy, afin

que par ce moyen deux si grands Princes eussent moyen de tenir en haleine tous ceux qui voudroient attenter sur leur Estat: comme veritablement c'est le vray moyen par lequel on peut assseurer les Seigneuries & Principautez, attendu que coustumierement cela est pratiqué, que la force ne peut si tost debriſer l'union des corps, principalement quand ils sont roides & robustes. Mais ce n'estoit pas là où guignoit Pisarre, qui seulement tâchoit de pouvoir mettre pied sur les marches d'Atabalipa, s'assseurant que bien tost apres il luy mettroit sur la gorge, comme de fait il fit par apres, ainsi que la suite de ce discours nous le decouvrira plus manifestement. Doncques ce maistre Espagnol joüa si bien du plat de la langue, usa de tant de feintises, que l'amusant aussi de paroles avec toute sa cavallerie & infanterie, vint avec ses gens reconnoistre pres la ville de *Cassiamalca*, les forces de l'ennemy, qui estoient en nombre pour le moins de trente mil hommes, la plupart tous nuds, autres vestus de cottons, tissu de diverses couleurs & de plumage, ayant pour toutes armes l'espée de bois, massuës, arcs & flèches. Voyant la brusque contenance des Sauvages, s'appro-

chant peu à peu les vns des autres, la cavalerie Espagnole escarmouchât d'une part & d'autre, & les attirans toujours au combat, feignans les Espagnols souvent de fuir, & l'infanterie pareillement voyant telle fuite, les ennemys commancerent à prendre courage, talonnans quasi les Chrestiens. Pizarre commanda de mettre le feu à vingt deux pieces d'artilleries, ce qui estonna fort ce pauvre peuple, qui n'avoit jamais veu chevaux & moins ouy tels tonnerres d'artilleries, auquel furent renversés par terre plus de sept mil Barbares: Les autres se prirent à fuir par les costaux & montagnes, poursuivis vivement des Espagnols, qui en tuerent ce jour là & le lendemain deux fois autant, n'espargnans ny forts ny foibles ny vieux ny ieunes, horsmis Atabalipa, & six autres de son conseil, qui furent pris dans vn pavillon, tres-bien emplumés pres vne riviere, nommée en leur patois Chelcaïou. Ainsi l'ay sceu & appris d'un Espagnol à la Cité de Seuille, qui y avoit esté, & receu deux coups de flèches à la bataille. Pizarre voyant qu'il avoit du meilleur, s'approcha d'Atabalipa, & luy ayant mis la main sur son espaule, en signe d'amitié, luy tint plusieurs propos fort gracieux, lesquels

lesquels finis , le Roy captif tire secretement de son sein deux fines perles grosses & rondes , comme vne prune datte , accompagnées de deux Esmeraudes , l'une faite en façon de clochette , & l'autre en oualle d'une valeur incroyable , qu'il donna au vainqueur , pour demeurer toujours en sa bonne grace , & luy sauver la vie , luy promettant des tresors infinis , & taschoit par tous moyens de contenter l'avarice des Espagnols , qui ne tendoyent à autre but que de s'enrichir. Or ce Cacique Atabalipa ne peut si bien faire à l'endroit dudit Pizarre , encores qu'il eut payé de rançon d'or pur , qu'il auoit fait venir de toutes les Prouinces qu'il possedoit , iusques à expolier les idoles d'or des temples , la valeur de dix millions d'or , ce qui luy seruit bien peu , d'autant que quelques jours apres sa prise , il fut lié & garroté , comme la plus miserable creature du monde , 3 iours & 3 nuits entieres contre vn arbre , pour luy faire confesser s'il sçauoit autres richesses : Sur lesquelles entrefaites n'apprehendant la mort , dit mil iniures à Pizarre , luy asseurant que le Dieu , lequel Pizarre adoroit & disoit estre si iuste , le puniroit en peu de temps , & son frere aussy. Ce qui

aduint, car vn peu apres François Piſarre fut tué, & ſon frere Ferrand Piſarre decapité au meſme païs. Eſtant ainſi ceux du conſeil de Piſarre en differend & mes-accord de faire mourir ce Roy, ou de l'envoyer à l'Empereur Charles-Quint, fut conclu toutesſois qu'il ſeroit eſtranglé, ce qui fut fait la nuit, apres avoir eſté condamné par l'advis & conſeil de quelques Eveſques & Moynes, de peur qu'il ne fut ſecouru des ſiens. Ce fut un eſclave More qui l'eſtrangla avec une corde. Je ſçay bien que quelques-uns ont eſcrit qu'il fut brulé en vie, choſe mal conſiderée à eux, comme m'a aſſeuré celuy qui y eſtoit preſent. Et par ſa ſentence ne luy mettoit en fait autre choſe; que d'avoir fait mourir ſon frere Guieſcart, & le vol fait à ſon païs, lequel il avoit envahy. Ce Roy deſſunt eſtoit grand Juſticier, & avoit fait baſſir & enrichir pluſieurs ſomptueux Téples quelques douze ans devant que de mourir. Piſarre permit que ſon corps fut honorablement porté par les amis & partifans d'Atabalipa en terre, au lieu où repoſoient les corps de ſes pere & mere, encore qu'il eut deux cens vingt femmes en vie lors qu'il fut pris, n'eut toutesſois que

deux filles assez grandes. Il mourut âgé de 52 ans. Je sçay bien que quelques ignorans ont écrit sa vie tout au contraire de la verité, se vantans avoir esté en ces terres-là, où je sçay qu'ils ne furent jamais; entr'autres un nommé Hierosme Benzonni, comme il se vante en un livre imprimé à Geneve, lequel je suis fâché avoir esté enrichy de plusieurs discours de maître Urbain Chauveton, ayant cette petite Histoire esté dérobée de François Loupés de Gomarre Espagnol. Voila ce que j'ay bien voulu dire de l'Histoire d'Atabalipa, duquel je vous represente icy le portrait, tel que je l'ay apporté avec plusieurs autres. Au reste, certains estourdis se formalisent de ce que Pisarre permit à ceux qui appartennoient à Atabalipa, de luy donner sepulture honorable. Je ne daignerois mettre icy en jeu le faux-bon qu'avoit desia fait cét Espagnol, de manquer de foy à ce pauvre infidelle, apres avoir receu de luy une grande & excessive rançon. Je les combattray assez par les exemples des Payens mesmes, qui apres la mort de leurs ennemis les ont honoré de la sepulture, reconnoistans avec l'Orateur Demosthene, que quoy qu'encore que tous les hommes soient

268 *Histoire des ſçavans Hommes,*
ſujets à peu ou beaucoup d'envie, ou mal-
veillance, tandis qu'ils vivent, du moins
ils en ſont quittes, apres leur trespas. Et
c'eſt la raiſon, qui a meu tant de braves
& excellens Capitaines à traiter plus hu-
mainement leurs ennemis apres leur
mort, qu'ils n'euffent fait durant leur vie.
A ce propos liſons-nous qu'Hannibal (re-
connoiſſant qu'il valoit mieux, comme
l'on dit, baiſer ſon ennemi mort, que le
combattre vivant, d'autant que l'ennemi
mort jamais ne mord) ennemi conjuré
& capital du peuple Romain, ayant def-
fait & tué près du lac de Peruſe le Conſul
Caë Flaminie, avec bien quinze mil de
ſes ſoldats, mit toute diligence à recou-
vrer le corps du Conſul mort, auquel il fit
d'honorables obſeques, comme auſſi uſa-
t-il de meſme pieté envers Tybere Grac-
che, lequel il ſurprit par les embuſches
des Luquois ; Marc Marcel & Œmil Paul
deſſait en la bataille de Cannes. De telle
manſuetude fut poſſedé le Conſul Lucie
Cornelië, quand il fit enlever de ſa tente
Hannon general de l'armée des Cartha-
ginois, & l'accompagner magnifiquement
en ſepulture. Si doncque les Capitaines
Payens ſans crainte d'encourir reproche,
ont permis, pourchaffé & procuré les fu-

nerailles de leurs ennemis mortels, pour-
 quoy trouvera-t-on mauvais que Pisarre
 ait octroyé le corps mort d'Atabalipa aux
 siens, pour l'honorer des devoirs fune-
 raux ? Et tout ainsi qu'il y en a qui se scan-
 dalisent de ce que Pisarre permit aux amis
 de ce Roy Atabalipa de l'enterrer, d'au-
 tres se sont licentiez de lui forger des fu-
 nerailles les plus bisarres qu'il est possi-
 ble d'imaginer. Dans le moule d'une tel-
 le fiction (autrement ne sçaurois-je croi-
 re) le reformateur Maniterien, & apres
 lui le Docteur des ceremonies funebres
 Guichard, ont jetté la bourde qu'ils ont
 divulguée touchant la somptuosité des
 tombeaux & sepulchres Perusiens, laquel-
 le le Lecteur Benevole à clair jour pourra
 du premier coup découvrir. En premier
 lieu c'est trop manifestement Pantagrua-
 liser, quant au neuvième chapitre du troi-
 sième livre de ses funerailles il bâtit le
 magazin des Mommies dedans le creux
 des hautes montagnes du païs & Royau-
 me de Cusco, de Tombes & de Colao, &
 & pour cet effet renvoye les drogueurs
 en ces contrées & au long des montagnes,
 qui sont le plus exposées à la bise. Je ne
 veux point icy le taxer d'inexperience,
 d'autant que ie sçay que ny Guichard ny

son auteur ne voyagerent jamais si loin ,
comme j'ay fait. Seulement je le prie de
s'enquerir des Marchands Espagnols ,
traffiquans aux Foires de Lyon, à sçavoir,
si ces bonnes Mommies sont trouvées par
les drogueurs en ces marches, & lors (au-
trément je presume que s'il l'eut sceu, ja-
mais il n'eut osé avancer un tel menfon-
ge) apprendra-t-il qu'il n'y en a aucunes
nouvelles, non plus qu'à son Langnieu.
Encore est plus ridicule la fadaïse qu'il
adjouste apres son Benzoni, que les Peru-
siens ensevelissent avec les trespassez
force or & argent mis en œuvre, avec les
plus belles & mieux cheries de toutes
leurs femmes, serviteurs, ustensiles, pain,
vin & autres telles denrées, afin qu'ils
boivent & mangent jusqu'à tant qu'ils
soient arrivez à l'autre monde. Il ne
faut qu'un seul mot pour faire toucher au
doigt la fausseté d'un tel conte. Hé bon
Dieu ! où prendroient-ils ce vin, qu'ils
donneroient à ces trespassez ? Car au
continent du Peru & terre de l'Am rique,
d'un Pol à l'autre, si on y trouve sep de
vigne planté portant fruit à maturité ,
Thevet quitte gain de cause à Guichard,
lequel possible avec ses auteurs confond
le vin avec toute autre liqueur, ou bien

avec celle dont les grands Seigneurs Perusiens usent au lieu de vin. Et quant au Sèpulcre du Roy de Cusco, lequel Guichard, apres l'Espagnol Lopez au Chapitre cent vingt quatre de son Histoire Indoise, le represente posé au milieu d'une Chapelle, dont le pavé estoit tout d'or, il doit estre enlacé en la liste des autres, & quoy que le bastiment soit bien fait, si n'est-il plus assésuré que l'esperance, que donnent ceux qui ont accoustumé de promettre des montagnes d'or.










*MOTZUME, ROY DE
MEXIQUE .*



MOTZUME, ROY DE MEXIQUE.

CHAPITRE XXIII.



OVT ainsi qu'un haut & eminent edifice, tant plus il est eslevé, fait un plus grand, plus lourd & plus desolé fou-

bre-saut, dès qu'il vient à bouleverser : aussi tant plus haut sont montez les Princes, s'ils viennent à trebucher, c'est alors qu'ils font un plus piteux & plus horrible esclat que s'ils n'eussent esté elevez si haut. L'experience iustificra de mon dire, & notamment le present discours, qui representera un abregé de l'estat de la magnificence & richesse de ce Roy, qui fut enfin tellement des-appointé de fortune, que reduit sous la calamité d'une prison, il fut assommé à coups de pierre par ses propres sujets. L'infinité de ses richesses estoit bien telle, qu'il est impossible d'en pouvoir, sans grande confusion, dresser un departement au vray : mesme y en a eu certains, qui ont tellement admiré la multitude d'icelles, qu'ils n'ont osé en en-

trer en conte, veu qu'il possèdoit si grand nombre de statué d'or & d'argent, & tellement enrichies, que l'excellence & quantité d'icelles surpasseroit toute croyance : mais si bien faites & travaillées, qu'encore que les Indiens n'ayent la commodité des instrumens de fer, elles sont avec telle artifice taillée, qu'il est impossible au plus expert statuaire ou orfevre, je ne diray pas mieux faire, mais atteindre la perfection de l'ouvrage qui y a esté remarqué. Ses vestemens de plume estoient si subtilement entre-tissus, qu'il seroit impossible de faire mieux avec la cire, ny en façonner avec la foye ; L'estenduë des terres de son obeïssance, j'en ay assez parlé en ma Cosmographie, telle qu'encore qu'il y ait eu des Princes qui l'ayent devancé, si nous mesurons les Principautez à l'aune, si est-ce qu'il y en a eu bien peu, auxquels il ait cédé, pour raison de la magnificence, soit en ses bastimens, pour prix, viviers, jardins, palais, lieu de plaïssance ; au train de sa maison, qui estoit si superbe, qu'on n'y voyoit que de l'or, argent & pierres pretieuses : Quant à la superfluité des viandes, de ses plats, je ne crois point qu'il y eut Prince tellement excessif qu'estoit ce personnage. Son repas

estoit si exquis, qu'il y avoit chair & poisson, ensemble de toutes sortes de mets qu'il estoit impossible de recouvrer. Expressément il estoit deffendu de reporter devant luy les plats & escuelles qui luy avoient esté servis une fois; mais il falloit les refaire, & de nouveau les remettre en œuvre. Quatre fois le jour il changeoit d'habillemens, sans que jamais plus il vestit ceux qu'une fois il avoit dépouillés. Il s'estimoit tellement séparé du reste des hommes, que ceux qui entroient au palais n'eussent osé le regarder; de hors se monstroient bien peu; que s'il arrivoit que quelquesfois il sortoit du palais, il n'y avoit si osé ny si hardy, qui osa lever les yeux pour le regarder en face; mais il falloit que ceux qui le rencontroient tournassent le visage d'autre costé pour ne le voir point. Presque faisoit de mesme le Roy de Borney, qui ne parloit qu'à sa femme & à ses enfans, & aux autres il faisoit parler un Gentil-homme par un trou, tenant à sa bouche une Sarbatane, comme il fit à l'Ambassadeur du Roy Catholique, ainsi que nous lisons és Histoires des Indes. Il alloit en litiere portée par des hommes, avec une humilité telle, qu'il falloit que nuds pieds & les espaules

les nuës, ils soustinssent le fais d'une si lourde & massive chair. Je suis déplaissant d'avoir usé de si long discours sur la magnificence de ce Roy, qui n'a pû neantmoins prévenir le dangereux & miserable coup qui est tombé sur son chef, pour l'accabler, quoy qu'il fut homme fin, rusé & accord autant que nul autre, lequel sçavoit le mieux jouer au double qu'il est possible, comme il monstra tres-bien à l'Espagnol Cortes, lequel il tascha par tous moyens à luy possibles de le destourner d'entrer sur ses terres. Il n'y eut presens, offres, & Ambassades qu'il n'employât, d'autant qu'ainsi que l'effet le confirma assez, il caressoit celuy, lequel il eut voulu baiser mort. Dès qu'il sentit cette flotte de Courtisans Espagnols abordée en la Province de Tascallecal, crainte qu'ils ne le tallonnassent de trop près, il envoya quatre de ses principaux sujets pour demander leur alliance, & promettre tout devoir de vray vassal & humble sujet du Roy d'Espagne : Mais le refrain de la balade n'estoit pas de trop mauvaise grace, à sçavoir qu'il les prioit de n'entrer en ses païs. Voyant que par prieres il ne pouvoit rien, il dressa embuscade entre la cité de Tascallecal & Cureltelcal, &

par ses Ambassadeurs fit prier Ferdinand de s'acheminer là, afin que le Roy Motzume plus commodement pût estre averty de sa volonté. Que si l'Espagnol n'eut esté bien informé de la perfidie & déloyauté que l'on luy vouloit jouer, il s'alloit fourrer dedans les filets des Mexicains. Dont ce Roy voulut se secoüer au mieux qu'il pût, mais ce ne fut pas sans laisser à l'Espagnol matiere de bien penser à soy-mesme, & que pour bien temporer, il pourroit rendre bille pareille à ce renard, qui voyant qu'il ne se pouvoit couvrir de la peau de Lyon, tascha traistreusement d'embarasser l'Espagnol sous les belles offres qu'il luy faisoit d'humilité, devoirs, services & reconnoissances qu'il vouïoit au Roy d'Espagne. Mais ce ne fut pas tout, car tels déguisemens, fards & palliations, ne peurent ébloüir l'œil de Ferrand, qui ayant découvert la fourbe, éprouva le Proverbe usité, & à fin donna fin & demy. Sous l'autorité de son Seigneur & Prince il s'avança iusqu'au lieu où estoit Motzume, de luy il apprit tout ce qui estoit, à sçavoir les secrets de Mexico. Apres quand il vit que le temps & l'heure l'appelloit à se saisir de la personne de celuy qui luy pou-

voit faire teste, il le fit arrester prisonnier, sous pretexte de quelques Espagnols; qui avoient esté mal-heureusement massacrez par *Qualpopaca*, lequel avec ses complices, sous le mandement de Motzume, fut executé à mort, où ce pauvre Mexicain ne gagna rien, car encore que ces criminels niaissent formellement alors du temps de la confection du procès, que Motzume en fut entaché, toutesfois quant ils virent qu'on les vouloit brusler, ils se déchargerent sur leur Roy, qui fut apprehendé, & mourut de la façon que j'ay cy-dessus descrite en la vie de Ferdinand Cortes. Je sçay bien qu'il y en a qui pour s'attacher à l'intérest de l'Espagnol, maintiennent que l'avarice & ambition seule de Motzume luy fit forger ce crime, & qu'au contraire il a usé envers Cortes & sa compagnie de toutes les humanitez & courtoisies qu'il est possible de penser, jusques à envoyer son frere pour captiver leur bien-veillance: Mais ils ne connoissent pas l'humeur de ce Mexicain, qui ayant affaire à un plus finet que luy, fut miserablement affiné, & tellement l'avilit, que de luy seulement il faisoit nargue à l'encontre de ses ennemis. Voila comme la gloire d'un si grand &

redouté Prince en bien peu de temps se trouva hereteroclitée, de telle sorte que ceux qui auparavant n'osoient le regarder, pour le grand honneur & respect qu'ils luy portoient, enfin à coup de pierres ne font point de difficulté de le massacrer. Quand à la description de la ville de Themistitan & Royaumes obeïssans à Motzume, je me souviens en avoir assez suffisamment parlé en ma Cosmographie. Qui me fera deporter de ce discours pour chasser de la Forest de Munster, qui porte qu'on vend à Themistitan des petits chiens chastez, lesquels les Mexicains nourrissent pour les manger apres. Ce qui ne se voit point ailleurs, ni moins à Themistitan (qui est au 272 degré en longitude, & au 18 en latitude.) Mais ce bon homme à toutes heures ne faisoit point de conscience de se laisser tromper des premieres fadaïses, que plusieurs enjoleurs pouvoient luy souffler aux oreilles. D'aussi bonne grace est l'allusion du nom qu'il fait avec quelques autres des Isles Canaries, à cause de la quantité de chiens qui sont en ces pais-là. Ce qui est aussi lourd & esloigné de la verité, comme les sacrifices qu'il impose aux Mexicains & Bresiliens, tellement cruels, que le pere ne fait au-

280 *Histoire des sçavans Hommes,*
cun scrupule de sacrifier le fils, & le fils
le pere. Cela est par trop Pantagrua-
liser.




CHERIE






*CHERIF, ROY DE FEZ ,
ET DE MARROC .*



C H E R I F, - R O Y D E F E Z,
& de Maroc.

CHAPITRE XXIV.

 L me faut parler d'un personnage, l'un des plus rusez, fin & accort, que jamais la terre soustint, quoy que quelques-uns ont voulu discourir assez légèrement de sa vie, bastissans une Histoire à leur fantaisie. Il n'y a celuy qui ignore que Mahemet issu de la race d'Ismaël, n'ait esté un flambeau ardent, qui s'est épandu par l'Afrique & l'Asie, & duquel depuis les estincelles sont avancées jusques en nostre Europe. Mais comme toute chose prenant commencement, n'a pas tout d'un coup sa perfection; aussi la méchanceté de ses successeurs n'ayant eu sa consommation, a laissé à ceux qui sont venus apres, de quoy achever ce qui restoit en leur vilence, impureté & heresie. Et qu'il soit ainsi environ l'an de nostre Seigneur 1358. un certain faux Prophete de Mahomet se revolta contre les inter-

pretres de l'Alcoran, & avec la parole imitant son precepteur, usa du glaive, voulant donner la loy au peuple par ce moyen, & sur ses entrefaites se fit Roy du pais : Sur le propos duquel je me suis arresté. A son exemple long temps apres il s'émeut en Asie *Saich, Ismael*, que nous appellons le Sophi, & fit revolter les Perses & Assyriens, non de l'Alcoran, qu'ils appellent en leur langue *Fulcan*, mais de ceux qui l'avoient interpreté, d'où sont sortit tant de guerres, querelles & dissensions. Sur tel propos & semblable, l'Afrique qui est coutumiere d'engendrer plusieurs monstres & choses nouvelles, a de mon temps produit un homme autant fin & méchant, qui ait esté, & qui s'est fait plus grand en richesses, que ne furent tous les Rois Mahometistes. Ce galand estoit natif d'un village nommé *Gaher*, aux pieds des montagnes d'Atlas, & de condition fort basse. Toutesfois estimé à cause de sa vocation, qui estoit d'estre *Morabuth*, autres l'appellent *Muleamech*, des Turcs, nommez *Devis*, des Persiens *Cychipt-hia-hia* Begamber, c'est à dire Hermite de l'Ordre S. Jean Baptiste. Le *Morabuth* commença à prescher ses

Cherif Roy de Fez. CH. XXIV. 283
folies en Afrique, environ l' an de nostre
Seigneur depuis 1514 jusqu'à 26. Auquel
temps nous sentions les tumultes en la
Chrestienté, & sembloit que ce person-
nage servit de presage à ce que nous
avons du depuis senti en l'Eglise Catho-
lique, qui estoit au mesme temps que
Martin Luther jettoit ses flambeaux. Ce
maistre Hermite basanné faisoit de mes-
me en Afrique, qui toutesfois avec ses ex-
hortations & crieries seditieuses, osta un
grand nombre de Rois de leur siege, fut
cause de plusieurs saccagemens, meur-
tres & pilleries, avec sa simplicité de vie,
& austerité si grande, que les plus sages &
mieux advisez estoient deceus de la ca-
pharderie de ce reverend, lequel alloit
vestu pour mieux decevoir le peuple, d'u-
ne robe de lin fort blanc, comme encore
de present vont les grands Seigneurs Mo-
res de la haute & basse Afrique, & ceux qui
habitent l'Egypte, & les trois Arabies,
ayant la teste couverte d'un Tu'ban, qui
differe de celui des Turcs, pour n'estre si
gros & pesant sur leur teste, estant fort
peu plissé, les deux bouts trainans près de
terre, comme vous pouvez voir par cette
presente figure, laquelle me fût donnée
par un Chrestien, qui fut esclave 32

ans de ce Morabuth, estant en ce païs d'Afrique. Or ayant confirmé ceux des Regions de Pez & de Maroc, & estant adverty que le Roy Taphilette estoit malade, & qu'il ne vivoit point selon la pureté de sa superstitieuse croyance, le fut voir. La cause de son dessein & complot estoit de le faire mourir, & de gagner son Royaume pour sa retraite. Il ne laissoit villes, ny bourgades, faisant le voyage, où il ne preschât, prenant tousiours le chemin de la marine, pource que c'estoit le mieux peuplé. Sa suite excedoit plus de soixante mil hommes faits au badinage: Ce Roy de Taphilette sot, & par trop curieux, estant arrivé ce predicateur, le voulut ouïr, & parler à lui touchant le fait de sa conscience. A la fin ce renard dit à ceux de sa suite, que Dieu luy avoit revelé la nuit qu'il falloit oster ce Roy de son siege, comme indigne de regner. Ce qui fut aussi tost dit que fait, d'autant que cette troupe furieuse luy prestant l'oreille, occit ce pauvre Roy, & m'ont recité les barbares du païs, que Zidamethe pere du predicant, qui vivoit alors, fut ce luy qui mit la main à son cimeterre, & donna les premiers coups de mort au Roy, & dit-on que ce Zidamethe docte en l'A-

astrologie & science noire deux mois auparavant avoir predict la mort de ce Roy. Et estant mort Murabat lui succeda, qui épouvanta de telle sorte le Roy de Darapt, qu'il fut contraint de prendre son parri, & la pluspart de ceux de son Royaume, qui est vers le desert de Lybie, entre celui de Tombut & celui de Fez. En toutes les villes qu'il eut par force & qui se rendirent par composition, il y mit bonne garnison, ne voulant toutesfois prendre titre de Roy, mais se contenta, & prit patience que l'on l'appella Cherif, que les Chaldées appellent *Chaachard*, les Suriens *Soubtha*, & les Persiens *Abonne*, qui signifie grand Prestre. Or advint que le Roy de Tremissen n'estant averti du meurtre de celui de Taphilette, le pria aussi de l'aller voir avec peu d'hommes, à cause qu'il ne marchoit plus à l'ancienne simplicité, mais alloient ses gens l'arc au poing & le grand cimenterre pendu à la ceinture: Ce galand fut voir le Roy avec cent mil hommes, & à la fin le Roy mesme y fut deffait, & tous ses enfans aussi massacrez, soudain il est fait Roy d'un si beau & puissant Royaume que celui de Tremissen, ainsi appellé à cause de la ville capitale, que les habitans nomment

Telefin & les Mores du pays Taphsar, lequel est assis sur la coste de Barbarie, qui est limité en cette sorte. Vers l'Est il a ce grand fleuve qui en fait separation d'avec les marches d'Alger: Vers le midy les deserts de Numidie: du costé de Nord est la mer-Mediterranée. Devers l'Ouest il est séparé des terres de Canz par le fleuve nommé en langue Tremissienne Emar, qui vient des hautes montagnes de Zebeth, & lequel, arroufant vne belle & longue campagne, la remplit d'une merueilleuse & fort loiable fécondité. C'est cette grande & assés spacieuse Prouince que autrefois on a nommé la Mauritanie Tingitane, à cause que la ville, qui à present se dit Trémissen s'appelloit Tingi, & estoit chef de la Prouince, laquelle pour lors contenoit en soy Alger & Thunes: qui a fait que certains mal-advisés les ont confondu par ensemble. Et y regnoit vn nommé Bochus, du temps que les Romains bataillèrent contre Iugarthe Roy de Numidie. Depuis ceste region fut appelée Cesarée, à cause que les Empereurs Auguste Cesar & Claude Neron, qui succeda à Tibere, y firent bastir vne ville, qu'ils nommerent Iulie Constantine, du nom de la fille du grand Auguste.

Mais qu'est-il besoin de m'arrester si long
temps sur les fins & description de Tre-
missen, puis que ce galland de Cherif,
despouillant tout fard, feintes & dissimu-
lation, & gestes d'un simple prestre,
prend ouvertement les armes, & com-
mença à faire la guerre à tous ses voisins,
se fit & en moins de trois ans Roy de
Tremissen, Maroque, Taphilette, Su,
& à la fin de Fez. Laisant ce discours à un
autre, ie vous diray que le Roy d'Alger
ayant sçeu quels estoient les complors,
que ce galland faisoit contre luy, & com-
me il taschoit par tous moyens de luy
courir sus, & gagner terre, auoit tasché
de surprendre la ville de Belle, qui est
riche, & de grand traffre. L'Argerien trop
foible pour s'attaquer à luy apperceuant,
que si soudainement il s'estoit aggrandy
par la conqueste de Fez, attitra un Capi-
taine Turc naturel, vaillant homme au-
possible, lequel, pour venir à l'effect de
son dessein, prit douze cens hommes tous
arquebusiers, avec quelques six vingt che-
vaux. Et laissant le Roy d'Alger, comme
s'ils fussent mal contans de luy, prirent le
chemin de Maroque, tout ainsi que gens
qui cherchent party. Le Cherif n'estant


288 *Histoire des sçavans Hommes,*
encore alleuré des siens , & se deffiant
d'eux, sçavoir de ceux de Taphilette ,
d'Ara & Tremissen, voyant si belle trou-
pe de Turcs , s'enquit de leur venue , &
pourquoy ils avoient quitté leur Seigneur.
A quoy luy fut respondu , qu'ils estoient
pauvres soldats , & qui avoient laissé
Sala-raix, (ainsi se nommoit-il) encore
qu'il ne fut pas Roy , mais le grand Sei-
gneur de Turquie, pour le mauvais trai-
tement qu'il leur faisoit , & que s'il luy
plaisoit les retirer à son service, ils luy
seroient fideles. Ce Prestre Roy pour
raison que dessus les receut & appointa ,
& en peu de temps ils se porterent si bien
à son service, qu'il les prit pour sa princi-
pale garde , tellement que l'argent ne
leur manquoit en rien.







*BARBEROUSSE, ADMIRAL
pour le Turc en la mer du Levant*



BARBEROUSSE, ADMIRAL
pour le Turc en la mer du Levant.

CHAPITRE XXV.

TOVT ainsi que les Rois Chré-
tiens ont eu de tout temps des
Admiraux, tant pour nettoyer
la mer des Pirates, que pour
alleurer leur Esbat & le cours du trafic ;
pour garder ses côtes & advenuees des
ennemis : Chose qui est tres-necessaire
pour la seureté de la mer, & pour empes-
cher que les Corsaires ne viennent à ga-
sler, corrompre & enuahir les richesses
du pais, de mesme ont fait les Monar-
ques & Empereurs de Turquie, employans
en tel Office de grands & renommez Ca-
pitaines : Il y a eu Sultan Solyman, qui
en a eu quelques-uns ; entr'autres Hara-
din Baccha Cutien Turc, qui vaut autant
à dire comme esclave, & ainsi tous au-
tres, de quelque maison qu'ils soient, se
nomment Cuts, ou esclaves, qui depuis
par la valeur se fit appeller Roy d'Alger
& surnommé Barberousse, qui a esté gen-
Tome VIII. 66

290 *Histoire des sçavans Hommes,*
ral des galeres Turquesques jusqu'à la
mort. Il fut fils d'un Grec & d'une Grec-
que Chrestienne de l'Isle de Methelin,
forty de bas lieu, estant fils d'un potier de
terre, & tels aussi sont volontiers tous les
Bacchas & Officiers du Grand Seigneur,
& non fils d'un Mahometan, comme le
bon pere Laurent Surius nous a laissé par
escrit, pour avoir esté mal averty. Lequel
eut de Tymar pour cet Office quatorze mil
ducats par an, assignez sur les Isles de Me-
thelin, Negrepont & Rhodes, dont il en
tiroit & exigeoit trois fois autant: Et par
ses larcins faits sur mer, il s'estoit fort ag-
grandy & fait connoistre, aussi par ses bra-
vours assez connus par la Chrestienté,
& parmy les Turcs & Barbares. Et je puis
dire qu'avant qu'iceluy Barberousse prit
cette charge, les Turcs ne sçavoient rien,
ou bien peu du pilotage, excepté quelques
Corfaires, comme fut apres luy Sallaris,
pour un Turc l'homme le plus politique &
civil que je vis jamais: Et le dis pour l'a-
voir connu, lors, qu'il nous prit près de
l'Isle de Pathmos. Auquel succeda Dra-
gutrais; depuis luy Occiali, & auparavant
Assambey, fils de feu Barberousse, lequel
ne degeneroit en rien aux vertus de son
pere, devant que ledit Barberousse fut

employé à la marine, comme chef sur tous les autres Capitaines. Il ne s'aidoit que d'hommes indignes de telle charge, estât contraint lors qu'il vouloit dresser une armée navale, d'envoyer par les montagnes de Natolie prendre des artisans, bergers, qu'ils appellent Coyanaris, c'est à dire Nautonniers, & les mettoit à voguer es galeres, & servir aux autres vaisseaux. A quoy faire ils estoient si mal propres, qu'ils ne sçavoient mesme pas voguer & servir, & moins se soustenir debout. Qui estoit cause que lesdits Turcs n'avoient jamais fait actes notables. Toutesfois le dit Barberouffe les dressa peu à peu si bien, que ceux qui depuis luy ont commandé, n'ont fait que pratiquer ce qu'ils avoient appris sous luy. Cette formidable troupe de pirates vint en grand credit, apres qu'il eut pris la ville de Bugie, bastie dans un golfe, autresfois colonie des Romains, qui en furent Seigneurs, proche du fort de Gebel, lequel Barberouffe ne pût subjuguier, quelque effort qu'il pût faire. Non content il adressa sa course au Royaume de Naples, vint assieger la ville de Pussol, & ruina plusieurs nobles maisons & bourgades du pais voisin, & peu s'en fallut que lors on ne me prit, aussi bien que huit

252 *Histoire des sçavans Hommes,*
cens autres, lesquels furent attrapez & conduits en Turquie. Depuis ce Corsaire prit le fort d'Alger, apres la ville, laquelle les Espagnols avoient bastie, où il a esté Seigneur jusqu'à la mort, encore que l'Empereur ait fait tous ses efforts pour l'empescher. Il chassa pareillement Muleassem, Roy de Thunis, hors de son Royaume, lequel Roy tua dix-sept de ses freres quand il fut eslu, & apres douze de ses plus proches parens. Et depuis il fut par l'Empereur Charles cinquieme remis en son Estat contre la volonté de Barberousse : Son fils luy creva les yeux, tellement qu'il s'en vint mandier partout l'Europe, demandant aide contre cét ingrat fils. Pareillement en ce temps Barberousse devenu Bascha, & Capitaine general de l'armée de mer de Solyman, passa à la conqueste du Royaume de Thunis, & en cheminant il courut les rivages de la Calabre, & passa au dessus de Cajette, au moyen dequoy quelques-uns des siens s'estans mis à terre, saccagerent Fondi, avec une si grande crainte de la Cour & des Romains, qu'on croit que s'ils fussent entrez plus avant, la ville de Rome eut esté abandonnée: Puis apres il vint faire ses courses sur les Chrestiens de

Dalmatie, l'Esclavonie, contre les Vénitiens, Siciliens, Corciens, l'Espagnol & Genoïs, puis au mois d'Aoust en l'année 1539 prit la forte place, que l'année précédente avoient gagné les Imperialistes, nommée Castel novo en la mer Ionique, & non loin de Cataro, & nonobstant la paix endommagea fort la coste de la Pouille & Calabre, où pour une fois il prit plus de 30 mil ames esclaves, tant petits que grands, de là il se jetta sur les Isles Majorque & Minorque. Ledit Barberousse avec une grosse armée de mer vint en Provence, ayant en sa compagnie toute la fleur de la jeunesse Turquesque, offrant au Roy François premier de luy faire service, & l'employer où sa Majesté luy commanderait. Parquoy prit terre à la ville de Toulon, au port de laquelle ses vaisseaux aborderent & y mouillèrent l'ancre. Le Roy adverty de sa venue envoya au devant le Prince d'Anguien, de la maison de Bourbon, & plusieurs autres Seigneurs & Soldats embarqués dans quelques nombres de galeres & galiottes : Iceux assemblez prirent la route de Nicé, & apres avoir battu la ville entrerent dedans par force, bien-tost apres commencerent à faire les approches, & à battre le Chasteau, ba

ſty ſur une haute colline forterefſe impre-
nable. Parquoy n'ayans pû le forcer &
en eſtre les maîtres, vinrent au Havre
de Villefranche, qui eſt le meilleur de
toute cette marine, & où la fonde eſt la
meilleure. Volontiers ceux qui ne peu-
vent fonder pour la grandeur & peſanteur
des vaiſſeaux, aux Caps de Moneque No-
ry, & à celui de Crone, ſe viennent ſau-
ver à Villefranche. Ledit Corſaire ruina
auſſi beaucoup de villages, & ſe ſaiſit de
grands nombres de pauvres Chreſtiens,
qui furent depuis vendus en ſon païs, &
plusieurs circoncis à l'idolatrie Turqueſ-
que. Mais bien-toſt après Dieu l'en pu-
nit, revenant d'Afrique tous ſes vaiſ-
ſeaux chargez de Mores près de l'Isle de
Methelin, où il prit ſa naiſſance, il vint
un ſi grand orage, avec vn vent du Nord
ſi furieux, que le Corſaire ne pût ſi bien
mettre ordre contre la rage de ſes Ele-
ments, qu'il perdit vingt deux Galères, &
bien peu s'en fallut qu'il ne paſſa le pas,
auſſi bien que trois mil des ſiens, qui per-
dirent la vie. Barberouſſe mourut la ſe-
conde année que j'arrivay en Grece, âgé
de ſoixante & ſeize ans, s'eſtant rendu ef-
froyable par tous les Havres de la Chre-
ſtienté, meſme juſqu'à ceux qui ſont au


grand Ocean. Auparavant il avoit couru les mers de Genes, de la Sardaigne & de Sicile, pour attraper les escumeurs & Corsaires de l'Empereur, qui empeschoient le commerce que nous avions en Egypte & en Syrie. Son dessein principal estoit, apres qu'il seroit entré en la mer Ligustique, attraper André Dore. Toutesfois ne pouvant le rencontrer il tâcha à prendre Nice, qui est une forteresse fort propre pour commander à la mer Ligustique, comme il fit bien entendre au Seigneur de Grignan, qui estoit lors Lieutenant du Roy en Provence, & au Capitaine Paulin: Et le pria que durant le temps qu'il seroit occupé au siege de cette place-là, si il la pouvoit prendre de se l'approprier. Plusieurs Historiographes ont laissé par escrit dix mil fables de la vie de ce guerrier & vaillant Capitaine de mer, entr'autres Gazzo, Richier, Paul Ioüe, Munster & autres ignorans, jusqu'à dire qu'il fut contraint en sa jeunesse par pauvreté & nécessité, porter vendre des fruits, fromages, & autres semblables choses en Espagne pour gagner sa vie. Ce qui est tres-faux, attendu que jamais il n'y fit sa demeure, encore moins y fut-il esclave. Sa naissance fut en l'Isle de Methe.

296. *Histoire des sçavans Hommes,*
lin. Son pere se nommoit Arcade riche
Marchand, qui faisoit grand trafic de
bled & de vin avec les Genois, Nea-
politains & Venitiens. Sa mere avoit nom
Iole, venue & issue de l'estoc d'un fils ba-
stard d'Emanuel Paleologue, comme il est
escrit aux Histoires assez recentes de ce
peuple Grec.





*NICOL-ABSOV, ROY DV
Promontoire des Cannibales.*



NACOLABSOV, ROY DV PRO- montaire des Cannibales.

CHAPITRE XXVI.



Eux qui ont pris plaisir de
 foreter les causes des guer-
 res. qui tintamarroient les
 Estats de ce monde, ont pour
 la pluspart rompu l'anguille au genouil,
 pour autant qu'ils n'ont pas regardé plus
 loin que leur nez, & se sont contentez
 s'il pouvoient coucher seulement par es-
 crit, que les Princes s'entrequereloient
 par ambition ou par haine particuliere,
 dont ils s'entrehaïssoient l'un l'autre :
 mais quant ils liront l'Histoire de ce Na-
 colabsov, il faudra bien qu'ils changent
 de note, & montent plus haut, reconnois-
 sans que telle rancune provient de la de-
 pravation du naturel humain, qui a em-
 praint dans nos cœurs ces boucfeux, qui
 les embrasent à discords, noises & dis-
 sentions. En quoy sagement ont philoso-
 phé ceux qui ont pour ce point préféré aux
 hommes les bestes brutes, lesquelles en

leur eſpece on voit bien peu ſouvent ſ'entremanger, d'où eſt venu cét ancien proverbe, qu'il fait fort mauvais quand on voit les loups ſ'entre-devorer l'un l'autre, qui devroit ſervir de reſus, pour retenir la rage de ceux, qui ſe couvrans de la peau d'humanité, ſont neantmoins pires, plus cruels & plus acharnez ſur leurs ſemblables, que ne ſont les loups, quelques furieux & rugiffans qu'ils ſoient. Meſmes ſ'il advient qu'il y en ait quelques-uns d'entr'eux, qui veuillent ſ'entremordre, les autres courent au devant pour les ſeparer & empêcher qu'ils ne ſe dépiecent miſerablement. De nier que quelques beſtes brutes ne ſoient ſujettes à mes-accord, ce ſeroit ſ'oppoſer à la vérité trop manifeſtement. Mais ſi de près on regarde, on trouvera que telle contrariété procede à cauſe de la grande fréquentation qu'elles ont avec les hommes, qui leur apprennent à ſ'entrepiller d'une horrible façon. Qu'on aſſemble tous les animaux enſemble, on ne trouvera point qu'ils égallent en cruauté les hommes, qui formez à l'image & ſemblance du Tout-Puiſſant, ſe deſfigurent à toutes heures. Là deſſus je ſçay bien que l'on a accouſtumé de dire, que la trop grande

familiarité qui est entr'eux, engendre les tourbillons de partialitez si frequens parmy la communication des hommes. Ce que je serois bien fâché de revoquer en doute, mais aussi d'attacher la cause des inimitiez seulement à la frequentation des hommes, seroit ternir la verité du present discours, qui nous representera un Roytelet des Cannibales, lequel tascha à nous surprendre & nous faire mourir, comme il avoit fait un mois auparavant à deux navires de Portugais, apres la mort desquels luy & les siens en firent de tres-bonnes Carbonnades, en la maniere qu'il vous est amplement discoursu dans ma Cosmographie. L'occasion qui le pouffoit à ce faire, a esté diversement remarquée par plusieurs, qui gasoüillent à tors & à travers ce que leur teste chante. Certains s'arrestent sur ce que les Espagnols avoient fait dix mille concussions, indignitez & oppressions aux contrées où ils pouvoient mettre le pied, & que ce barbare presumant que tous ceux qui approchoient d's terres de son obeïssance y vouloient Espagnoliser, ne vouloit leur permettre de découvrir & fleurir les commoditez, douceurs & fertilité du pais, qui eussent tout aussi tost

peu faire prendre envie d'y prendre terre ferme, & y demeurer. Les autres imputent cela à quelque furibonde & Barbaresque inhumanité, qui effrouchoit de telle façon ce géant, qu'il ne vouloit souffrir aucun près de ses marches qu'il ne le supplantât : qui est pour confirmer ce que cy-dessus j'avois commencé à dire, que les inimitiez entre les hommes sont tellement naturelles, qu'encore qu'ils ne se soient hantez, la naturelle corruption, dont ils sont cacochimiez par le peché, les surprend de telle façon, qu'il faut qu'ils s'entregourmandent l'un l'autre. Vous voyez la Tigresque cruauté de ce Barbare, qui apres s'estre saisy par ruses & subtils moyens de soixante sept Portugais, lesquels estoient dans ces deux navires, en firent une si horrible & execrable boucherie, que les Cannibales mesmes ne peurent se tenir d'en gronder si haut, que quelques Espagnols, qui apres mouillèrent là l'ancre, en entendirent des nouvelles. De son costé Nacolabson avec ses gens se retira sur la frontiere du Promontoire, craignant que ces Estrangers, pour venger la mort de leurs freres Chrestiens, ne vinssent charger sur luy & s'emparer du pais. Ce Promontoire avec

celuy du Lyon, qui est vulgairement appelé de Bonne-Esperance, qui est en la haute *Aethiopie*, est le plus signalé qui soit en la grand mer Oceane, & sont distans l'un de l'autre de dix-sept cens quatre lieues. Celuy du Lyon a trente quatre degrés de la bande du Sn, & celuy des Cannibales en a trois cens quarante, nulle minute, de longitude dix-huit, de latitude trente, comme plus amplement je déclare dans mon grand *Insulaire*. Or encore que cette region Cannibalesque soit fertile, & l'air y soit benin & gracieux, si entretient-elle des hommes les plus farieux; & au reste les plus adroits aux armes & hazardeux, qui soient depuis un Pole jusques à l'autre, tellement que les vaisseaux & mariniers qui abordent la terre & mouillent l'ancre aux havres, rivières & golfes, s'ils ne sont à couvert & rusez, se mettent en un tres-grand & encore plus eminent danger. Je puis en témoigner pour avoir par deux fois esté mis à l'épreuve de la furie de ces brutes, qui me donnerent la chasse si vivement, que ce fut tout ce que je pû faire que d'en degager ma vie, tant sont ces canailles acharnées, non point seulement contre les Chrestiens & estrangers, mais contre leur

propres voiſins & compatriots , ſur leſquels quant ils peuvent faire quelque priſe, Dieu ſçait comment ils feſtoient leur execrable penſe. Ceux des Iſles ne ſont ſi inhumains que ceux des terres continente, encore que de tous le meilleur ne vaille gueres davantage que rien. Il n'y a Iſle qui n'ait ſon Roy & ſouvent deux & trois , ſuivant & à proportion de l'eſtenduë de leurs limites. Il faut que je leve la niaiserie de ceux, qui eſcrivent par trop temerairement, que quand ces peuples ſe mangent les uns les autres, & quant ils prennent les enfans qu'ils les chaſtrent pour les engraiſſir, comme l'on fait icy les chapons & cochons. Je ne veux point les dementir par la preuve que je pourrois au contraire produire de ce que j'ay veu, eſtant en ce païs-là, aymant mieux les battre par l'experiance familiere à un chacun de ces quartiers, qui confeſſeront avec moy, qu'un homme chaſtré eſt le plus ſouvent ſaſque, ridé debiffé & maſſade, de maniere que ſi l'occafion pour laquelle ils les veulent faire chaſtrer eſt fauſſe, ridicule & abſurde, il ſ'enſuit que ce qu'ils ont fondé ſur cette illegitime raiſon eſt plus que trop eſloigné de la verité. Comme auſſi eſt ce qu'ils

disent des vieillards, lesquelles ils tuent & salent, comme cartiers de lard destiné à larder oiseaux, poisson & autres viandes. Quand je lis ces fadaïses, je me ressouviens du proverbe qui porte, qu'il est permis de mentir à un homme qui vient de loin, mais cela s'entend, s'il n'y a personne qui le puisse relever, lors qu'il parlera contre la vérité. Or laissant ces gentils plante bourdes; je reprendray nostre Roy Nacolabson, qui comme il estoit adonné à prendre tousiours quelque chose d'autrui, voulut se saisir d'un fort qu'avoient fait certains Espagnols au bord d'une petite riviere d'eau douce; mais il ne se sceut si bien donner de garde qu'après avoir tué beaucoup des assiegez, il ne receut un coup de fauconneau si adroit tiré, qu'il fut mis au nombre des morts. Son corps fut porté au fort, & fa teste à Seville; pour vraye assurance qu'il ne s'hazarderoit dorenavant à ravager sur les Chrestiens. Au reste son portrait que je vous represente icy, a esté tiré sur un pareil, qui fut fait par un peintre de Maillorque, tenant en main une maniere de dard, dont il se sçavoit tres-bien defendre. Et au lieu que les Sauvages portent des pierres vertes plates, les Can-


304 *Histoire des sçavans Hommes,*
nibales & ceux des rivières d'Orelane,
Vrabe & autres en portent de longues, à
la façon que vous les voyés icy. depeintes
au village de ce Roitelet, qui portoit trois
longues pierres, lesquelles pouvoient en
longueur avoir cemy pied pour le moins,
non pas qu'elles fussent fines, d'autant
qu'en ceste quatriesme partie du monde
dernièrement descouverte d'un Pole à
l'autre, il ne se trouue rubis, diamans, es-
meraudes, sapphis, ny Turquoises, si
elles n'ont esté apportées des Provin-
ces de la Chine, Malaca, Mangi,
Catalay, Isles des Moluques ou d'autres
retrés des Indes Orientales contenues
en l'Asie.







*SVLTAN MVSTAPHA ,
FILS DE SVLTan Soliman.*



*SULTAN MUSTAPHA;
fils du Sultan Solyman.*

CHAPITRE XXVII.



En'est point à tort qu'un certain personnage disoit, qu'il n'y a cause si injuste & mauvaise, qu'elle ne trouue toujours quelqu'un, pour la deffendre & maintenir. Pour prouue de son dire, ne faut aller aux Cours, la presse y est trop grande, la foule y mene si grand bruit, qu'il n'y a aureille tant bonne soit elle, qui ne deuit s'en estourdir. Il vaut mieux que nous entrons dans les cabinets de ces grands politics, qui pensent enfermer le gouuernement de tout le monde dans un boyau; lesquels assés mal à propos ont escrit, que la puissance outre-mesurée paternelle est tres-seante en vne Republique bien & Chrestienement gouvernée. Le fondement de cette puissance absoluë gist sur ce, qu'ils retiendront mieux leurs enfans dans les limites de leur devoir. : De maniere qu'à leur

Tome VIII. Cc

conte l'obeiſſance & crainte, que porteront les enfans aux peres, fera ſerüile, forcée & contrainte, au lieu qu'elle doit eſtre filiale, libre & volontaire. Mais quant ainſi ſeroit, que ceſtè apprehenſion de la peyne diuertiroit les enfans de mal-faire, n'y a il pas des loix, la juſtice & magiſtrat, qui pourront ſuppleer à ce que le deuoir de nature ne pourroit gagner ſur eux? où eſt-ce, qu'il y a plus d'aſſurance, de juſtice & equité aux Loix, ou à vn homme, qui peut eſtre agité & tourmenté de pluſieurs & diuerſes paſſions, lesquelles le tiraillent à droit & à gauche & le plus ſouuent le precipitent à dix mille forſaits, deſquels apres le coup il eſt bien deſplaiſant? Et c'eſt la raiſon, par laquelle Ariſtote en quelque part de ſes Politiques ſouſtient, qu'il eſt beaucoup plus expedient d'eſtre regy & gouverné par les Loix, que par l'incertaine volage-té d'un homme. Pour replique ie ſçay bien qu'ils ſont pyuot de l'amitié naturelle des peres enuers les enfans: Si eſt ce que encores qu'elle ſeroit centuplée, ſi ne pourroit elle touſiours ſi bien eſtre ordonnée, que la fureur d'une colere, chagrin ou deſpit ne la fit tresbucher à quelque excès, qui outrepaſſeroit les

limites d'une reprehension paternelle. Et ces grands Politiques, qui se font si grands Chrestiens, ie m'esbahis qu'ils ne se sont remis devant les yeux l'avertissement de l'Apostre, qui, apres avoir remonsté aux enfans le deuoir, qu'il doiuent à leur peres, ne conclud pas, qu'il faille que les peres, frapent dessus, mais il leur enjoint de n'estre point si aigres, & seueres, qu'ils allument dans le cœur de leurs enfans le feu de couroux. Donques encores que les Perles, Romains & autres peuples ayent vſé de ceste puissance, il ne faut pas conclure pour ce, qu'il soit permis aux peres Chrestiens de s'y desborder: autrement faudroit ramener en la Chrestienté le Paganisme; & ce qui a esté permis par les Loix Ciuiles. Encores donques que ce gentil Politicienne que les inconueniens ne peuvent empescher ceste puissance des-reglés des peres sur les enfans, si adionsteray-ie, pour plus ferme rampart aux preuues precedentes; le piteux & effroyable discours de Miftapha, qui, estant soumis à la rigueur d'une telle & si inique puissance, a fallu qu'il ait esprouvé la cruauté mesmes de Soliman son pere, au seul rapport de Rose femme d'iceluy Soliman, pour luy

308 *Histoire des sçavans Hommes*,
apprendre que la force de l'amitié pater-
nelle envers les enfans , ne peut estre
telle , que quelquesfois au prejudice d'i-
celle, les peres ne fassent quelque démar-
che. Or pour entendre tout le discours
de la presente Histoire , est à noter que
Solyman eut Mustapha d'une sienne escla-
ve , auquel il donna en son jeune âge la
Province d'Amasie. où sa mere l'emmena,
au grand contentement des sujets , qui
connoissans le bon naturel de ce jeune
Prince, le cherissoient & honoroient au
possible. Cependant Solyman devint
amoureux de cette Rose, fille d'un Juif ,
à laquelle appartenoit le nom qu'elle por-
toit , à cause de la parfaite beauté dont
elle estoit accompagnée, & pour les espi-
nes , rancune , haine & envie, dont elle
estoit entourée. Elle s'insinua si avant
aux bonnes graces de Solyman, qu'apres
avoir eu d'elle quatre fils mâles , à sça-
voir Mahemet , Bajazeth, Selim, Angir,
qui estoit bossu & petit de corps. Le le dis
pour l'avoir veu beaucoup de fois à la sui-
te de son pere , & Chrusite, qui fut femme
de Rustan Bascha. Sous voile de religion,
tant estoit consciencieuse cette bonne Da-
me, pour attraper la Souveraineté & Prin-
cipauté sur toutes ses compagnes du Ser-

rail, par Muchthy fit entendre à Solyman, que sans grand prejudice du salut de son ame, il ne pouvoit s'accointer par conjunction charnelle de cette Rose, qu'il ne la prit à femme & espouse. Si bien pratiqua l'affaire, que Solyman espris de son amour, la choisit entre toutes ses concubines pour l'espouser, apres l'avoir affranchie & luy avoir donné toutes les qualitez requises à une, qui doit tenir le rang & lieu, où il la vouloit placer. Elle n'eut pas plustost la Couronne sur son chef, qu'elle commença à bien brouiller les cartes, & machiner la mort du pauvre Mustapha, non point qu'il l'eut offensé, où que ses enfans fussent plus legitimes que luy ; mais pour autant qu'elle craignoit que par droit d'aînesse il ne voulut empieter sur ses enfans le sceptre Otthoman, non pas que les Loix Turquesques donnent quelque preference au droit de primogeniture, mais parce que Mustapha estant le premier des enfans de Solyman, estoit accompagné de tant de bonnes parties, que si la mort de son pere fut advenue, c'est hors de doute qu'il eut eu des partisans luy seul plus que tous les autres quatre. Cela fit que cette fine mine remua ciel & terre pour faire attraper

Mustapha, n'oublia à luy imposer toutes les calomnies, dont elle pût s'avifer, essaya de luy retrancher ſes revenus, & lui diminuer ſes Etats; & pour ne rien obmettre à ceux qu'elle pouvoit tirer en ſon deſſein, elle donnoit charge d'eſpionner, ſurveiller & remarquer tous les comportements de Mustapha, en faire de fort bons contrôles & procès, afin que ſ'il venoit à broncher, que ſon pere en fut adverty, & qu'il luy prit-envie de ſe deſſaire de ce Prince. Et comme les Cours des grands ne ſont jamais dégarnies de mouchards & autre telle vermine, auſſi trouva-t-elle à eſchange des flatteurs & médifans, qui guettoient tellement Mustapha, qu'il ne faiſoit aucune action, qu'auffi-toſt la Cour de Solyman n'en fut advertie. Ces menées toutesſois eſtoient ſi dextrement gouvernées par cette chatte ruſée, que ſans deſcouvrir qu'elle fut de la partie, elle faiſoit joier le rollet par Ruſtan ſon gendre, lequel, comme il luy eſtoit fort affectionné, elle fit avancer au manie-ment des grandes affaires de l'Empire. Cependant que le Baſcha Ruſtan joioit ſes jeux, cette poignante Roſe faiſoit fort ſouvent dans ſon Alambic ſycophantiſé conſommer ſon Mustapha, dès qu'elle

sentoit l'heure propre elle se ruoit sur luy, & ne manquoit jamais à trouver de quoy déchirer son honneur. Mais pour autant que cela n'aigriſſoit pas aſſez à ſon gré le cœur de Solyman à l'encontre de ſon fils ainſné, avec larmes aux yeux elle vint trouver ſon mary, luy remonſtrer le grand danger auquel il eſtoit, à cauſe de la perfidie & déloyauté de Muſtapha, qui avoit conſpiré à l'encontre de luy. Seul moyen qui luy ſembloit le plus propre pour faire ſortir de ce monde Muſtapha. Mais le coup ne fut ſi bien ioué, que Solyman, quelque colere qu'il fut, ne ſe retint encore ſur ſes pieds, ſe remettoit devant les yeux tant l'inclination naturelle de l'enfant envers le pere, que la difficulté qui ſe preſentoit pour l'exécution d'une ſi meſchante & maudite entrepriſe. Cette femme enragée de deſpit, voyant que le char qu'elle avoit jetté aux jambes de Muſtapha, n'avoit pû entre couper la ſuite de ſes deſſeins, elle ſ'advifa de luy dresser une trainée de poisons ſi vehemente, que ſans remiſſion il n'en pût eſchapper. Elle attira certains garnemens, qui ſe diſoient avoir charge de Solyman de luy preſenter quelques

312 *Histoire des Savants Hommes,*
habits, que ceste meschante Rose avoit
fait empoisonner, pensant l'attraper de
la façon que Deianire, fille d'Oeneus,
Roy de Calydon. & femme d'Hercules,
laquelle, jalouse que son mary estoit
amoureux d'autres femmes, luy envoya
la chemise baignée au sang de Nessus,
tant & si souvent recitée par les Poëtes,
non point qu'elle voulut le precipiter au
malheur, qui depuis luy survint. Tou-
tesfois apres qu'il l'eut prise sans aucun
remede, pour rappaiser l'aspre douleur,
qu'il sentoit de ceste chemise empoison-
née, se jetta dans un grand feu. Dont
Deianire fut tellement desplaisante,
qu'encores qu'elle fût innocente, de des-
pit elle se pendit aux fines deuant qu'Her-
cules fut mort. Mais bien eût besoin que
ceste afflicte Rose eut fait de mesmes,
mais elle vouloit imiter Clytemnestre,
qui, pour faire mourir son mary Aga-
memnon, n'eut autre moyen plus propre
que luy donner ceste chemise sans issue,
afin qu'ainsi encheuestré son adultere
Ægyfte eut meilleur moyen de le dagner
& assassiner de la façon qu'il fit, & comme
tres-bien l'a décrit cetres-grand & noble
Poëte Æschyle. Tous ces pieges, quoy
que tres-malicieusement ils fussent dres-

sez, ne sceurent faire perir Mustapha, qu'adverty par quelque destin, ainsi le faut-il bien croire, ne voulut vestir ces robes, que premierement il ne les eut fait essayer à quelques-uns de ses gens, qui souffrirent la rigueur du tourment, dont cette vilaine marastre avoit deliberé d'abolir la memoire de Mustapha. Merveilles de l'esprit enragé de cette Proserpine, qui avoit tellement la dent sur ce jeune Prince, qu'encore que par plusieurs fois elle ne pût venir à l'effet de ces mortels complots, ne pût jamais estre desgoutée de poursuivre l'extermination de ce pauvre Mustapha. Il faut bien croire que l'appetit de vengeance, quant il bouillonne dans l'estomach d'une femme, ait changé bien avant la partie interieure & substantielle du cœur, qu'il n'y a difficultés qui puissent empescher le cours d'une vindicative poursuite, ainsi que nous découvriront les menées de cette maudite femme, qui par de faux-donner à entendre, & poisons & raffins, ne pouvant terrasser du premier coup Mustapha, & voyant qu'elle ne pouvoit attraper à la Cour, elle prend encore les erres de ses impostures. Fait glisser des lettres qu'elle avoit tiré d'un Bascha, estably Lieutenant de la

314 *Histoire des ſçavans Hommes*,
Province Amaſienne ſous le Prince Muſtapha, qu'on fit tomber dans les mains du Baſcha Ruſtan expreſſement, pour l'afſeurance qu'avoit cette belle, que c'eſtoit le perſonnage le mieux fait à ſa poſte, & qui meneroit ſes deſſeins mieux à propos qu'aucun qui fut en toute la Cour. Le ſommaire de ces lettres portoît advis, que Muſtapha viſoit au Mariage d'entre luy & la fille du Roy de Perſe, qui eſtoit irremiſſiblement luy mettre la corde au col, à cauſe de la haine & inimitié capitale entre la maiſon des Otthomans & les Perſans. Que ſi la bourde eſtoit belle, auſſi n'oublierent-ils à mettre en jeu tout ce qu'ils eſtimoient pouvoir ſervir, pour rangreger le mal & envenimer Solyman à l'encontre de l'innocent Muſtapha, le depeignans comme le plus hautain & ambitieux qu'on eut ſceu penſer : Ils interpreterent la pratique de ce mariage ſi ſiniſtrement, qu'ils firent accroire au pauvre pere, que cela tendoit à empieter ſur luy la Royauté par le moyen des forces Perſiennes : Cela fut cauſe qu'en l'année 1502. Solyman dépeſcha Ruſtan, lequel particulièrement avoit ordre de mettre les mains ſur Muſtapha, le plus accor-tement & diligemment, avec le moindre

bruit que faire se pourroit , & l'emmener prisonnier à Constantinople. Que s'il ne le pouvoit prendre vif, à quel prix que ce fut, qu'il se faist de luy , plustost qu'il le tua. Mais ce voyage fut inutile , dautant que Mustapha adverty de cette venue , avec sept mil Turcs alla au devant , en bonne deliberation de luy payer l'usure de la peine qu'il prenoit pour le massacrer , & il y eut eu du chamaillis de part & d'autre, si Rustan, crainte d'estre chargé , n'eut tourné visage , sans attendre seulement que Mustapha se presentast devant luy. C'estoit bien loin de l'empoigner qu'il n'osa l'aborder. La raison n'est pas seulement à cause de la compagnie qu'il avoit, hardie & bien deliberée, mais pour autant que Rustan sentoit tres-bien, que si les deux armées eussent esté jointes ensemble , il se mettoit en danger de perdre ses gens , qui eussent beaucoup mieux aimé mourir aux pieds & au service de Mustapha , que suivre Rustan ; Dont neantmoins il fit fort bien son profit, pour autant que ce fut le voile, dont il se couvrit envers Solyman , & anima d'autant plus sa rage à l'encontre de Mustapha ; Lequel il delibera de poursuivre à feu & à sang, & pour ceteffer dressa une

bien plus puiffante armée l'année ſuivante, prenant toujours ce beau pretexte des incuſſions, bravades & entrepriſes des Perſans, & luy-meſme en perſonne voulut en eſtre le chef. Auſſi-toſt qu'il fut arrivé en Syrie, il manda à Muſtapha qu'il l'alla trouver à Alep, mais comme il avoit aſſez éventé l'envie qu'on avoit de luy jouier un mauvais tour, il ne ſ'aſſeuroit pas beaucoup d'avoir bonne & heureuſe iſſuë de ce que Roſe luy avoit fait comploter. De fait ſi ce jeune Prince eut daigné prendre advis aux advertiſſemens, que ſous-main & ſecretement luy donna le Baſcha Achmat, Solyma avoit beau mener ſi grande troupe de gens d'armes, d'autant que jamais n'eut ſceu avoir priſe ſur luy. Mais comme ce jeune Seigneur n'eſtoit ſi bien lettré & machiaveliſé aux affaires d'eſtat, il meſuroit l'affection de ſon père en ſon endroit à l'aune de l'honneur & amitié qu'il luy portoit, ne croyant pas que la hayne d'une maraſtre & la convoitiſe d'honneur ne permettroient qu'il fut mal traité. Quant à la maligne & depravée inclination de Roſe, par ce peu que j'ay cy-deſſus diſcours, on pourra connoiſtre qu'elle ſ'eſtoit bandée à l'encontre de Muſtapha. Joint que

chose n'est si sainte

En l'ame des mortels, qui puisse retarder

L'indomptable desir qu'on a de commander.

*Non la crainte des Dieux, & du grondant
tonnerre,*

Non l'amour que l'on doit à sa natale terre,

*Non des anciennes Loix le sceptre à tous
égal,*

Non la chaste amitié du lien conjugal,

*Non le respect du sang, non l'amour de bon-
naire*

Du pere à ses enfans, des enfans à leur pere,

*Ne peut rien contre un cœur, que le soin fu-
rieux*

De maîtriser chacun, maîtrise ambitieux.


Solyman ne peut aucunement estre esbranlé par le rapport, qui luy fut fait de ce que Mustapha conspiroit contre sa vie, d'autant qu'à l'exemple du grand Legislateur Solon, qui interrogé, pourquoy il auoit oublié la peine du parricide, fit responce qu'il ne pensoit pas, qu'il y eut homme tant detestable, qui voulut commettre vn acte si meschant, il ne se pouoit imprimer en la ceruelle que son fils eut daigné, non pas osé conspirer contre la vie de celuy, qui l'auoit engendré &

mis en ce mortel monde. Mais dès qu'il oüit parler de la haute piece de ſouveraineté, il ſe perſuada aiſement que ſon fils pourroit y aspirer, & pour ce n'oublia aucune perfidie & deſloyauté pour ſe raffermir en ceſte ambitieufe & trop eſſeüée preeminence. Doncques Muſtapha plus courageuſement que diſcretement ſe fiant à la pieté de ſon pere, vint vers luy à ſon mandement, ayant toutesfois au prealable interrogé ſon precepteur, ſçauoir s'il deuroit hazarder ſa vie à la mercy de ſon pere rebondissant d'une parricide vengeance. A peine fut mandé Muſtapha, qu'il ſe representa deuant ce cruel Solyman, qui rechargea dauantage ſon Tulban de ſouſpçons, que ſon fils, eſtant venu vers luy avec ſi grande compagnie, avoit envie de luy donner eſchec. Ruſtan de ſon coſté pouſſoit la rouë tant qu'il pouvoit, toutesfois n'oſoit ſe declarer ouvertement, ſçachant très-bien que de Muſtapha à luy la partie ſeroit par trop inegale; partant le traître qu'il eſtoit, faiſoit la meilleure mine qu'il eſtoit poſſible de penſer; & fit marcher au devant de Muſtapha les laniffaires & principaux guerriers qui fuſſent aupres du Turc. Cependant il ſe retira en la tente de Soly-

man, avec un visage refrigné à l'encontre de ceux, qui pour luy obeïr estoient allez au devant du fils aîné du Roy, les desavoïa, disant qu'à son insceu, contre son gré, & sans avoir charge de luy, ils avoient fait l'honneur à celuy, qui estoit mal veu de Solyman. Il faisoit tout cela pour tenir d'autant plus en bride l'un & l'autre party, à la fin neantmoins il manifesta la malignité de son courage, & tout à coup fit paroistre la perversité du poison qu'il tenoit caché dans son cœur. Le pauvre Mustapha, quoy qu'en visions & songes de nuit, il eut appris qu'il bastoit fort mal pour luy, entra en la tente de son pere. Mais il n'eut gueres avancé, qu'il apperceut incontinent, que son innocence & moyens, qu'il avoit tenus pour monstres à un chacun, qu'à tort & calomnieusement on luy faisoit croire qu'il avoit conspiré contre la vie. & l'estat de son pere, ne pouvoient le garentir du soupçon qu'on avoit sur luy, & que Solyman le vouloit miserablement faire mourir. Car estant entré au dedans du parvis, il n'y vit qu'un siege destiné pour luy, dont il fut fort estonné, s'assurant tres-bien que cela n'estoit appresté que pour luy jouer un mauvais tour. Il demanda où estoit le

Roy , auquel il vouloit parler, ayant eſté mandé par luy. On luy reſpondit que bien-toſt il auroit nouvelles de luy. Cependant il voit arriver de l'autre coſté ſept muets, deſquels le Turc a de couſtume de ſe ſervir pour faire aſſaſſiner ceux, auxquels il veut extraordinairement faire paſſer le pas. Ce qui plus l'eſpouvanta eſt, qu'il les voyoit approcher de luy fort furieufement. Ha, dit-il, c'eſt fait de moy ! Hé ! que je ſuis mal-heureux de m'eſtre ainſi ſié à la perfidie & deſloyauté de celuy que je devois reverer, & duquel j'eſtois tant aſſeuré, que j'eſtimois que pour mourir il n'eut voulu faire breſche au devoir de nature. Apres il eſſaya de ſe ſauver, mais ce fut en vain, d'autant que les Eunuques & gardes coururent apres pour l'attraper, & le tirerent au lieu deſtiné pour l'exterminer miſerablement. Et incontinent ces ſanguinaires muets attacherent à ſon col le nerf d'un arc, & quelque deſſence & reſiſtence que fit ce jeune Prince, pour retarder la miſerable cruauté, dont ces aſſaſſinateurs vouloient uſer en ſon endroit, jamais ne pût avoir le credit de parler à ſon pere, quoy que par pluſieurs fois il requit de pouvoir luy dire un ſeul mot, pour ſe juſtifier de la


Sultan Mustapha, CH. XXVII. 321
fausse calomnie dont on l'accusoit. Le
pauvre Seigneur estoit bien deceu, dau-
tant qu'il avoit affaire à son juge & à sa
partie, qui estoit tellement envenimé à
l'encontre de luy, que voyant que prom-
ptement ils ne le dépeschoient comme il
eut bien voulu, d'un courroux & furieux
visage commença à les tancer de ce qu'ils
n'accomplissoient en diligence ses com-
mandemens. Il les pressa si vivement, que
les Eunuques avec les sept meurtriers,
n'eurent rien de plus hastif qu'en la pre-
sence de ce pere tres-cruel verser Musta-
pha par terre & l'estrangler. Cette mort
aporta beaucoup de remuëmens en l'Estat
Turquesque : premierement elle causa la
mort de Siangi fils de Solyman & de Rose,
lequel voyant l'indignité que son pere
avoit fait à Mustapha, de peur de tomber
une autresfois sous la rigueur d'une telle
cruauté, luy-mesme se poignarda.







*PARACOVSSI, ROY DE
PLATTE .*



PARACOVSSI, ROY DE PLATE.

CHAPITRE XXVIII.



A y trois choses à observer principalement en la suite de ce discours. La premiere se rapportera au portrait de cét argenté Prince. La seconde sera touchant ce qui est remarquable en sa vie. Et la derniere de quelques singularitez qui sont à observer en cette contrée où il a commandé. Quand à son portrait je l'ay recouvré d'un matelot qui fit le voyage d'icelle riviere de mon temps, tirée au naturel, & suivant la façon qu'il avoit accoustumé d'estre habillé, portant une pierre bien polie au travers des narines, pour témoignage d'avoir fait beaucoup de massacres, ainsi que font les Roys de l'Amérique, s'incisent & découpent le corps devant & derriere, apres s'estre ensanglanté au meurtre de leurs ennemis. Et son corps estoit affeublé de quelques peau de bestes. Ce qui ne semblera estrange à ceux qui auront, sinon veu, au moins leu,

ou entendu les veritables diſcours de ceux, qui aſſeurent qu'ils ſont veſtus de telles peaux, qui ne ſont conroyées ou paſſées par l'induſtrie du peltier. De ma part je puis témoigner que telle eſt la verité, n'ayant pas ſeulement veu ſur autrui telles peaux, mais m'en eſtant moy-mefme ſervy autresfois. Les bouts des doigts luy ſont coupez, excepté les pouces, parce que ces pauvres gens ont de couſtume de ſe faire eſtronçonner telles extremitéz. A coſté de la teſte luy eſt attaché un plumage fort excellent, ſuivant la couſtume des païs, d'un oyſeau appelé de ces Barbares Hyona, qui eſt proprement un pigeon en langue Perſienne: Que ſi la taille du cuivre eut pû permettre qu'il eut eſté diverſifié des couleurs qu'il avoit, je l'euffe volontiers représenté pour recreer davantage l'œil du Lecteur: Touchant ſes faits valeureux, pourront en témoigner pluſieurs deſſaites, qu'il a fait de ceux, qui trop temerairement ont oſé attenter ſur ſon Eſtat, ou bien mettre le nez où il ne les appelloit point, comme de fait ces gens ſont jaloux de leur Eſtat. Pluſieurs qui ont fait grand bruit, ont reſſenti la roideur Patagonine de ce géant, qui ſembloit vouloir tranſpercer de part

en part le globe de la terre, quand il venoit à décharger quelque coup sur quelqu'un de ses ennemis? Lesquels il poursuivoit à telle outrance, que jamais il ne les abandonnoit, qu'il ne leur fit perdre terre. Je sçay bien que certains sçavans, ont essayé d'attacher l'heureux succès de ses entreprises, à je ne sçay quelle demon subsidiaire. Mais s'ils avoient entendu quelle peine ces Barbares reçoivent de leur Setebos, je ne crois point que pour flétrir la gloire de ce puissant & redouté Roy, ils daignassent mentir avec une impudence entierement effrontée. Quand au pais auquel il a commandé, on est d'accord que ç'a esté un pais fort plantureux & accompli en plusieurs benedictions, & que pour l'abondance des Perles qui sont conservées dans ce grand vaisseau de riviere, elle a esté appelée du Soleil, Plate ou Argentée, dedans laquelle entre les fleuves qui s'ensuivent, & lesquels sortent des monts de la region des Patagones, à sçavoir *Mecoretas*, *Xanex*, *Caramagna*, & *Carcarama*, qui toutes-fois ne sont du pourpris & enclos de la region Patagone, mais des Royaumes de *Chinca* & de *Charcas*, qui sont de la contribution de *Cusco*. Elle est au trente trois


326 *Histoire des sçavans Hommes*,
si fine degré nulle minute de latitude
Astrale, & se deborde tous les ans une
fois.







*HUSNAEL SOPHI, ROY
DE PERSE .*



*HISMAEL SOPHI, ROY
de Perse.*

CHAPITRE XXIX.



'I L y a Royaume, Estat ou Empire, qui ait esté giroüetté de divers changemens de Gouverneurs, c'est celuy de Perse, qui fut premierement empieté par Alexandre le Grand, qui dépouïlla Darie d'une telle Monarchie, qu'il avoit tenu l'espace de six ans, & bouleversa l'estat d'icelle en l'an du monde 3035. en la 1012. Olympiade, & depuis que Cyrus la ravit aux Medes 228 ans. Apres avoir demeuré esclave sous la main, tant des Macedoniens, l'espace de 293 ans, que des Arsacides durant 540 ans, & sous les disciples de Mahemet & Tartares par un fort long-temps, le Sophy empieta ce beau & ample Royaume l'an de nostre Seigneur Iesus-Christ 1478. ainsi qu'ont fort bien remarqué les Chroniqueurs, qui nous representent des proüesses émerveillables d'Assambey ou Vsumcassan pe-

re grand d'Hismaël, auquel nous avons voué la presente Histoire, qui de Despinacaton, fille de Carlo-jan Empereur de Trebizonde, eut un fils & trois filles : la premiere desquelles fut donnée pour épouse à Secaidar, pere du Sophy, qui mena forte guerre contre Rustan & Alamut son fils : Toutesfois il fut contraint de ployer sous le malheur, & fut occis malheureusement des siens à Derbent, sa teste coupée & donnée aux chiens pour la déchirer, tant estoient haïs les Sophiens par les Persans, que quelque part qu'on en sceut quelqu'un, il estoit impossible de luy sauver la vie. L'occasion de telle haine procedoit de ce que Secaidar avoit chassé de la Royauté ceux, qui par droite ligne sembloit succeder à lacub. De fait il y en a eu certains, qui ont pour cette occasion mal parlé du Sophy, le tenant pour un seducteur, qui par secretes menées s'empara gentiment du sceptre ; Mais ils ne considerent pas qu'après l'ulaver ceux qui commanderent en personnes estoient illegitimes & occupans le Royaume sans avoir droit. Et qu'ainsi ne soit, Bayfigir estoit l'adultere, qui avoit conspiré avec la fille du Seigneur de Samutra, femme de lacub Patissa, l'empoisonner

sonnement qu'elle donna à son mary & à son fils, dont elle mesme mourut avec eux. Quand à Rustan, il n'y avoit moyens qui fussent suffisans pour le faire preferer au gouvernement de Perse à Secaidar, qui ne pouvoit faillir qu'à faute d'hoirs Vsumcassiens, il ne fut appellé à la Couronne Persienne, comme gendre de ce grand Asfambey ou Vsumcassan, qui apres la mort de Tamerlan, qui environ l'an quatorze cens trois, delivra la Perse de la Tyrannie Tartaresque. Que si Secaidar a esté fort embrouillé en ses affaires, son fils Hismaël n'en eut pas meilleur marché, d'autant qu'apres l'assassin qui fut fait de son pere, les nouvelles retentirent plustost à ses oreilles, que trois fils qu'ils estoient n'eurent rien de plus hastif, que s'enfuir, l'un en Natolie; l'autre en Alep, & le troisieme en l'Isle d'Arminig; posés au lac de Vasthan ou Geluculat, qui est nostre Hismaël. Refugeié que fut là ce jeune Prince, il y trouva l'accueil inopiné, par le moyen d'un Prestre Armenien, qui se messant d'Astrologiser judiciairement, avoir contemplé la face & Physionomie de ce jeune Prince, trouva l'esperance de tant de graces & perfections si bien assurée par les traits de son visage & com-

position de ſon corps , qu'il prit toutes les peines qu'il pût à l'eſlever. Ioint auſſi qu'il faiſoit bien eſtat , qu'outre le preſage que luy donnoient ſes conſtellations & naturelles ſignifications, le Royaume de Perſe tomberoit entre ſes mains ſ'il pouvoit eſtre preſervé de la poursuite d'Amelut & qu'eſtant parvenu à la Royauté, il ne ſeroit méconnoiſſant de l'avancer, cherir & honorer. Pour cette occaſion il le tenoit ſecrer, de peur qu'on ne pût découvrir où il pouvoit eſtre reſſerré, tâchoit de le façonner au modele de la Chreſtienté: Mais comme l'ambition fuſſoit la cervelle de ce jeune Prince , il mit ſous le pied toute Religion, de laquelle il ne faiſoit eſtat, qu'autant que l'y ſemmonnoit le profit & avancement qu'il ſ'y promettoit. Cela fut cauſe qu'il ne pût gueres patienter avec ſon maître, encore qu'il l'honora grandement , & pour ſon reſpect fit pluſieurs careſſes , faveurs & courtoiſies aux Chreſtiens , apres qu'il eut pû recouvrer la Couronne Perſienne: Toutesſois ce ne fut ſans grandes peines. Car ayant pris congé de ce Preſtre il ſe retira à Chilan, où il ſe tint chez un Orfèvre, fort affectionné à la maiſon de ſon pere, & par ſon adreſſe fit ſous main

& secrettement entendre à ses amis, se tenans à Ardoüil, l'envie qu'il avoit de recouvrer sa liberté, lesquels il pratiqua si bien, que d'un commun consentement delibérerent s'eslever, pour vanger tant la deffaite qu'ils avoient receu à Derbent, que le massacre de Secaidar, auquel ils estoient d'autant plus affectionnez, qu'ils le reconnoissoient pour leur Prophete, lequel s'estoit distrait du Mahometisme, ne voulant permettre qu'on approuvât l'Alcoran, sinon de Haly gendre & neveu de Mahomet, lequel avoit dressé une nouvelle faction entre les Sectaires de la perverse doctrine du Mahometisme. Et à cause de ce point le nouveau Munster accompare Sécaïdar au Chef des Reformez, pour autant qu'ils ne reçoivent l'interpretation de la parole divine, qu'à leur guise, rejettans celle des Docteurs de l'Eglise Catholique, Apostolique Romaine, tout ainsi que se comportoient les Sophiens pour raison de l'Alcoran: Si la conclusion estoit pertinente, il faudroit dire, ou que l'Alcoran est bon, ou qu'il y a correspondance & simpathe, qui peut le symboliser avec la pureté de la sainte Esriture. Mais le bon homme ne

E c ij

332 *Histoire des sçavans Hommes,*
prenoit pas advis aux matieres de si pres,
mais en general, & sans le tirer en conse-
quence, vouloit faire rapport de ces refor-
mations. Au reste Secaidar, pour avoir
changé quelques particularitez du Ma-
hometisme, gagna si à propos le cœur des
Sophians, qu'il se rendit Seigneur & Mai-
stre du Royaume de Perse, & fut son fils
Hismael continué en la Royauté Persien-
ne, quoy qu'Alumut s'efforça de tout
son pouvoir de se tenir saisi de la suc-
cession, qu'il pretendoit à la Couronne
Persienne par le moyen de Rustan son
pere. Le premier exploit d'Hismael fut
du Chasteau de Maumutaga, duquel il
s'empara par surprise, & pour l'assiete de
la place, qui est imprenable, & les grands
tresors qu'il trouva au bourg, qui est au
dessus du Chasteau, eclypsa grandement
les desseins de son ennemy, qui n'osa
enuoyer armée pour assieger ceste for-
teresse, pour la crainte qu'il avoit d'y
perdre ses peines. Loint qu'il presumoit
de tenir en bride Hismael, auquel il au-
roit laissé prendre cét os, afin que s'amu-
sant à le ronger il ne prit phantaisie d'at-
tenter sur son estat. Mais, pour avoir côté
sans son hoste, il ne se trouva mesconté
que de la moytié: car Hismael de ce grand

tresor qu'il trouua, commença à gagner gens de toutes parts, pour faire leuée de soldats: si bien mania son affaire, qu'en bien fort peu de temps il vit à sa suite cinq ou six mil Sophians, au lieu qu'à la prise de Maumutaga c'estoit tout s'il pouuoit auoir deux cens hommes. Avec telles forces donna à Sumachia, cité grande & capitale du Royaume, deuant laquelle il n'eut tenu long-temps le siege, que Ser-mangoli Roy d'icelle, se voyant trop foible, pour soustenir le choc contre les Sophians, ayma mieux s'enfuir au Chasteau de Culistan, & abandonner la ville à la mercy d'Hismael, qui la prit, & débutin d'icelle en fit de beaux presens à ceux de son armée, lesquels par ce moyen il captiua tellement, que le bruit de ses liberalités & courtoisies s'estant espars, se rangeoient à son party tous les iours bandes fresches & nouuelles. Ce qui ne plaisoit gueres à Alumut, qui preuoioit bien que si tost que le Sophi seroit fort, il luy donneroit sur corne, & pource commença à assembler ses forces, comme fit aussy Hismael, qui enuoya vers Alexanderbey; Gurgurambey & Mirzambey, Roys d'Iberie, pour auoir secours d'eux, qui sous sa promesse, luy enuoye-

Cent chacun d'eux trois mil Cheualiers & iusques à six mil Iberiens, tous vaillans & hardis guerriers. Lesquels avec ceux qu'il auoit auparauant il fit marcher & tenir la campagne, dont Alumut, qui estoit ieune d'environ seize ans, commença à s'effrayer, oyant le grand appareil de son aduersaire, il vint à Tauris, & de la prit la route de Sumache, & entre ces deux villes se rencontrèrent, estans en fort bonne deliberation de s'entre-choquer l'un l'autre, mais le grand fleuve, qui faisoit barriere entre eux deux, les empescha pour quelque temps, iusques à ce que le Sophy trouua le gué, & de nuict, au desceu de l'ennemy, vint sur le point du iour charger si brusquement Alumut, qu'auant presque que ces gens fussent à peyne resueillés les Sophians en auoyent deffait la plus grand part, & eut passé sous le fil d'un tel carnage Alumut, s'il ne se fut de vistesse sauué à Tauris, qui quatre iours fut poursuiuy par Hismael. Lequel ne sceut choisir le fruit de la victoire, comme il appartenoit, d'autant qu'il s'employa à mille cruautés, ressentant plus vne nature desesperée à tout forfait, qu'une douceur & humanité Persienne. Je ne veux point parler de

la recherche qu'il fit du corps de Iacub & autres Seigneurs , qui demeurèrent en ceste tant signalée deffaitte de Derbent, dautant que le naturel instinct d'un cœur genereux , à parler en courtisan , le pouffoit à venger le tort , qui auoit esté fait à son pere , & par ce moyen excusoit la desmarche , qu'il pouuoit auoir fait d'ou-trepasser les limites de discretion. Mais d'auoir fait escarteler les femmes enceintes , leur ouurir le ventre , pour en tirer le fruit quelles portoient, c'est se bāder contre nature mesmes. Aussi apres la prise de Tauris il fit trencher la teste à trois cens putains publiques , mais c'étoient ieux de grands Seigneurs, qui ne plaisent qu'à ceux qui le font. Pour preuue de son inhumanité ie ne daignerois icy mettre en teste le massacre qu'il fit faire de quatre cens de ceux , qui estoient à la suite du Roy Alumut , puis qu'on pourroit me repliquer , que le peu d'affection qu'il portoit au maistre , l'enuenimoit à l'encontre ceux de sa maison : non plus que des chiens de Tauris qu'il fit tous tuer , encores que cela soit vn signe tres-manifeste de grande cruauté, qui en Egypte autresfois à fait haïr certains , pour s'estre ainsi brutalement & cruellement

acharnés sur bestes brutes. Il n'y a pas eu iusques à sa propre mere qu'il ne luy fit trancher la teste dans la cité de Tauris , à cause de quelques soupçons , qu'il eut d'elle , que par son moyen Secaidar auoit esté vendu traistrement & encore plus malheureusement massacré en ceste funeste & mal-encontreuse rencontre de Derbent , par ce que ce grand Seigneur, qu'elle auoit espousé , s'estoit trouué en ceste tant signalée affaire. De là ce pauvre desnatureé imprima en sa phauraisie , que cest- bonne mere , pour defrauder ceux , qui estoient descendus d'elle, de la succession, qu'ils pouuoient à cause d'elle pretendre en la Couronne Persienne , auroit espousé celuy , qui auoit aidé à assassiner son mary , pour luy faire tomber és mains la Royauté , comme escheüe à elle par droite ligne, estant fille d'Usuncassan , ainsi que nous auons desia touché cy-dessus. Telle cruauté, dont il vsoit, semble l'auoir guindé au plus haut esleué cheuet de sa gloire , & fit rabaisser les cornes de ceux qui luy faisoient teste : La pluspart desquels furent contrains venir luy faire hommage, se plier, quoy que ce fut bien à contre-cœur à ses commandemens , prendre le Caselbas,

ou Tulban au bout rouge , qui est la marque des Sophiens. Mais il y en eut vn qu'à de main ouuerte se descouvrit ennemy juré du Sophy. Ce fut Muratcan Soldan de Bagadeth , qui s'eleua pour le seul point de la Royauté, qu'il maintenoit luy appartenir comme au plus proche d'V-funcassan & habile à succeder. Quant ce fut à venir aux mains , des deux costez il y eut grande deffaitte : Cependant la victoire pancha du party d'Hismael , qui, n'ayant encore atteint l'an vingtiesme de son âge, emporta telle & si solennelle victoire il y a environ quatre vingts quatre ans près de Tauris , que de trente mil combattans, qui estoient en l'armée du Soldan de Babylone , à peine en peut-il rechaper un. Toutesfois son estat ne fut si bien affermé, qu'il n'y eut tousiours quelque clou qui alla mal droit. Ce que je ne dis pas à cause de la Province de Diarbech, qui ayant esté tousiours de l'obéissance des Rois de Perse , s'en trouvoit neantmoins déparcelée , puis que le Sultan Calib Seigneur d'Asanchif vint luy baiser la main , prit le Caselbas , & s'offrit pour luy estre humble & loyal , sujet & serviteur. Ce qui plût tellement à Hismael, qu'il luy confirma son Estat, &

338 *Histoire des ſcavans Hommes*,
luy donna ſa ſœur en mariage : Mais telle
priuauté ne dura gueres pour quelque de-
ſobeiſſance , qu'il fit au mandement du
Sophy : qui fut cauſe , que , tout ſon beau
frere qu'il eſtoit , fallut qu'il remit la
ſuper-intendance de la Prouince & les
Cités d'Asancuiſ & d'Amide à *Vſtagialu*
Maumuthey , lequel eſtoit venu de Natio-
lie , pour preſenter à ce Perſan ſon ſer-
uice , & charger le Caſelbas , & trouua
telle grace à l'endroit d'Hiſmael , qu'il
eſpouſa ſon autre ſœur. Où il ne gagna
pas beaucoup , dautant que tel mariage
ne ſeruit qu'à deſmanteler l'appuy de ces
Seigneurs , où viſoit de guet à pend le
Sophy. Apres qu'il eut de telle façon eſ-
parpillé les forces de ceux , qui luy pou-
uoient faire barbe , il équippa vne puis-
ſante armée alencontre des Aliduliens,
deſquels *Vſtagialu* n'eſtoit peu venir à
bout & ce pendant prie le Turc & l'Egy-
ptien ne ſe meſler point de cet affaire,
puis qu'il ne ſ'agiſſoit que de recouurer
les terres qui auoient eſté vſurpées ſur luy,
avec promeſſe au reciproque de n'entre-
prendre aucune choſe ſur leur eſtat. Il ne
fut pas pluſtot aſſeuré de ces deux Prin-
ces , qu'avec ſon armée en l'an mil cinq
gens & dix donna ſi rudement ſur l'Ali-

duli, que, si la grande froidure n'eut contre-miné ses forces, c'est hors de doute, qu'il se rendoit Maître de tout le pays. Si gagna il plusieurs villes & places fortes, où de sa main propre, comme il estoit fort enclin à cruauté, il commit des inhumanités incroyables. Il coupa luy-mesme la teste à Becaibey, fils d'Aliduli, à Alimulut son predecesseur, qui luy fut livré par le traistre Amirbey. Sur le renouveau il ne pût s'arrester qu'il ne chargeast Muratcan, Soldan de Babylone, qui s'estoit saisi de la grande Cité de Siras, Chef & Metropolitaine de Perse, mais cette poursuite fut sans effet, dautant que le Babylonien se sauva à Alep, & arrivé au fleuve Euphrates fit rompre les ponts, dont bien lui prit, car le Sophy lui avoit mis en queue six mil hommes. Quand à Sermandoli, Roy de Seruan, qui faussa l'accord qu'il auoit iuré à Hismael, il n'en porta la piene gueres loing, dautant que celle rebellion luy appresta matiere de courir sur son pays, & luy ôter la Seigneurie qu'il occupoit. Si bien le dompta que tous les Seigneurs & Roitelets de ce pays s'entre-presseoyent, à qui viendrait offrir son service au Sophy, & recevoir le Caselbas. Ne restoit que les Tartares,

340 *Histoire des sçavans Hommes,*
qui se faisoient entendre de pouvoir cul-
biter l'estat dressé par Hismaël : Si com-
mença leselbas Cam^{us} des Tartares avec
Vsbec de courir sur le pais de Corasan,
où ils ne gagnerent rien autre, qu'estans
pris en la bataille qu'ils perdirent à l'en-
contre de luy en 1120. il leur fit tran-
cher la teste à tous deux. Mais ne vou-
lut frustrer leurs enfans de leurs Seigneu-
ries, qui méconnoissans la grace qu'il
leur avoit fait, voulurent tramer une re-
bellion contre Hismaël. Qui fut cause
de faire de rechef armer le Sophy à l'en-
contre des leselbas, ainsi appelez à cau-
se des Tulbans verds qu'ils portent, au
lieu que les Persans les ont rouges, & les
Turcs blancs. Si rudement les tallonna
qu'il n'en demeura aucun. Or cependant
qu'il estoit empesché à reprimer leur fe-
lonnie, les Curdes qui se tenoient au
mont Bitlis, réveillèrent Sultán Selim de
venir donner dans son pais, tenans pour
chose tres-asséeurée qu'il estoit impossible
au Sophy de rechaper des griffes Tarta-
resques. Toutesfois le Turc ne gagna
qu'une courte honte, & n'eut esté la vail-
lance de Sinambey Bassa, c'estoit fait du
bagage & de l'artillerie Turquesque. Je
pourrois encore faire icy le recit de la

viétoire qu'obtint ce Sophy l'an 1534. à l'encontre de Solyman, qui estoit venu avec grandes forces pour engloutir tout le pais, ce qu'il eut fait s'il n'eut trouvé plus fin que luy. De fait se sentant le plus foible, se retiroit attirant tousiours l'ennemy au combat: Mais il ne vouloit y mordre, qu'il ne vit qu'à bon escient il pouvoit le joindre & défaire avec peu d'effort: Il amusa tellement le Turc, qu'il le rangea en un passage fort difficile, apres separa son armée, & envoya 60 mil hommes, qui à minuit reprirent d'assaut la ville de Tauris, prise par le Turc, qui y avoit laissé de grâds trefors & munitions: le reste donna si à propos sur la queue de l'armée du Turc, qu'apres avoir perdu en l'an 1534 près de la moitié de son armée, fut contraint de se retirer des terres du Sophy. En l'an 1549 ce fut luy qui donna secours au fils aîné de Solyman, qui voyant que son pere favorisoit plus son puisné, s'enfuit vers les Perfes; & quoy que Solyman eut une armée de cinq cens mil hommes, il ne pût rien gagner sur le Sophy, d'autant que la pluspart de ses gens moururent de faim, les autres souffrirent la rigueur du glaive, si bien qu'il fallut que le Turc fit encore retraite. L'année

342 *Histoire des sçavans Hommes,*
auparavant il subjuga le pais de Coras-
san qui s'estoit revolté de son obeïssance,
& fit un terrible carnage de ceux qui
avoient donné occasion de revolte, les
força de porter le Caselbas & de faire
profession de la doctrine Sophienne. Mais
qu'est-il besoin de s'arrester sur la parti-
cularité des conquestes & victoires de ce
grand Sophy, puis qu'à peine sçauroit-on
choisir Prince qui ait gaigné tant de vi-
ctoires que lui. Voila pourquoy il estoit
estimé comme un Dieu par les siens, com-
me ainsi soit que pour l'amour de luy ils
alloient à la guerre volontairement, com-
battans avec la poitrine & l'estomac d'es-
couvert, ils crioyent Schiac Schiac, qui
signifie en langue Persienne, Dieu, Dieu.
D'où est venu, qu'aucuns ont raporté ce
nom particulièrement & privativement
au Sophy, & de fait en ses titres il est
nommé Schiech Ismael. Il y en a eu cer-
tains, qui pour attiedir le furieux bouil-
lon de telle audace, ont dit que ce mot de
Schiech, ne devoit estre pris que pour
Prophete, & que le nom de Sophy luy
estoit principalement, non point privati-
vement escheu, d'autant que Sophy en lan-
gue Arabique signifie laine. Certains
Auteurs ont voulu attacher l'occasion de

son deceds à je ne fçay quelle fatalité
qu'ils attachent au bois qui s'apelle Ser-
vane. De ma part j'estime que pour s'e-
stre trop échauffé en cette chasse, il fut
attaqué de maladie, qui l'envoya au tom-
beau, au grand regret tant des siens que
de ses ennemis. De fait l'Empereur des
Turcs estant adverty de sa mort en fut
fâché.










QVONLAMBE C .



QUONIAMBEC.

CHAPITRE XXX.



LESIEVRES qui entendent parler des merveilleuses singularitez que Dieu départit en ces païs, qui neus ont esté il n'y a pas fort long-temps découverts, sont en bransle, s'ils doivent adjouster foy au raport qui en a esté fait par ceux qui ont voyagé par toutes ces regions & contrées inconnuës. Qu'il n'y ait occasion d'être ravy en nompareil ébahissement, on ne scauroit le nier, soit qu'on prenne advis aux choses qu'ils ont communes avec nous, qui encore qu'elles ne soient si subtilement agencée, comme la dextérité Européee peut les affiner; si ont-ils, quand au fonds, de quoy ravir en admiration ceux qui s'estiment les plus haut bupez: Lesquels encore se trouveront plus loin de leur conte, quand ils apprendront, qu'en plusieurs choses les Afriquains nous surpassent. Je couleray sous silence la fécondité du païs, quoy

346 *Histoire des sçavans Hommes,*
qu'elle n'appreste que trop de merveilles
ébahissement, pour raison des graces que
Dieu élargit en si grande quantité à ceux
qui sont épars parmy ses contrées, les-
quelles il a doué de telles excellences,
que quelques fois & ignorans, qui n'ont
pû apprendre que le Tout-Puissant fait
luire son Soleil aussi bien sur les méchans
comme sur les bons, ont essayé de con-
trôler les liberalitez de l'Eternel, qui a
arrosé d'une infinité de benedictions la
quatriesme partie de ce monde. Mais ce-
la n'est par maniere de dire que bien peu
au pris des graces dont il a émaillé les ha-
bitans de ces quartiers là, qui éloignez du
vray Soleil de lustice, la clarté duquel ils
n'ont sceu appercevoir que bien grossie-
rement, ont neantmoins esté fleuronnez
de raretez fort exquisés, appartenantes
tant au corps qu'à l'esprit. Je ne veux
produire pour preuve de mon dire que cet
effroyable Quoniambec, duquel je puis
parler pour l'avoir veu, ouy, & assez à
loisir remarqué à la riviere de lanatre, où
le Seigneur de Ville-Gagnon nous avo-
fait arrester, laquelle est posée sous le tro-
pique du Capricorne, à vingt trois degre
& demi de l'Equateur, & soixante six d'
grez & demy du Pole Antarctique. En qu

s'est mépris celuy, qui s'arrestant peut-estre sur le calcul de Lery, ou quelqu'autre enjolleur, mal à propos l'a voulu ranger à vingt & trois degrez du Pole Antarctique. Comme ce personnage estoit sur tous les autres du pais remarquable, tant à cause de sa procerité gigantesque, pour l'éminence du degré qui le faisoit paroistre par dessus les autres, de fois à autre estoit appellé par nostre Chef, pour, conferant avec luy découvrir ce qui estoit à priser & rechercher. Ce demi geant avoit un corps gros & grand à l'avenant, robuste au possible, & qui sçavoit bien à propos se servir de sa force corporelle, que la principale épreuve qu'il en faisoit, estoit pour dompter ses ennemis, & les ranger au ply de son obeissance. Je me souviens avoir en quelque part de ma Cosmographie escrit, que celuy duquel ie represente icy le portrait, tel que je l'ay apporté de ce pais-là, portant en ses deux jouës deux pierres vertes, & une au bout du menton, estoit si puissant, qu'il eut porté un muid de vin entre ses bras, & que pour estonner ses adversaires, il prit deux gros fauconneaux, qu'il avoit osté par force d'un navire Portugais, qui pouvoient jeter le boulet aussi gros qu'un esteuf, &

348 *Histoire des sçavans Hommes*,
les mettoit sur ses espaules, tournant la
bouche de ses canons vers ses ennemis,
lesquels dès qu'il sentoit approcher com-
ment il doit à l'un de ses gens mettre le feu
à ses pieces, lesquelles déchargées en
prenoit encore d'autres, jusqu'à ce qu'il
les eut fait écarter. Histoire qui n'est pas
commune à un chacun; mais à ceux qui
ont bon nez, leur sera aisé de croire qu'il
est possible, veu la grosseur & force de
son corps, qu'il ait peu faire tel effort. Et
neanmoins de Lery, qui se fait accroire
avoir ensermé dans l'escaille de son hui-
tre tous les secrets de ce nouveau monde,
ne daigne se persuader, que ce Sauvage
ait pû charger de telle façon ces deux
pieces, sans crainte de s'écorcher, ou plu-
tost d'avoir les espaules interessées par
le reculement de ces pieces. Je ne dai-
gnerois le battre par l'experience, puis-
que je sçay bien qu'il n'a point veu ce-
luy duquel nous parlons, & que par-
tant il ne voudra s'humilier à raison sans
l'experience, qui seule fait sage les fols.
Et afin que je ne subtilise point trop par
raisons Philosophiques, je ne veux em-
ployer pour sujet de ma preuve que Lery
mesme. Premièrement je supposeray,
qu'il a composé ces livres, qui luy sont


attribués du siege de Sancerre, & du voyage fait en l'Amerique, encore que tous ceux qui le connoissent, ne puisse croire que tels ouvrages soient sortis de son estoc, & entr'autres Monsieur de l'Epine, qui a demeuré douze ans en ces pais-là, & du temps mesme de Lery. En apres je pourrois avec plusieurs autres vendiquer plusieurs pieces qu'il a pris des labeurs d'autrui; mais afin que je ne forme icy un nouveau incident, je seray content que par souffrance on luy alloie les œuvres qu'il s'approprie. Moyennant aussi qu'il demeure d'accord, ce qu'il ne scauroit me refuser, qu'un mécanique, tel qu'a esté Lery, n'est pas si bien formé à coucher par escrit: comme sont les discours qu'il s'est fait ébaucher par autrui: Mais afin qu'il ne pense point que je n'aye autre chose à luy opposer que l'inhabilité de sa profession, voyons s'il n'a rien escrit dans ses livres, qui soit plus incrovable des trois quarts de l'Histoire de Quoniambec. Il a esté tellement effronté, que surtant la signification de son nom, il dit, qu'en langage Sauvage il signifie une huitre, qui est une manifeste menterie. Toutesfois quand ainsi seroit, si n'est-il pas si grand qu'il se fait, d'autant que c'estoit une

350 *Histoire des sçavans Hommes,*
huitre, renfermé non point entre ses
deux escailles naturelles, mais dans le
fort de Coligny, où le Sieur de Villegai-
gnon le renferma. Quedirons nous de ces
prodigieuses Tortues, qu'il a forgé sous
la Zone torride, d'une telle & si effroya-
ble grandeur, qu'une seule peut suffire à
nourrir quatre vings personnes, (qui
n'auoyent pas peur estre enuie d'en man-
ger) & qu'une seule coquille peut couvrir
une maison logeable: ie ne croys point
qu'ils les destine à l'usage des hommes,
mais plustot de mouches & telles autres
moindres bestelcttes. Or laissant ses grā-
des baleines, crocodyles de cent pieds
de long, & le reste de ses fabuleuses bali-
uerneries, ie retourneray à nostre Quo-
niambec, qui estoit vraiment fort re-
douté par les Margageas, Portugais &
autres siens ennemis pour la roideur &
force de son massif & grand corps: Mais
encores plus estoit il craint pour la pru-
dence, qui l'accompagnoit de si bonne
grace, qu'à mesme coup il enuelopoit
ses ennemis dans ses peaux de Lyon & de
renard. Au reste, comme j'ay remarqué
au chapitre huictiesme du vingt & vnief-

me liure de ma Cosmographie , il estoit rayonné de plusieurs vertus , & n'estoit des plus aduersaires à pieté , s'accordant au point de l'immortalité de l'ame . & prenant plaisir à nous veoir faire exercice de nostre religion : mesmes se prosternoit-il à genoux avec nous , quant nous prions. C'estoit le plus grand vanteur, dont i'aye iamais ouy parler , & qui asseuroit auoir deffait plusieurs milliers de ses aduersaires. De fait son palais estoit par dehors tout garny & bordé de testes de ses ennemys. Le territoire de son obeissance estoit de mon temps fort peuplé & borné de montaignes & riuieres, qui ont fait donner le nom à la riuiere de Vases , dautant que la sei lonnant on voit des coupeaux de monts & rochers, naturelement representans la forme de vases faits à l'antique & à la moderne, de mesmes qu'au Reuermont entre Chastillon & Colonges on appelle le Pont aux oules , dautant qu'à veoir les rochers entaillés & façonnés à la mode de tels vaisseaux qu'en ces pays là ils appellent oule du nom Latin *olla* , on diroit que le Rhosne , qui s'entonne là au pied de la

352 *Histoire des sçavans Hommes,*


Credote, bout à la façon d'un pot ou mar-
mite.







*PARAOVS TI SATOVRIO
NA, ROY DE LA FLORIDE.*



PARAOVSTI SATOVRIONA,
Roy de la Floride.

CHAPITRE XXXI.



A Floride est assez célébrée par les Historiens, qui ont décrit les particularitez d'icelle, prenans exemple sur la fleur qu'elle porte en son front, qui étant toujours verte & épanouie, a acquis à cette contrée le nom de Floride : Laquelle fut découverte en 1512, par un Espagnol nommé Jean Ponce de Leon, lequel recherchant une fontaine de Iouvence, découvrit la terre ferme de la Floride, qui est une pointe de terre à la semblance de l'Italie, entrant en mer plus de cent lieues : & la pointe d'icelle est à vingt cinq degrez de latitude vers le Pole Arctique. Ce pais est fort riche de plusieurs Isles & rivières, entre lesquelles est fort renommée celle de May, tant à cause de la découverte qu'en fit le Capitaine Jean Ribaud le premier jour de May, qui luy a fait retenir ce nom de May, que pour les

354 *Histoire des sçavans Hommes*,
raretez dont elle est fort abondante. Je
laisseray l'impieté & cruauté qui fut exer-
cée par les Espagnols sur ce Capitaine
Normand, d'autant que tel recit ne pour-
roit reserrer & guerir une telle & ensan-
glantée playe. Joint aussi que le Capitai-
ne Gourgues du depuis vengea assez ce
massacre, reprit sur les Espagnols le fort
de la Carline, que Ribaut avoit fait, &
nommé du nom de son Roy Charles IX.
Il vaut mieux, que m'arrestant sur cette
riviere de May, je represente ce Paraou-
sti Satouriona, qui est nommé par d'autres
Satiroa, homme de tres-grand cœur, &
qui avoit affaire à forts & puissans adver-
saires, au reste fort recommandable à cau-
se de son hospitalité à l'endroit du Capi-
taine Gourgues & sa compagnie. Telle
affection portoit-il au nom François,
qu'ayant découvert la Flotte de Gour-
gues, soudain accourut à eux, s'écriant
d'assez loin *Antipola Antipola*, avec toutes
les caresses dont il pût s'aviser, leur fit le
meilleur accueil qui luy fut possible, avec
deux de ses enfans, aussi beaux & puis-
sans personnages qui se puissent trouver
en toute la terre. L'aîné se nommoit
Atore, homme parfait en toute beauté,
prudence & contenance honeste, l'un des

doux, humains & traitable Prince qui fut en toute cette contrée. Apres qu'ils se furent enſemblement par preſens & familières conférences entrecareſſé, ce Roy découvrit au Capitaine François quels ennemis il avoit, à ſçavoir Timagoa & Olata, Ovaë Outina deux tres-puiſſans Rois, qui en avoiēt pluſieurs autres voïez à leurs ſecours: meſme Olata avoit ſous luy huit vaffaux, à ſçavoir Cadecha, Chilaly, Eſclavao, Eucape, Calanay, Onachaquara, Onittagua, Moquoſo & Aquera, outre Molona & plus de 40 autres, qui luy eſtoient alliez & amis. De ſa part il n'eſtoit pas gueres plus mal appuyé pour faire teſte à une ſi formidable force, rât pour ce qu'il pouvoit luy-meſme faire, qu'auffi pour le ſecours de trente autres Paraouſtis qui eſtoient ſous ſon obeïſſance: Deſquels il ſe tenoit autant aſſeuré que de ſoy-meſme, tant pour le devoir d'alliance, que pour l'inimitié que la pluſpart d'eux avoient à l'encontre d'Olata, Ouaë Outina; & entr'autres *Onatehaqua* & *Houſtagna* Seigneurs puiſſans & abondans en richelſſes, & principalement *Onatehaqua*, qui commandoit à des païs abondans en toutes choſes. Sur tous les autres il ſ'aſſeuroit de Potanou homme cruel en

356 *Histoire des ſçavans Hommes*,
guerre, qui particulièrement avoit une
dent contre ce grand Olata, pour les al-
garades qu'il recevoit à cauſe des pierres
dures, deſquelles ils armoient leurs flé-
ches, & ne pouvoir en avoir que derrière
les terres de ſon obéiſſance. Quand à ſes
dix freres, l'injure faite à Satouriana ne
pouvoit qu'elle ne les touchaſt, tant pour
la ſujerion qui les obligeoit à ſe reſſentir
du tort fait à leur Seigneur, qu'auffi pour
la fraternelle conjunction qui les tenoit
tellement unis, que la playe de l'un reſ-
pondoit à tous les autres. Toutes
ces forces, encore qu'elles fuſſent fort
puſſantes & effroyables, ne pouvoient
aſſeurer Satouriona de la victoire. Pour-
tant ayant rencontré cette flotte Fran-
çoïſe, delibera de l'oppoſer à ſon Olate:
Leſquelles eſtoient tellement redoutées
par ces pauvres Barbares, que le Paracouſi
ou Parouſti Allycamany, ayant veu le mer-
veilleux degaſt qu'avoit fait un foudre
qui tomba du Ciel le 26 Aouſt, envoya vers
ce Capitaine Gourgues ſix Indiens, qui
apres luy avoir fait quelques preſens fi-
rent entendre le deſir qu'avoit Allycama-
ni leur Seigneur de traiter amitié & al-
liance avec luy. Trouvant au reſte eſtran-
ge, attendu l'obéiſſance qu'il portoit aux

François, qu'ils eussent tiré vers sa demeure la cannonade qui avoit brulé une infinité de verdes prairies, & approché si près de sa demeure, qu'il croyoit voir le feu en sa maison. Encore qu'ainsi soit, & que les Payens n'ayent pas davantage apprehédé la foudre de Jupiter, que faisoient ces pauvres Floridiens les terribles esclats de ces canons; ie ne puis croire qu'à cause du refus que luy fit le Capitaine Gourgues de luy tenir escorte cõtre Thimogoa, ainsi qu'il avoit promis, Satouriona ait esté amy des François: Mais il ne consideroit pas que les Capitaine Vasseur, le sieur d'Ottigny & quelques autres François, avoient desja éventé les tresors qui estoient en ces quartiers, qu'ils en avoient apporté de beaux presens, promesse & assurance d'avoir de grands biens, s'ils se vouloient employer au secours du moindre des Rois sujet au grand Olata. Cela lia tellement les mains aux François, qu'apres avoir jouié fort long-temps au double, furent contraints de découvrir à Satouriona le peu d'envie qu'ils avoient de luy aider, dont il fut fort indigné. Partant delibera de passer avec dix autres Paracousts contre Thimogoa. Avant toute oeuvre se fit apporter de l'eau; Ce fait

358. *Histoire des sauvans Hommes*,
jettant la veüe au Ciel, se mit à discourir
de plusieurs choses, ne monstrant rien par
ses gestes qu'une furibonde colere. Ayant
fait cela par l'espace de demie heure, il
versa avec la main sur les testes des dix
Paraoustis quelque portion de l'eau qu'il
tenoit en un vaisseau, & ietta le reste,
comme par furie & despit dans un feu, le-
quel estoit là dressé tout exprés. Apres
plusieurs autres ceremonies il s'embarqua
avec ses Almadies, & dès le lendemain
deux heures avant le Soleil couché, il arri-
va sur les terres de Thimoa, desquels il fit
une terrible deffaite. Ses gens emporte-
rent leurs testes, & en couperent tout le
tour des cheveux avec une partie du tais.
Ils emmenerent 24 prisonniers, desquels
Satouriona en eut treize. Dont le Capi-
taine Gougues ne fut pas plustost adver-
ty, qu'il luy envoya un soldat pour luy de-
mander deux de ses prisonniers, qu'il re-
fusa fort arrogamment, qui fût cause qu'a-
vec vingt soldats il entra dans la sale de
Satouriona sans le saluer, où apres qu'il
eut demeuré demie heure sans parler, cō-
mança à dire qu'on luy amenaist les pri-
sonniers : Lesquels apres quelques delais
Atore fils de Satouriona alla chercher, &
furent amenez au Capitaine Gourgues,

qui les emmena quant & foy. Satouriona
faſché de cela chercha les moyens de ſe
venger, & cependāt ne laiffa de renvoyer
Ambaffades vers les François, avec deux
panniers pleins de groſſes citrouilles. Aux
Indiens le Chef des François fit entendre
qu'il avoit envie de moyenner un accord
entre ceux de Thimogoa & le Paraouſti
Satouriona : Attendu qu'eſtant allié avec
les Rois de ces quartiers-là, il auroit paſ-
ſage ouvert contre Onathagua ſon ancien
ennemy, lequel autrement il ne pouvoit
combattre. Mais eſtant d'accord enſem-
ble ils pourroient aifement deffaire leurs
ennemis, & paſſer les confins des rivières
Meridionales. Pour ſ'aquiter de ſa pro-
meſſe il dépeſcha le Capitaine Vaſſeur, le
Seigneur d'Arlac & ſept autres ſoldats
vers Olate Ovaë Outina, auquel par eux
il renvoyoit ſes priſonniers : Dont il fut
fort joyeux, & encore plus qu'ils ſe trou-
verent là pour combattre le Paraouſti Po-
nona, lequel Olate fit charger de ſi vive
façon par 200 des ſiens & nos harquebu-
ſiers François qui eſtoient en teſte, que la
viſtoire lui demeura.

Fin du huitieſme Volume.









